


BIBLIOTECA NAZ.

XXV*

B

67

NAPOLI



~~111~~

111

116.
74.
50.

116.
74.
50.

CHRISTIANI FALSTERI
AMOENITATES
PHILOLOGICÆ,
SIVE
DISCURSUS VARII.



AMSTELODAMI,
APUD ADRIANUM WOR,
& hered. ONDER DE LINDEN.
E. Piccioli M DCC XXXII. a Nanellij



STATION

1910

1911

1912

1913

1914

1915

1916

1917

1918

1919


1920

ILLUSTRISSIMO
ATQUE
GENEROSISSIMO
OTHONI TOT,

S. R. M. DAN. ET NORVEG.
A CONSILIIS STATUS
ET JUSTITIÆ,

NEC NON

A RATIONIBUS CAMERÆ,
FAUTORI BENIGNISSIMO,

uanquam non est
TIBI, Illustrissi-
me Domine, quò
probare possis, me in ære
Tuo esse, non Tabula,
non Chirographum, non
Testis: injuriæ tamen ge-
* 2 nus

nus quoddam esse puto,
patrimonio illi gratiæ &
honoris, quod TUI TI-
BI reliquerunt, fraudem
facere. Scilicet illustres
TUI Majores quondam
beatos meos multiplici offi-
ciorum genere ornârunt,
quorum certio rem memo-
riam per maturum parentis
mei obitum ad me non per-
venisse doleo. Nihilo mi-
nus quum hanc ipsam me-
moriâ, quam puer a
beata matre accepi, in a-
nimo meo diligentissime
in sculptam ad hunc diem
circumfero; atque quum
alium Lapidem, qui fide-
liter

liter eam custodiat , non
habeo, quàm Chartaceum,
Stylum non alium quàm
plumeum : accipe , quæ-
so , Generosissime Heros,
hoc *Tertium* S E R M O -
NUM meorum *Volumen* ,
tanquam pium devotissimæ
meæ erga Majores T U O S
observantiæ monumen-
tum : accipe hanc Episto-
lam , tanquam Inscriptio-
nem , universæ gentis
TOTTIÆ virtutibus , &
privatis in meos beneficiis
dedicatam. Venerentur
Ægyptii veteres suum
THOTH : Marmore ex-
ornet priscus ille Romanus
* 3 suam

suam TOTIAM, *Priscæ*
filiam: multò sinceriore in
honore apud nostrates e-
runt vel unus Tuus do-
ctissimus Avus, OTHO
TOT, (de aliis taceo) vel
una immortalis TOTIA
nostra BIRGITTA, ut
de BEATA atque AN-
NA, heroidibus litterarum
gloria per omnem poste-
ritatem florentibus, nihil
nunc dicam. Quibus qui-
dem avitis imaginibus
quum Tu, Illustrissime
TOT, præclarum atque
condignum lumen affers,
(nihil profecto blandior:
testes sunt Academia ex-
teræ

teræ , testes bonarum ar-
tium Professores domesti-
ci , testis opera , quam pa-
triæ præstas) non est quod
mireris , si , quod TUIS
defunctis debeo , TIBI ne-
poti solvere malim , quàm
ingratus mori , & debito
majorum meorum renunci-
are. Ceterum si vel maxi-
mè nullus TIBI ayus esset,
cujus ex meritis TU fru-
ctum aliquem honoris me-
tere posses : ea tamen in
gloria Virtutes TUÆ ,
TUA studia sunt , doctis-
sime HEROS , ut Natu-
ræ pro TE , TIBI pro Na-
tura gratias debeam ; Natu-

*

4

ra,

ra, inquam, quæ utilem
TE civem nobis, benignum
Fautorem mihi dedit: TIBI, qui acceptas
ab illa dotes in ornamen-
tum patriæ & civile &
litterarium gloriosè con-
vertis. Quo fit, ut op-
timus quisque felicitatis
nostræ communis æsti-
mator quam honorificen-
tissimè TE colat, vix
verò quisquam honorifi-
centius quàm.

Devotissimus Tuus

CHRISTIANUS FALSTERUS.

ILLUSTRISSIMO

ATQUE


GENEROSISSIMO

OTHONI DIETERICO,

Comiti de SCHACK,

Hæreditario Domino in *Gram & Seekamp*,

S. R. M. DAN. ET NORV. MAGISTRO
CUBICULI, PATRONO BENIG-
NISSIMO.

 *Uod* TIBI pretiosior TUA
sepellex est, id mihi TUA
benignitas, TUUS favor
est, ILLUSTRISIME COMES:
quocirca non est quod mireris, si dili-
gentis patrisfamilias instar TUAM
erga me Voluntatem quam maximo o-
pere custodire sagatam. TU ab ineun-
te etate pro nativa indolis TUÆ man-
suetudine nullò non studii genere me in-
dig-

dignissimam prosequutus fuisti: ego vicissim gratô animô sæpius iterumque agitavi, quo pacto ex privatis TUIS de me meritis publicum aliquem laudis & gratiæ fructum in Agello meo metere posses. Qua in re cum aliam invenire viam mihi non licuerit, nisi frequentem illam & jam multis seculis tritam, ut scriptores Patronis suis sua ingenii monumenta inscribant, patere, supplicem obsecro, ILLUSTRIS- SIME COMES, sublimi TUO Nomini humile hoc Volumen dari, quod ex animo gloriæ TUÆ deditissimo offero

ILLUSTRIS- SIME TUÆ DIGNITATIS,

Cliens Devotissimus.

Ripis Cimbr.

21. Kal. Sept.

1610ccxxxi.

CHRIST. FALSTERUS.

INDEX

I N D E X DISCURSUUM.

V O L. III.

I. DE Nonnullis, quæ placent in Adversariis.	Pag. 1
II. Criticus Heautontimorumenos.	7
III. De Recentiorum quarundam Inventionum Commodis minus Commodis.	14
IV. Conciuncula Philosophica super Gentilium AMORE in DEUM & PROXIMUM.	20
V. De Barbara seculi nostri Eloquentia.	33
VI. De Titulo, REX REGUM.	42
VII. De Prodigioso Calculatore Sueco.	45
VIII. Jannes & Jambres.	52
IX. De Auctoritate Principis in Judicia Civium.	58
X. Conspectus AULÆ Veteris ROMANÆ.	64
XI. Επιγραμμα Pauli.	77
XII. Casus Conscientiæ Litterariæ.	82
XIII. Acta Convivii cujusdam Philosophici.	91
XIV. Ambitiosum Cadaver Philosophicum.	97
XV. De Superstitiosæ Pictatis Servitute.	101
XVI. De Senectute Mundi.	106
XVII. Num Sacerdotes a plebe eligi fas sit?	112
	XVIII.

INDEX DISCURSUUM.

XVIII. Plaustrum Convitiarum, five de Appellationibus Probrosis Veterum.	116
XIX. Num Lupanaria in Rep. ferenda sint?	123
XX. Quæsitæ super Lege XLIII in Jure Municipali Civitatis Ripensis.	129
XXI. De Pretio Rei librarie apud Veteres.	133
XXII. De Gladio PETRI.	138
XXIII. De Magia Aulica.	143
XXIV. Excerpta ex Legibus CHRISTIERNI II, Regis Dan. &c.	149
XXV. De Festis quibusdam Puerorum.	155
XXVI. De Pœnis Librariorum.	161
XXVII. De Injuriis quibusdam Christianorum in Gentiles.	167
XXVIII. Iter per Lunam.	177
XXIX. Μη καταδικάζετε — Luc. VI, 37.	183
XXX. De Vera Animi Magnitudine.	189
XXXI. De Κριτικῷ Christiano, five Comparatio Pietistarum, quos vocant, & Cynicorum veterum.	192
XXXII. De Præputiis Doctorum circumcidendis.	199
XXXIII. De Præstantia Sapientie Popularis.	203
ADMONITIONES AD INTERPRETES A. GELLII.	211

CHRI.

CHRISTIANI FALSTERI

DISCURSUS I.

De nonnullis, quæ placent in Adversariis.

AD magnifici cujusdam Viri mensam
nuper sermonem nobis severat. per-
nota illa Episcopi quondam Haf-
niensis *Jo. Baggeri*, hominis cru-
ditissimi, ad Augustissimum CHRISTIA-
NUM V. Epistola, in qua acerrimus ille
religionis patriæ vindex ad præsidium *Refor-*
matae gentis in aula dejiendum, ad molitio-
nem ædis sacrae in Hafnia disjiciendam, ad
universam familiam ex sedibus nostris ejicien-
dam, omnes machinas, omnia sacrae eloquen-
tiæ arma quam maximò opere adhibuerat, his
admonitionibus usus, Calvinianorum, quos
vocat, doctrinam erroribus horrere, petiti-
um eorum quam plurimum iniquitatis & periculi
habere, civitatem nostram ex hac colluvie
sentinam fore, actum fere esse de veritate
Euangelica, actum de Pace publica, actum
de liberrima supremi Magistratus auctoritate,
si ex peregrino agro accessitantes hi advenæ
in gregem nostrum reciperentur, nobisque
PARS III. A jure

jure quôdam hospitij & popularitatis præter consuetudinem jungerentur. Accidit forte, ut convivarum unus, sententiæ suæ eò minus capax, quò apertioris pectoris erat, virtutes Reformatorum, qui jam diu ab ætate *Baggeri* nostri inter nos vixerunt, quasi conductâ operâ prædicaret, quàm pacatè illi suas sibi res habuerint, quàm fide nostrates coluerint, quanto usui rebus & temporibus nostris fuerint, quàm insignia, non profectò vitia, sed frugalitatis, sed honestatis, sed navitatis exempla in civitatem nostram transfuderint, ut invitare quàm vitare eos rectius foret, ut hospitium, quò ipsos etiam Judæos circumscriptores excipimus iis denegare Princeps sapienter æfas duxerit.

Aderat ecclesiastes quispiam, homo probæ fidei & veritatis retinentissimus, qui nihil, quod vel transversum digitum a moribus nostris, recedit, rectè dici, rectè fieri persuasus, in caritatem patriæ & ecclesiæ domesticæ eum, qui tam honorificè de exteris adversariis existimabat, non leviter peccare prædicabat. Cui alter placidè & verecundè: Næ, inquit, in ipsam justitiam, in veritatem, in caritatem universæ societatis humanæ graviter peccarem, V. C. si secus, quam par est, de Virtutibus externorum judicarem... Næ is parum sapere videtur, qui in semet ipsum unicè conversus, alios parvi aut nullius pretii deputat, qui natale solum, quasi hoc universas naturæ venustates contineat, tantum admiratur, reliqua-
rum

AMOENITATES PHILOLOGICÆ. 3

rum terræ partium indiligens æstimator. Ego profecto non is sum, qui tam misere adolescentis instar amem, ut in unius alicujus formæ pulchritudine oculos, animum & mentem defigam. Amo uxorem meam, nihilo minus, salvâ pudicitia, alienas specto, laudo, diligo. Atque pariter equidem ecclesiæ domesticæ sic deditus sum, ut nihilo minus peregrinæ cuius suum per me pretium, suus honos constet. Averso, fateor, animo ab *aula Romana* sum: odi hunc nidum, hujus ova, hujus pullos: gratias naturæ ago, quod ad cruentum & immane hujus tribunal non pertinco, quod inter varia hujus vitiosa vehicula, inter varios, ut ita dicam, aurigas in via, qua ad cælum itur, non erro, quod a vanis & callidis hujus præstigiis imponi mihi non patior. Nihilo minus non diffiteor, in ecclesia Romana sanctas quasdam illecebras esse, quæ antiquitatis gratiam habent: pios illos & divino cultui consecratos secessus puto, item frigoris inediaeque honestam patientiam, humanæ voluptatis seriam abdicationem, aliasque ab ipsis primoris ecclesiæ Christianæ conditoribus acceptas religiones. *Judeos* non fero: est tamen quod in his placet; nempe incredibilis & jam ab omni memoria constans Codicis Ebræi veneratio, quem priora pleraque Christianorum secula neglectui habuerê, doctiorum plerique hodie vix digito attingunt. Taceo de accurata Sabbati Judaici observatione, quæ, si superstitionem demas, præclaro

A 2

nobis

nobis exemplo est: ad imitandum. *Muhamedanos* non audio: libenter tamen audio, hos civili obedientiâ contentos, Christianis uti & Judæis libertatem sacram indulgere, hos singulari quâdam liberalitatis promiscuæ in pauperes sive Christianos sive Judæos sive suos, nullâ religionis ratione habitâ, gloriâ florere, ut auctor est *Thevenotius*, (a) hos, quò securior sit rei sacre tranquillitas, Disputationem de Religione patria Capite sancire. Quid? quod, Horum doctrina suis quoque subinde fabulis adspargitur, quæ animum meum non parum delectant. Sic præter eas, quas de *Ditis* quibusdam **IESU CHRISTI** ex *Muhamedanis* scriptoribus V. C. *Levinus Warnerus* (b) concessit, per jucunda perque utilis mihi videtur illa de artificio, quo *Moses* Pharaonem ab Atheismo ad veri **DEI** cognitionem revocasse perhibetur. (c) Scilicet

„ *Propheta* jam sæpius atque iterum *Pharaonem*,
 „ ut æternum esse **DEUM** mundum-
 „ que ab infinita sapientia conditum persua-
 „ deret, aggressus, quum nihil planè se pro-
 „ ficere videret, clam in vasta solitudine
 „ amœnum ædificium exstrui curat. Quid
 „ fit? Rex non ita multo post venatum pro-
 „ fectus, atque e longinquo splendidum il-
 lud

a. Lib. I. Itiner. c. 38. b. In Notis ad Centur. Proverb. Perfic. Prov. LXI. p. 30. sq. c. Vid. Jo. Chardin in Descript. Persiæ T. X. p. 46. & Fabric. Cod. Pseud. V. T. p. 836.

AMOENITATES PHILOLOGICÆ. 7

„ lud palatium in loco tam remoto conspicua-
 „ tus, videndi cupidus advolat, quid istuc
 „ spectaculi sit, quô auctore erectum, re-
 „ quirat. Tum vero cunctis se nescire faten-
 „ tibus, Moses demum respondet, *dubium*
 „ *non esse, quin absque artificis manu sponte*
 „ *existit.* Quô auditô, Rex in cachinnum
 „ effusus, homine, qui se *Prophetam* vendi-
 „ tat, indignam hanc vocem esse exclamat.
 „ Ad quæ Moses: *ô Rex, inquit, perridicu-*
 „ *la & fidem non capientia, quæ dico, tibi vi-*
 „ *dentur: Tute vero universam hujus Mundi*
 „ *compagem sponte existisse credis? Quod si*
 „ *pulchrum hoc ædificium, quod minutissima*
 „ *quædam mundi portio est, in deserto sponte*
 „ *non provenerit, aut provenire nequiverit,*
 „ *quantò absurdus est, quæso, fabricam hujus*
 „ *universi tam vastam, tam solidam omnibus-*
 „ *que numeris perfectam sibi ipsi, non sapien-*
 „ *tissimo alicui & potentissimo opifici originem*
 „ *debere?* Quô argumentô victus Pharaó,
 „ jam in cultum DEI; quem Moses docue-
 „ rat, concedit.

Finitus sermo erat, quum amicus ecclesiast-
 tes ad me conversus pro ea qua flagrabat ec-
 clesiæ patriæ cupiditate, nomen Adversario-
 rum extinctum, sacra pessumdata, fana eversa
 se cupere seriò profiteretur. Quas ego præ-
 fervidas diras irasque miratus, Memento, in-
 quam, quandoquidem de *Fanis* loqueris, V. C.
 nusquam fere terrarum ædes divinas negli-
 gentius, socordius, frigidius quam apud

Christianos coli; nusquam a profanis & communibus vulgi ædiculis minus differre, unde convitia illa, quibus Judæi (a) templa nostra prosequuntur. Quid enim? Non finat *Christus*, *ἡ αὐτὴ διαθήκη οὐκ ἔστιν ἡμεῖς*, ut quisquam vas per templum portet; (b) In nostris tamen templis haud aliter ac in foro, in trivio, in conciliabulis, ambulatur, discursatur, garritur; in his de gradu sæpe pulsim punctimve certatur: Hæc publicam otioso five negotioso cuilibet viam præbent: Hæc, maxime in nocturnis Romanæ ecclesiæ sacris, veteri isti *Pervigilio Veneris* serviunt: Hæc tum demum divinam quandam Majestatem præferre videntur, quum ornamenta, quum pictas tabulas, sicuti *Alexandri Severi* larium imagines *Christi*, *Abrahami* & *Orphei*, (c) ostentant. Adspice, quæso, delubra gentilium veterum, quæ tantâ hi pietate decorabant, ut in illis neque exspuere neque uares emungere fas esset, teste *Arrianus*; (d) ut lex esset, *Qui in templo injuriam fecerit, decem millia denarium det ei, cui injuriam fecerit: decem millia civitati*, sicuti *Quintilianus* (e) refert, qui e vestigio subjicit: *Quid magis in ulla Republica curari observarique oportet quàm religionem? Sane petulantia aliis locis mediocrem habeat*

a. Vide *Jo. Wulseri Theriacam Judaicam* p. 122. sq.
 b. *Marc. XL 16.* c. Vid. *Lamprid. in Severo Cap. 29.*
 d. *Epictet. differt. Lib. IV, c. 2.* e. *Declam. CCLXV.*
 p. m. 499.

AMOENITATES PHILOLOGICÆ. 7

beat reprehensionem. In templo vero, in quo verbis parcimus, in quo animos componimus, in quo tacitam etiam mentem nostram custodimus, pulsare velut in solitudine, secreto quodam, non est ferendum. Audi monitum illud Gellii: (a) *Templa non vulgo ac temere, sed cum castitate cerimoniaque adeunda & reverenda & reformidanda sunt.* Ut innumera alia ethnicae hujus religionis exempla transeam, ut nihil dicam de singulari reverentia, quam recentiores Ethnici adversus suas *Pagodas*, quam Turcæ adversus suas *Moscheas* adhibent, nemini paulo humaniori ignota.

Post hæc in pia vota concessum est, ut, dum alios repudiamus, ipsi ne repudiemur, ut ter Optimus DEUS nostri atque universi generis humani misereatur.

I I.

Criticus Heautontimorumenos.

LImatus quispiam & emunctus humanitatis cultor, qui veterum elegantiarum curâ & memoriâ multâ erat, pro eo quo tenebatur *Artis Criticæ* studio, mille difficultates, ut aliam atque aliam lectionem in alio atque alio scriptore extruderet, ingenio suo fecerat. Hic præclare se de republica litteraria

A 4

a. Noct. Attic. IV. 9.

raria meritum ratus, ad me quodam die accedit, specimina affert, dexteritatis suæ arbitrum me poscit, cum fortuna, quæ MSSorum Codicum potestatem inviderat, seriò expostulat. Ego sollertiâ hominis non parum delectatus, avidè chartam arripio, emendationes inspicio, judicium tacitè mecum facio. Erant quæ mirifice placebant, nec deerant, quæ invitâ prorsus Minervâ, ut ajunt, excusa plus sumtus ingeniosi, si ita loqui licet, quam salis habebant.

Amicus Juvenis ex fronte mea, quam in his contrahi, in illis remitti viderat, sententiam meam haud obscurè conjectans, ut limam sive spongiam operi suo liberè adhibeam, liberaliter a me petit. Quam ego ingenuitatem deosculatus, Næ, inquam, tu alba avis es in livida gente Criticorum, qui tam morosam & confidentem plerique in conjecturis suis constantiam servant,

Ut contrâ si quis sentiat, nihil sentiat, (a)

quod nimium quam arroganter olim *Volcatius Sedigitus* dixit. Ceterum ut apertè, quod judico, fatear, doleo tantam *MSSorum copiam* superesse, quæ *Criticum magis implicat quam juvat*, ubi *Petrus Aurelius* probe moner; (b) doleo bonas nostri temporis horas

a. Vid. Gell. XV. 24. b. in responsione de Canone Arausicano ad Sirmondum T. II. p. 291.

tam miserè a Criticis nostris sæpe prodigi,
qui tum demum immortalem tam ab antiqui-
tate quam a posteritate gratiam se iniisse spe-
rant, quum multiplices emendationes atque
animadversiones in *Ovidium* laboriosè contu-
lerint, quum innumeris librariorum veterum
erroribus divinum *Novi Testamenti* codicem
deformiter oneraverint, quum alios inter-
pretes in re levissima de statu fortiter dejecisse
sibi videntur. Qui quidem morbus litterarius
si in posterum increbuerit, jam felicia præ-
dico priora etiam barbara secula, jam Pyrrho-
nismo omnia plena erunt, jam in bonos scrip-
tores veteres demum conveniet querula illa
infelicitis monumenti Inscriptio apud *Plinium*,
(a) TURBA SE MEDICORUM
PERIISSE,

His auditis Amicus, quomodo Auctorem
veterem rite emendari oporteat, item quâ viâ
ipse ego in *Noctibus Gellii* illustrandis progres-
sus sim, placidè percontatur? Cui ego: An-
te omnia, inquam, scriptorem, cui manum
admovere consilium est, iterum iterumque
lectitari oportet, ut penitus noscites, ut nihil
in medulla, nihil in venis, quod non cogni-
tum comprehensumque habeas, lateat. Pa-
rum est, hunc ex vultu & lineamentis aut ex
ingenio aliorum judicare, nisi illum tanquam
veterem amicum ex quotidiano usu cognos-
cas, quæ mens, quæ indoles sit, quod di-

A 5

cendi

Æ. Hist. Nat. L. XXIX. c. 1.

cendi genus sequatur, quâ fide scribat, quibus virtutibus præditus sit, quid in sua professione possit. Atque sicuti multi modii falis comedendi sunt, quod dicitur, ut amicitiae munus expleatur, & de amico prius deliberandum, quam cum ipso deliberes: Sic diu multumque experiendus tibi scriptor prius est, quam huic te experiendum committas. Quam prudentiam si interpretes & Critici nostri adhiberent, qui non unâ immortalitate contenti, qui de commentariis suis numerandis magis quam æstimandis solliciti singulis fere annis singulos scriptores in lucem propellunt: Næ tot editione hodie velut fungi non nascerentur, aut celerius quam asparagi conquererentur, næ in tanto earum proventu non esset quod de tanta sterilitate conquereremur, uti me in *Cogitationibus meis Variis* (a) jam olim conqueri memini.

Quod ad *Gellium* meum attinet; agedum replicemus. Hujus ego operis rationem ita mihi ab initio descripseram, ut justam *Noctium Atticarum* imaginem in quadam quasi tabula ante oculos quotidie haberem; quem in finem justum *Lexicon Gellianum*, quod singulas tam res quam dictiones una cum hypomnematis meis complecteretur, conscripseram. Quibus equidem hypomnematis has leges scripseram: *primum*, ut nemo, a quo forte dissentio, de modestiæ atque verecundiæ negligentia me

mc-

merito accuset, ut suus nemini error expro-
bretur, ut aliud diligentiae præmium nisi æ-
quitas judicis & liberalis indulgentia non pos-
tuletur. *Deinde in Gellio* recensendo tantum
abest ut hujus Codicis Msti aut illius editio-
nis sive Gronovianæ sive alterius fidei me
permittam, ut illud, quod ad stylum Gellia-
num quam proximè accedit, recipiam, quam
judicii normam ex *Varrone* ipse mihi *Gellius*
meus tradit. (a) Sic ex. gr. Gronovius aliivè
me haud temere adduxerint, ut in Libro II.
cap. XII. legam, *qui non alterutra parte sese*
adjunxerit, quin malim, *Alterutra Parti*,
sicuti *Gellius Aliæ rei causa*, & *Nulli aliæ*
causæ obnoxia, & similia more antiquo dixit.
Postea ne imperiti medici instar morbos fa-
ciam, nunquam ingenio meo tantum indul-
geo, ut voluptatis causâ quicquam præter
necessitatem mutandum censeam. Sic ex. gr.
Quando in Libro XX. Cap. 7. constanter le-
gitur, *Membra & artus inopis debitoris BRE-*
VISSIMO laniatu distrabebantur, ubi *Sal-*
masius legendum suspicatur, *Ferissimo*, ubi
illustris, *Cornelius van Bynkershoek* (b) & Cla-
rissimus *Heumannus* (c) non dubitant a *Gellio*
relictum fuisse, *Sævissimo*: ego receptam le-
ctionem retineo, quæ, si altius rem & locum
inspexeris, nempe sectionem debitoris in bre-
vissimas partes, earumque inter plures credi-
tores

a. L. III. c. 3. b. *Observat. Jur. Rom. Lib. I. c.*
1. p. m. 7. c. *Pœcil. T. I. L. I. Epist. X. pag. 83.*

tores divisionem, nihil planè monstri alit, nullà emendatione eget.

Denique conjecturas nonnunquam, ubi usus fuerit, offero, sed sponte oblatas, non arcefitas. Sic in Libro II. c. XVI. pro; *Fœnoribus coopertus*, (quæ verba *Catoni* & *Sallustio* ibidem adscribuntur) non falli me puto, quando *Facinoribus* lego. Quam emendationem tum ipse *Sallustius* in *Catil.* c. XXIII. tum *Gellius* Lib. IV. c. XVII. mihi suadent approbantque. Sic in Libro XII. cap. II. ubi *Chetegus Ennio* dicitur *Flos delibatus populi*, (sive *populis*, quod in antiquissima editione Veneta 1472 aliisque huic proximis invenio) mihi legendum videtur *delibutus* potius, quàm quod non ita pridem V. C. *Isaacus Verburgius* ad *Ciceronis Brutum* cap. XV. reposuit, *delibratus*. Sic in Libro XV. cap. XIII. pro eo, quod ex duodecim Tabulis adducitur, NI. TESTIMONIUM. FARIATUR. haud absurdè, ut equidem opinor, mihi placet FACIATUR, qua forma passiva vetustissimos Romanorum usos fuisse nemo humanus ignorat. Sic denique in Libro XIX. cap. X. ubi interpretes fluctuant æstuantque circa corruptum hunc locum, *Fabri ædium ostendebant* (*Cornelio Frontoni*) *depictas in membranulis varias species balnearum; ex quibus quum elegisset unam formam speciemque* VERIS, — *Gellius* sine dubio scripsit VETERIS; quam suspicionem Codex minor Lugdunensis, in quo exstat VENERIS, mihi

mihi confirmat. Credibile enim est, fabros ædium inter varias species Frontoni & VETERES & NOVAS balnearum formas ostendisse.

Postremò in locis Auctoris, extra omnem emendationis aleam positis, ingenium non fatigo, otium non profundo; quin potius fateor, quod Medici etiam peritissimi, quibus ægrotum quemque non sanare minus turpe est,

Non intellecti nulla est curatio morbi. (a)

fic de voce, QUOPSONES, in Libro VIII, lemmate XIII, quæ nullâ ingenii mei vi comprehendi potest, non magis quam de lingua incolarum Lunæ laboro.

Quod reliquum est, in scriptore meo enarrando ad brevitate[m] veterum, qui *Scholiasæ* vocantur, quam diligentissimè me conformo, in nulla operis parte, præterquam in Rerum & Verborum *Indice locupletissimo*, quem titulum pleræque editiones etiam apparatus hodie mentiuntur, copiosus.

Dum hæc differuntur, eruditissimi multoque clarissimi *Richardi Bentleji* HORATIUS ad me ex Hollandia affertur, sæpè jam diu mihi notus; qui aliquam diu cupidè pervolutatò, ad amicum conversus: Hic inquam, *Horatius* profecto BENTLEJI est, nam hic illum pro lubitu & auctoritate castigavit: Hic *Bentlejus* HORATII est; nam

nam hic illius ingenium nimium quantum
exercuit & discruciauit.

III.

*De Recentiorum quarundam Inventio-
num commodis minus commodis.*

EXterus quidam, natione Gallus, ut laudi
& gratiæ gentis suæ velificaretur, fabu-
lam, quam ipse ego postea in *Actis Erudito-
rum* Lipsi. A. MDCCXIV. pag. 195. sq.
ex *Historia Academiæ Regiæ scientiarum* A.
MDCCX depromptam me legere memini, in
symposio quodam nobis narrabat. Ea hujus-
modi erat: „ Vir illustris *Bonnius*, Præses
„ in curia rationum Fisci Montepessulana &
„ Academicus Honorarius Societatis Regiæ
„ Montepessulanæ, primus observaverat,
„ araneas nere sericum, atque inde tibialia &
„ Chirothecas A. MDCCIX fieri curaverat:
„ Hic Parisios ad Academiam Regiam Chi-
„ rothecas miserat cum Domino *de Reaumur*,
„ ut inquireret, nunquā utilitas publica ex
„ hoc invento redundare posset, negotium da-
„ retur. Quid sit? Primum justæ aranearum
„ copię justum nutrimentum circumspicitur:
„ deinde compertō, in Gallia hoc ex muscis
„ non dari, item araneas lumbricis vesci, at-
„ que succo in apicibus pennarum recenter
„ crescentium & ex volatiliū alise vulsarum
quam

„ quam maxime delectari; (quod pabulum
 „ omnium optimum judicatur) ad hæc mi-
 „ nores esse Galliarum araneas, quam ut offici-
 „ næ erigendæ sufficient, nisi numero sint
 „ 6635521, denique non omnis spes, abjicien-
 „ da censetur, antequam in araneis America-
 „ nis, quæ Europæis multò grandiores sunt,
 „ experimentum capiatur. &c.

Quod quidem inventum, quod consilium
 exterò illò immane quam magnificis verbis in
 majus extollente, quum plerique nostrum hu-
 manitatis causâ subassistentibus humeris sub-
 blandirentur, ego, salvâ, ut spero, humani-
 tate, veniam audaciæ præfatus: Næ, inquam,
 vir Nobilissime, si *Heliogabalus* viveret, ma-
 ximopere procul dubio hoc spectaculo gaude-
 ret, quippe qui, ut auctor est *Lampridius*,
 (a) *servos jussit millena pondo aranearum sibi de-*
ferre, propositò præmiò, collégisseque dicitur de-
cem millia pondo aranearum, — de cetero
 hoc, sicuti pleraque seculi nostri inventa, ara-
 neosum mihi videtur.

Inde disceptatio de *Inventionum Antiquarum*
 & *Recentiorum* præstantia inter nos cooritur;
 quarum ille *has* exaggerare, ego *illas* vero-
 cundè præferre non dubitabam, oppositis re-
 centiori memoriarum sagacissimis illis *Ægyptiis*,
Chaldeis, aliisque, oppositis ex antiquitate
 magistris, quos hodieque in *Architectura*, in
Geometria, & singulis fere disciplinis sequi-
 mur,

a. In vita Heliogabali c. XXVI.

mut, oppositis artificibus veterum, quos nostri minimè assequuntur, oppositis denique innumeris veterum tam in pace quam in bello, tam in civitate quam in vita domestica inventis, quæ partim per inertiam posteritatis perierunt, partim manca supersunt, nunquam forte pristinae integritati reddenda.

Ad hæc Gallus, acerrimus posteritatis vindex; ut laudes, priscorum obscuraret, nobilissima miracula, sicuti vocabat, mihi obiectat *Typographiam*; & *Pulverem Pyrium* una cum sua *Bombarda*, quibus paucissima veteris humanæ sollertiae merita in rem publicam comparari oportere putabat.

Tum vero ego, Erras, inquam, Vir Nobili ingenia seculi nostri ut effeta, si nares ut obefas a me contemni credis. Deus meliorem mentem mihi! Non temporum nostrorum naturam, sed curam accuso: accuso ignaviam nepotum, qui, nisi majores jam antè sedulo sevilissent, vix poma hodie, quæ carperent, haberent, qui, nisi patrimonium ab his jam olim relictum fuisset, in te tenui viverent: accuso intempestivam nonnullorum diligentiam, qui nova quædam futilia sectantur, vetera utilia, sed vel deperdita vel imperfecta, negligunt, secus quam Seneca præcipit: (a) *Veneror inventa sapientiae, inventosque adire, tanquam, multorum hereditatem juvat. Mibi ista acquisita, mibi laborata sunt.*

Sed

*Sed agamus bonum patremfamilie: faciamus ampliora, quæ accepimus. Major ista hereditas a me ad posteros transeat. Multum adhuc restat operis, multumque restabit: nec ulli nato post mille secula præcludetur occasio aliquid adhuc adjiciendi. Sed etiam si omnia a veteribus inventa sunt, hoc semper novum erit, usus, & inventorum ab aliis scientia & dispositio. — Multum egerunt, qui ante nos fuerunt, sed non peregerunt: suspiciendi tamen sunt, & ritu deorum colendi. — Quam venerationem præceptoribus meis debeo, eandem illis præceptoribus generis humani, a quibus tanti boni initia fluxerunt. Ceterum ut ad TYPOGRAPHIÆ Artem, quam memoras, V. N. veniam, licet ad gloriam nostri seculi non pertineat, patere, quæso, sententiam meam breviter exponi. Ego profecto (quod tamen non sine multo Joannis Gutenbergi alteriusve auctoris honore dixerim) tanti hoc beneficium non facio, quin potius ad Recentiorum Inventionum Commoda minus commoda referam, quin mirer, Argentineses, Moguntinos & Belgas. Harlemenses de hujus natali solo haud aliter ac septem Græciæ civitates de Patria Homeri certare; ut nihil dicam de Sinensibus, quos alii primos artis Typographicæ auctores prædicant. Sane, ut ego quidem opinor, Turcæ Typographiam prudentissimè caverunt usque ad annum proximè elapsam MDCCXXIX, qui *Megira* est MCXLI, quo hanc artem Constantinopolitani primum exercere cœperunt, ope & au-*

PARS III. B etori-

toritate Principis, qui secundum imperii locum tenet, adjuti, atque Magni Imperatoris Ottomannici suffragiô præditi, eâ tamen lege (lege sanè sapientissimâ!) ut nullum librum, qui sacra, qui doctrinam Muhamedanam attingit, typis excudere jus atque potestas sit. Quam cautionem si principes Christiani jam ab incunabulis Typographiæ adhibuissent, nemini dubium esse potest, quin res ecclesiastica multò constantius se habuisset, multò pacatius floruisset. Quid verò? Typographiæ pestilentissimus hic fructus est, ut bella ex bellis serantur, ut tot impii & nefarii libri, tot impura convitia, tot injuriæ litteris consignatæ, nisi cum ipso mundo deleri nequeant, ut *Servetus* aliquis, *Spinosa*, & horum similes nullò neque incendiò neque naufragiò extinguì queant. Quapropter sæpius gaudere soleo, nascenti Ecclesiæ Christianæ artem istam ignotam fuisse, ut pleraque id ætatis monstra scriptorum bibliothecis nostris ignota sint, opportunè e medio sublata.

Deinde Typographiæ improbum hoc munus est, ut nostri temporis ingenia velut in diluvio quodam librario fluctuent & prope mergantur, eò pleraque inertiora, quò intemperatio-
re supellestilis copia circumfluunt & abundant. Quapropter felicia prædico antiqua secula, eaque redire sæpius cupio, ut, ministeriò librariorum veterum revocatò, jam suum bonis & libris & scriptoribus pretium postliminio redeat, veteresque illi *Aristoteles*, *Plu-*
tarchi,

tarchi, Varrones, Plinii, inexhaustæ solertiae specimina, quasi in vitam redeant. Taceo de immensa pecunia, quam typographia nostra abligurit, ex quo mores nostri eo prolapsi sunt; ut laudi hodie sit, quod Plinius (a) Silio vitio vertit, Erat φιλόκαλος usque ad emacitatis reprehensionem; Ut turpe fere sit homini studioso patrimonium in studiosas voluptates non effundere, quæ tot sæpe rei familiaris damna, tot pupillorum querelas, imo contemptum & fastidium bonis litteris atque scriptoribus in auctione publica relinquunt.

Quid de inventiuncula *Pulveris Pyrii* atque *Bombardæ*? Certe ex quo hæc artis bellicæ instrumenta adoleverunt, jam ipsa fere ars bellica obsolevit, jam nullus fere virtuti & prudentiæ locus reliquus est. Audi, quæso, *Polydorum Vergilium* de Rer. Inventoribus: (b) *Ad hominum perniciem inventum est novitium illud inprimis, quod Bombardam vocant: quo post hominum memoriam nihil terribilius ab humano ingenio excogitari potuit, — item: (c) Illud tormentum æneum, quod Bombardam vocant, omni admiratione execrationeque dignum, ad perniciem hominum excogitatum, haud adduci possum, ut humanum ingenium invenisse credam, sed mehercule potius malum quempiam dæmonem mortalibus monstrasse puto, ut inter se non modo armis, verum etiam fulminibus*

B 2

bus

a. Lib. III. Epist. VII. 7. b. L. II. c. XI.
c. L. III. c. XVIII.

bus pugnarent, —. De *Pulvere Pyrio* parum abest quin sentiam, quod de *igne Græco Constantinus*, qui, usu ejus ab Angelo sibi monstratō, diris eos, qui aliis gentibus eum traderent, devovissē perhibetur. (a)

Tandem adversarius, ut sequiorum temporum atque ingeniorum causam, quam agendam fulceperat, gloriose teneret, *Pyxidem*, quam vocant, *Nauticam* mihi ob oculos ponit, remotioribus seculis prorsus, ut putabat, incognitam. Ego vero ad *Levinum Lemnium* aliosque, qui inæstimabile hoc inventum jam temporibus Salomonis usu receptum fuisse non dubitant, qui ab antiquissimis sinensibus originem ejus repetunt, hominem delegabam, Item ad *Tbaletem*, qui *ναυτικὴν Ἀερολογίαμ* scripsisse fertur apud *Laërtium* (b) & *τῆς μαγνίτιδος* meminit apud eundem. (c)

I V.

Concinnacula Philosophica super Gentilium AMORE in DEVM & PROXIMVM.

JUvenis ego duorum & viginti annorum ex suavissima & liberalissima urbe *Nicopia* Fal-

a. V. Constantin. Porphyrogenetus de Administrando Imperio Cap. XIII. p. 27. b. Lib. I, §. 23. p. m. 15. c. L. Cit. §. 24.

Falstrorum, cujus in gremio tenera mea ætas
& studia educata fuerant, DEO jubente,
(Ao. 1712 mense Augustô) demigraturus,
ut testatum apud animos civium relinquerem,
quam gratâ & fideli memoriâ horum benevo-
lentiam, quâ me puerum, quâ me Magistra-
tum postea Scholæ minorem comprehende-
rant, retinerem, publicè verba ad populum
ex suggesto feceram, dicendi materiam præ-
bente, ut tempus ferebat, *Magnò illò Præ-*
ceptò utrôque, ex quo Lex & Prophetæ pendent,
DILIGES DOMINUM DEUM TUUM
EX TOTO CORDE TUO, ET EX
TOTA ANIMA TUA, ET EX TO-
TIS VIRIBUS TUIS, ET EX TOTA
COGITATIONE TUA; ET PROXI-
MUM TUUM SICUT TEIPSUM. (a)
Interjectô deinde aliquot annorum spatiô,
charta, in quam oratio illa mea conjecta fue-
rat, negligentius custodita nescio quô fatô in
malevoli cujusdam hominis manus inciderat,
qui inusitatum quoddam & juvenile porten-
tum in doctrina mea se reperissè ratus, (re-
pererat autem quôd pueri in faba) iniquis me
fermonibus clam differre haud cessabat, quia
hanc sententiam incautius, ut ille prædicabat,
pronuntiaveram: *Sanè si, ex divinissimi hujus*
utriusque Præcepti observantia verus DEI cul-
tus æstimandus sit, jam Judæos a melioribus &
sapientioribus Gentilibus vinci nemini dubium esse

potest, qui horum virtutes cognitae atque perspectas habet. His, inquam, verbis offensus æmulus, invidiam nomini meo facere omnibus modis conabatur; cuius quidem depellendæ & semidocti vulgi erudiendi causâ amicô quôpiam suadente, ut molli brachiô petulantem adversarii incitiam perstringerem, *Conciunculam Philosophicam super Gentilium AMORE in DEUM & PROXIMUM* conscripsi, cuius hoc exemplum est:

„ Quam nullum ego verbum magis amo,
 „ quam hoc ipsum AMO: quum nullum
 „ majori mihi odio est quam hoc ipsum
 „ ODIUM: quum nullius cogitationis suavitate libentius fruor, quam quæ animum
 „ meum de Officio Caritatis humanæ admonet: mirum vobis, *Auditores*, videri nequit, si eo in primis sermone gaudeo, quô
 „ Salvatorem, quô Prophetas & Apostolos,
 „ quô ipsum denique supremum generis humani legislatorem quam maxime gaudere
 „ video, quo Vos pariter gaudere opto. opto, inquam; hoc præcipue tempore, quo
 „ ecclesiâ & societas nostra suis bellis civilibus tam miserè affligitur, laceratur, atteritur: quô ferina quædam natura in animos humanos migrasse videtur: quô nos
 „ Christiani Judæis antiquis ferè pares, gentilibus profecto multo deteriores sumus,
 „ *Gentilibus*? dura loquor, offendo aures
 „ vestras, *Auditores*, qui jam olim pueri nomen gentilium tanquam lemurum horrere

„ con-

„ condocfacti estis, qui ad horum laudes
 „ tanquam ad res novas & prodigio similes
 „ obstupescitis, qui nihil præclari aut hu-
 „ mani ex his scilicet barbaris addisci posse
 „ judicatis. Vos vero, ut opinionis vestræ
 „ vos pudeat, ut pia Gentilium exempla pe-
 „ ctus vestrum effodiant, frigidum animi
 „ vestri in DEUM & PROXIMUM amo-
 „ rem vobis tacitè exprobratura, placidè,
 „ quæso, auscultate.

„ Quodsi eò vecordix procederem, ut
 „ Gentilibus nullum spurcius, nullum inhu-
 „ manius, nullum protervius animal esse do-
 „ cerem, sicuti ex nostratibus quispiam nuper
 „ libellum de *Certissima Gentilium Exhereda-
 „ tione celesti* edidit, jam non fabulam narra-
 „ re Vobis videretur, jam insani hominis esse
 „ crederetis, in sententiam meam non con-
 „ currere: Quodsi vero illos ut humanitatis
 „ pietatisque in DEUM & PROXIMUM
 „ magistros Vobis proposuerim, Judæis ve-
 „ ritatem divinam edoctis opposuerim imo
 „ anteposuerim, jam abesse non potest, quin
 „ exclamatis, quod *Athenienses* illi, (a) *Καὶνὴ*
 „ *διδασχὴ! Εὐκταῖα γὰρ τινὰ ἐνφύσις τις τὰς*
 „ *ἀνοὺς ἡμῶν. Nova doctrina! Peregrina enim*
 „ *quædam ingeris auribus nostris.* VOS vero
 „ mementote, hujus doctrinæ suasorem pri-
 „ mum approbatoremque esse ipsum Salvato-
 „ rem, qui in parabola de *Samaritano* & *Le-*

B 4

„ vita,

et Act. Apost. XVII. 19. sq. ;

„ *vita*, *hujus* immitem animum & inofficio-
 „ sam indolem haud obscurè reprehendit, *il-*
 „ *lius* peramantem & perofficiosam miseri-
 „ cordiam pluribus verbis ornat & commen-
 „ dat. Accedit, quòd inclementem Judæo-
 „ rum in exteros malevolentiam gentiles ve-
 „ teres constanter accusant; sicuti *Juvenalis*.
 „ (a) præter alia conqueritur, illos

„ *Non monstrare vias eadem, nisi sacra colenti,*
 „ *Quæsitum ad fontem solos deducere verpos,*

„ contrà quàm Philosophi & legum latores,
 „ ethnici præcipiunt: (b) sicuti *Tacitus* (c)
 „ Judæorum *adversus omnes alios hostile odium*,
 „ seriò criminatur; ut alia testimonia *tacitus*
 „ præteream. Ceterum ut ad ipsum rei gra-
 „ vissimæ, de qua dicere proposui, caput
 „ veniam; non ineptè, ut opinor, in duas
 „ illa *Tabulas* dispescitur, quarum altera *Gen-*
 „ *tilium in DEUM*, altera *in PROXI-*
 „ *MUM Amoris* imaginem quandam referat
 „ & complectatur. Priorem si spectetis, en-
 „ luculenta Pietatis ethnicæ in DEUM vesti-
 „ gia! scilicet *Qui DEUM amat, DEO*
 „ *obedit*: Vos vero animum ad præclaram
 „ illam *Socratis* vocem apud *Platonem* (d) at-
 „ tendite, *Εὐὸ ὑμᾶς ὡ ἀνδρες Ἀθηναῖοι ἀκού-
 „ ῶμαι*.

a. Sat. XIV. 103. b. V. Pufendorf. de J. N. & G.
 Lib. III. c. III. §. 4. p. m. 238. c. Histor. V. 5, 2.
 d. In Apologia Socratis p. m. 364.

„ ζομαι μὲν καὶ φιλῶ, πείσομαι δὲ τῷ θεῷ.
 „ μᾶλλον ἢ ὑμῖν, — *Vos equidem, o Viri*
 „ *Athenienses, diligo atque amo, DEO tamen*
 „ *magis pareo quam vobis, —* prorsus, ut
 „ *Apostolus ait, (a) πειθαρχεῖν δεῖ θεῷ μᾶλ-*
 „ *λον ἢ ἀνθρώποις, Deo magis quam hominibus*
 „ *obedire oportet. Ut nihil dicam de Epicteto,*
 „ *qui πείθεσθαι τῷ θεῷ suadet; (b) nihil de*
 „ *Seneca, qui in animo nos habere jubet vetus*
 „ *illud præceptum, DEUM SEQUERE,*
 „ *atque ex intervallo addit, DEO parere, li-*
 „ *bertas est. (c) Deinde Qui DEUM amat,*
 „ *DEUM haud temere offendit: Vos vero*
 „ *Socratem porro apud Platonem (d) audite,*
 „ *qui ante omnia hominem dehortatur, eis*
 „ *θεὸν καὶ λόγῳ καὶ ἔργῳ ἐξαμαρτάνειν, in*
 „ *DEUM aut verbo aut opere peccare. quò re-*
 „ *feramus illud ex oratione Metelli apud Gel-*
 „ *lium, (e) Dī immortales plurimum possunt,*
 „ *sed non plus velle nobis debent quam parentes.*
 „ *At parentes, si pergimus errare, suis bonis*
 „ *nos exheredant. Quid ergo nos divinitus ex-*
 „ *spectemus, nisi errationibus finem faciamus?*
 „ *isdem (live, his demum) Deos propitios esse*
 „ *æquum est, qui sibi adversarii non sunt.*
 „ *Postea Qui DEUM amat, DEUM timet:*
 „ *Vos vero mentes advertite ad monitum il-*
 „ *B 5 „ lud*

a. Act. V. 29. b. Enchirid. c. 38. c. de Vita
 Beata cap. XV. d. in Alcibiad. II. p. m. 46. e. L.
 6. exir.

„ lud morientis *Cyri* apud *Xenophontem*: (a)
 „ Θεὸς φοβούμενος μήτε ἀσεβῆς μηδὲν, μήτε ἀνό-
 „ σιον, μήτε ποιήσῃτε, μήτε βουλεύσῃτε, *Deos*
 „ *timete*, (ô Filii) *ut nihil impii, nihil nefarii*
 „ *neque committatis, neque deliberetis*. Me-
 „ mentote autem, *Auditores*, *DEUM* ex sen-
 „ tentia Philosophorum non serviliter ut ty-
 „ rannum metui, sed cum amore ut patrem
 „ timeri oportere; in quam sententiam acci-
 „ piendum illud *Senecæ* est, (b) *DEUM* ne-
 „ mo sanus timet: *Furor enim est metuere salu-*
 „ *taria; nec quisquam amat, quem timet*. Ut
 „ taceam de *Plutarcho*, qui habitum & natu-
 „ ram *Timoris DEI* in libello περὶ Δεισιδαιμο-
 „ νίας (c) item adversus *Epicurum* (d) non in-
 „ scitè exponit. Tum *Qui DEUM amat,*
 „ *DEI desiderio tenetur, humana contemnit,*
 „ *cœlestia spectat*: Vos vero perpendite effia-
 „ tum illud *Plotini*: (e) *Quoniam animus est*
 „ *ex DEO, necessariò amat illum*. — *Ani-*
 „ *mus in naturali habitu constitutus amat*
 „ *DEUM, DEO commisceri desiderans, qua-*
 „ *si pulchram virginitatem honestò affectans*
 „ *amore*. Item: *Quamobrem hinc emigrare*
 „ *properandum est, dolendumque nobis, quod*
 „ *aliqua hic ex parte alligati vivamus, ut toto*
 „ *penitus animo complectamur DEUM, nihil-*
 „ *que reliqui sit in nobis, quò non pariter attin-*
 „ ga-

a. de Instit. Cyri L: VIII. p. m. 187. b. L. IV. de
 Benef. c. 19. princ. c. pag. 166. d. pag. 1101. e. L.
 IX. c. 9.

gamus DEUM. Sed & audite *Africanum*
 apud *Ciceronem*: (a) *Quando hæc est vita,*
(inter beatos) quid moror in terris? quin buc
ad vos venire propero? — Quæso, quo usque hu-
mi defixa tua mens erit? (ô Scipio) — Sentio,
te sedemetiam nunc hominum contemplari, ac
domum: quæ si tibi parva (ut est) ita videtur;
hæc cœlestia semper spectato, illa humana con-
temnito. Denique Qui DEUM amat, amo-
rem & beneficia DEI gratâ mente & memo-
riâ prosequitur: Hinc illæ Gentilium sup-
plicationes, Epulæ, sacrificia, &c. Hinc
illa Senecæ exhortatio, (b) ut alias aliorum
omittam: Quisvis es iniquus æstimator sortis
humane, cogita, quanta nobis tribuerit pa-
rens noster, — Bene æstimatâ naturæ in-
dulgentiâ, confitearis necesse est, in deliciis te
illi fuisse. Postremò Qui DEUM amat,
in providentia DEI acquiescit: scilicet,
hic cum Socrate, (c) quia DEUS demum
scit, quid unicuique sit utile, totum se ejus
arbitrio permittit: hic cum DEO in hac
vita, ut in συμποσίῳ, tanquam in convivio
versatur, (d) si quid circumferendo ad se per-
venerit, porrecta manu partem modeste ca-
piens, appetitum longè non extendens, sed ex-
pectans, dum ad se perlatum fuerit: hic, ni-
hil non ad salutem nostram fieri, cum Seneca
 „ (a) per-

a. In Somnio Scip. Cap. 3, 4, & 6. b. de Benef.
 L. II. c. 29. c. Vid. Valer. Max. VII. 2. ext. 1.
 d. Vid. Epictet. Enchir. c. XXI.

„ (a) persuasus, in utraque fortuna constan-
 „ tem animi æquitatem retinet, omni corpo-
 „ ris curâ abjectâ: quibus quidem virtutibus
 „ plerosque Philosophorum veterum excel-
 „ luisse, præstantissimæ horum & vivendi &
 „ docendi rationes satis superque testantur.

„ Pergamus ad alteram *Tabulam*, in qua,
 „ omiſſis notioribus, remotiora tantum quæ-
 „ dam *Caritatis ethnica* testimonia, quæ
 „ præter opinionem animos & oculos vestros
 „ in se convertant, delineare lubet. Notum
 „ est vobis, Auditores, pervulgatum illud
 „ verbum, *Quod tibi fieri non vis, alteri ne*
 „ *feceris*; finitimum planè divino nostro,
 „ **DILIGE PROXIMUM SICUT TE**
 „ **IPSUM.** Nec injucundam auribus vestris

„ futuram spero *Lampridii* super hoc verbo
 „ narratiunculam in vita Alexandri Severi;
 „ (b) si quis de via in alicujus possessionem de-
 „ flexisset, pro qualitate loci, aut fustibus sub-
 „ jiciebatur in conspectu Alexandri, aut virgis,
 „ aut condemnationi, aut, si hæc omnia transi-
 „ ret dignitas hominis, gravissimis contumeliis,
 „ cum diceret, Visne hoc in agro tuo fieri,
 „ quod alteri facis? Clamabatque sæpius, quod
 „ a quibusdam sive Judæis sive Christianis au-
 „ dierat & tenebat, idque per præconem, cum
 „ aliquem emendaret, dici jubebat, Quod tibi
 „ fieri non vis, alteri ne feceris: *Quam sen-*
 „ *tentiam usque adeo dilexit, ut & in Palatio*
 „ &

• Lib. II. de Ira, c. XXVII. † Cap. LI.

„ *Et in publicis operibus præscribi juberet. Vos*
 „ vero dictum illud *Severi* ita forte interpre-
 „ temini, ut nemini homini injuriam factum
 „ iri oporteat, quam legem natura omnium
 „ animis insculpsit: Vos in eadem procul du-
 „ bio sententia estis, quam *Tertullianus* scrip-
 „ tam reliquit, (a) *Amicos diligere, omnium*
 „ *est, inimicos autem, solum Christianorum.*
 „ Erras, ô *Tertulliane*, erratis, Vos *Audito-*
 „ *res*: etiam inimicos diligi jubent magistri
 „ gentilium, quasi in ludo Salvatoris edocti,
 „ quasi auriti testes hujus præcepti apud *Mat-*
 „ *thæum*, (b) *Ἐγὼ λέγω ὑμῖν, Ἀγαπᾶτε τὸς*
 „ *ἐχθρούς ὑμῶν, ἐυλογεῖτε τὸς καταρωμένους ὑμᾶς,*
 „ *καλῶς ποιεῖτε τὸς μισούντας ὑμᾶς, — Ego dico*
 „ *vobis, Diligite inimicos vestros, benedicite iis,*
 „ *qui devorant vos, benefacite iis, qui oderunt vos,*
 „ *Auscultate, quæso, magnum illum Philoso-*
 „ *phum & Imperatorem Marcum Antoninum:*
 „ (c) *Ἰδιον ἀνθρώπου φιλεῖν καὶ τὸς πλάσαντας, —*
 „ *Hominis est, etiam eos qui offendunt diligere, —*
 „ *Cur? ὅτι μοι συγγενὴς, καὶ θείας ἀπομοίρας*
 „ *μέτοχος, — ὅτι γεγόναμεν πρὸς συνεργίαν,*
 „ *ὡς πόδες, ὡς χεῖρες, ὡς βλέφαρα, — quod*
 „ *congener, inquit, mihi sit, Et portionis di-*
 „ *vinæ mecum particeps, — quod ad mutuas*
 „ *operas nati sumus, sicuti pedes, manus, pal-*
 „ *pebræ, — (d) Admiracione quadam vos*
 „ *affici video, Auditores: desinite incredibi-*
 „ *lem*

„ Ad Scapulam cap. I. b V. 44. c Lib. VII.
 § 22. p. m. 61. d Id. L. II, § 7. p. 9.

„ lem hunc φιλανθρωπίας sensum in gentili-
 „ bus mirari; scilicet horum optimus quisque
 „ & sapientissimus factorum suorum rationes
 „ ad similitudinem DEI, maximè ad benefi-
 „ centiæ clementiæque divinæ imitationem
 „ revocare solebat, uti pluribus jam ante in
 „ *Sermonum meorum Parte I. (a)* docui: Vos
 „ vero, obsecro, oculos & mentem iterum
 „ ad *Matthæum (b)* de diligendo inimico refer-
 „ te, ubi Salvator e vestigio hanc rationem
 „ subjicit, Ὅπως γένησθε υἱοὶ τοῦ πατρὸς ὑμῶν ἐν
 „ ἡεανοῖς, ὅτι τὸν ἥλιον ἀντὶ ἀναίλλαι ἐπὶ πο-
 „ νηρὲς καὶ ἀγαθὰς; ut sitis filii Patris vestri,
 „ qui est in cœlis: facit enim ut Sol suus exo-
 „ riat^r super malos ac bonos. Cui quidem
 „ dicto perpendite, quæso, quam prope ac-
 „ cedat illud *Senecæ, (c)* Si Deos imitaris, da
 „ & ingratis beneficia; nam & sceleratis Sol
 „ oritur.
 „ His adeo, quæ breviter dixi, seriò &
 „ diligenter æstimatis, futurum speramus,
 „ AUDITORES, ut in gratiam quandam
 „ cum melioribus Paganis redeatis: Ut ino-
 „ pinatis horum factis atque dictis excitati
 „ turpe putetis, sicuti est, *Amore in DEUM*
 „ ab his vinci, aut majore soli quàm cœli
 „ studio teneri: ut, si quam ab homine inju-
 „ riam acceperitis, oblivisci malitis quàm
 „ ulcisci: ut vinculum illud societatis, quò
 „ natu-

a Serm. XX. p. 78. sq. b Loc. cit. c de Benef.
 L. IV, c. 26, princ.

„ natura nos copulavit, quô gentes etiam fe-
 „ rarum tam arctè contineri videmus, a se-
 „ ditiosissimis illis generis humani Catilinis,
 „ *Invidia, Odio, Discordia, Malevolentia,*
 „ *Maledicentia, Crudelitate, Injustitia, Per-*
 „ *fidia*, detrimenti quidquam capere vestrà
 „ culpâ non patiamini: unô verbo, ut verè
 „ beatam vitæ humanæ suavitatem honestissi-
 „ ma atque officiosissimâ caritate metiamini,
 „ admonente Vos *Photib*, (a) cujus verbis
 „ conciunculam nostram concludere lubet:
 „ Ἀγαπήσεις τὸν πλησίον σου ὡς σεαυτὸν. Καὶ
 „ τί ταύτης ἂν εἴη λυσιτελιότερον ἢ ἀγαθοειδέ-
 „ ερον; ἢ τὸν βίον συνέχειν ἐπιτηδειότερον; ἢ τὸ
 „ κοινωνικὸν καὶ ἡμερον σύγκροτεῖν τῆς φύσεως,
 „ ὡς τὸ ἀγαπᾶν τὸν πλησίον ὡς ἑαυτὸν; Καὶ ἔρ-
 „ γον μὲν τῆς αὐτῆς εἰδέναι χειρὸς, φύσεως δὲ
 „ μιᾶς; Διὰ τῆς αὐτῆς δὲ γενέσεως εἰς φῶς προ-
 „ ελθόντα, καὶ διὰ τῆς αὐτῆς ὁδοῦ τὸν βίον ἀπο-
 „ λυμπάνοντα, καὶ τὴν μὲν περιμένειν τὴν αὐτὴν,
 „ καὶ τῶν βεβιωμένων ἐξετάσῃ, καὶ πρόγε τέ-
 „ των μηδὲν ἀνέχεσθαι πλημμελεῖν εἰς τὸν πέ-
 „ λος, ὡν ἕδεις ἑαυτὸν (five quod mavult Clar.
 „ *Wolfius*, ὡν ἕδεις εἰς ἑαυτὸν) πλημμελῶν ἂν
 „ ὠφθείη, τὰ κάλλιστα δὲ καὶ σωτήρια καὶ συ-
 „ νέχεσθαι καὶ ὃ παροικεῖς συγκαταπραΰναι
 „ τῷτο γάρ ἐστιν ὁ τῆς ἀγάπης λόγος. *Diliges*
 „ *proximum tuum, sicut te ipsum: eo vero ec-*
 „ *quid utilius aut melius est? ecquid ad vitam*
 „ pro-

a L. IV. contra Manichæos §. XXVI, pag. m. 231.
 edit. Wolf.

„ producendam, aut ad socialitatem mansuetu-
 „ dinemque humanæ naturæ provehendam ma-
 „ gis idoneum, quàm diligere proximum, ut se
 „ ipsum? Et nosse se ejusdem manus opificium,
 „ ejusdem naturæ, ac ejusdem generationis be-
 „ neficio in lucem editum, eadem quoque viâ
 „ ex hac vita abiturum, postquam immineat
 „ unus idemque rerum in vita gestarum arbiter
 „ Et judex; Et ante omnia statuere, nihil in
 „ proximum suscipiendum esse eorum, quorum
 „ nullum quisquam in se ipsum unquam admise-
 „ rit: optima verò quæque Et salutaria tum
 „ precari, tum illi, cui vicinus es, afferre.
 „ Ea enim est amoris ratio. Quæ quidem
 „ exhortatio si minus divina vobis visa fuerit,
 „ jam Paulum audite ad Romanos; (a) ὁ ἀ-
 „ γαπῶν τὸν ἑτερον, νόμον πεπλήρωκε, Qui di-
 „ ligat alterum, Legem implevit. Item ad
 „ Timotheum: (b) τὸ τέλος τῆς παραγγελίας
 „ ἐστὶν ἀγάπη ἐκ καθαρᾶς καρδίας, καὶ συνειδή-
 „ σεως ἀγαθῆς, καὶ πίστεως ἀνυποκρίτου, Finis
 „ mandati est caritas ex puro corde, Et con-
 „ scientia bona, Et fide non simulata.

V. De

a. XIII, 8 & 10. b I, 1, 5.

V.

De Barbara Seculi nostri Eloquentia.

Honestus quispiam nec minus lautus popularis meus in extraneo quodam foro, ubi iudices & advocati sunt *Fabii Cunctatores*, bellum jam perdiuturnum cum perfidioso quodam hæreditatis suæ interceptore gerebat. Hic sarcinâ chartarum abs Advocato aliquando acceptâ, (ut verbosa esse solent actionum forensium volumina) non ita multo post ad me venit, de sua fortuna apud me deplorat, copias suas ab administratore rerum suarum indices atteri queritur. Ad hæc pueritiam suam, quæ nullam liberalis doctrinæ partem attigerat, ut ipse jam turpiter Latine etiam nesciret, ferò accusat. Tum ego: Dic fodes, Quò tibi peritiam, quò usum Sermonis Latini, cujus quidem causâ, ut mihi videtur, non est quod manum vertas? At ille: Imo verò, inquit, nisi hic scitu mihi opus esset, hodie interpellator ego tibi non essem.

Inter hæc bibliothecam (onerosam illam Actionis molem puto) ab Advocato suo sibi missam e sinu profert, Latina quædam loca, pro ambitioso Causidicorum Germanorum more inculcata, mihi monstrat, interpretis officium a me comiter expetit. Ego vero omnia potius amici causa fecissem, si hoc munus defugere potuissem. Quid enim? Latinam,

PARS III.

C

qua

qua Advocati utuntur; dictionem jam præcognitam habebam: non latebat me, hos barbaris & adulterinis verbis delectari; quasi nunquam gloriosius quàm ex formula *Obscurorum Virorum* scripturos: ingenio meo negotium a præsentis stilo forense futurum præmetuebam. Neque vero mea me formido fecellit: plene ambagibus obscurissimis omnia erant: quot voces, tot fere vitia, omnium, quæ monstra dicuntur, monstruosissima, in quibus interpretandis haud aliter ac *Cantherius in fossa* (quod rustico proverbio dicitur apud *Livium*,) (a) hærebam, pudore confusus, consilii ambiguus, mihi *Non Liquere* fateri coactus. Ex innumeris præstigiis Advocati nostri ridiculis unum memorare lubet, SCOTARE, quod quidem tenebricosum verbum a Græco *Σκotos*, *Tenebra*, initio deducendum tacitè mecum cogitabam, postea idem esse quod Danorum, at *Skiöde*, a certo quodam homine accepi.

Vix pedem porta mea consultor extulerat; cum amici complures litterati succederent, quibus ego recentem fabulam narrabam. Inde cum *Barbara Seculi nostri Eloquentia* certatim expostulatum est, utpote quæ a Romana veteri in tantum defecit, ut illa cum hac in gratiam nunquam reditura videatur. Atque primum quidem infacunda plerorumque *Œctorum* (nam ab his oratio cœperat) facundia

agi-

agitata, quos eum in modum scriptitare cer-
nimus, ut Tullium, ut JCtos veteres, si
orbi litterato redderentur, procul dubio pœ-
niteret, aut Romanos fuisse, aut Romanam
linguam, ne a posteritate corrumpere-
tur, cum suis ipsorum funeribus non esse elatam. Ne-
que vero, quò majori probro istis sua igna-
via foret, prætermiffa est laudabilis memo-
ria clarissimorum, quos superior ætas tulit,
JCTORUM, *Gothofredi, Budæi, Cujacii, Bris-
sonii, Rittersbusii, Tiraquelli, Cunæi*, alio-
rumque complurium, qui insigni non Juris-
prudentiæ tantum sed & Humanitatis atque
Eloquentiæ laude florere præclarum duxe-
runt, uti præclaros JCtos decuit; nam *quam-
vis Jurisprudentia altiore spiret prudentiam,
quàm eloquentia, verus tamen Orator non in-
genii tantum vi, sed & scientiæ amplitudine Le-
gulejum antecellit*, quod ait JCtus egregius,
Diodorus Tuldenus; (a) suffragante *Grosiô*, (b)
cujus hæc verba sunt: *Jurisconsulti munus vi-
rum magnum non faciet, nisi eloquentia acce-
dat*; —

Deinde missis JCtis, faba in caput *Philoso-
phorum* cuditur, eorumque rationes maximè
dialecticæ, quas *artificiosis sed inutilibus ara-
nearum telis* haud inscitè comparat *Aristo* ille
Chius, (c) perpenduntur. Neque enim tene-

C 2 ri

a. In Libro (quem *aureum* vocat *Morhofius* Polyh. L.
II. c. I, n. 36.) de Cognitione sui Lib. III. c. I.
b. In Epistola 179 ad Gallos. c. v. Laërt. L. VII,
§. 161.

ri poteramus, quin nova & remota pleraque horum vocabula artis, five, ut illi sublimius vocant, *terminos technicos* cavillaremur, exemplô *Diogenis*, (a) cum *Platonem* de Ideis disserentem, *Τραυροζότης καὶ Κυαθότης*, *Mensalitatem* & *Cyathitatem*, nominare audiret. Quam quidem ludicræ & lascivæ novitatis Philosophicæ cavillationem seria postmodo querimonia nostra de veræ Philosophiæ apud nos Danos neglectu sequuta est. Scilicet iniquo animo ferebamus, Philosophorum nostratium plerosque omnes tantum disertos quosdam & patriæ inutiles sophistas esse, qui tempus & studia juventutis Academicæ obscuris & vanis acroasibus detinent, qui captio- num dialecticarum laqueis Stoicè strepere gaudent, qui *Logicam* & *Metaphysicam*, quasi in his disciplinis, ceteroquin haud aspernandis, tota sapientiæ salus vertatur, quàm studiosissimè docent, sanctioribus Philosophiæ partibus, *Morali* & *Naturali*, nihil quicquam pensi habitis, quas sapientiores Philosophi, præter dialecticos *Zenonem*, *Archedemum*, *Eudemum*, alios, *Dialecticæ* constanter prætulerunt, nimirum alius *Philosophiam animalis similem* dixit, ossibus quidem ac nervis *Logicen*, carnibus *Ethicen*, animæ *Physicen*: alius *Ovo*; esse quippe externa *Logicen*, quæ post hæc, *Ethicen*, intima verò *Physicen*: &c. (b) Has, inquam, graviores Philosophiæ doctrinas, & vitæ

a. Vid. Laërt. L. VI, § 53. b. Ibid. L. VII, § 40.

vitæ humanæ & rebus sæpe patriæ saluberri-
 mas, in auditoriis nostris socordius negligi gra-
 viter molesteque ferebamus, quasi rectè &
 acutè Philosophari Danis datum non esset,
 uti post malevolum *Molesworthium* putat *Chri-
 stoph. Aug. Heumannus*, qui in Commentatio-
 ne de *Ingenio Philosophico*, (a) indignissimum
 suum de naturali nostra Philosophandi facul-
 tate his verbis testatum reliquit: „ Non est,
 „ ut POLONI, SUECI & DANI diu-
 „ tius me detineant. Quamvis enim & apud
 „ illos litterarum studia suos habeant ama-
 „ sios, quorum tamen numerus valde exi-
 „ guus est, de quibus scripta alicujus pretii
 „ reperiuntur, ipseque illorum aër multò as-
 „ perior, cœlique plaga longè inclementior
 „ videtur, quam ut ad spiritus generandos
 „ Philosophicos conducat, dum & hæ regio-
 „ nes Philosophorum indigenarum suorum
 „ numerum facile inire possunt. Ac quemad-
 „ modum *Beroaldus* judicat *Poloniam* sonare
 „ idem ac *Polemoniam*; ita de Danis & Sue-
 „ cis dicendum erit, majora illos subinde ma-
 „ nu forti quam felici ingenio perpetrassè fa-
 „ cinora.” Quam quidem improbitatem eò
 minus indignabamur, quò diligentius eam
 Vir Cl. *Philippus Frid.* Hanc in Commenta-
 tione pererudita de *Ingeniis Gentium Boreali-
 um Philosophicis* nuper retuderat, nomenque
 C 3 nostrum

a. §. XXXVII. v. hujus Acta Philos. P., N., n. 1.
 p. 634. sq.

nostrum quam honestissimè vindicaverat.

Postea ad *Theologos* illos devenit, qui, nisi ad se intelligendos ingenio opus sit, minimè ingeniosi sibi videntur, jam proinde in Volumine I, *Sermone XXXV* placidè & molè liter a me admoniti. Opponebantur his Theologi Philologiæ laude Clarissimi, quorum gloriam nulla unquam obscuratura est oblivio, *Castalio*, *Petavius*, *Brochmannus* noster, quos *Bartholinus* (a) commendat; item, qui *Crenio* (b) perbene præ ceteris Latinè loqui visi sunt, *Ægidius Hunnius*, *Leonhardus Hutterus*, *Henricus Höpffnerus*, *Caspar Finckius*, & *Jo. Quistorpius* senior. Atque eodem quidem tempore, quum malus obscuritatis & barbarismorum fructus in Theologia perstringeretur, amicorum unus lepidam rem in Academia nostra Hafniensi A. 1653. regnante FRIEDERICO III. gestam nobis narrabat. (c)

„ Scilicet Vir Clar. *Io. Zoega*, Log. & Me-

„ taph. Professor, Disputationi suæ hanc the-

„ sin inseruerat, *Purgatorium Ens Rationis*

„ *esse*, ut loquuntur Philosophi. Quid sit?

„ Legato primi ordinis Hispano, Hafniæ

„ tum degenti, comes erat sacrificulus qui-

„ dam *Godofredus*, acerrimus Sophista, qui

„ thesin Zoegianam oppugnaturus in Audi-

„ to-

a. De Libris legendis Dissert. V. p. 158. b. A-
nimadv. Phil. P. I. C. III. §. IV, p. 187, sq. c. Vid.
Lud. Holbergii nostri Descript. Dan. & Norv. Cap. V.
p. 187.

torium præstituto tempore venit. Hic omni armorum Philosophicorum genere allato impressionem in Præsidem facit, cæsum punctim petit, etiam atque etiam urget, usque adeo, ut, quamvis Purgatorii causa vel ab infantissimo adversario oratore sibi metuat, nihilo minus Hispanus iste Protagoras jam superior esse videretur. Noster itaque hoc pacto ad incitas fere redactus, quum aliam salutis viam non videret, iisdem, quibus Hispanus, machinis artificibusque usus, ut ictum commodè declinet, distinctionem inter *Archipodialiter* & *Reflexivè* repente comminiscitur: quâ fuligine ob oculos *Godofredi* jactâ, quam hic jam cæcus & mutus obstupesceret, consurrectum est, finis dicendi factus est, & Hispanus *archipodialiter* oppressus, *reflexivè* elusus.

Denique *Medicis*, litterarum humaniorum expertibus, eloquentissimi ex ordine suo Philologi ad imitandum ob oculos propositi sunt, ex antiquis *Cornelius Celsus*, (hic tamen Medicinam non exercuit) *scriptor Latiniſſimus*, (a) ex recentioribus vel soli Dani, *Io. Rhodius*, *Tb. Bartholinus*, *Olaus Wormius* uterque, avus & nepos, *Christianus Oſenfeld*, *Ol. Borricius*, Philologorum sui ævi facile princeps.

C 4

Hæc

a. Vid. Boecler. Bibliogr. Crit. Cap. XLVIII, pag. m. 824.

Hæc & pleraque alia differentibus nobis, unus ex amicis qui aderant, homo paulo austerior: Quid est, inquit, quod ad veteris eloquentiæ leges ea, quæ hodie scribuntur exigatis, more *Petronii* & Auctoris *Dialogi de Oratore*? Fuit, fuit ista majorum quorundam in Republica litteraria superstitio, ut nihil, nisi quod jus ab antiquissimis auctoribus sumat, dicerent scriberentve: hodie eloquentia popularis floret: atque vero floreat; nam, ut dicam quod sentio, parum refert, quomodo scribamus, plurimum, quid scribamus: odi effeminatum dicendi cultum: *ροήματα* æstimo, non *ρήματα*. Ad quæ ego: Falleris, Vir Clarissime; Curam verborum, rerum volo esse sollicitudinem; (a) Falleris, si tam superstitiosum me credis, ut Ciceronem, in quo totas vires suas eloquentia experta est, solum imitandum velim, quia maximè imitandus est: Falleris, si novarum vocum artificibus, ubi idoneæ & propriæ veterum desunt, me planè infensum putas: Falleris, si eo me ingeniò esse tibi persuades, ut in Oratione verba exquisitè pingi velim; quin potius emendatam eloquentiam revocari eò cupiam, quod hanc facilis perspicuitas, barbaram odiosa obscuritas sequitur. *Ictos* veteres maximam partem intelligo: intelligo pleraque *Cornelii Celsi*: intelligo plerosque omnes Ecclesiæ *Patres*,

a. Verba sunt *Quintiliani* Lib. VIII. Proœm,

tres, præter Tertullianum, (nihil nunc dico de *Dionysio Areopagita*, aliisque paucissimis) cui fortuosum & perobscurum suum scribendi genus jam olim quoque in ipso Latio fraudi fuit, teste *Lactantiô*: (a) *Septimius Tertullianus fuit omni genere litterarum peritus, sed in eloquendo parum facilis, & minus comis, & multum obscurus fuit; ergo ne hic quidem satis celebritatis invenit.* Horum, ut & emendatissimi cujusque scriptoris, hic fructus est, ut commodè intelligantur, hic honos, ut diu legantur. Recentiorum contra plerorumque scripta quum in manus sumo, de manibus confestim nihil doctior deponere cogor: fateri cogor, me Latina (si Latina dicenda sunt horum oracula) fere aut dedidicisse aut nunquam didicisse: *Marcianum* aliquem *Capellam* legere mihi videor: in quibusdam vix risum, in aliis vix somnum teneo. Sed vero valeat invidiosum hoc argumentum: habeant barbari, quam occupârunt, civitatem Romanam, suis legibus regant, in sua servitute teneant. Ego non habeo, quo Rempublicam illam consoler, præter versum illum *Virgiliï*, (b)

Una salus victis, nullam sperare salutem.

C 5

V I.

a. V. 1. 23.

b. *Æneid.* II. 354.

De Titulo REX REGUM.

STudiosus quispiam Theologiæ, homo pie-
 mentis multæque lectionis sed permedio-
 cris ingenii, quum DEUM O. M. in S.
 Scriptura (a) REGEM REGUM appellari,
 eamque appellationem ei tanquam propriam a
Dionysio Areopagita in Libro de *Divinis No-*
minibus (b) tribui videret, plurimum adeo ex
 maiestate divina decerpi ratus, si tantus tam-
 que sublimis titulus mortali communis esset,
 indignabundus aliquando, coortò sermone de
 titulis *Christianissimus* & *Catholicus*, apud me
 mirabatur *Artaxerxem* Regem Persarum im-
 probè impudenterque tantum sibi sumere, ut
Epistolam, quam *Esra* descriptam nobis reli-
 quit, (c) sic exordiri ausit; ARTAXER-
 XES REX REGUM —

Hujus ego in gratiam ut Persam nostrum
 redigerem, *primum* ad ipsum summum
 DEUM, quibus, quantum memineram, *Ne-*
bucadnezarem Regem Regum nominat, homi-
 nem delegabam: (d) *deinde* monebam, *Ar-*
taxerxem ita a potentia & magnitudine im-
 perii, velut ex formula linguæ Hebrææ, dici;
 cam-

a. 1 Tim. VI. 15. & Apocal. XVII. 14. XIX. 16.

b. Cap. XII. princ. p. m. 24^{ca} c. VII. 12. d. Ezech.
 XXVI. 7. & Dan. II. 37.

eandemque ob causam eundem ab *Æliano* (a) βασιλῆα μέγαν, *Regem magnum* appellari, eoque spectare dictum *Agesilai* de rege Persarum apud *Plutarchum*, (b) qui, cum *Asiæ incolæ* hunc appellare *Magnum* solerent, τί, ἐκείνος (ἔπειν) ἐμὴ μείζων, εἰ μὴ δίκαιότερος καὶ σωφρονέστερος, *Quomodo, agebat, is me major est, si non justior est & temperantior?* Ad hæc addebam, *Regum Reges* veteres cō excusatius ita nuncupari, quod his *Reguli* parebant; quō advocabam illustrem illum, uti duco, locum *Suetonii*: (c) *Quin & Barbaros ferunt — Regulos quosdam (Parthos) barbam posuisse, & uxorum capita rasisse, ad indicium maximi luctus. Regum etiam Regem & exercitatione venandi & convivu Magistrum abstinuisse, quod apud Parthos justitii instar est. Atque cum Parthorum mentio injiceretur, ex abundanti adjiciebam testimonia Trebellii Pollionis (d) de Belsolo, cujus epistola ad Saporem ita incipit: Sapor Rex Regum Belsolus, — item Dionis de Phraarte, qui in sua ad Augustum se *Regem Regum*, itidem venditat; nec non *Plutarchi* de *Pompejo*, qui hunc titulum Regi Parthorum impertiri noluit. Postea ego ad *Persas* reversus, epistolam Regis *Saporis* ad *Constantium* ex *Ammiano* (e) adducebam, cujus gloriosum hoc initium est: *Rex Regum*
Sa-*

a. Hist. Var. XII. 1. b. de Profect. Virtut. Sent. p. 78. item Apophthegm. p. 190. c. in Vita Calig. cap. 5. d. In Valerianis Cap. IV. e. Lib. XVII. p. m. 400.

Sapor, particeps siderum, frater Solis & Lune Constantio ---- sed neque Ægyptiorum reges hoc titulo abstinuisse docebam Epitaphiô illô *Osmandue* apud *Diodorum Siculum*, (a) quod Latinè a *Rhodomano* ita redditur: SUM OS-MANDUAS, REX REGUM. SI QUIS NOSSE VELIT, QUANTUS SIM ET UBI JACEAM, MEORUM ALIQUID OPERUM VINCAT. Item alterô illô, quod *Sesoosis* (sive *Sesostris*, *Sesonchis*) cippis ubique terrarum bello acquisitarum erectis inscripsit, uti idem refert: (b) HANC PROVINCIAM ARMIS SUIS DEVICIT REX REGUM ET DOMINUS DOMINORUM SESOOSIS. Quam quidem Inscriptionem arrogantiae plenam esse non diffitebar, quum quod titulum, DOMINUS DOMINORUM, ipse DEUS sibi vindicare videtur apud *Mosen*: (c) *Dominus Deus vester ipse est Deus deorum & Dominus dominantium*, ---- tum quod in hoc & plerisque Scripturæ locis DOMINUS & DEUS copilantur, copulantur sicuti & apud profanos in impia illa *Domitiani* formula, DOMINUS & DEUS noster sic fieri jubet: (d) tum denique quod vel unum solum DOMINI nomen Optimo cuique Imperatori, *Augusto*, (e) *Tibe-*

a. L. I. C. 47. b. Ibid. cap. 55. c. Deutern. X. 17. d. Vid. Suet. in hujus vita cap. 13. e. Id. Cap. 53.

Tiberio, (a) Alexandro Severo; (b) aliis sanctius visum est, quam ut in divinam hujus societatem sese offerrent, planè ex sententia Tertulliani: (c) DOMINUS DEI est cognomen. Dicam plane Imperatorem DOMINUM, sed quando non cogor, ut Dominum, Dei vice, dicam. Dominus enim meus unus est, Deus omnipotens & æternus, ---.

VII.

De Prodigioso Calculatore Sueco.

CUM proximè Hauniæ essem, in domo Viri Perillustri C. R. horas plerasque vespertinas transigere, curasque diurnas (nam afflictiora tunc tempora mea erant) deponere solebam, quod beneficium gratus recorder. Cœnantibus aliquando nobis usu venit, ut Calculator ille Succus, in quo ars Arithmetica totas vires experta est, in sermonem veniret. Ego, qui ne natum quidem hunc hominem noveram, qui miracula ejus juxta cum ignarissimis nesciebam, novo hoc acroamate excitatus, cupidas aures intendo. Narrantur mirabilia, quæ ut crederem, nisi gravitas narratoris mihi imperaret, neutiquam adduci potuissem.

a. Vid. Tacit. Annal. II. 87, 2, & Sueton. in Tib. c. 27. b. Lamprid. in vita Sev. cap. 4. c. In Apologetico cap. 34.

tuissem. Apud memoriam pleraque fideliter quidem depono, efficere tamen, quin partim præterfluant, partim incerta retineantur, non poteram. Decreveram proinde cum Viro Amplissimo, Amico & Fautore fidelissimo *Joanne Grammio* (nam is in eadem domo, quam longa consuetudine devinctam tenebat, coenæ interfuerat) maturè agere, ut de rebus hujus Sueci, antequam ex urbe decederem, me quam plenissimè erudiret: Sed consilii mei eventum multiplex occupatio interceptit. Domum reversus, cum inanitatis meæ me poeniteret, ad carissimum, quem modò nominavi, Amicum scribo, Suecum in memoriam redigo, notitiam ejus expeto: neque frustra. Hic pro ingenua & officiosa sua in me voluntate ex Libro, qui inscribitur *Holmia Literata* (edito, uti memorat *Grammius* meus, *Holmiæ* 1701, 4^o. pag. 82.) hoc mihi elogium transcriptum mittit:

LARS BENGTON GRANBERG
NORCOPIA-BAGASTADENSIS.

„ Vulgo ob simplex vitæ genus *Lars pa Jor-*
 „ *den* dictus. Homo planè singularis licet
 „ monstrofe obscurus, dignus tamen Ca-
 „ talogo, in quo admirandæ operationis
 „ humanæ exemplum deprehendes, cum nec
 „ legere nec scribere, nec quod humanâ so-
 „ lertiâ & naturali memoria angustius est,
 „ ullo modo legere & scribere potest disce-

re.

„ re. Licet Sueciæ & Daniæ Serenissimi
 „ Reges largos sumtus porrexerunt, ut in-
 „ genium excolendi occasionem arriperet.
 „ Memoriter tamen infinitas casque difficilli-
 „ mas discrepantium numerorum differentias
 „ & connumerationes arithmeticas ipso tem-
 „ poris articulo explicare novit. e. g. Si ten-
 „ tatur in operosa & gravissima numerorum
 „ pronuntiatione, quot nempe grana salis
 „ aut piperis navis quædam oneraria vehat,
 „ si exigua pars modii expleat centenas ali-
 „ quas myriadas granorum, quippe a cujus
 „ susceptæ rei pluralitate cum longo distant
 „ intervallo peritissimi Magistri ut magnitu-
 „ dini respondeant pluribus forsân diebus,
 „ uno excepto & quidem exiguo temporis
 „ momento tanto apparatu animo ad quem
 „ ipsum natura finxit simplici adeoque non
 „ vulgari pronuntiat. Sic cum diem & ho-
 „ ram tuæ nativitatis quacunque arithmetica
 „ nota designas, ex unico oculorum jactu
 „ quaqua brevitate *παράδοξος* & manifeste
 „ scies, quot dies, horas & minutas hucus-
 „ que supervixeris.

Brevem hanc historiam Tabula unius folii
 grandioris formæ comitabatur, jussu glor.
 mem. CHRISTIANI V. per beatum no-
 strum *Olaum Römer* in vulgus edita, qua-
 tuor *Exempla* Laurentio proposita compre-
 hendens, quorum unum a Rege nostro pro-
 positum, speciminis loco apponere lubet,
 Latine ex sermone Suetico conversum.

EXEM-

EXEMPLUM II.

„ Mercator habebat 33.44.55.66.77.88.99.

					Urfos;
„ Singuli Urfi	-	-	-	-	Catulos
„ Singuli Catuli	-	-	-	-	Caudas
„ Singulæ Caudæ	-	-	-	-	Pilos
„ Singuli Pili constant	-	-	-	-	Carolinis.

„ Jam vero discere cupio , quot centenarum
 „ mille myriadum pretio hi urfi emanantur :
 „ item quot mille tonnarum auri summam hi
 „ Carolini conficiant ?

Resp.

„ Urfi sunt 462. Catuli 200. 13. mille ,
 „ 444. Caudæ 98. millies mille , 611. mil-
 „ le, 128. Pili 45. mille, millies mille, 558.
 „ millies mille , 347. mille , 136. Carolini
 „ 21. mille, mille, millies mille , 47. mil-
 „ le, millies mille, 953. millies mille, 604.
 „ mille, 832.

„ Quot auri tonnas hi Carolini efficiunt ?

Resp.

„ 70. millies mille, 159. mille, 845. ton-
 „ nas auri, 34. mille, 944. Imperiales.

„ Quot

„ Quot Oraſ * dimidias hæc ſumma?

Reſp.

„ Bis mille, mille, millies millies mille;
 „ 535. mille, millies millies mille, 754.
 „ mille, millies mille, 432. millies mille,
 „ 589. mille, 840.

* * *

Jucundiffima hac novitate, quæ omnem fere admirationis modum egredi mihi videbatur, dum fruor, vir maximè reverendus M. C. optatò ad me quodam die viſit. Hic quum eodem tempore in domo (perilluſtris,) *Römeri* vixerat, ut *Laurentium* facile pernoſceret, hanc vitæ ipſius ſummam mihi exponit, nihil illo fuiſſe ſpurcius, turpiſſimæ corporis parti immane quantum deditum fuiſſe, denique uſque adeo indocilem, ut in diſciplinam elementariam juſſu ſereniſſimi noſtri CHRISTIANI traditus, pertuſi dolii inſtar nihil quod ingerebatur, retineret, nullâ auctoritate in hoc officio ſe contineri paſſus.

Finitam narratiunculam diſputatio placida de prodigioſo *Laurentii* Ingenio ſequitur,
 PARS III. D quippe

* *Ora*, Sueticè *Ore*, eſt octava pars *Maræ*, Latineſt *ſeſtertius*, puri puti argenti *unciam* olim pondere æquanſ. Vid. *Loſcenii* Antiquit. Sueo-Goth. Lib. II, Cap. XVIII, p. III. 84.

quippe cujus vim ego immodicè admirari ver-
 bisque exaggerare Amico visus fueram. Ni-
 mirum ille computatorem nostrum tacitò stu-
 dio crebrisque mentis agitationibus, in com-
 putandi arte unice occupatis, ad tantam *ἐξ*
 pervenisse contendebat, ejusque ingenium
 plus admirationis non habere quam plerorum-
 que clarorum *ἀντοδιδάκτων*, *Cujacii* in Juris-
 prudentiâ, *Budei* in litteris humanioribus,
Jov. Pontani in Mathesi, *Guiliel. Postelli* in
 peritiâ Linguarum, aliorumque complurium,
 qui absque doctore singularem ex doctrina
 laudem consecuti fuerunt. Ego contrà non
 dubitabam, si meditationibus tanta dexteritas
 acquiri posset, jam plures in Orbe Arithme-
 tico Laurentios existisse, quos nulla tamen
 ætas ad hunc diem Sueco isti pares tulit, imo
 ne Arabem quidem illum, ut opinor, *Ma-
 bometb*, Moïsis filium, Algebræ inventorem,
 quem inter XII subtilia orbis ingenia loco no-
 no ponit *Cardanus*. (a) Haud equidem ne-
 gabam, quotidianis ruminationibus tanquam
 oleô flammam illam ingenii ali atque augeri
 potuisse & debuisse: ignem vero ipsum de
 cœlo decidisse, sive, ut Philosophi loquuntur,
habitum fuisse *infusum* pro certo constanter
 habebam. Scilicet (inquebam) alii aliter sub-
 tiliusque Philosophentur: Meâ quidem sen-
 tentiâ homo quilibet ad vitam hanc naturalem
 ex utero materno suam secum dotem affert,
 (scrip-

a. Lib. XVI. de Subtilitate.

(Scriptura *Τάλαντον* vocat,) (a) i, e, ingenium præstantius aut tenuius, alius divinam quandam sollertiam Mathematicam, sicut *Nostradamus*, magnum illud Gallix totiusque orbis miraculum, alius Arithmeticam, sicuti *Laurentius* noster, alius aliam, sicuti *Lutetix* Anno 1445 Adolefcens quispian viginti annorum, *qui omnia tenuit, unde Anti-Christus a Diabolo genitus putabatur*, si vera narrat *Jonstonius* & ex eo *Hornius* in Historia naturali. (b) Atque meam mihi sententiam confirmat testimonium superius allatum ex *Holmia Litterata*, Laurentium nullo modo legere & scribere discere potuisse. Quam facultatem, cum altera abundaret, ei a natura negatam fuisse eo minus miror, quò exploratius est, eas plerumque naturæ leges esse, ut homo uno sensu præter modum fortunatus auctusque, altero aliquo vel intra modum valeat vel planè destituatur. Denique de *Computatore* nostro hoc breviter dixerim, Ingeniosum cum absque ingenio fuisse, doctum absque doctrina, litteratum absque litteris.

VIII.

JANNES & JAMBRES.

JUvenis quispiam, remotiorum quæstionum doctrinarumque diligentissimus, ut *Magorum Ægypti Præstigias* apud Mosen (a) ingenio comprehenderet, multas ingenio suo difficultates fecerat, plerosque rerum Ægyptiacarum scriptores veteres, *Jamblichum*, *Diodorum*, *Sirabonem*, *Herodotum* & *Plutarchum*, quàm studiosissimè perlegerat, sed nullum, nullum prorsus Magiæ nefariæ vestigium deprehendere potuerat. Hic ad recentiores demum (b) se applicans, cum diu inter eos errasset, quodam die ad me venit, quasi inventis ad fontem tibiis, ut ajunt poëtæ, exsultabundus. Causam ego tam hilaris animi, tam exporrectæ frontis quæro? respondet ille, pergratam sibi rem contigisse, jam tandem adhibitâ viri clarissimi *Joachimi Langii* explanatione omnem sibi de Ægyptiis suis dubitationem, omnem difficultatem esse sublatam. Tum vero *Langius* profertur, ex ejusque *Historia Ecclesiastica* (c) prælegitur illa viri doctissimi sententia: *Miracula Magorum fuerunt veri Numinis opera, ab ipso Deo per ipsos edita.* — Quid super his sentiam Juvenis meus percontatur, sententiæ Langianæ admi-

a. Exod. VII. & VIII. b. Quos *Reimannus* in *Antiqu. Litter. Ægypt.* pag. 148 sqq. commemorat.
c. Period. IV. Mos. p. 50.

mirator? Cui ego, salva, inquam, & incontro-
versa per me sit Theologi tui auctoritas: non re-
pugno. Verum enim vero, si quid in me iudicii
est, nã Ægyptius ille Langii Deus campum, in
quo contentiosa eloquentia longè latèque ex-
currat, aperire videtur.

Pergere me ille jubet, meamque senten-
tiam expromere. neque enim dubitabat, de
hujusmodi re minime vulgari me vel alte co-
gitasse, vel in adversaria quicquam conjecisse,
vel ex variis lectionibus auditionibusve non-
nihil didicisse. Pareo, pergo, expromo. Sum-
ma hæc est: *Magiam* (inquam) Ægyptiam,
plerique veterum Christianorum pro *fallacia*
habuerunt. Sic apud *Tertullianum* (a) me le-
gere memini: *Quid ergo dicemus magiam? quod*
omnes pene, fallaciam. — *Corpora videbantur*
Pharaoni & Ægyptiis magicarum virgarum dra-
cones, sed Moysis veritas mendacium devoravit.
Sic porro apud *Lactantium*: (b) *Magorum ars*
omnis ac potentia demonum adspirationibus con-
stat, a quibus invocati, visus hominum præstigiis ob-
cæcantibus fallunt, ut non videant ea, quæ sunt, &
videre se putent illa, quæ non sunt. Alii Scriptores,
ut sacræ historiæ simplicissima suâ veritas con-
stet, *Magiam* Ægyptiorum veram fuisse opi-
nantur, quibus ego quidem assentior, sed &
insuper miror, inter ⲙⲁⲓⲁ, *Sapientes*, &
ⲙⲁⲓⲁⲓⲁ, *Præstigiatores*, quos *Moses* ex inter-
vallo passim ⲙⲁⲓⲁⲓⲁ, *Incantatores*, vocat, nul-
lam

D 3

iam observationem discriminis, quod ipsa Scriptura monet, ab iis, quotquot vidi, haberi: quasi vero *Sapientes Ægyptii* magiam illicitam profiterentur, uti Salmanticæ olim in scholis publicis *ἑρμῆας* & *γυνταίαν*, pestilentes illas Magiæ partes, traditas fuisse perhibet *Jo. Laurentius Ananias*, (a) & ex ejus fide *Georgius Raguseus* Theologus, Medicus & Philosophus Patavinus. (b) Fanè apud *Danielem* Cap. V, factâ vs. 8 mentione τῶν ἱερέων, vs. 11 & ἱερέων (LXX Int. ἐκαστοί, incantatores) planissime a ceteris sapientibus, *ῥαῖν* (Magis) *ῥαῖν* (Chaldeis) *ῥαῖν* (Aruſpicibus) distinguuntur. Atque illos quidem Ægyptiorum *Sapientes* nusquam neque in Scriptura sacra nec profana Magiæ crimine accusari video, quin a *Jamblichò* de *Mysteriis Ægyptiorum* hòc testimoniò eos absolvi video: (c) *Sacerdotes Ægyptiorum* de iis, quæ ad purgationem, solutionem, salutem animæ pertinent, divinam intelligentiam interpellant, neque meditantur hominibus inutilia, imò res animæ omnium utilissimas; neque subdolo & seductore quodam dæmone obfuscati hallucinantur, qui in omnibus fallacem dæmonicamque naturam prorsus excedunt, atque ad intelligibilem divinamque conscendunt. — Uti *Marsilius Ficinus* Latine interpretatur. Quid? quod, Hi in Ægypto erant, qui apud Indos *Gymnosophistæ*, apud Per-

a. III, de Natura Dæmonum. b. L. II de Divinat. epist. 6. c. Cap. extr. p. m. 178.

Perfas *Magi*, apud Babylonios & Assyrios *Chaldei*, apud Celtas & Galatas *Druides*, quibus apud *Laërtium* (a) & *Tertallianum* (b) aliosque comparantur. Hi optimis quibusvis artibus eruditi, & quidem a magistro *Abrahamo*, (quod nonnulli volunt,) (c) honestissima Magiæ suæ disciplinam docuerê *Iosephum*, uti auctor est *Justinus* (d) & ex eo *Orosius*; (e) quo factum quidam credunt, ut a Pharaone *ἱερογλυφικὸς* dictus sit, i, e, *Arcanorum Revelator* vel *Interpres*, si vera illa verborum versio sit, ut arcanorum revelatore vel interprete novo non indigeant. Hi porro docuerê *Mosen*, fatente S. Scripturâ, (f) *καὶ ἐπαιδευθὴς Μωσῆς πάση σοφίᾳ Ἀιγυπτίων· ἦν δὲ δυνατὸς ἐν λόγοις καὶ ἐν ἔργοις*, *Et eruditus est Moses omni sapientia Ægyptiorum; eratque potens dictis & factis*. Cujus quidem sapientiæ partes *Clemens Alexandrinus* (g) commemorat *Ἀριθμητικὴν*, *Γεωμετρικὴν*, *Ῥυθμητικὴν*, *Ἀρμονικὴν*, *Ἰατρικὴν*, *Μουσικὴν*, τὴν διὰ συμβόλων φιλοσοφίαν, ἣν ἐν τοῖς ἱερογλυφικοῖς γραμμασιν ἐπιδέκνυνται, καὶ τὴν τῶν ὑρανίων ἐπιστήμην.

His placidè auditis, Amicus Juvenis famosa illa nomina, quæ apud *Paulum* (h) *Jannes* & *Jambres*, apud alios aliter leguntur, Ma-

D 4

gos

a. Proem. §. 1. b. Lib. I. adv. Marcionem Cap. XIII. c. Uti Eupolemus apud Eusebium Præp. Ev. Conf. Postell. de Originibus Cap. XV. d. XXXVI. 2, 6. e. Lib. I, Cap. VIII. f. A& VII, 22. g. I Strom. p. 343. h. II. Tim. III, 8.

gos infames ex ordine Sapientum Ægyptiorum, mihi objectat. Monet idem, utrumque a Greg. *Abulpharajio* (a) vocari *Sapientes*, qui *Mosen in Sapientia instituerunt*: monet, eos a *Numenio* apud *Eusebium* (b) ἱερογγραμματοῖς, *Scribas Sacros*, ab *Artapano* apud eundem (c) ἱερεῖς ὠνέξ μέμφιν appellari. Quibus ego auctoritatibus minus idoneis & recentioribus antiquiores alias Hebræorum oppono, qui duos illos *fratres* (ut *Ambrosius* putat) nusquam collegio Sapientum adscribunt, sed חרמים (*Præstigiatores*) item מכשפים (*Incantatores*) sive ראשי חרמים (*Capita Præstigatorum*) item ראשי מכשפים, *Capita Incantatorum*, tantum cognominant: (d) quibus quidem artificibus *Pharao* usus delectatusque fuit, sicuti Imperatores *Nero* apud *Suetonium*, (e) & *Didius Julianus* apud *Spartianum*, (f) alii.

Denique quæsitum est, cujusmodi animalium genus fuerint, quæ *Mosi* מִצִּיב dicuntur? item quæ factum sit, ut *Magus* hæc producturus jam manus dare, *digitumque DEI esse* fateri cogeretur? de voce Hebræa, uti & Græca, qua *LXX* Interpretes illam exponunt, (g) ἐνίψης, ea replicamus, quæ *Bochar-*

a. In *Historia Dynastiarum* pag. 17. b. *Præpar. Ev.* L. IX. p. 241. c. *Ibid.* L. IX. p. 435. d. *Vid.* *Fabric. Cod. Pseudepigr.* V. T. p. 822 sq. e. *Cap.* 34. f. *Cap.* 7. g. ad *Exod.* VIII, 18. & *Psal.* CV, 7 37.

ebartus (a) quæ *H. Stephanus* (b) differunt: deinde ad interpretes Latinos conversi, insectorum istud genus a Veteribus *Cinipbes* (male a recentioribus quibusdam *Pediculos*) verti discimus; quos *Orosius* (c) in hunc modum, ubi de plagis Ægyptiorum agit, describit: *Post ignitos cinipbes, & nusquam, toto se aëre vibrantes, evitabiles.* item alio in loco: (d) *Ibi tertia vexatio habuit Cynipbes, musculas scilicet parvissimas ac sevisissimas, quæ mediis sæpe æstibus per loca squalida coadunatim vibrando densatæ, & in nullo volatu allabi solent capillisque hominum ac pecudum setis cum urente morſu interfieri.*

Hinc ad causam, quamobrem magi Cini-
phes producere potis nos essent, digredimur.
quæ quò simplicior, eò rectior nobis vide-
batur, si crederemus, tum, cum ad hoc mi-
raculum ventum esset, DEO visum fuisse,
modum potestatis magicæ inhibere, ut po-
tentia & majestas divina eò gloriosius, de-
ficientibus jam Janne & Jambre, in oculos
& animos populi utriusque se inferret, ut
impotentem animi Pharaonem poenitentia
certaminis sui cum Supremo Numine subi-
ret, ut victam & triumphatam Magiam im-
pudentiæ suæ audaciæque puderet. Ceterum
non diffitebar, in eam me quondam opinio-

D 5

nem

a. Hieroz. P. I. L. I. Cap. IX, p. 70. b. in Append.
ad Thesaurum L. Græcæ col. 1242, sq. c. Lib. I, Cap.
X. d. L. VII, C. XXVII.

nem incidisse, ut Ciniphes Ægyptios, eò tempore prodeuntes, novum in rerum natura genus bestiolarum fuisse, quorum in opinatò adspectu obstupefacta vis magica concidit, mihi persuaderem.

IX.

De Auctoritate PRINCIPIS in Judicia Civium.

Q Uum proximi seculi ea apud nos Danos fortuna esset, ut poëtarum vernaculorum gloriâ superiores ætates superaret, futuris spem omnem æquiparandi præciperet, unum tulit, ingenii virtutibus quàm virtutum ingenio præstantiorem, quem

Largus & exundans lesbo dedit ingenii fons. (a)

Hunc nescio quæ vecors libertas agitaverat, usque eo, ut temperare sibi non posset, quin maledicos versus in plerosque regni Proceres scriberet, ipsi etiam sanctissimo Principi gravissimâ injuriâ haud obliquè factâ. Lex est: (b) *Quisquis contumeliosa maledicta in REGEM conjicit, famâ, morte bonisque multator, ita ut, dextrâ vivo amputatâ, corpus ejus in*
par-

a. Juvenal. Sat. X, § 119. b. Leg. Danic. L. VI, Cap. IV, Artic. I.

partes dissectum rotæ imponatur, caputque unâ cum manu palo infigatur. Item; (a) Si quis regimen REGIS contumeliosis dictis laceffere ausus fuerit, famâ & bonis multator: --- Nihilominus malefico nostro aliud malum non datum est, quàm quod mitissimus Augustus, quondam Cassio Patavino dedit, qui hunc levi exilio punire satis habuit, cum in convivio pleno proclamasset, Neque votum sibi neque animum deesse eum confodiendi. (b) Nimirum per incredibilem probissimi CHRISTIANI nostri indulgentiam fit, ut Jacobus noster W, relegatione in Orientem unicè multetur, impudentiam suam orbitate apud Indos ad supremum diem expiaturus: quanquam non desunt, qui alium vitæ exitum cum habuisse prædicant, in itinere maritimo, cum de exilio reduceretur, insepultam sepulturam natum.

Versus hujus poëtæ, item Dissertatio Latina ejusdem, cui titulus, *Idola Jeroboami in Dan & Bethel*, aculeatis probis plena, in cœtu studiosorum quorundam hominum olim legebatur, cum ego forte arbiter intervenirem. Quid præ manibus sit, rogo? exhibent illi infelicis istius ingenii monumenta; quæ conspicatus, cum primâ fronte mihi nota essent, lectoribus suis reddo, additâ voce, Pessimè de ingenio suo poëtam nostrum meritum fuisse, neque multò melius eos, qui hunc & similes

lc-

a. Ibid. Artic. IX.

b. Vid. Sueton. Cap. LI.

legunt, de bonis horis mereri. Ad quæ Juvenum unus: Tantum abest, inquit, ut cō animo legamus, quō ille scripsit, ut potius immanem ejus petulantiam hominis non sani esse judicemus. Haud tamen diffiteor, jucunda nobis esse, quæ Auctor Principem admonet, præmia virtutis ab ambitione possideri, indignos pro dignis surrepere, patriam illis servire, qui patriæ non serviunt, Aulæ, Belli, Civitatis, Ecclesiæ onera. Tum vero ego, An nescitis, inquam, vetus illud dictum *Aristotelis*: (a) Ὅν πλεῖστος νοῦς καὶ λόγος, ἐνταῦθα ἐλαχίστη τύχη, *Ubi plurimum mentis ac rationis, ibi minimum fortunæ?* Hoc majores nostri questi sunt, hoc nos querimus, hoc posteri querentur, Tam rarò hominem mereri, quod assequitur, quàm assequi, quod meretur. Non ferendus tamen videtur civis, qui Principi suo hoc vitio vertat exprobreteque, sicuti *Antisthenes* quondam Atheniensibus, quibus ille cum suaderet, *afinos ut dicerent esse equos, atque bi ab omni prorsus ratione id alienum esse dicerent*, Ἄλλὰ μὴν καὶ στρατηγοί, Φησὶ, γίνονται παρ' ὑμῶν μηδὲν μαθόντες — *At, inquit, apud vos duces quandoque fiunt, qui nihil didicerunt.* (b) Certe numen Principis, a quo tanquam manu DEI beneficia humana dispensantur, eâ verecundiâ suspici oportet, quam *Codex Theod.* (c) præcipit:

a. Magn. Moral. L. II, c. 8. b. Laërt. L. VI, § 8. c. Lib. IX, Tit. XXIX, leg. 2.

capit: *Disputare de principali judicio non oportet. Sacrilegii enim instar est, dubitare, an is dignus sit, quem elegerit imperator.* Quò accedit monitum Nazaris in Panegyrico constantin. (a) *Existmare de Principibus nemini fas est; quod quidem capitale erat sub Tiberio, dictum ullum factumve ejus existimatione aliqua læsisse, uti apud Suetonium* (b) *me legere memini.* Atque ea civis reverentia non profecto minima fidei in Principem portio est. Quid? si Rex meus *Ludovici XI* exemplo ex medico Cancellarium, ex tonsore Legatum primi ordinis creaverit, (c) *res ea non mei judicii est, est obsequii mei, tacitè suffragari, atque cum animo cogitare effatum illud Apostoli: (d)* *Πάσα ψυχὴ ἰησουλαις ὑποτασσεται ὑποτασσέσθω, ὅτι γὰρ ἰσὺς ἰησοῦς ἐστὶν ὁ κύριος καὶ ὁ θεὸς αἰὲν ὁ θεὸς ἰησουλαις, ὑπὸ τοῦ θεοῦ τεταγμέναι εἰσιν:* fateor, quod M. ille Terentius apud Tacitum: (e) *Non est nostrum æstimare, quem supra ceteros, & quibus de causis extollas. Tibi (Tiberio) summum rerum judicium dii dederūt: nobis obsequii gloria relicta est.* De Rege meo loquor, non de Nerone aliquo aut Heliogabalo, qui bonis & frugi hominibus infensi, perditis & perniciosis amplissimos Reipublicæ honores turpiter deferebant.

Erāt,

a. Cap. V, princ. b. in Tiberio Cap. LVIII. c. Vid. Boter. de Rep. L. II. C. IX, p. m. 262. d. Rom. XIII, 1. e. Annal. VI, 8, 5.

Erat, qui hujusmodi verecundiam immare quam brutam dicebat, si de indignis, quos Princeps idoneis præponit, conqueri nefas aut religio esset; si impune fateri non liceret, quod ille casæ habitatores coram Rege Antiocho, quem ignorabant, (a) Ὁ βασιλεὺς χεῖρὸς, οἱ δὲ φίλοι μοχθηροί, *Rex bonus est, sed amici pravi.* Cui ego; Memento, inquam, ὦ Juvenis, hominem, cui Princeps partem aliquam imperii mandat, haud ita temere indignum judicari oportere, uti ab imperito vulgo fieri solet, qui sæpe pastoralis tibia quam exquisitissimo cantu plus delectatur; qui in pictis tabulis non tam luminis & umbræ artificium quam multiplicem colorem spectat: qui virtutes hominis non animo, non obstinatione fidei in patriam, magis quam corpore, fortunâ; famâ metitur. Memento, ingenium humanum ita esse, ut in æstimanda aliorum sollertia plus odio, invidiæ, cupiditati plerumque indulgeamus, quam honestati obsequamur, honoresque, quos ipsi forte optamus, ubi alteri obtingere videmus, jam miserè profusos esse queramur, exclamantes illud *Vulpis de Persona tragica* apud *Phædrum*; (b) ὦ Quanta species, ἔθ' cerebrum non habes? sive Ciceronianum illud, ὦ tempora, ὦ mores! (c) Memento, beneficia, quæ indignis, uti vocamus, tribuuntur, vitia esse non tam Prin-

a. Plutarch. Apophth. p. 184. b. Lib. I, Fab. 7.
c. pro Dejotaro C. XI, item I, in Catil. C. 1.

Principis, quam eorum, qui Principis aures & oculi sunt, qui commendant, qui fidem pro meritis interponunt. Memento denique, si ingeniorum electio tibi a Principe daretur, si, singulis *Aulæ, Belli, Civitatis, Ecclesiæ* stipendiis in tua manu positis, rem publicam ita ordinares, ut jam nemo nisi clarissimus, nisi excellentissimus magistratum & honores publicos gerat; magnas tamen horum virtutes magnis sæpe vitiis haud carere, adeo ut dubium sit, patriæne tantundem obsint, quantum profint. *Sejanus* præstantis, fateor, ingenii aulici est; & consilii plenus, sed superbus, sed insidiosus, & *facinorum omnium repertor*: (a) *Rufinus* in Bello egregie fortis & bonus imperator, sed avarus & farax: (b) *Verres* in Civitate homo callidus & legationis obeundæ peritissimus, sed *sacrilegus*, sed *regionum suarum prado*. (c) Taceo de plerisque eorum, qui Ecclesiam regunt, ingenii gloriam præter alios florentibus. hos vero jam ab omni ævo quò eloquentiores præstantioresque, eò turbulentiores fuisse constat, unde tot Concilia adversus rei ecclesiasticæ novatores, tot cruenta odia & bella, tot hodieque in ecclesia corruptelæ. Quibus quidem rebus rectè æstimatis, non est quod mireris, si ego, mediocritatis ingenii amator, salvâ nobi-

a. Tacit. Ann. IV, 11, 4. b. Cic. Lib. II, de Orat. C. LXVI. & Gell. IV, 8. c. Lactant. II, 4, extr.

bilium meritorum dignitate, hominem, qui multa peritia, quam peritiam, quæ homine indiget, malim.

X.

Conspectus AULÆ veteris ROMANÆ.

Nobilium nostratium quempiam, civiliter eruditum, nova quædam cupiditas antiquam *Aulæ Romanæ* faciem videndi incesserat; cupiditas eò amabilior, quò rarioris exempli in patriciis nostris est. & prodigio fere similior. Hic, quicquid in vitâ aulica magnificum, in cultu regio superbum, in spectaculis amœnum est, Palatio veteri Romano quondam clausum ratus, quum diu librum historicum ejus argumenti frustra quæfisset, pro ea quâ apud me valebat auctoritate, pro ea quâ apud eum valebam gratia, in mandatis mihi per epistolam dederat, ut me sibi impenderem, Antiquitates Romæ Aulicas librò commentariò exsequiturus. Ego, segnitiae meæ seu potius imperitiæ diu tum temporis tum materiæ difficultatem prætexo, nullis conditionibus, ut justum volumen conscriberem, me adduci passus. Tandem Patrono jam coram colloquente fidem do, me brevi post, re paululum deliberatâ, & lectionibus meis antiquis in consilium adhibitis, imperata per Epistolam, facturum. Nec promissum fefelli,

AMOENITATES PHILOLOGICÆ. 65

fefelli, si expectationem Patrōni non fefelli.
Exemplum Epistolæ hoc est:

Vir Nobilissime,

„ Ex quo ab urbe discessisti, negotium;
„ quod mihi dederas, suscepi, scrinia mea
„ recognovi, sed cassâ fere omnia, certe ni-
„ hil te dignum in medio inveni. Nihilo
„ minus ut tuæ cupiditati, ut meo officio
„ morem geram, rudes quasdam Aulæ Vete-
„ ris Romanæ lineas feci, quas alii peritio-
„ res, si visum fuerit, illuminent, tu fac
„ æqui bonique consulas. Momenta argu-
„ menti præcipuè ad tria illa *Honestum, Utile*
„ & *Jucundum* revocavi. En

HONESTUM.

„ Si *Machiavelli Principem* (a) non audis, est
„ quod admireris *Publicam* Imperii Romani
„ FIDEM, quam *Polybius* (b) aliiq; pere-
„ grini Scriptores tantopere prædicant, ut
„ facile fidem habeas testibus domesticis,
„ Floro, (c) *Summa fœderum Romanis reli-*
„ *gio est*: item Gellio, (d) *Populus Romanus*
„ *omnium maximè atque præcipuè fidem coluit,*
„ *sanctamque habuit tam privatim quam pu-*
„ *blicè.* — Nec non Valerio Maximo, qui
PARS III. E „ *Ve-*

a. Cap. XVIII, p. m. 144 sq. b. Lib. VI, c. 34.
& L. XV, c. 4. c. II, 6, 5. d. Noct. Attic. XX, 1.

„ venerabile, inquit, (a) *fidei numen in nostra*
 „ *civitate viguisse, & omnes gentes senferunt,*
 „ *& nos paucis exemplis recognoscamus.* —
 „ Si studia amas, (amas autem ut qui maxi-
 „ mè) mirificè profecto se tibi probabit Im-
 „ peratorum Romanorum AMOR IN LIT-
 „ TERAS, quas illi, paucissimis exceptis,
 „ tantò studiò coluerunt, ut non modò sum-
 „ mum honorem doctis viris haberent, sed
 „ in vita etiam quotidiana familiariter ute-
 „ rentur, (sicuti in *Quæstionibus meis Roma-*
 „ *nis* copiosius exposui) quinimo ne ipsi qui-
 „ dem sæpe abstinerent, quò minus aliquid
 „ scriberent, si hoc studium Principi non
 „ minus indecorum judicas, (uti scriptores
 „ rerum civilium hodie judicant) quàm *Ne-*
 „ *roni* cantilenas condere, *Philippo* musicam
 „ exercere, *Eropo*, Macedonum regi, later-
 „ nas conficere, *Valentiniano* pupulas cereas
 „ effingere, aut *Demetrio* arma in belli usum
 „ fabricare. (b) Quum Tute Herois filius
 „ es, scias MAGNITUDINEM ANIMI
 „ haud quaquam aliunde melius quam ex
 „ Aula Romana addisci. Hanc virtutem
 „ dicta & facta Imperatorum in negotiis pu-
 „ blicis passim testantur. Testes hujus gra-
 „ vissimi omnium sunt hostes Romanorum
 „ gravissimi *Carthaginenses* & *Pyrrhus* atque
 „ alii, quorum injurias illi ut quam hones-
 „ tissimè

a. L. VI, c. 6. b. Vid. Boter. de Politia L. II,
 c. 9.

„ tissimè ulciscerentur , non sunt ulti : unde
 „ Gellius : (a) *Sæpe* , inquit , *in sese factas*
 „ *injurias ulcisci neglexit Populus Romanus.*
 „ Taceo de JUSTITIA , quæ disciplinam
 „ publicam temperet , quæ mores populi re-
 „ gat. Hanc Romani illi tot præclaris LE-
 „ GUM sanctionibus custodiverè , ut negari
 „ nequeat illud *Valeri* testimonium , (b) *Ju-*
 „ *stitiæ præcipuum & certissimum inter omnes*
 „ *gentes nostra civitas exemplum est.* Sane præ-
 „ stantissimas pleraque , quibus nos hodie te-
 „ nemur , Leges ab Augustis Romanis ac-
 „ ceptas esse nemo diffitetur. Ceterum ut
 „ certio rem quamdam imaginem HONESTI
 „ in Aula Romana habeas , unam illam *Ale-*
 „ *xandri Severi* vitam , ab *Ælio Lampridio*
 „ scriptam , tibi commendo , quâ gloriosio-
 „ rem aliam , quantulum equidem judico , in
 „ historia Romana reperiri dubito : ita bonis
 „ exemplis dives est , & sanctimoniâ , supra
 „ quam credibile est , planè insignis. Per-
 „ go ad

U T I L E ,

„ Quò refero *Officia Domus Augustæ* , de qui-
 „ bus *Gutherium* scripsisse scio , quid scripse-
 „ rit , nescio. Ecquænam illa ? Quæris. Ac-
 „ cipe potiora ; nam per singula ire , & ad
 „ *Arcarios , Aquarios , Cælatores , Ornatores*
 „ E 2 „ Prin-

a. L. VII, c. 3. b. VI, 5, princ.

„ Principum descendere nec operæ est, nec
 „ vacat.

„ A *Senaculo* Imperatoris, in quo consilia
 „ iniri, Legatis responsa dari solebant, or-
 „ diri lubet. In hoc Rei publicæ atque Au-
 „ læ operam dabant, quos hodie *Consiliarios*
 „ *Intimos* vocamus, COMITES & AMICI
 „ *Cæsaris*, qualis *Quadratus* ille apud *Grut-*
 „ *terum* Inscr. Pag. MC, n. 5.

C. SENTIO
 SEVERO
 QUADRATO
 C. V. COS.
 AMICO. ET
 COMIT. AUS. &c.

„ Adde *Spartianum* in vita Hadriani, (a)
 „ Cum judicaret, in consilio habuit non Ami-
 „ cos suos aut Comites solum, sed *Juriscon-*
 „ *sultos*, & præcipue *Julium Celsum*, *Salvium*
 „ *Julianum*, *Neratium Priscum*, aliosque;
 „ quos tamen *senatus omnis* probasset.

„ In *Tabulario* Palatino ad manum erant,
 „ qui dicuntur A LIBELLIS, SCRINIA-
 „ RII, MAGISTRI A LIBELLIS, MA-
 „ GISTI SCRINIORUM, AB EPISTO-
 „ LIS, MAGISTRI EPISTOLARUM,
 „ &c. Quorum ministeria qualia & quam
 ho-

a. Cap. XVIII, pr.

„ honorifica fuerint, te *Codex* (a) in primis
 „ docebit.

„ In *Cubiculo* versabantur SILENTIARIJ,
 „ PRÆPOSITUS SACRI CUBICULI
 „ cum suis, quibus præerat, CUBICULA-
 „ RIIS, qui & A CUBICULIS dicuntur,
 „ item ADMISSIONALES sive ADMIS-
 „ SIONUM MAGISTRI, nec non qui A
 „ VESTE erant, &c.

„ In *Triclinio* ministrabant PRÆGUSTA-
 „ TORES, qui A POTIONE erant,
 „ PEDISEQUI TRICLINIARIJ, (uti
 „ vocantur apud *Gruterum* Inscr. P. DLXXVI,
 „ n. 6) PUERI CÆSARIS, (v. ibid. P.
 „ DCIII, 6.) quibus rector præerat, MA-
 „ GISTER PUERORUM DOMUS
 „ AUGUSTÆ dictus, aliique A SUPEL-
 „ LECTILE, AB ARGENTO POTO-
 „ RIO, AB AURO ESCARIO, MINI-
 „ STRATORES, &c.

„ Denique in *Palatio* Romano militabant
 „ (utor verbo Imperatorum in *Codice*) PRÆ-
 „ FECTUS PRÆTORIO, COMES
 „ PALATII, COMES STABULI, PRÆ-
 „ FECTUS SATELLITUM, DISPEN-
 „ SATOR, QUÆSTOR AUG. innumeri
 „ alii, quibus ARCHIATRI SACRI PA-
 „ LATII, item qui A BIBLIOTHECIS
 „ erant, accedunt. Sequitur dehinc Mo-
 „ mentum Tertium,

E 3

J U-

J U C U N D U M.

„ Scilicet in Aulis Principum Romanorum,
 „ prorsus ut in hodiernis, voluptatis causa
 „ alebantur NANI & NANÆ. Sic Na-
 „ nus *adstans mensa Tiberii* memoratur Suetonio,
 „ (a) & Alexander Severus Nanos &
 „ Nanās *populo donasse* fertur apud Lamprid-
 „ dium (b): alebantur itidem MORIONES,
 „ ut hic in vita Severi auctor est. (c) Sic Im-
 „ perator Verus Agrippum *bistrionem* habuit,
 „ cui *cognomen* erat Memphi, quem e Syria
 „ *veluti trophæum Parthicum adduxerat*, quem
 „ Apokautum (d) nominavit. Adduxerat
 „ secum & *fidicinas* & *tibicines* & *bistriones*,
 „ *scurrasque mimarios* & *præstigiatores*, & om-
 „ nia *mancipiorum genera*, quorum Syria &
 „ Alexandria *pascitur voluptate*. (e) Ju-
 „ cundæ quoque in Palatio erant PELL-
 „ CES; sicuti Cæsonia (f) Caligulae, item
 „ Poppæa Sabina Neroni *intimum consiliorum*,
 „ (g) nec non Amica Veri, *cujus ad arbi-*
 „ *trium hic barbam posuisse* traditur a Capito-
 „ lino: (h) ut nihil de reliquorum Princi-
 „ pum Amoris dicam, in primis de cal-
 „ lidissimis illis Augusti, qui matronas nobi-

„ li-

a. Cap. LXI. b. Cap. XXXIV. c. Loc. cit.
 d. Vide Supplementum meum, L. Lat. p. 32. e. Ca-
 pitolin. c. 8, in vita Veri. f. V. Sueton. c. 33. &
 Juvenal. VI, 616. g. Tacit. Annal, XV, 61, 3.
 h. Cap. * VII.

liores iniri solebat, non libidine, sed ratione, quod facilius consilia aduersariorum per cuiusque mulieres exquireret, uti Amici adulteria ipsius apud Suetonium (a) excusant. Sed & EUNUCHI atque SPADONES in deliciis erant, potentissimum imo & pestilentissimum hominum genus, a quibus vendi se noluit Gordianus Tertius, (b) & Alexander Severus sapienter abhorruit, teste Lampridio, (c) qui in hunc modum eos describit: Eunuchos nec in consiliis nec in ministeriis habuit, qui soli principes perdunt, qui a Populo & amicis Principem submovent, qui internuntii sunt, aliud quam respondetur sæpe referentes, claudentes Principem suum, & agentes ante omnia, ne quid sciat. —

Ad has atque alias Aulæ Romanæ voluptates accedunt oblectamenta publica, LUDI & SPECTACULA, quorum notitiam, quum jam a compluribus scriptoribus exposita sunt, tibi suppeditare non dubito, atque suppeditare proinde superse-
deo. Tacitus quoque prætereo Oblectamenta privata, quibus Augusti illi partim animi laxandi, partim corporis exercendi causa otium consumere solitabant. Quid enim tua interest scire, Octavium & Claudium omnium maximè & studiosissimè ALEA lufitasse? Julium Cæsarem, Augustum, M.

E 4

An-

a. Cap. LXIX. b. V. Jul. Capitol. c. 23. c. Cap. LXVI.

„ *Antoninum Philosophum, Alexandrum Se-*
 „ *verum, Ludo PILÆ, cujus apprime pe-*
 „ *riti erant, gavisos fuisse? alium VENA-*
 „ *TU, CERTAMINE BESTIARUM,*
 „ *domestico, aut PISCATU delectatum?*
 „ *alium, imo ipsum Augustum NUCIBUS*
 „ *quandoque aut TALIS luisse cum pueris*
 „ *minutis, quos facie & garrulitate amabiles*
 „ *undique conquirebat, præcipue Mauros &*
 „ *Syros? (a) Nota MAUROS; nam & ho-*
 „ *rum frequens usus in Aulis Principum at-*
 „ *que Nobiliorum Romæ erat; unde Quin-*
 „ *tilianus: (b) Habent hoc quoque deliciæ di-*
 „ *vitum; malunt querere omnia contra natu-*
 „ *ram. Gratus est ille debilitate, ille ipsa in-*
 „ *felicitate distorti corporis placet: alter emi-*
 „ *tur, quia coloris alieni est. — Puta fusci*
 „ *sive obluridi, ut vocat Ammianus, comi-*
 „ *tatum matronarum Rom. describens, (c)*
 „ *Postrema multitudo spadonum a senibus in*
 „ *pueros desinens, coloris obluridi, distortaque*
 „ *lineamentorum compage deformis.*
 „ *Et jam modum Epistolæ excessisse mihi*
 „ *videor, quum Tu, Vir Nob. aurem mihi*
 „ *vellicare videris, ut Ceremonias quasdam*
 „ *Aule Romane prius, quam manum remo-*
 „ *veam, extremis, quod ajunt, digitis at-*
 „ *tingam. Agedum, finge Te civem Ro-*
 „ *manum esse, atque antiquissimis illis tem-*
 „ *po-*

a. Sueton. in Aug. c. 83. b. Declamat. CCXVIII.
 l. XIV, c. 6.

„ poribus vivere : finge , Principem tibi sa-
 „ lutandum esse, teque in vestibulo ædium Pa-
 „ latinarum, sive in area Palatina SALU-
 „ TATIONEM Cæsaris opperire, ut Gellius
 „ (a) loquitur ; jam fiet , si Augustum aut
 „ hujus similes conveniendi potestatem optes,
 „ ut facilis tibi aditus tanquam in Ædibus
 „ Publicis (b) sit, patente velô , admissionali-
 „ bus remotis. (c) Admissus salutato, AVE
 „ IMPERATOR, aut , si cum Alexandro
 „ Severo tibi res est , AVE ALEXAN-
 „ DER, (d) ne capite quidem flexô. Quod
 „ si Maximini Junioris aut Caligulae conspec-
 „ tum subcas, jam manibus , jam genibus,
 „ jam pedibus oscula figenda esse (e) me-
 „ mento ; nam in his illi membris , si audiri
 „ velis , aures habent , quod de Dionysio
 „ olim Aristippus dixit , teste Laërtiô ; (f)
 „ neque enim satis erit , sacram illorum pur-
 „ puram adorare. (g) In discessu cave dicas
 „ VALE ; quam vocem ab humanissimo
 „ etiam Augusto signum familiaritatis pronun-
 „ tiari non ignoras.

„ Quod ad Cerimonias publicas attinet, fin-
 „ ge , TRIUMPHUM Imperatorium in
 „ tempora tua Romæ incidere : Videbis spec-

E 5

„ ta-

a. IV, 1, pr. & XX, 1. b. V. Plin. Paneg.
 XLVII, 3. c. V. Lamprid. in Severo c. 4, d. Id.
 c. 18. e. V. Jul. Capitol. c. 2. & Suet. in Calig. c.
 36. f. L. II, 6. 79. g. Vid. L. I. C. de Apparit.
 Præf. Prætor. l. 12.

„ tacula, quæ unus instar omnium *Ovidius*
 „ in Libro quarto *Tristium*, Eleg. 2 osten-
 „ tat. Finge, NATALEM Principis cele-
 „ bratum iri: jam albatam aulam, jam festi-
 „ vis acclamationibus, epulis & sacrificiis
 „ omnia plena esse comperies; quæ honorum
 „ genera KALENDIS JANUARIIS quo-
 „ que haberi videbis. (a) Finge denique,
 „ te LUCTUI Publico aut FUNERI Au-
 „ gusto interesse: jam pullatam aulam & ur-
 „ bem videbis, jam hinc equitum & Senato-
 „ rum officia in funere Principis ornando cer-
 „ tantia, illinc munera gladiatorum occupata,
 „ istinc rostra Laudationibus personantia te
 „ circumstrepent. Tu vero plura fingete jam
 „ desine, & Vale.

* * *

Acceptâ hâc Epistolâ, cùm non ita multò
 post in congressum & colloquium Patroni
 mei venirem, memini illum mirari, quod
 inter *Cerimonias* Publicas de LEGATIS, quâ
 pompâ, quò apparatu illi ab Aula Romana
 excepti olim dimissique sint, se non crudiis-
 sem. Ego vero, Non est, inquam, quod
 horum mentionem in brevi mea tabula omis-
 sam mireris; quorum quidem publica admissio
 jam antiquissimis Republicæ adhuc liberae
 tem-

a. V. Tacit. Annal. IV, 70, r seq. Plin. L. X,
 epist. 44, & Caj. lege 233 de Verb. Signif.

temporibus eò honoratior quò infrequentior, quàm sub imperio Cæsarum fuit, ut auctor mihi est *Plutarchus*: (a) *Antiquitus* *Quæstores Legatis munera mittebant, quæ Lavtia, Lautia, dicebantur, egrotantium curam suscipiebant, mortuisque funus e publico faciebant. Nunc autem ob multitudinem Legatorum, qui veniunt, sumtu omisso id tamen servatur, ut legati accedant præfectos ærarii, qui eorum nomina in tabulas referunt. Adde quod Legatorum nomini ignobilitas eorum quandoque vilitatem afferebat: quo factum ab Augusto legimus, ut Romæ Legatos liberarum sociarumque gentium vetaret in orchestra (loco senatorum) confidere, cum quosdam etiam libertini generis mitti deprehendisset, teste Suetoniò. (b) Nimirum ad auctoritatem & honorem Legationis semper interest, homines mitti dignitate & gravitate præstantes, non tonforem aliquem *Oliverium*, legatum *Ludovici XI*, quem, licet titulo *Comitis Onculani* ornatum, *Andegavenfes*, cum negotiorum civilium causa legationem apud se obiret, ludibrio habebant, imo in flumen, ut *Cominæus* (c) pro certo credit, projicere decreverant. Taceo de *Legatis Ilienſium*, quos *Tiberius* eandem ob causam, ut opinor, tum sprexit, cum *his Paulo Serius* (post mortem filii *Drusii*) *consolantibus*,*

a. Quæst. Rom. XLIII, p. 275. b. Cap. XLIV.
c. Vid. Scip. Amirat. Dissert. Polit. Lib. XV, Disc. XIV, p. m. 242.

tibus, quasi oblitteratâ jam doloris memoriâ irridens, responderet, se quoque vicem eorum dolere, quod egregium civem Hectorem amisissent.

(a) Quo quidem ex loco Suetonii discas, jam antiquitus receptum fuisse illud *consolandi* officium, quo Legati hodieque in Aulis Principum lugentium utuntur. Denique si Republicæ Romanæ sub Imperatoribus florentis Majestatem & Amplitudinem, cui tum universus fere orbis servire credebatur, æstima-
veris, haud quaquam mirum tibi videbitur, Legatos exterorum in modico honore apud terrarum Principes fuisse, cum Legatorum ipsi domini, quin etiam Parthorum reges, Romani imperii æmuli, subarroganter quandoque haberentur; quò referas illud Taciti
(b) de Parthorum Legatis: *Igitur irriti a Nerone remittuntur, cum donis tamen, unde spes fieret, non frustra eadem oraturum Tiridatem (fratrem regis Vologesis) si preces NB. ipse attulisset.*

XI.

a. Sueton. in Vita Tiberii Cap. LII. b. Annal.
XV, 25, 4.

IX.

ΘΗΡΙΑΜΑΧΙΑ PAULI.

Venerabilis quidam sacrarum litterarum interpres, homo propter multas ingenii, eloquentiæ & virtutum suavitates mihi & bonis omnibus, quibus notus erat, multo carissimus, **VERSUM XXXII EPISTOLÆ Paulinæ I ad Corinthios**, ut ordo ferebat, pro concione exposuerat. Placuerant mirifice cuncta, quæ ex Sirenis nostræ ore sive pectore exierant, si unum momentum excepero, de quo mihi cum illo non conveniebat. Nimirum verbum, **ΕΘΗΡΙΑΜΑΧΗΣΑ**, vir ille clarissimus ita acceperat, ut Apostolus non dimicationem cum bestiis subierit, sed cum effrenatis hominibus, tanquam bestiis, decertaverit, hinc in tumultu populi Ephesino, illinc in Disputationibus, Ephesi per trimestre spatium cum Judæorum gente habitis, quæ Act. XIX commemorantur.

Peraetis sacris, cum domum quisque repperemus, obviam mihi fit Antistes, conferuntur dextræ, sermo de *Θηριαμαχία* Pauli instauratur. Ille vero, ut commodiorem dissendendi locum haberemus, domum me secum proficisci jubet, & in Museum suum venire. His res feriò in disceptationem vocatur. Summa hæc est.

Amicus Antistes primum de Stilo Paulino
ejus-

ejusque consueta *αἰκυρολογία* me admonet : deinde eos, qui bestiariam Pauli pugnam propriè intelligunt, facilè sententiam mutare sperat, si locum II. Corinth. XI, 23 sqq. perpenderint, ubi Apostolus, quum in eo est, ut graviores vitæ suæ ærumnas enumeret, nullam prorsus *Θηριομαχίας* mentionem facit, quam tamen, si hoc tam glorioso periculo perfunctus fuisset, factum iri Amicus non dubitabat : postea præstantissimorum quorumque interpretum auctoritates, quibus plurimum honorem haberi oportet, sententiæ meæ opponit : denique addit, in Historia Ecclesiastica apud *Eusebium*, apud *Hieronimum* (de Viris Illustribus) imo apud *Abdian* (vel quisquis auctor sit *Historiæ Apostolicæ*) de vita Pauli, aliosve, quos ipse lætitaverat, scriptores veteres nullam hujus miraculi memoriam exstare, atque fidem proinde eorum negligentiae tacitè accusari, si Paulus cum bestiis quadrupedibus verè congressus credatur.

Ad quæ ego verecundè me suscipere memini, primum quidem a propria significatione verbi, *Ἐθηριομάχησα*, citra necessitatem temere discedendum non esse, in primis cum inveteratum hoc supplicii genus sit, fontes ad pugnam bestiarum dare, sicuti *Ignatium* sub Trajano *leonibus*, (a) & Christianos sub
Maxi-

a. Vid. Hieronym. de Vir. Ill. c. XVI, extr. p. m. 78.

Maximiano Galerio *urſis* (a) obſectos legimus: deinde locum *Apoſtoli* II Cor. XI mihi cò minus adverſari, quod Auctor addit, ſe *ἐν θανάτοις πολλάκις*, in mortibus ſæpe verſatum fuiſſe: poſtea adverſus Interpretes uti & *Hiſtoriæ Eccleſiaſticæ* Scriptores mihi *Tertullianum* & *Nicephorum* adſtipulari. Prolatus eſt uterque atque ex illo quidem hæc verba (b) prælecta: *Quid* *ἐγὼ* nos, inquit Paulus, *omni hora periclitamur?* utique per carnem. *Quotidie morior*, utique periculis carnis, per quam *ἐγὼ* depugnavit ad beſtias *Ephēſi*: illas ſcilicet beſtias *Aſiaticæ* preſſuræ, de qua in ſecunda ad eosdem: (c) *Nolumus enim vos ignorare, fratres, de preſſura noſtra apud Aſiam*, quod ſuperquam ſupra gravati ſumus citra vires, uti de vita hæſitaremus. Omnia hæc, niſi fallor, ed enumerat, ut nolens vanam credi carnis conflictationem, indubitatè velit credi carnis reſurrectionem. *Vana enim habenda eſt ejus conflictatio, cujus nulla erit reſurrectio.* Ubi vocem *Carnis* notari oportere monebam, quæ Græcum illum Pauli, κατ' ἀνθρώπων (minime κατ' ἀνθρώπων, uti emendandum cenſuit *Scaliger*) ita explanare videtur, ut non opus ſit verbum λέγω ſubaudiri, quod nonnulli volunt, (d) quaſi ſenſus ſit: *Si, ut ſecundum hominem ſeu*

a. Laſtant. de Mort. Perſec. c. XXI. b. Lib. de Reſurr. Carnis Cap. XLVIII, p. 417. c. II Cor. I, 8. d. Vid. Glaſſ. Philol. Sacr. L. V, Tr. I. C. XI, p.m. 1770.

seu humanitus loquar, adversus bestias pugnavi. — Quæ interpretatio duriuscula & Paulo tortuosior videtur: deinde Nicephorum (a) Latinè ex Joannis Langi versione loquentem audimus, qui rem plenius narrat: Qui perfectiones Pauli descripserunt, quum quamplurima alia eum & fecisse & passum esse, tum hoc quoque quum Ephesi esset, de eo memoriæ mandarunt. Quum enim ibi principem locum Hieronymus obtineret, multa cum libertate Paulus est concionatus. Quare Hieronymus illum bene quidem & disertè dicere, sed orationem ejus non esse eorum temporum testatus est. Plebs quidem certè per insolentiam & furorem, Paulo compedibus injectis, carceri eum includit, ut leonibus vorandus objiceretur. Ibi tum Eubula & Artemilla, clarorum Ephesi virorum conjuges, fidem edoctæ a Paulo, (noctu enim ad eum veniebant) divini lavacri gratiam ab eo petunt. Itaque virtute divina atque angelici satellitii ministerio caliginem noctis exuberantiâ splendoris illustrante, Paulus ferreis compedibus liberatus, illas divino baptismo ad littus maris initiat; & quum id nemo omnium, quibus custodiæ cura mandata fuerat, sensisset, ad vincula rursus sua, in quibus leonibus esca asservabatur, redit. Sed enim ingenti magnitudine & robore intolerando leo contra ipsum immissus, in arenam quidem ille procurrit, sed mox ad pedes Pauli confedit. Et quum itidem aliæ immanes feræ immitterentur,

ne

a. Hist. Eccl. Lib. II, c. 25.

ne tangere quidem ulla sacrum corpus, ad orationem erectum atque compositum, sustinuit. His ita actis, derepente fragore multo vehemens quedam supra naturæ ordinem grandæ decidens, multorum simul & virorum & ferorum animalium comminuit capita, ipsiusque etiam Hieronymi aurem amputat; qui deinde cum suis per Paulum DEO conciliatus salutiferum suscipit lavacrum. Leo autem ille profugus, in proximis montes evadit. — Mirandum vero non est; Lucam hanc Pauli cum belluis pugnam reliquit ejus attis non inseruisse. Nam etiamsi ex Evangelistis solus Johannes Lazari resurrectionem commemorat, minus tamen de fide veritateque ejus ambigendum. Scimus enim, non omnes omnia scribere, credere & nosse.

Postremò cum DEUM ad Ephesios convertendos miraculis usum fuisse credibile est, facile ab his Scriptoris, ut ab Antistite meo dissentiam, me adductum esse fatebar.

Finitâ disputatione, cum domum reversus fortè, Commentationem Viri Cl. *Bernhardi Raupachii* de *Rei Sacra & Litterarie in Dania. Statu* quodam die pervolutarem, ex hoc Scriptore didici, jam a beato nostro *Lintrupio* Schediasma de *Θρησκευτική* *Paulina* A. 1659 editum esse, quod diu postea, sed hactenus frustra quæsi.

XII.

Casus Conscientiæ Litterariæ.

SEdebam quondam in Musco meo, studebam, excerpebam quum amicorum quispian mihi perjucundus perque familiaris advenit. Sedenti ad manum adjacebat apertum volumen, cui frequenter, quicquid novum in mentem venerit, mandare soleo. In hoc ille conjectis oculis cum fore Titulum *Conscientiæ Litterariæ* conspiceretur, novitatem miratus, quid istuc rei & verbi sit, quærit? Respondeo, collectanea hujus loci affinia iis esse, quæ in *Sermone IV, Part. I. de Conscientia Philologica* disserueram. Petit ille, Volumen meum in manus sumit; meditantia, quæ consignaveram, oculus obit. Quibus quidem perlectis, quum, renidente vultu rudem & inchoatum Titulum approbare, mihiq; ut paullò diligentius exsequar, tacitè suadere videretur, partem quandam otii huic negotio tribuere postea visum fuit, atque eò quidem libentius, quò magis hominem studiosum ante omnia bonum, ante omnes sapientem esse cupio. En quæsitæ cum subiectis sententiis:

I. Num homo privatus, salvâ conscientia, patrimonium in libros & librorum ornamenta effundit, Non magis, ut ego quidem arbitror, quàm

quàm in pictas tabulas, in vasa peregrina, in pretiosa sed supervacua suppellectilis domesticæ spectacula. Damnosæ voluptatis genus est, librorum loculamenta tecto tenus exstruere, officinas librarías locupletare, imò tineas & blattas iis impensis pascere, quæ honestius vel bonis hæredibus relinquuntur, vel in pauperes atque amicos erogantur. Ego profecto rem familiarem eò usque minime claudendam volo, ut nulla utilitatis, nulla jucunditatis ratio eam aperire queat; sed neque ita referendam, ut bibliopolarum avaritiæ pateat illud improbi, illiberalis & profani patris familias est, hoc studiosi arrogantis, prodigi, insani. Quin libros in tantum emere oportet, ut nostros non vendamus, ut nostra non compilemus.

II. Num, qui intemperantius studendo mortem approperat, αυτοχειρίας absolvi potest? Qui otii honestè consumendi causa litteris immoritur, is vero gloriósè meâ quidem sententiâ moritur: Qui pallorem ex chartis contrahit, is vero jam venerabiles quosdam canos in vultu gestat, quibus se diu vixissè probeat: Qui valetudinem non quidem negligit, sed amorì in litteras postponit, is vero excusari quodammodo posse videtur dictò illo Hippocratis, (a) apud Basilium Magnum: (b) Σφαλεράν

F 2

ἔιναι

a. Aphorism. I, 3. b. de Leg. Gent. Lib. Cap. XIX.

ἵνα τὴν ἐν ἄκρῳ ἐνέξῃαν, periculofam rem effe
nimis bonam valetudinem. De cetero quod
Medici ex Cicerone (a) monent, tantum cibi
& potionis adhibendum effe, ut reficiantur vi-
res non opprimantur: idem Studiofis, ut in-
genium ficuti ventrem ne nimis expleant rec-
tè Plutarchus, (b) rectè Horftius, (c) rectè
Gestnerus (d) alique præcipiunt. Quæ caufa
eft, quàmobrèm ego in ftudiis prorfus ficu-
ti in victu illam diætam fervare foleo, ut diem
inter laborem & honeftum otium dividam,
ut diurnam laffitudinem horis vèfpertinis apud
amicos ponam, eorumque fuavitatem tanquam
neceffarium curis temperamentum interponam,
ut denique lucubrationes, quæ fuccum inge-
nii, quæ fanguinem corporis ebibunt, quam
maximè fugiam. Nihilo minus quum Rem-
publicam litterariam circumfpicio, video,
doctorum illos, qui litteris fe abdiderunt, qui
in lectitando aut fcriptitando modum fere ex-
cefferunt, ad summam fenectutem perveniffe.
Ex hoc numero funt πολυγράφοι illi apud Iſi-
dorum, (e) M. Terentius Varro, Origenes &
Auguftinus: ex hoc philofophi apud Laërtium
(f) Zeno, Xenophanes, Democritus, Arifto-
teles, Epicurus, & Chryſippus, quos morbus
ſcribendi tenuit: ex hox Didymus grammati-
cus,

a. de Senect, Cap. XI. b. Vid. Ὑγιὰ Παρυ-
γίλματα. c. in Lib. de Tuenda Sanitate Studioforum.
d. In Inſtit. Rei Schol. e. Orig. VI, 7. f. Proœm.
§ 16.

cus, qui *quatuor millia librorum scripsit*: (a) ex hoc denique recentiores *Aldrovandus, Lutherus, Melanchthon, Kircherus, Cardanus*, alique quamplurimi, quos longo ordine *Bailletus*, (b) & ex *Bailleto Morhofius* (c) recenset. Quorum quidem annos & scripta qui computaverit, nã is tantum non dubitabit, mortem cuiquam ab immoderata mentis & studiorum agitatione posse maturari; sicuti *Huetius* studentium vires otio & vitã sedentariã debilitari dubitat, imo planè negat. (d)

III. *Num piæ fraudes litterariæ in Conscientiæ Judicio excusationem habent?* Attendant Christiani veteres, sive Orthodoxi sive Hæretici, sive *Hermas*, (e) sive *Christianus* aliquis *Alexandrinus*, (f) sive alii, qui, ut mentes animosque gentiliũ caperent, adulterina quædam oracula Sibyllina veluti escam hamo imposuerunt, eò ipsò conatu atque consilio veritati Christianæ perniciosissimi, quum philosophi sagaciores fraudem facillè subsenserunt, uti ex *Lactantio*, (g) nequid de testimoniis *Origenis, Eusebii, Augustini* & aliorum dicam, satis constat: *His sibyllæ testimoniis reuicti gentiles, solent eò confugere,*

F 3

ut

a. Senec. Epist. 88 & Quintil. I, 8. b. In Libro de Judiciis doctorum, T. I. Part. II, c. 11. c. Polyhist. L. I, C. XXII, p. m. 264 sq. d. In Commentario de Reb. &c. L. I, p. m. 17. e. Vid. Blondell L. II, c. 7. f. V. Caveus P. II, H. Litter. g. IV, 15, 26.

ut aiant, non esse illa carmina Sibyllina, sed a nostris conficta. atque composita; uti revera fuerunt, quum eorum nullum neque apud profanos Scriptores ante nativitatem Christi, nec apud Apostolos invenitur, qui profecto, si vera fuissent, si iis temporibus existissent, eorum auctoritatem advocare, aut certè mentionem facere haud quaquam omisissent.

Attendant porro male Seduli illi veteris Ecclesiæ Scriptores, qui, decepti nescio an decepturi, tot nova Evangelia, tot miraculorum & fabularum portenta de Christo, Apostolis & Sanctis in litteras relata reliquerunt.

Hi, inquam, quum Ecclesiam mendaciis impleverint, quum superstitiones & errores in Rempublicam litterariam infuderint, quum virginitatem, ut ita dicam, S. Scripturæ & Historiæ haud raro temeraverint, injuriarum crimine se obstrinxisse mihi videntur, eoque multò graviore quàm vel *Joannes ille Annii Viterbiensis*, qui scripta *Fabii Pictoris, Catonis, Berosi, Manethonis, Philonis*, aliorumque sub finem Seculi XV audacter confinxit: vel *Carolus Sigonius, Curtius Inghiramius, Alphonsus Cicarellus*, alii, qui parem fumum vendiderè: vel demique *Falsarii* isti veteres, qui, cum Attalicos Reges librorum veterum cupidissimos esse cernerent, lucri causa libros, illustrium scriptorum nomina mentientes, certatim conscribabant, ad aulas deferbant, atque ita primi vitium prave Suppositionis in-

inducebant, cum ante id tempus nullum opus falsò inscriberetur, ut auctor est *Galenus*. (a)

IV. *Num bene de Sacris Libris merentur, qui variantes horum Lektionen vel ex MSSis conquirunt, vel ex ingenio extundunt?* Pessime, ut ego quidem opinor, pessimè: Hi *Pyrhones* quidam Christiani esse mihi videntur: hi hæreses sæpe vel augent vel confirmant. Valeat cum suis N. T. Lektionibus *Jo. Millius*, qui lectorem in medio incertum relinquit, adversarium præter alios *Danielem Whitby* S. T. P. & Ecclesiæ Sarisburiensis præcentorem (b) nactus: Valeat *Steph. Curcellæus*, quem in sua Dissertatione (c) jam Vir Clar. *Jo. Gottlieb Möllerus* castigavit: Valeant cuncti male feriat grassatores litterarii, qui scripturam veterem vel immutare, vel transversum unguem ab illa discedere ausint. Hi profecto non levius peccare mihi videntur, quàm vel sacrilegus ille *Marcion*, qui *Lucam* pro lubitu correxit, interpolavit, depravavit: (d) vel *Aquila*, qui sacras litteras adulteravit, testimonia de CHRISTO obscurare conatus: (e) vel denique *Lanfrancus* ille, *Benedicti-*

F 4

nus

a. Comment. I. in Hippocratem de Natura Homi-
nis, p. 127. b. Cujus *Examen Variantium Lektionum*
Londini 1710 fol. prodit. c. Edita Rost. 1696, 4.
d. Vid. Tertull. L. IV adv. Marc. c. 5 sq. e. Vid.
Theodor. Metochit. pag. 92.

nus primum Monachus, deinde Cantuariensis Archiepiscopus, cujus in vita cum Operibus ejus edita Lutetiae Anno MDCXLVIII hæc leguntur: *Quia Scripturæ, Scriptorum vitio, erant nimium corruptæ, omnes tam veteris quàm Novi Testamenti Libros, nec non etiam Scripta SS. Patrum SECUNDUM ORTHODOXAM FIDEM STUDUIT CORRIGERE.* (a)

V. *Numquæ religio vetat Scripturam Sacram cum profana conferre?* Quodsi & in Moyse & in Prophetarum voluminibus quædam de gentiliis libris assumpta sint, ut ait Hieronymus: (b). Quodsi doctiores melioresque Ecclesiæ Patres, exemplò divinissimi Pauli, sacris oraculis & testimoniis dicta factaque philosophorum gentiliis miscere non dubitaverint; quos secuti sunt postea viri Clarissimi, Phil. Melancthon in Scholiis ad Proverbia Salomonis, Grotius in Commentariis Criticis Bibl. alii: Quodsi hi, inquam, tanti magistri majestatem S. Scripturæ, quam cum profana sæpius contulerint, polluisse non videantur: jam ego culpa vacare videor, qui olim in *Cogitationibus meis Variis Philologicis*, (c) inter cœlestem Salvatoris apud Matthæum, & M. Antonini humanam philosophiam comparisonem quan-

a. Conf. Jo. Cleric. Crit. P. III. S. 1. C. I. § 17. p. m. 11. b. In Epistola LXXXII ad Magnum Orat. p. m. 109. c. p. 45.

quam institui, paullo inclementius proinde a doctissimo *Joanne Laur. Mosheimio* exceptus, qui (a) *detrimenti aliquid magnificam de CHRISTI legibus opinionem ex ista comparatione posse capere sentit*. Tu vero, Clarissime *Mosheimi*, memento primum, præcepta *Antonini*, quæ adduxi, ejus naturæ esse, ut non modò optimum quemque, Christianum in sui admirationem convertere, sed & pessimum quemque, qui CHRISTO minus credit, in ruborem dare eò magis queant & debeant, quod ab homine gentili & veritatis experte tradita fuerint: deinde finge, quæso, magnum hunc *Philosophum* esse CHRISTI vel hostem, vel discipulum, vel interpretem: si *hostem* fingas, jamne sua-ve est, sanctissimas hujus leges ab illo tacite accipi, approbari, commendari, quum *αὐτὸν ἡ κατὰ τὴν ἐχθρὰν μαρτυρία* sit, ut ait *Isidorus Pelusiota*? (b) si *discipulum*: jamne pudebit me, *Antonini* condiscipulum non esse? jamne ex hoc discam, de tanto præceptore ejusque præceptis gloriosius & magnificentius existimare? si *interpretem*: jamne & utile & jucundum est *Antoninum* audire, qui velut a CHRISTO edoctus etiam *inimicos diligere* jubet, (c) quia *cognati sunt*, quia paulo post nobiscum *fato concessuri sunt*, &c. quod quidem amoris officium *solorum Christianorum esse Tertullianus* arbitratur? (d) jamne ad præceptum

F 5

sal-

a. Obs. Sæcr. L. I, C. I, § XVII, pag. 66. sq. b. L. II, Epist. 228, & L. III, Ep. 335. c. L. VII, § 22. d. ad Scap. cap. 1.

salvatoris de *buccina* in *elemosynis* erogandis non *adhibenda*, bellè & commodè applicari potest illud Philosophi, hominem *viti similem esse* oportere, quæ ubi *racemum* tulerit, *fructumque* sibi *proprium* dederit, *nihil* ulterius requirit: sicuti equus, ubi cucurrerit, *canis* venatus fuerit, *apis* mel confecerit: ita illum ubi *bene* fecerit, non *clamore* prosequi, sed ad aliud ejusmodi opus se conferre, quemadmodum *vitis* ad *racemos* alios denuo suo tempore producendos? (a)

VI. Num boni scriptoris est vel ad criminationes vel ad pravorum hominum laudationes eloquentiam conferre? Fateri pudet, ex omni animalium genere humanum, ex humano Christianum, ex Christiano litteratum genus quam maximè invidum pugnax, iniquum esse: unde tot injuriæ, calumniæ, querelæ, probra, quibus jus humanitatis & honestatis turpissimè violatur. Sed & fateri pudet, plerosque Christianorum tam prodigos ingenii & eloquentiæ sæpe esse, ut pessimum quemque lucri vel adulationis causâ ambitioso Panegyricò ornare haud venerantur, similes *Favorino* & *Libanio* sophistæ, qui *Thersitæ*, item *Isocrati* & *Polycrati*, qui *Busiridis*, laudes (b) scripserê; similes futoribus, qui parvo & deformi pedi magnum & rectum calceum aptant, ut dixit

a. L. V, §. 6. b. V. Gell. XVII, 12. Serv. ad Virg. Georg. III, 5, & Quintil. II, 17.

dixit quondam *Agefilaus*. (a) Certè inprobum nemo nisi improbus temere laudaverit; unde virtutis contemptus, veritatis & fidei historiciæ depravatio, fabularum & mendaciorum propago: sicuti *Cicero* (b) *historiam rerum per Laudationes mendosiores factam* fuisse queritur.

XIII.

Acta Convivii cujusdam Philosophici.

MOs Græcorum veterum, qui ingenuas artes profitebantur, perlepidus fuit, ut in Museis, in cœtibus, in conviviiis familiaribus temporis honestè utiliterque traducendi causa quæstiones, non quidem remotas sed minutas & jucundas fortirentur. Testis est *Plutarchus*, (c) in quo hæc legere me memini: Ἐθους δὲ ἔντος ἐν τοῖς μουσεῖοις κλήρου περιφέρεισθαι, καὶ πρὸς συλλαχόντας ἀλλήλοις προτείνειν φιλόλογα ζητήματα, — Ceterum quum moris esset in Museis, ut sortes circumferrentur, Ἐῖ qui inter se componerentur, alter alteri eruditæ quæstiones proponeret, —: Testis itidem *Gellius*, (d) qui de se ipso & compluribus amicis hæc scribit: *Saturnalia Athenis agitata.*

a V. *Plutarch*, *Apophth.* Lac. sub init. p. 208. b. in *Bruto* c. XVI. Conf. *Liv.* Lib. VIII, cap. 40. extr. c. *Sympos.* Lib. IX, Quæst. II, sub init. d. L. XVIII, c. 2. Conf. VI, 13.

tabamus hilarè prorsum & modèste, — Conveniebamus ad eandem cœnam complusculi, qui Romani in Græciam veneramus. — tum qui cœnulam ordine suo curabat, præmium solvendæ quæstionis ponebat librum veteris scriptoris vel Græcum vel Latinum, & coronam e lauro plexam, totidemque res quærebat, quot homines istic eramus, quumque eas omnis exposuerat, rem locumque dicendi sors dabat. —

Hunc morem quidam nostratium Philosophorum, homo festivissimus, imitari, ut videtur, volens, ad cœnam me & complures alios vocat: cui ut suum condimentum ne deesset, acroamata adhibuit *quæstiones* quasdam *convivales*, quas singulis convivarum patellis latenter supposuerat. Accumbi cœptum fuerat, cum suum quisque orbiculum loco movere jubetur. Quò factò, & materiâ dicendi, quam hospes imperaverat, conspectâ, jam impigrè paretur, jam novum hoc oblectamenti convivialis genus cupidè a nobis excipitur. Ego verò, ut aliis perjucunda hæc cœnula exemplo esset, Quæstiones universas cum definitionibus suis memoriæ & litteris mandabam, quarum hæc exempla sunt.

Cur feminae loquaciores sunt Viris?

Feminarum ora ædibus, quæ fores non habent, similia prædicari audio, nec miror; quum nullis tacendi legibus continentur: quum nec in senatu, neque in clandestinis
Rci-

Reipublicæ consiliis huic disciplinæ adsuescunt: quum garrulitas muliebris eam ubique impunitatem & licentiam habet, ut judicem parum reformidet. De cetero hoc vitium huic sexui naturale non esse, quin imo feminas non minus quam Viros secreti, ubi opus fuerit, vel capacissimas esse, jam ab omni memoria tot regnatrices Augustæ, quæ arcana imperii quam callidissime diligentissimeque celaverunt, docent.

Quid est Doctor Logica?

Est artifex mirificus, qui pharmacum Democriti habet. Hic ex bene videntibus cæcos, ex loquentibus mutos, ex sanis insanos facit: imo, quod mireris, Hic adhibitis in cantamentis, BARBARA, CELARENT, &c. ex mortuis viventes, ex duabus syllabis octo, ex sinistro dextrum, ex carcere cælum facit, hoc pacto:

Nullum vivens est mortuum.

O. Homo est vivens, E.

N. Homo est mortuus.

Constantinopolitanus est homo.

Constantinopolitanus constat octo syllabis, E.

Homo constat octo syllabis.

Omnis hominis alter oculus est dexter.

Omnis hominis alter oculus est sinister. E.

Sinistrum est dextrum.

Pau-

Paulus raptus fuit in cælum.

Paulus raptus fuit in carcerem, E.

Carcer est cælum.

Cur nulla fere virtus apud Latinos est masculini generis, plerique omnes feminini?

Factum hoc est, tum quod Latinis, uti & Græcis aliisque gentibus, nihil feminino generis amabilius suaviusque visum est: tum ut solatium quoddam Grammaticum feminæ adversus eos habeant, qui *vitiis* generis feminini esse objectant. Scilicet quum sexus mulieris virilem & virtutibus & vitiis vincit, jam æquum fasque videtur, & illas & hæc ejusdem sexus grammatici esse, nempe feminini.

Quid est Orbis Litteratus?

Est Forum Nundinarium, tabernis, mercibus, institoribus plenum: in quo *Theologus* pannum, qui panem & calorem præbet, vendit: *Criticus* nebulas lineas & ventos textiles, qui frigus relinquunt: *Philologus* vestes pictas, vasa Corinthia, marmor Phrygium: *Medicus* litteras & Syllabas: *Œtus* homines: *Alchymista* se ipsum: *Poëta* fumum: *Orator* facum: *Historicus* famam: *Physicus* cælum & terram: *Antiquarius* obsoletas crepidas, sicuti *scrutarius* ille Lucilianus (a) præfractam strigi-

a. Vid. Gell. III. 14.

lem. & soleam dimidiatam. Hos mercatores, quoquò oculos circumtuleris, male feriata circumforaneorum, quos vulgus *idiotas* vocat, turba circumstat: in hoc foro Sectores Zonarii, vulgo *Plagiarii*, grassantur, *Æruscatores*, gallicè *Charlatans*, prodigia venditant, Provocatores ebriosi vias infestant.

Cur puellæ citius quam Pueri maturescunt?

Quia illæ quam *hi* citius deflorescunt, jam supra annum quinquagesimum effecit. Utrumque sapientissimo naturæ consiliò factum, tum ut ne mundo humanum genus, tum ut ne humano generi mundus desit.

Cur intra quam extra patriam habitare malumus?

Quia matrem omnes quam novercam malumus. Peregrinari suave quidem est, & rem cum Roma tanquam cum meretrice habere: quam nemo tamen nisi vel impudicus vel ab solo patrio extorris uxorem temere duxerit.

Quid inter doctum & indoctum scriptorem interest?

Quod inter succi plenum virum & falacem eunuchum: quorum ille foecundum, hic exsangue semen emittit: ille hæredes relinquit, hic sibi ipsi hæres est.

Cur

Cur majores nostri templa sua Laurentio, Lamberto, Catharina, &c. non Moyses, non Elia, &c. dedicarunt.

Quia illi de Nobilibus Ecclesiasticis sunt, quos Pontifex Romanus creavit: pro his nemo pretium canonisationis persolvit.

Quodnam morbi genus omnium frequentissimum?

Diarrhoea: quæ non modò in alvis sed etiam in linguis humanis grassatur, maximè Gallorum & Germanorum; quarum in comparatione nostrates aliæque Obstructione quadam laborant.

Quænam sunt varia natura animalia?

Dives, fortunâ suâ contentus: Ingenio excellens, vitiis non excellens: Aulicus, senex: Doctus, qui se ipsum didicit: Semidoctus, scientiæ persuasione non sufflatus: Virgo, quæ sibi non placet & formosâ videtur: Causidicus, non venalis & prævaricator.

XIV.

Ambitiosum cadaver Philosophicum.

S Edebam in Auctione quadam libraria inter complures litteratos, cum Epistola amici cujuspiam Cantabrigiensis, anno 1730 mense Septembri scripta, ad me affertur, quæ non mediocrem nobis admirationem afferebat. Nimirum in illa hæc relata legebantur: „ Non „ ignotus tibi est Vir Clarissimus *Robertus* „ *Greenius*, Aulæ nostræ, quæ *Clareball* nominatur, Socius, quem doctrina sua Physica, septem libris Cantabrigiæ a 1727 in folio editis comprehensa, in primis nobilitavit. Hic supremum diem nuper inter nos obiit, relicto testamento, quò dictæ Aulæ & Bibliothecam & bona sua legavit, eâ quidem conditione, ut focii superstites reliqua ingenii sui monumenta in vulgus edant, ad hoc ossa sua ad ima Bibliothecæ ante libros suos collocaturi. Nihilo minus Academici nostri contra testamenti auctoritatem Philosophum humo perhonorificè mandaverê, minus consultum rati, exuvias hominis, ut spectaculum posteritati præbeant, in manus Anatomicorum tradere. — ”

His in consessu recitatis, cunctisque, qui aderant, & *Robertii* legem mirantibus, & consilium Academiæ approbantibus, cum ego

PARS III.

G

Xen-

Xenophontem ex auctione manu forte tenerem, contrarium *Cyri* morientis mandatum, quod mirificè semper mihi placuit, in memoriam redit. Locum proinde in *Xenophonte* quaero, invenio, ceteris legendum præbeo, cuius verba in Libro VIII. pag. 187. edit. Bas. 1569. fol. in Oratione suprema ad filios hujusmodi exstant: Τὸ δ' ἐμὸν σῶμα, ὃ παῖδες, ὅταν τελευτήσω, μὴτε ἐν χρυσῷ θῆτε, μὴτε ἐν ἀργύρῳ, μὴδὲ ἐν ἄλλῳ μηδενί, ἀλλὰ τῇ γῇ ὡς τάχιστα ἀπόδοτε. τί γάρ τέτε μακαριώτερον τῇ γῇ μὴ θῆναι, ἢ πάντα μὲν τὰ καλὰ, πάντα δὲ τὰ χαρὰ φέει τὲ καὶ τρέφει; - - - ἔτις ἔν ὑμῶν ἢ δεξιᾷς βύλεται τῆς ἡμῆς ἀψασθαι, ἢ ὄμμα τοῦ μὲν ζῶντος ἐτι προσιδεῖν ἰδέλει, προσίτω. ὅταν δ' ἐγὼ ἐγκαλύψωμαι, αἰτῶμαι ὑμᾶς, ὃ παῖδες, μηδεὶς ἐτ' ἀνθρώπων τοῦ μὲν σῶμα ἰδέτω, μηδ' αὐτοὶ ὑμεῖς. Quæ Jo. Lewenklaus Latinè ita interpretatur: Ceterum corpus meum, ὃ filii, (inquit Cyrus) quum diem in terris supremum clausero, nec in auro condite, nec in argento, nec ulla in re alia, sed terræ quam primum redite. Quid enim beatius, quam in terram abeidi, quæ omnia præclara, bona omnia profert ac nutrit? — Quamobrem accedat, si quis vestrum vel dextram meam vult contingere, vel oculos viventis adhuc intueri. Ubi verò obvelatus fuerò, ne quis hominam, ὃ filii, corpus meum videat, ac ne vos quidem ipsi, etiam atque etiam oro. Plerisque non minus quam mihi hæc *Cyri* oratio, hæc obtestatio sapientissima videbatur, qui glor. mem. FRIDERICO nostro

nostro IV. (huic autem sanctissimo Principi dies natalis, XI Octobris, eodem anno, nempe 1730, nuperrimè emortualis fuerat) id iidem piæ laudi tribuendum, censebant, quod moriens cadaver suum spectaculo esse, ut fieri assolet, vetuerat, cadaver usque eo desiderabile, ut si cui civium Danorum amabilis illius imago in animo, in memoria, in oculis non constanter hæreat, huic animum perire, huic memoriam exstingui, huic oculos effodi oporteat; quum majorem melioremve FRIDERICO nostro Principem nec adulatio confingere potuisset videatur.

Deinde, dum auctio geritur, per varia Sepulturæ Philosophicæ genera haud vulgaria itur. Sic alius *Diogenem* ridebat qui a *Xeniade* rogatus, *Quemadmodum sepeliri mallet?* ἐν τῇ προσώπῳ, *In faciem*, respondit: (a) alius de *Pythagoricis* & *M. Varrone*, qui modò *Pythagorico* in myrti & olea atque populi nigrae foliis condi maluit, (b) meminit: hic *Periandri*, qui sepulchrum suum ignorari voluit, consilium quod apud *Laërtium* (c) legitur, mirabatur: ille mandatum *Solontis* (d) referebat, qui in *Cypro* moriens, præcepisse suis traditur, ut ossa sua *Salaminem* transferrent, atque in cinerem redacta per provinciam disseminarent; unde versus *Cratini*, in quo *Solon* sic loquens inducitur:

G 2

Ὀκίει

4. Vid. Laërt. L. VI, § 32. b. Plin. Hist. nat. L. XXXV, c. 12. 1. Lib. I, § 96. 2. Ibid. § 62.

Ὅκειν δὲ ἦσαν, ὡς μὲν ἀνθρώπων λόγος,
Ἐπαρμένος κατὰ πᾶσαν Ἰλιον πόλιν.

*Egò hanc, ut ajunt homines, insulam colo,
Sparsus per omnem Ajacis urbem strenui.*

Itte denique *Brachmanas* memorabat, qui in ardentis rogos se conjicere solebant: memorabat, *Zarmanochegam*, quem *Strabo* (a) ridentem, nudum & unctum in rogam isse testatur, posteaque hac sepulchri inscriptione memoriae commendatum: ΖΑΡΜΑΝΟΧΗΓΑΣ ΙΝΔΟΣ ΑΠΟ ΒΑΡΓΟΣΗΣ ΚΑΤΑ ΤΑ ΠΑΤΡΙΑ ΙΝΔΩΝ ΕΘΗ ΕΑΤΤΟΝ ΑΠΟΘΑΝΑΤΙΣΑΣ ΚΕΙΤΑΙ. i. e. HIC JACET ZARMANO-
CHEGAS INDUS, E BARGOSA, QUI SECUNDUM PATRIAM INDORUM CONSUETUDINEM SE VITA EDU-
XIT. Quo quidem Indorum exemplo idem *Peregrinum Proteum*, Philosophum Atheniensem, ut flammæ sepeliendum se traderet, adductum fuisse prædicabat. (b)

Hunc sermonem unus nostrum clauderat versu *Crantoris* Philosophi, qui interrogatus, ubinam sepeliri mallet, respondisse fertur, (c)

Ἐν γῆς φίλης μυχοῖσι κρυφθῆναι καλόν.

In terræ amicæ latebris condi juvat.

XV.

a. Lib. XV, p. m. 1048. b. Vid. Luciam. T. II. Opp. p. m. 587. sq. c. Laërt. Lib. IV, § 25.

XV.

De superstitiosa Pietatis Servitute.

ANnus est, quum in ædibus Clarissimi cujusdam Parochi, longo usu mihi conjunctissimi, prope Ripas-nostros officia nuptiarum celebrarentur, uno ex Collegis meis matrimonium cum maxima natu filiafamilias ineunte. Fors fuit, ut ego & Parochus quidam alius, qui nimix pietatis suspensionem habebat, junctim ad mensam locemur. Diu ego, qui tum in frequenti convivio, tum inter ignotos parcius verba facere soleo, linguam contineo, animo & auribus in concentus musicos præcipuè conversis. Alter intellecto, me hujus aëroamatis suavitate nimium quantum delectari, jam me affatus, psallentium artificum peritiam in arte sua collaudat, ad hæc significans, suos quoque sensus admiratione Musicæ non parum mulceri. Novum perque mirum mihi visum est hoc studium in homine severo, haud aliter ac in Stoicis antiquioribus, de quibus *Quintilianus* (a) ait: *Et ejus sectæ, quæ aliis severissima, aliis asperissima videtur, principes in hac fuere sententia, ut existimarent, sapientum aliquos nonnullam operam his studiis (musicis) accommodaturos.* Initio adeo colloquendi facto, cum sermonem segregare quam suavissimos sonos perdere

G 3

mal-

mallem, incredibilis viri humanitas, ut me
avocari paterer, blandè invitabat. Atque pri-
morem quidem dicendi materiam nobis tum
præbebat Præpositus S.. homo albus nescio
an ater, (nam Theologorum alii hoc, alii il-
lo colore ipsum depingunt) cujus nomine ille
salutem mihi dixit. Quo officio perhonorifi-
cè excepto, cum bonum hunc virum mihi
nisi nomine tenus atque ex rumoribus vulgi
notum non esse faterer, tum vero ille, quasi
ad ornamentum vitæ & felicitatis meæ inter-
esset hujus amicitia frui, dolet, me tanto viro
conciliatum non esse, quo, ut prædicabat,
nihil in vita emendatius, in sacra eloquentia
excellentiùs, in doctrina sanctius Ecclesia vo-
to fingere queat. Ego contrà dolebam, ho-
minem in id vitium delapsum esse ut commu-
tationes & consilia per epistolas cum duobus
Fanaticis, uno Hamburgensi, altero Meck-
lenburgensi prope Rostochium faceret, quo-
rum litteræ nuper in manus meas per erro-
rem inciderant. Quo audito Parochum meum
immodicæ laudis, qua Præpositum suum in
cælum extulerat, jam pudere videtur, pudor-
em silentium sequitur. Tandem sublata men-
sa, cum ille me nihil agere videret, accedit,
sermonem instaurat, narrat, jam sanctissimi
Præpositi sui opera factum esse, ut pleraque
vitiis T.. ensium sentina exhausta ejecta-
que esset, jam nuptias & convivia urbis salubri-
ter agitari, jam saltationes, ludos & id genus
animi remissiones, quæ antea in deliciis fue-
rant,

ant; apud pleròque civium in invidia esse coepisse. Gratulabar, collaudabam virtutes antistitis, fatebar, hujus religionem inpenso mihi placere, superstitiones non placere, quæ tam duras abstinentiæ leges, tam gravem servitutem affectibus humanis imponant, ut, qui parent, hi ex numero viventium exire videantur, antequam moriantur: addebam, Juris divini Codicem perfectiorem esse, quam ut humano quoquam additamento indigeat, nullamque vitam esse vitalem, nisi tam fructum ex jucunditate, quam utilitate percipiat, quas rationes ipsa natura generi humano tradidit. Tum alter, Atqui, inquit, minimè novum est, quod Præpositus meus imperat: quin jam olim Patres Ecclesiæ in *Concilio Laodicensi* (a) censuerunt, *Non oportere Christianos ad nuptias euntes saltare*: item in *Concilio VI. Constantinopolitano*, (b) *Nullum sive Clericum sive Laicum alea ludere*; Qui secus fecerit, *excommunicari*: nec non in *Concilio III. Carthaginiensi* (c) *Ab spectaculo seculari omnes Christianos esse prohibendos*. Ad quæ ego, Non opus est, inquam, auctoritatem Patrum advocare, quum & inter ipsos gentiles non defuere, qui idem suaserunt. Sic *Cicero* (d) docet, *sobrium neminem fere saltare*: sic *Caligula* probrosè saltator vocatur a *Suetonio*, (e) & *Murena* a *Catone*. (f) Sic *Domitianus* *Quæ-*

G 4

sto-

a. Cap. 53. b. Can. 50. c. Cap. XI. d. Mur.
cap. 6. e. Cap. 54. f. Cic. Loc. cit.

florium Virum, quod saltandi studio teneretur, senatu movit. (a) Quod ad *aleam* attinet, quis nescit, etiam Romanis legibus hanc vetitam fuisse? unde Ovidius: (b)

*Sunt aliis scriptæ, quibus alea luditur, artes:
Hæc est ad nostros non leve crimen avos. &c.*

Quid multa? Nihil fere hujusmodi S... tuus moneat, quod non jam ante Christianorum tempora sapientiores quidam gentilium monuerunt. Hos vero non proinde usque eo sequendos arbitror, ut honestas voluptates, quæ honestè adhibentur, fugiam: quin, dum alii pedibus saltant, ego oculis salto, id est, commodè saltantem Epaminondam (c) libenter specto, ipse tamen a tenera ætate ad ludicram hanc disciplinam indocilis, ideoque indoctus & abstinens; dum alii alveis aut chartis lusoriis otium fallunt, hominem non fallunt, ego spectatoris personam in hac scena libenter suscipio; nunquam nisi officii causa, actoris. Certè, ut mea quidem fert sententia, ab immodica illa abstinentia & nimia pietate primus gradus est ad Pharisaismum, ut vocant; secundus ad pravam innocentiam & sanctimoniam persuasionem, tertius ad seditiones in Republica, imo imperiorum sæpe mutationes. *Seditiones?* suscipit alter: *imperia-*

F 1179

a. Sueton. c. 8.

b. Trist. L. II, y. 471 —

c. Nep. Præfat. & V, 2, 1.

rum mutationes? Imo vero (pergo) nullus, crede mihi, periculosior hostis Reipublicæ quam novus religionum architectus. Vis exempla? Vide, quæso, quæ *Lipſius* in *Po-
liticis* ſuis (a) annotavit; ubi porro Principes, ut ab hoc hominum genere ſibi quam diligentiffimè caveant, ſeriò monet & hortatur. Denique ſuper imperio *Religionis* in facta & dicta humana ego ita ſentio: RELIGIO, venerabile illud numen, non eſt Tyrannus, qui cæde & ſanguine gaudet, qui metui a ſuis vult, qui multiplici vernilium officiorum honore ſe coli jubet: eſt pius quidam Princeps, qui veras in homine virtutes, maximè fidem & publicam & privatam, requirit, qui diligi a ſuis vult, qui aſſentatores odit. DEUS nos mortales in hanc vitam non tanquam in piſtrinum quoddam compegit, ut noſtri noſmet poeniteat: quin ingenui nati ſumus, honeſtam libertatem a natura doctem vitæ naſti. IDEM, ſi ſenſus & affectus noſtros jucundi expertes eſſe voluiſſet, jam ſpectacula *Pavones* & *Pardos*, Sirenas *Luscinias* & *Caffitas*, mimos *Simias* & *Pſittacos*, non condidiſſet: jam agellos hortosque noſtros amœnis floribus non veſtiſſet: jam venuſtas & ſpecioſas formas in genere humano non finxiſſet: unò verbò, jam ſupra ferarum ſortem nos non evexiſſet. ut proinde triſtes illi Philoſophi male de ſocietate humana me-

G 5

reri

* Lib. IV, Cap. II, p. 13.

rerum videantur, qui innoxias & Christiano hominē haud indignas voluptates indignē proscribunt, similes ægrotantium quibusdam, qui omnia potius quàm risum circumstantium ferunt, omnia potius quàm hilaritatem æquē animō intuentur.

XVI.

De Senectute Mundi.

CUM Académico quodam veterano, qui pleraque Philosophorum veterum decreta cognita comprehensaque animō habebat, certamen mihi de Ætate Mundi nuper erat, quum ille, serio nescio an tentandi causā, de Chronologiæ Christianæ veritate nonnihil dubitare se fateretur, adductum in primis auctoritatē tum *Turdetanorum* veterum in Hispania, de quibus *Strabo*, (a) Τῆς παλαιᾶς μνήμης ἔχουσι τὰ συγγράμματα, καὶ ποιήματα, καὶ νόμους ἐμμέτρους ἑξακισχιλίων ἐτῶν, ὥς Φασὶ *Antiquitatis monumenta habent conscripta, ac poemata, & leges metris inclusas, a sex millibus annorum, ut ajunt: tum vel maximē fide Scriptorum Chinensium, qui multo remotiorem annorum memoriam, quam quæ ex Mose in S. S. colligitur, in fastis suis consignatam habent, haud temere, ut putabat, in dubium*

a. Lib. III, p. m. 204.

dubium vocandam, quum Historiarum humanarum nulla certior quam Chinenſis ſit, ut proinde *Martinus Martinus*, (a) diligentiffimus memoriarum Chinenſium explorator, hanc difficultatem, quam nullâ ingenii vi confequi potuit, injudicatam relinquere coactus fuerit. Ad hæc ego monebam, callidè a *Strabone* l. c. ne nimium credulus videatur, ſubjici illud, *ὡς φασί, ut ajunt*: deinde tot imperii Hiſpani mutationibus, tot gentium migrationibus, hæc ſex mille annorum ſpatia non congruere, ſtûdiumque historicum multo recentius eſſe, quàm ut tot ſecula ſupra ætatem Moſis, qui primus illud condidiſſe videtur, tranſcendat: denique *Strabonem* in ea forte ſententia eſſe, quam *Orpheus*, quaſi in ludo *Elie* & Rabbinorum edoctus, tradit apud *Platonem*, (b) mundum in ſexta ætate, *ἔτι ἐν γένεσιν*, finitum iri. Poſtea quod ad Chinenſes attinet, quum his oppoſuiſſem, quæ immortalis *Jo. Fr. Buddeus*, (c) crudite diſputat, addebam, non ita firmam eſſe annalium Chinenſium fidem, ſi vera ſunt, quæ *Spizellius* (d) memoriæ præſtat: *Imperator ſinenſium Chingus ſeu Xius, extrema ambitionis homo, quo priorum Imperatorum omnium extingueret memoriam,*

a. Vid. Morhof. Polyh. Philoſ. L. II, P. I, C. XI, p. m. 321. b. In Philebo ſub. ſin. p. m. 94. c. In Hiſtoria Eccleſ. V. T. pag. 82. d. De Re Litter. Sinenſ. Vid, *Jo. Lomeier. de Bibliothecis* Cap. XI, p. m. 234.

viam, famamque apud posteros solus obtineret, editto publico omnes libros finicos exuri jussit. Exustionis hujus (quæ ante Christi epocham anno 215 contigit) auctorem Lisuum faciunt, — &c.

Ex hoc sermone in alterum de *Senectute Mundi* delabimur, cum Philosophus meus, Epicurum, Stoicos aliosque veterum sequutus, minimè dubium sibi esse affirmaret, quin Natura rerum *anus decrepita* esset, sicuti Christo visa quondam fertur in fabulis Mohamedanis: (a) quin languidior ad generandum multoque debilior hodie sit, quàm recenti adhuc ætate, viribusque jam olim in ipsa adolescentia & juventute integris. Quam in sententiam ut me perduceret, auctores approbatoresque proposuit *Aristotelem*, (b) *Hipparchum*, (c) *Leucippum*, (d) *Democritum*, (e) *Lucretium*, (f) *Senecam*, (g) sexcentos alios, haud prætermisso dicto *Davidis*: (b) *Cæli peribunt, tu autem permanes; & omnes sicut vestimentum veterascent. Et sicut opertorium mutabis eos, & mutabuntur.*

Ego vero, naturam mutationibus obnoxiam esse haud inficiatus, alteram illam de effæcto Mundi senio sententiam virtute & Providen-
tia

a. Vid. Fabricii Cod. Apocr. N. T. Part III, p. 395. b. Lib. I, Meteor. Cap. 14. c. Vid. Columel. L. I, Cap. I. d. Vide Hesychium in vita Leucippi. e. Vid. Origenis Philosoph. Cap. XIII. f. Lib. II, v. 1150. g. Epist. LXXI, p. m. 225. h. Psalm CII, v. 27.

tia Divina, quæ ipsa hujus Universi anima est, indignissimam pronuntiabam. Quid enim? (inquebam) in COELO, SOLE & STELLIS quis detrimentum quodquam sensit, quod minus pristinâ & alacritate & potestate munus suum obeant, veteremque utilitatem rebus humanis afferant? quanquam aliter sensit se videntur veteres astrologiæ & rei rusticæ scriptores, *Hipparchus* & *Saserna*, aliique, de quibus *Columella*: (a) *Multos jam memorabiles auctores comperi persuasum habere, longo ævi situ qualitatem cœli statumque mutari, eorumque consultiſſimum astrologiæ Professore Hipparchum prodidisse, tempus fore, quo cardines mundi loco moverentur, idque etiam non spernendus auctor rei rusticæ Saserna videtur adcredidisse. Nam eo libro, quem de agricultura scriptum reliquit, mutatum cœli statum sic colligit, quod quæ regiones antea propter hyemis assiduam violentiam nullam stirpem vitis aut oleæ depositam custodire potuerint, nunc mitigato jam & interpeſcente pristino frigore largiſſimis olivitatibus, Liberique vindemiis exuberent.* TERRA non profecto in ipsa, ut ita dicam, infantia magis quam hodie fruges sponte tulit, quin manus Adami postularet, quin duro hunc opere rustico exerceret, quin non nisi *עֲמֵלָא*. (cum labore) *עֲמֵלָא* (& in sudore vultus) fructum præberet: (b) ut proinde vana sit querela poetæ Epicurei *Lucretii*, (c).

Tam-

a. Lib. I, c. 1. b. Genes. III, 17, 19. c. L. II, v. 1150.

*Tamque adeo fracta est ætas, effætaque Tellus
Vix animalia parva creat, —*

Hæc si deficere & a nativa fertilitate degenerasse cuiquam videbitur, is meminerit, curæ humanæ vitium esse, non naturæ, uti probe monet *Columella*, qui *Libr. II. Cap. I.* his verbis claudit: *Non igitur fatigatione, quemadmodum plurimi crediderunt, nec senio, sed nostra scilicet inertia minus benignè nobis arva respondent.* FODINAS terræ Hispaniæ *Cato* apud *Gellium* (a) suo tempore prædicat, omnium ditissimas. Neque vero argenteos hos fontes exaruisse credendum est: sed legibus cautum est, in viscera Hispaniæ penetrare, ex quo *America* commodiorem proventum præstare visa fuit. MONTES, *Ætnam*, *Parnassum* & *Olympum* sensim subsidere, nautarum veterum testimoniis probare vult *Ælianus*: (b) Cui *Senecæ* illud oppono: (c) *Ætnam* consumi & sensim subsidere, ex hoc colligunt, quod aliquanto longius navigantibus solebat (sc. olim) ostendi. Potest hoc accidere, non quia montis altitudo defecit, sed quia ignis evanuit, & minus vehemens ac largus effertur & ob eandem causam, fumò quoque per diem segniore. — HUMANUM GENUS quâ parte sui decreverit, non video. Certe de *INGENIO* humano pessimè merentur, qui hoc

a. *Lib. II, c. 22.*

b. *Lib. VIII. V. H. cap. XI.*

c. *Epist. LXXIX.*

hoc priscis mortalibus præstantius quàm nobis a natura datum fuisse opinantur, more Stoicorum recentiorum apud Sextum Empiricum: (a) Τῶν νεωτέρων Στωϊκῶν. Φασὶ τινες, τοὺς πρώτους τῶν ἀνθρώπων κατὰ πολὺ τῶν νῦν συνέσει διαφέροντας γεγονέναι, - - - Ex recentioribus Stoicis dicunt nonnulli, primos homines fuisse iis, qui nunc sunt, intelligentia longè præstantiores, - - - Hi verò Plinium (b) audiant: sum ex iis, qui miter antiquos: non tamen, ut quidam, temporum nostrorum ingenia despicio. Neque enim quasi lasca & effecta natura, ut nihil jam laudabile pariat. CORPUS humanum jam quondam vastius prolixiusque fuisse creditum est: (c) Sed næ parum sapere si mihi videntur, qui cum Homero ex Orestis corpore, pedes duodecim & quadrantem sive septem cubita longitudinis habente, (si accredas Herodoto, (d) de proceritate antiquorum corporum judicant: quum nulla non ætas tam grandiusculos Atlantes, quam minusculos pumiliones tulerit, utrosque ludicra naturæ spectacula, non artificia vulgaria & quotidiana. Denique nos posterius non tardius quam veteres illi nascimur, non citius morimur, non mor-

a. Lib. IX. adv. Phys. §. 28. pag. m. 585.
 b. Lib. VI, Epist. XXI, princ. c. Vid. Plin. Lib. VII, Cap. 16. Plutarch. de Placit. Philol. Lib. V, c. 27. p. 919. Phleg. Trallian. Lib. de Reb. Mirab. c. 15. Juvenal. Sat. XV, v. 70, alif. d. Vid. Herodot. Lib. I, pag. m. 30. sq. Conf. Gell. Noct. Att. III, 19.

morbis & debilitatibus, nisi quas nostrâ sæpe manu ipsi facimus, magis conflictamur. MARE non profecto nobis quam majoribus minora beneficia affert, non pauciores pisces, non viliores uniones. Unò verbò, Qui de Naturæ Senectute conqueruntur, non magis ferendi mihi videntur, quam queruli isti homunciones, qui iniquitatem Temporum, in quibus vivimus, accusant, ab ipsis Temporibus, quæ hi iniqua faciunt, meritò accusandi. Vegeta semper & ad bene faciendum promptissima fuit, est, & erit, dum erit, Natura: Optima semper fuit, est, & erit quælibet ætas: Pessimum semper & corruptissimum fuit, est & erit, dum erit, Genus Humanum.

XVII.

Num Sacerdotes a plebe eligi fas sit?

SEdebam quondam conviva inter complures territorii Tunderensis in Holsatia Sacerdotes Curiales, qui multa & varia de ingeniis auditorum suorum commemorabant, quam viam hic, ille, iste ad honores suos sibi fecerat, quibus artibus studia plebis rusticanae, cujus suffragiis Sacerdotes ibi fiunt, nactus fuerat quam opportuna occasio quasi de cælo in rem suam deciderat. In his unum, sane clarissimum virum, qui brevi post naturæ debitum,
red-

reddidit, narrare nobis memini, cum munus suum ambiret, deformitatem competitorum suorum, quorum alter claudus, alter obstipâ cervice erat, sibi utilitati fuisse, eamque causam unicam, quamobrem a suffragatoribus rusticis, quorum in oculis & animis damna illa corporum contemptui erant, utrique antehaberetur. Hanc fabulam tum risus præsentium sequutus est, tum seria disceptatio, *Num Sacerdos a plebe eligi fas sit?* cum alius jus istius electionis a profesto vulgo ad Presbyteros sacri ordinis, exemplô veteris ecclesiæ tam Judaicæ quam Christianæ, transferendum censeret: alius penes eum, qui summam imperii patriæ tenet, illud esse oportere contenderet: alius denique hanc auctoritatem Laicis minimè abrogandam judicaret, tum quod Ambitus, vetus illa reipublicæ pestis, non in pago magis quàm in civitate aut Aula grassari solet: tum quod Candidari non ab ipsa plebe primum deliguntur, sed jam delecti a magistratu utriusque ordinis ad vacuam Cathedram, ut iudicium populare subeant, delegantur: tum demum quod aures Laicorum non ita rudēs & hispidæ sunt, uti vulgo creduntur, quin de virtutibus orationis satis peritum sæpe iudicium facere queant.

Hac contentione tandem ad arbitrium meum; ne scilicet asymbolus essem, delatâ, ingenuè fatebar, consueta illa Competitorum certamina mihi non placere, in quibus fieri videmus, quod in antiquis Græcorum Latini-

norumque poetarum, ut ignavissimi sæpe præstantissimis præferrentur, ut *Menander a Philemone*, nequaquam pari scriptore, ambitu, gratiaque & factionibus sæpenumero vinceretur: Ut *Euripides*, quum quinque & septuaginta tragedias scripsisset, in quinque solis vicerit, in reliquis ab uno alterove ignobili certatore victus, (a) quia ἡ ἀνόντοι ἦσαν οἱ τῷ ψήφῳ κύριοι, καὶ ἀμαθεῖς, καὶ πόρρω κρείσσης ὀρθῆς, ἡ ἰδεκάσθηναι, aut suffragiorum domini rationis expertes & rudes erant, proculque a sano judicio discedebant, aut corrupti fuerant, ut ait *Ælianus*; (b) haud dissimiliter semet ipsum cavillante *Petronio*: (c) *Ego poeta sum*, &, ut spero, non humillimi spiritus, si modo coronis aliquid credendum est, quas etiam ad imperitos deferre gratia solet. Addebam, Electionem illam Sacerdotalem mea quidem sententiâ minimè judicii vulgaris esse, meliusque rusticum, quid aratores quàm Oratores, quid rastra quam rostra deceat, perspicere.

Tum vero ex convivis erat, qui rustica illa suffragia non tantum ab antiquis *Christiani* Danorum III. Constitutionibus Ecclesiasticis, sed etiam a novissimis *Legibus Danicis* approbari ajebat, Legislatore nostrò ita sanciente: (d) *Is, cui jus est vocandi, hominem, quem muneri parem arbitratur, vocato, vocatumque*
ad

a. Vid. Gell. XVII, 4. b. Lib. II, Hist. Var. Cap. 8. c. Satyr. p. in. 314. d. Leg. Danic. Lib. II, Cap. III, Artic. II, pag. 113. Verf. Lat. Höyels.

ad concionandam apud Paræcos, præsentem, se modò temporis ac loci ratio id quodammodo admiserit, Præpositò, ablegato. Tunc si Auditores justam de vita ejus ac moribus, vel concionandi facultate querimoniam habeant, eam literis supplicibus, Episcopi ac Præpositi adscriptione munitis, una cum adjunctis rationibus coram illis, ad quos ea res pertinet, declaranto. — Huic ego primum respondebam; consuetudinem illam in ecclesia Danica jam obsolevisse, procul dubio desumptam ex lege illa, quam Concilium Carthaginense seculo quinto tulit, (a) *Ut Episcopus sine concilio clericorum suorum clericos non ordinet, ita ut civium assensum & testimonium quærat.* Deinde senatusconsultum Concilii Laodicensis, (b) *oponebam, De eo, quod non sit populis concedendum, electionem facere eorum, qui altaris ministerio sunt applicandi.*

Haftenus sermo noster familiaris processerat, cum humanissimus hospes cum una cum subselliis judicum rusticorum valere juberet; animosque nostros ad hilaritatem honestissimis facetiis invitaret, seriam in eo tempore, quo nuptiæ agitabantur, disputationem pertæsus.

XVIII.

*Plaustrum CONVITIORUM,**sive**De Appellationibus probrosis Veterum.*

Q Uum nihil magis quàm Convitia & Maledicta odi, execror, detestor, ut hominem, ut humanitatis studiosum, ut virum decet; horum tamen antiquæ memoriæ honorem, si commemoratio honor dicenda est, habere me quondam memini, honesto convitiò a Juvene quopiam Academico laceffitum. Nimirum hic, ut erat ingenio minimè pravò, sed festivo, rerumque, quæ gratiam novitatis habere videntur, percupidò, rationem diligentia privato suo Præceptori pro more Academiae patriæ redditurus, specimen offerre decreverat **PLAUSTRUM CONVITIORUM**, sive Dissertationem de *Probrosis Appellationibus Veterum*, cujus hoc initium erat:

„ Non ego equidem *Palæstrio* Plautinus
 „ sum, Vir Amplissime, non meum est vias
 „ publicas purgare, sentinas exhaurire, ster-
 „ quilinia (sit venia verbo) vacuefacere: Ni-
 „ hilo minus si Mundi cloacam purgamentis
 „ suis liberare, si universam Societatis hu-
 „ manæ eluviem meo jumentò, ut ita dicam,
 „ &

„ & vehiculô asportare datum esset, jam non
 „ puderet me plaustrarii munus suscipere,
 „ jam nulla me fœditas deterreret, quin ma-
 „ nus inquinarem. Atque eô quidem confi-
 „ liô brevem hanc Dissertationem conscripsi,
 „ in quam velut plaustrum quoddam *Convitiæ*
 „ *Veterum* congero, non ut convitiandi ar-
 „ tem quemquam doceam, sed ut dedoceam,
 „ non ut hæc in usum revocanda velim, sed
 „ ut ætatis nostræ inurbanos vitilitigatores
 „ impudentiæ suæ pudeat, maxime literatos,
 „ qui ingenii aut doctrinæ aliorum despicien-
 „ tes, bonas chartas turpissimis injurijs on-
 „ rant, nullo vocabulo in scriptis suis impen-
 „ sius quàm amabili scilicet illo, *Asini*, aut
 „ simili gaudentes, sicuti Asinum in primis
 „ nomine *Martini* affici observatum est. —

Hic, inquam, Juvenis pro usu, qui mihi
 cum ipso multus fuerat, abs me, ut institu-
 tum suum, adjuvarem, comiter contenderat,
 cum ego Collectanea mea, quantulum pos-
 sent, servire ipsi juberem, depromptis indidem
 nonnullis, quæ notabilia nobis videbantur,

Ex. gr.

Apud *Hebræos* veteres quam maximè ignomi-
 niosa vox erat, teste Sacra Scripturâ, *כלב מת*,
Canis mortuus, (a) item *כלב ראש*, *Caput Ca-*
nis: (b) unde *כלב*, *Idiota*, vilis instar canis,

H 3

Tal-

a. 1 Sam. XXIV, 15, alibi. b. 2 Sam. III, 8.

Talmudicis dicitur. Quam quidem appellationem *Canis* apud Græcos, Romanos, aliasque gentes tantumdem valere vel pueri norunt. Deinde convitiantibus superbè Judæis in ore erat vox Syriaca, quam Salvator apud *Matthæum* (a) abominatur, *קָנָא* significans vel hominem *κατάχλυσον*, *conspuendum*, vel *vacuum* sc. cerebro, uti interpretes exponunt; quæ originem forte dedit despiciatissimo apud nos Danos nomini, *Rakker*. Denique innumeri fere sunt id genus tituli, quibus Judaica posteritas nos Christianos ornare solet, uti *גוים* *Ethnici*, *קנענים* *Cananei*, *עֲדֻמִּים* *Edomites*, *קִנְדִּים* *Cinædi*, *פָּרְדִּים* *Pardi*, *נָזָרִים* *Nazaræi*, *צִירִים* *Tyrîi*, &c. de quibus vide *Eisenmengerum*, (b) & *Bibliothecam Uffenbachianam*. (c) Quò accedunt contumeliosa alia nomina, quibus Veteres Christiani ab adversariis Gentilibus aut hæreticis jactabantur, dicti *Galilæi*, *Atbei*, *Græci* & *Impostores*, *Magi*, *Sibyllistæ*, *Biathanati*, *Parabolarîi* & *Desperati* *Sarmenitii* & *Semaxii*, &c. &c. uti eruditè V. C. *Josephus Binghamus* in *Originibus* suis (d) docet.

Apud *Ægyptios* gravissimò is convitio verberabatur, quem *Asinum*, appellabant. No-
tum

a. Cap. V, 22. b. In Judaismo detecto P. I, c. 16. c. P. I, Cod. XC, col. 153, item Cod. CXXXV, col. 395. d. Lib. I, Cap. II, p. m, 15—31. edit. Grischov.

tum autem est, inquit *Plutarchus*, (a) ὄνον ὑπ' αἰγυπτίων διὰ τοῦτων προσηλακίζομενον, *Asinum* apud *Ægyptios* propter *Typhonem* (*Osiridis* hostem, cujus color asininus fuisse fertur) in infamia esse: cujus rei originem *Idem* in Libello de *Iside* & *Osiride* (b) altius repetit, subjectâ demum hâc narratiuncula: *Itaque etiam ex Persicis regibus maximè exosi Ægyptii Ochum, ut scelestum & impurum, Asinum appellarunt.* Et *Ochus* hoc fatus, At enim hic asinus vestrum bovem epulabitur, *Apim* mactavit. Neque vero apud *Ægyptios* tantum *Asini* illud nomen probro dabatur, quin apud plerasque gentes contumeliosum semper habitum fuerit; sicuti apud *Romanos* *Junium Bassum*, hominem dicacem, se puerô *Asinum album* dictum refert *Quintilianus*: (c) quò valent infamia illa Græcorum adagia apud *Suidam*, (d) ὄνος τὰ ἄτα κινῶν, ὄνος ἄγον μυστήρια, ὄνος πρὸς αὐλὸν, ὄνος ἐν μελίταις, item ἐν μύρῳ, &c. Deinde non dubito, *Suem* & *Subulcum* scædissimas appellationes apud *Ægyptios* fuisse, qui non modo sue prorsus ut *Judæi* abstinebant, sed subulcos etiam usque eo despiciatui habebant, ut neque bis templum ingredi liceret, neque horum filias nisi subulci in matrimonium ducerent, teste *Herodotô*. (e)

H 4

Apud

a. In Convivio Sept. sap. p. 150.

b. p. 362. sq.

c. Lib. VI, Cap. 3, p. m. 545. d. In V. ὄνος p. m. 667 sq.

e. Lib. II, p. m. 121.

Apud *Æthiopes* veteres *Crocōdilon* fuisse foedissimum nomen, credibile mihi ex eo videtur, quod in litteris eorum hieroglyphicis hoc animal *omnis malitiæ index est*, ut *Diodorus Siculus* (a) tradit.

Apud *Persas*, qui fortes haberi volebant, indignissimè omnium ferebatur convitium, *Femina*, ut auctor est *Herodotus*. (b) Nec apud *Macedonas* hæc appellatio honestior censebatur, uti constat ex Oratione *Belonis* apud *Curtium*, (c) in qua *Philotam* ultimæ contumeliæ causa *feminam* nominat. Quod quidem convitium jam olim cunctis fere gentibus est commune; unde & *Alexander Molossus*, avunculus *Alexandri Magni*, *Persiam* eodem nomine (d) quo *Diogenes Athenas*, (e) *γυναικῶν* parum honorificè appellavit; sicuti contra hic *Lacedæmonem*, ille *Italiam ἀνδρῶν* dixisse perhibetur.

Apud *Græcos* innumera probra reperias, maxime apud scriptorem *Iulium Pollucem*. (f) quibus addi possunt *Συκοφάντης*, *Calumniator*, (g) & *Ὀδοιδότης*, *Latro atque obfessor viarum*; (h) jam ab *Alexandro* Icto (i) notata, qui auctoritatem posterioris convitii adjecisset vel

a. L. III, c. 4, p. 140. b. L. IX, conf. Tiraquell. ad Alex. Lib. IV, c. 16, l. 8, p. 445. c. VI, 11. 3. d. Vid. Gell. Noct. Attic. XVII, 21. e. Laërt. Lib. VI, §. 39. p. m. 343. f. Onomast. Lib. VI, Cap. 30. q. g. Vid. Laërt. L. III, §. 24. p. m. 179. h. Vide h. Supplementum meum L. Latina p. 143. i. Lib. IV, Dier. Gen. Cap. 26.

vellem. Huc pertinent convitia non communia quidem sed propria & privata; sicuti *Chrysippus* quemdam indignatum ait, quod illum aliquis *Vervecem marinum* dixerat, quæ verba sunt *Senecæ*: (a) sicuti *Plato Aristotelem* ob ingratum erga se animum *πῶλον*, *pulum* asini, vocare solebat: (b) sicuti denique *Epicurus Nausiphanem*, magistrum suum, *πλεύμονα*, *Pulmonem*, (animal marinum, sensu prope motuque carens) *Platonis* sectatores, *Διονυσκόλακας*, *Dionysii assentatores*, *Protagoram* *φοροφόρον*, *bajulum*, *Democritum* *ἀγρόκερτον*, *Nugarum judicem*, *Antidorum* *Σαυρίδαρον*, *stultum adulatorem* dixit: (c) cujusmodi convitiis plena est dicax *Vetus Græcia*.

Apud *Romanos* præter deformes istas, quæ jam notatæ sunt, appellationes, insignem præ se contemptum ferunt vocabula *Barbanus*, (d) *Mulus*, (e) *Pecus*, (f) *Canalicola*, (g) *Opi-cus*, (h) *Cimex*, (i) *Mancipium*, (k) *Cynæ-dus*,
H. 5.

a. Lib. de Constantia Sap. c. 17. princ. b. Vid. *Ælian. Hist. Var. Lib. IV, cap. 9.* c. Vid. *Laërt. in Vita Epicuri Lib. X, §. 8, p. m. 607. Conf. sect. Empir. adv. Mathemat. sub init. p. m. 215. sq.* d. Vid. *Lexica Latina.* e. Vid. *Catull. LXXXIV, 3.* f. *Cic. in Pison. c. 9.* g. *Gell. IV, 20. conf. Salmas. ad Hist. August. p. 484.* h. *Gell. II, 21, XI, 16. & Cat. apud Plinium Lib. XXIX, Cap. 1.* i. Vid. *Horat. I. Sat. 10, 78. conf. Menag. ad Laërt. Lib. IX, §. 43, p. m. 409, de Græcis, qui pariter nequam homines φθίρας, Cimices, dixerunt.* k. Vide *Plautum* non uno loco.

du, (a) *Clodius*, (b) *Catilina*, (c) *Thersites*,
 (d) *Nepos*, (e) &c. quo referas dicteria pri-
 vata, sicuti L. Torquatus Q. Hortensium,
 quia manus hujus inter agendum gestuosæ e-
 rant, notissime saltatriculæ nomine *Dionysiam*
 appellavit: (f) sicuti Martialis impurô voca-
 bulô *Coracinum Cunilingum*, (g) *Corbulo*
Fidum Cornelium Struthiocamelum depilatum,
 (b) *M. Regulus Rusticum Arulenum Stoico-*
yum simiam, (i) *Lenæus grammaticus Sallu-*
stium historicum Lastaurum & Lurconem,
Nebulonem Popinonemque (k) dixit.

X I X.

a. Vid. Gell. VII, 12. ex *Scipione*. b. Senec. E-
 pist. XCVII, Juvenal. Sat. II, v. 27. & Gell. II, 7.
 c. Juvenal. Sat. XIV, v. 41. & Gell. II, 7. d. Vo-
 pisc. in Aureliano Cap. 1, Senec. Lib. III, de Ira
 Cap. 23. & Gell. XVII, 12. e. Vid. Sigon. de
 Nom. Rom. pag. m. 1432. & Fest. f. Gell. I, 5.
 g. Lib. IV. Epigr. 43. h. Senec. de Const. Sap.
 c. 17. i. Vid. Plin. Jun. Lib. I. Epist. 5. Conf.
 Cicer. Famil. VIII, 12. k. Sueton. de Ill. Gr.
 Cap. 15.

X I X.

Num Lupanaria in Republica ferenda sint?

A Nus quædam Diomedis (ita *Lenam* Græci veteres dixerê) lenocinium diu Hafnæ clam exercuerat, juventutis utriusque sexus perditissima corruptrix, cum, re tandem palam factâ, a disciplinæ publicæ ministris comprehenditur, in jus educitur, damnatur. Lex est: (a) *Quisquis lenocinium fecerit, virgis ad palum ignominiosum cæsus, aut regione, quam incolit, ejicitor, aut ad la-nificium publicum damnator.* Dies supplicio destinatus venit, Vetula conciliatrix una cum duabus haud inveniustis adolescentulis, quæ quæstum corpore in cella illius fecerant, proprietur, deligatur, mulcatur. Dum hæc in foro geruntur, Jesuita quidam Gallus, qui in edita domus cujusdam parte spectator juxta me sedebat, cum corpora, præcipuè meretricularum, nudari, jamque detractis vestimentis a carnifice cædi videret, miserescit, ingemiscit, indignatur. Hac ego tacita hominis voce audita, jamque finito carnificis ministerio, cum teneri non possem, quin intempestive misericordie Jesuitæ teneros suos erga scriptas & scrupedas affectus risu exprobra-

rem,

a. Leg. Danic. Lib. VI, Cap. XXII, Artic. V.

rem, ille jam commotior, tu profecto, inquit; alter *Euripides* *Μισογύνης* (a) mihi esse videris, sive *Diogenes*, qui, cum aliquando mulieres ex arbore suspensas videret, optasse fertur, ut omnes arbores hujusmodi fructum ferrent. (b) Adeone (pergit) ferreus es, ut misera hæc spectacula complorationem tuam in se convertere nequiverint? Memento, Meretricem esse animal blandum, amabile, innoxium, officiosum: Memento, non aquam, non ignem magis necessaria Reipublicæ instrumenta esse, quam *Lenas*, quibus aqua & igni in legibus vestris interdicitur: Memento, *Lupanaria* & scorta in civitate *Siphones* quosdam, hamas & id genus remedia incendiaria esse, eamque causam, quamobrem *Augustinus* (c) sapienter pronuntiarit, *Aufer de rebus humanis meretrices, Et omnia complebis libidinibus*.

Tum ego, Tantum abest, inquam, ut hoc dictum ab ipsa manu optimi Patris Ecclesiæ relictum mihi persuadeam, ut contrà nullus dubitem, illud vel ab imperito librario, vel a perfido quopiam emendatore Monacho pro veteri majorum tuorum audacia adulteratum esse, atque auctorem ipsum pro recepto, *meretrices*, honestum aliud vocabulum scripsisse, quod

a. Vid. Suid. p. m. 345, Athen. Dipnos. L. VI, Cap. XII, p. 247, & Gell. XV, 20. b. Laërt. Lib. VI, § 52, pag. 340. c. Lib. II. de Ordine, cap. 4.

quod dicto *Bernhardi* (a) congruat : *Tolle de Ecclesia honorabile connubium & iborum immaculatum, nonne repleas eam concubinariis, incestuosis seminifluis, mollibus, masculorum concubitoribus, & omni denique genere immundorum?* Quodsi vero vel maximè sincerus & indepravatus sit *Augustini* tui locus, ejus tamen sententia nequaquam tanti mihi est, ut temere in eam concedam : quin potius spurca illa *publicarum libidinum confistoria* (b) disjici velim, in lenas lenarumque mancipia serio animadverti, atque in Christiana nostra Societate passim fieri, quod sua ætate *Theodosium* Imperatorem factitasse legimus, (c) quod ipse tuus Prætor Parisiensis Anno 1647 fecit, (d) quod denique sapientissimo nostro Danorum Legislatori sancire visum est, ut *procul hinc, procul inde puellæ Lenonum* sint, uti *Juvenalis* (e) hortatur.

Jesuita vero meus, ut tectum & lectum meretricium fortius tueatur, primum antiquitatem professionis *Veneræ* mihi objectat, tum ex scriptura de *Cananeorum* meretrice *Rachab*, (Si meretrix illa dicenda sit, non, ut alii volunt, *cauponaria*) cui *Iosua* pepercit : (f) tum

ex

a. Serm. LXVI. in Cantic. Cantic. Opp. T. I. p. 1041. b. Uti *Tertullianus* vocat in Libro II. ad Uxorem, cap. 6. p. m. 190. c. V. Socrat. Hist. Eccl. Lib. V, c. 8. & Nicephor. L. XII, c. 22. d. V. Benjam. Priol. L. II. de Reb. Gall. § 38, p. m. 71 sq. e. Satyr. XIV, 44. f. Jos. VI, 25.

ex historia profana de *Babyloniis*, apud quos *vulgati corporis vilitas*, teste Curtio, (a) *comitas habita* fuit: item de *Atheniensibus*, quorum in *Ceramico scorta prostabant*: (b) nec non de *Romanis*, quorum *feminae licentiam stupri apud aediles vulgabant*, more inter veteres recepto, qui satis poenarum adversus impudicitas in ipsa professione flagitii credebant. (c) Deinde bonus vir monet, prudenter ab antiquorum temporum magistratu provisum esse, ut lustra incontinentiae populari pateant, ne gravioribus Respublica flagitiis polluat, ne pudicitia matronalis periculis injuriisque commissatorum exposita sit, ne projecti ad libidinem nepotuli bestiis ad explendas corporum voluptates nefarie abutantur.

Ad quae ego, Næ, inquam, causam Pontificis tui tacite agere mihi videris, qui, si vera Scriptores narrant, (d) grandem quotannis pecuniam ex quaestu lenonio facit. Ceterum ut argumenta tua breviter perpendam, V. C. ideone Lupanaria ferenda putas, quia *Caligula* honestatem publicam pretio vendere solitus, in ipso etiam palatio lupanar constituit? (e) quia *Heliogabalus* voluit & per singulas urbes lenones praefectos urbi facere, & ut essent in urbe

a. V, 1, 38. b. Suid. p. m. 479. c. Tacit. Annal. II, 85, 2. d. Carpzov. p. II. Pract. Crim. Quæst. 70, n. 7; Henr. Cornel Agrippa, alii apud Christianum Gottl. Koch de Obsc. Pontif. Declinis Cap. II, § 2 sq. e. Sueton. cap. 40 sq.

urbe quatuordecim? (a) quia Athenis *πρωτότελος*, *veſtigal meretricium*, (b) in uſu fuit? Certè non dubito tibi probari, quod majores tui in *Jure Canonico* (c) cenſuerunt, *Pravus uſus ratione ſuperatur & lege*: ſive, (d) *Non poteſt uſus & conſuetudo legem & rationem vincere*. Quò accedit, quod non *Tertullianus* modò, auctoritate divina (e) fretus, *lupanaria maledicta* pronuntiat, (f) ut de aliis taceam; ſed in Veteri etiam illo *Concilio Elibertino*, (g) ſtatutum legitur: *Mater, vel parentes, vel quælibet fidelis, ſi lenocinium exercuerit, eo quod alienum vendiderit corpus, vel potius ſuum, placuit eam nec in fine accipere communionem*. Verum enim vero ne *Lupanaria* apud ſapientiores gentiles veteres, ad quos provocas, honeſta habita fuiſſe credas, audi, quaſo te, verba *Legis Papie Poppæ* apud Romanos, qua cavetur, *Ne quis ingenuus EAM, QUÆ PALAM QUÆSTUM CORPORE FACIT FECERIT, LENAM, A LENO- NE MANUMISSAM, ſponſam uxoreve ſciens habeat*. (b) cujuſmodi plures Ro-

a. Lamprid. in *Heliog.* c. 20. b. Vid. *Æſchin.* Orat. contra *Timarchum* p. m. 186. c. Part. I, *Diſtinct.* XI, Can. I, p. 10. d. *Ibid* Can. V. e. *Deuter.* XXIII, 17 ſq. f. Cap. XXVII, de *Anima*, p. m. 330. g. Cap. XII, p. m. 78. b. *Ulpian.* Lib. I, L. 43. §. 1. conf. Jo. Gottl. Heinecc. *Commentar.* ad *Leg. Jul.* & *Papiam Popp.* Lib. II. Cap. I, §. XI, pag. 130. ſq.

mae leges latas fuisse conjicio ex *Novella XIV Justiniani DE LENONIBUS*, quæ ita incipit: *Et antiquis legibus & dudum imperantibus satis odibile visum est esse lenonum nomen & causam, in tantum, ut etiam plurimæ contra talia delinquentes scriberentur leges.* (a) — quò pertinere videntur gravia illa *Senatus Romani decreta*, quibus libidinem feminarum coërcitam *Tacitus* (b) testatur. Neque vtro aliter se res lupanaris apud *Athenienses* habebat, uti ex *Oratione Æschini contra Timarchum* liquet, & nemini paulo humaniori ignotum est, quin de honestate lenonia juxta sentirent cum *Q. Metello*, prætore Romano, de quo *Valerius Maximus*, (c) hæc narrat: *Vecilio lenoni bonorum Iuventii possessionem secundum tabulas testamenti non dedit, quia vir nobilissimus & gravissimus fori ac lupanaris separandam conditionem existimavit: Nec aut factum illius comprobare voluit, qui fortunas suas in stabulum contaminatum projecerat: aut huic tanquam integro civi jura reddere, qui se ab omni honesto vitæ genere abruperat.* Taceo de vetustissimo *Corinthiorum Rege Periandro*, qui τὰς προαγωγὰς πάσας κατεπόντισε, omnes quæ se prostituebant mari demergi jussit, ut auctor est *Heraclides*. (d) Quid plura? Quum porro *Lupanaria* ex usu *Reipublicæ* esse mones,

a. Vid. *Novell.* p. m. 31. b. *Annal.* II, 85, 1.
c. *Lib. VII, Cap. 7, ex 7.* d. περί Πολυτείας, p. m. 983.

nes, aliud monere mihi non videris, quàm Reip. interesse, ut lue & scœdissimis morbis, repleatur, ut vires civium frangantur, ut juventus una cum bonis suis & patrimoniis perdatur, ut mores publici corrumpantur.

His dictis, Jesuitam meum valere jubeò, prius tamen rogatum, ut, si quid clementiæ & misericordiæ in animo ejus supersit, id Ecclesiæ nostræ potius quam lupanaribus in posterum impertiatur.

X X.

Quæstia super Lege XLIII. in Jure Municipali Civitatis Ripensis.

Notum est *Ius illud Municipale*, quod glor. mem. CHRISTOPHORUS I, Rex Danorum, Civitati nostræ Ripensi Anno 1252 benigne dedit, ERICUS cognomento GLIPPING, Anno 1269, VI. Cal. Jul. confirmavit, CHRISTOPHORUS III. denique Anno 1443 auxit, postmodo ab illustri nostro *Petro Jøb. Resenio* Hafn. Anno 1683, una cum Versionibus, Danica & Germanica, publicatum. Nota insuper est hujus *Juris* severitas, ut de eo fere dici queat, quod de *Dracone*, legislatore Atheniensium, ejusque legibus *Plutarchus* (a)

PARS III.

I

scrip-

a. In vita Solonis pag. m. 87.

scriptum reliquit: Μία ἐλίγῃ δειν ἅπασιν
 ἄριστο τοῖς ἀμαρτάνουσι ζημία, θάνατος. ὥς
 καὶ τὰς ἀργίας αἰλόντας ἀποθνήσκειν, καὶ τὰς
 λάχαρα κλέψαντας ἢ ὀπώραν, ὁμοίως κολάζεσθαι
 τοῖς ἱεροσύλοις καὶ ἀνδροφόνοις. διὸ Δημάδης
 ὕστερον εὐδοκίμησεν, ἐκπών ὅτι δι' αἵματος ἐν δια
 μέλανος τὰς νόμους ὁ Δράκων ἐγραψεν. *Noxas
 persequutus est ille pene omnes capitali supplicio;
 ut & otii damnati morte multarentur, ac qui
 olus surripuerant vel poma, in hos non secus at-
 que in sacrilegos animadverteretur. Unde post-
 modum lepidè ait Demades, Sanguine Draco-
 nem, non atramento leges scripsisse. Scilicet in
 Ripensi nostro, sicuti in veteri illo Atheniensi
 codice pleræque fere sanctiones poenam capi-
 tis delictis constituunt: ex. gr. Leg. VIII,
 Quicumque mulieri fecerit violenciam & con-
 victus fuerit cum duodecim vicinis suis ubi vio-
 lencia facta fuit capitali sentencie subiacebit.*
*Item Leg. XXIV, Si quis de civitate nostra
 alicui legitimam uxorem abstulerit & bona sua
 fugeritque de civitate cum illa si postea cum illa
 deprehensus fuerit capitali sentencie subiacebit.*
*Nec non Leg. XXX, Siquis cum melle vel
 ferro falsificato vel cum aliis rebus falsificatis de-
 prehensus fuerit capitali sentencie subiacebit.*
*Porro Leg. XXXVIII, Siquis cum furto de-
 prehensus fuerit dimidiam marcā denariorum
 valente suspendii fur reus erit si fuerit estimacio
 minoris precii signum furis sibi infigatur si post
 hoc fur cum furto deprehensus fuerit minoris vel
 majoris precii suspendatur. ad hoc Leg. XL.*
 Que-

Quæcunque mulier pro furto suspendi meretur pro honore muliebri viva tumulabitur. &c. &c.

Has quidem leges in consensu studiosorum quorundam hominum non sine summa voluptate quondam legi memini, cum omnium maximè animos nostros oblectaret XLIII. de Adulterio : *Si aliquis vir cum legitima uxore alicujus in adulterio deprehenditur juris & civitatis ut ipse ab ea per vicos civitatis sursum & deorsum per veretrum suum trahat & sic de illa causa liber erit.* Novum profecto hoc animadversionis genus cunctis videbatur, mirantibus, adulterum a tam severo legislatore ignominia tantum notari, non capite plecti, sicuti quondam Tenediorum legibus adulterum deprehensum necare licebat, (a) quod a Mose, (b) Solone, (c) Dracone, (d) statutum, quod apud Arabes (e) aliasque gentes receptum fuisse constat. Erat in cœtu nostro vir haud sane indoctus, qui, variis adulterii ignominiis ab omni fere memoria repetitis, cum legem Ripensi nostræ similem, *de Adultero vicatim per virilia ab adultera trahendo*, invenire nusquam posset, rem ad ceteros familiares rejicit. Nos ingenuè cuncti fatemur, exemplum aliud nobis non suppetere, quod ad similitudinem Sanctionis nostræ accedat, præterquam

I 2

quod

a. Vid. Heraclid. Polit. p. m. 985. b. Deuter. XXII, 22. c. V. Plutarch. in Solone p. m. 90. d. V. Pausan. Lib. IX, p. m. 398. e. Strab. Lib. XVI, p. m. 1130.

quod de *Pisidis* refert *Damascenus* : (a) Ἐάν μοιχὸς, ἀλῶ, περιάγεται τὴν πόλιν ἐπὶ ὄνυ μετα τῆς γυναικὸς, ἐπὶ ἡμέρας τακτάς, *siquis in adulterio comprehensus fuerit, is cum adultera asino insidens per urbem circumducitur, idque ad constitutum aliquot dierum spatium.* Ad hoc alius quispiam addidit, quod de *Lepreatis* memoria tradit *Heraclides* : (b) Λεπρεεῖς ὅς ἀν λάβωσι μοιχὰς, περιάγῃσι τρεῖς ἡμέρας τὴν πόλιν δεδεμένους, καὶ ἀτιμῶσι διὰ βίου. τὴν δὲ γυναικα ἑνδεκα ἐπ' ἀγορᾶς ἄζωσεν ἐν χιτῶνι διαφανεῖ ἰσᾶσι καὶ ἀτιμῶσι. *Lepreatæ adulteros comprehensos triduo per urbem circumducunt vinctos, & per totam vitam infames habent. Mulierem autem adulteram, indutam perlucida veste sine cingulo, in foro per undecim dies statuunt, atque ita ignominia notant.*

Dum hæc disserimus, Clarissimus quidam Ripensis, de civitate sua præclarè meritis, forte advenit. Hunc nos hominem, utpote memoriarum rerumque veterum Ripensium apprime gnarum, cuncti percontamur, ecquid exemplis etiam testatum sit, adulterorum Ripensium quemquam ita, ut lex fert, per viros ab adultera olim tractum fuisse? Ille vero primum nihil hujusmodi sibi cognitum esse fatetur: deinde addit, se non dubitare, quin tanta acerbitas pænæ eò consiliò denunciata sit, ne ad eam unquam perveniretur; secuti *Sextus Cæci-*

a. De Moribus Gent p. m. 117.
p. 991.

b. Περὶ πόλεως.

Cæcilius Jctus apud *Gellium* (a) ait de Lege illa XII Tabularum, in qua creditores corpus Debitoris, qui solvendo non est, secare atque partiiri jubentur: TERTIIS. NUNDINIS. PARTIS. SECANTO. SI. PLUS. MINUS. VE. SECUERUNT. SE. FRAUDE. ESTO. ubi *Cæcilius* mox: *Dissectum*, inquit, esse antiquitus neminem equidem neque legi, neque audiui.

X X I.

De Pretio Rei Librariæ apud Veteres.

AUCTIONI Bibliothecæ, quam vir doctus in agro Ripensi reliquerat, me quondam interesse memini, cum ob emtorum paucitatem præstantissimi plerique scriptores, haud aliter ac ignavissimi veterum servi aut captivi, vilissimo pretio venirent, vix redditis, quæ inexterna librorum ornamenta olim erogatæ fuerant, impensis. Finita auctione, Jctus quispiam & defuncti amicus, & optimi cujusque libri peritus æstimator, de tenuitate pretii hujus librarii conquestus, optabat, ut bibliotheca nostra antiquissimis Græcorum aut Romanorum temporibus divendita fuisset: futurum quippe ratus, ut in multo liberaliores avidioresque manus incidisset, ampliorem

I 3

rei

a. Noct. Attic. XX, 1.

rei familiaris fructum heredibus allatura. Ad
 quæ ego: Non equidem dubito, si ἐν τῷ καὶ
 τὰ τῆς Ἀττικῆς τε καὶ Πτολεμαϊκῆς βασιλείας
 χρόνῳ, πρὸς ἀλλήλους ἀντιφιλοτιμυμένους περὶ
 πλῆθους βιβλίων, (a) *in eo tempore, quo Aita-*
lici Reges (Alexandriæ & Pergami) de posses-
sione librorum certabant, hi libri venales fuissent,
 eos multo vendibiliore carioresque futuros;
 quamquam nulla non ætas non modo emaces
 in Ægypto *Ptolemæos*, sed & in Italia *Si-*
lios, (b) in Græcia *Appellides* φιλοβιβλῆς (c)
 tulit.

Hinc de *Pretio Rei Librariæ Veteris* differi
 ceptum est, quod nobilissimus ille JCtus
 immodicum in universum statuebat, addens,
 vel unius *Didymi* grammatici, qui *quatuor*
millia librorum scripsisse fertur, (d) monimen-
 ta suis temporibus multò carius, quam vel
 apparatus hodie bibliothecæ venduntur,
 æstimata fuisse. Ad hæc ego monebam, quod
 viri docti jam sæpius monuerunt, (e) *Librum*
 sive *Volumen* antiquitus sæpenumero dici exi-
 guam libri justæ portionem, ita ut noster ali-
 quis primæ magnitudinis Codex vel centum
 libros *Didymi* istius capere queat. Deinde
 non equidem diffitebar, luculente scripta Ve-
 terum vendita fuisse, minime tamen promi-
 scue,

a. Galen. Præfat. Comment. II. in Hippocr. de Na-
 tura Humani p. 128. b. Plin. Jun. III, 7, 7.

c. Strab. L. XIII, p. m. 906. d. Senec. Epist.
 LXXXVIII. e. Jonsius, Conringius, alii.

scue, sed si παλαιὸς τις ἀνδρὸς, antiqui cupispiam hominis, (a) aut ἀνδρῶν ἐνδόξων συγγράμματα, illustrium virorum monumenta (b) essent: quo pacto apud Romanos *Librum Æneidos Secundum*, mirandæ vetustatis, suo tempore emptum in Sigillariis (loco Romæ, mercatorum frequentia celebri) XX aureis testatur Gellius: (c) quo pacto *Pompilius Andronicus*, Grammaticus, *Opusculum annalium Elenchorum XVI* millibus nummum ob paupertatem vendere coactus fertur apud *Suetonium*: (d) & *Plinius Secundus*, Scriptor Historiæ Naturalis, apud *Junio*rem illum (e) refert, potuisse se, quum procuraret in Hispania, vendere commentarios suos *Largo Licinio CCCC* millibus nummum, etiam tunc aliquantò pauciores. Ad hæc addebam, non ignorare quidem me, quod *Galenus* (f) tradit, Ἀυτογραφα *Sophoclis*, *Euripidis* & *Æschyli XV* argenti puri talentis a *Ptolomæo Euergeta* comparata esse: sicuti porro *Isocrates* unam orationem viginti talentis vendidit, ut auctor est *Plinius*: (g) item sicuti de *Platone* & *Aristotele* relatum legimus apud *Gellium*, (b) *Aristotelem* libros pauculos *Speusippi* philosophi, post mortem ejus, emisse talentis Atticis tribus: Atque *Platonem* tres *Philolai Pythagorici* libros decem mil-

I 4

libus

a. Galen. l. c. item *Commentar. I*, p. 127. b. *ibid.*
c. *Lib. II*, Cap. 3. d. de *Ill. Gr. c. VIII*. e. *Lib.*
III. Epist. V. f. In fine *Commentarii* cit. g. *Hist.*
Nat. VIII, 30. h. *Noct. Attic. III*. 17.

libus denarium mercatum : unde maledici illi
versus *Timonis*, (a)

Καὶ σὺ Πλάτων· καὶ γὰρ σε μαθητὴν ὁ πόθος ἔσχε.
Πολλῶν δ' ἀργυρίων ὀλίγην ἠλλάξαο βιβλον.
Ὅθεν ἀπαρχόμενος γράφειν ἐδιδάχθης.

*Et tu, Plato? nam te discendi cupido tenuit,
Multa autem pecunia exiguum redemisti librum,
Unde incipiens scribere doctus es.*

Atque hujusmodi quidem immane pretium, etiamnum post initia Typographiæ, præstantioribus Libris manu antiqua exaratis constare docebam exemplò *Livii* historici, quem, si vera narrat *Petrus della Valle*, (b) Nobilis Romanus, cum integer in Bibliotheca Imperatoris Turcarum asservari crederetur, *Legatus Regis Galliarum decem millium coronatorum pretiò*, & *Magnus Florentiæ Dux quinque piastrorum millibus* certatim mercari voluerunt, sed irritò conatu, cum brevi post Anno 1665 mense Novembri funestò incendiò bibliotheca misere absumeretur. Neque vero dissimulabam, minime mirum mihi videri, vetera illa clarorum auctorum MSta tam care vendi, si pompa & sumtuosa eorum ornamenta recte æstimentur. Quam in rem testimonium clarissimi *Lambecii* in Bibliotheca Vindobonensi

a. Noct. Attic. III, 17. b. Itinerar. Part. I, Cap. 9.

nensi (a) de Codice Dioscoridiano Græco vetustissimo MS. afferebam: Quamquam Busbeckius (b) scribit Codicem hunc non pluris quam centum ducatis esse emtum, res ipsa tamen manifestissime demonstrat, si partim quidem Scripturæ ipsi, partim autem ornatui ejus & unicuique imagini plantarum & animalium, quæ ibi depicta sunt, exiguum duntaxat pretium mercedis loco assignetur, ne quingentorum quidem ducatorum sive mille Imperialium impensâ talem Codicem nunc describi & adornari posse. Quodsi vetustatis insuper debita habeatur ratio, quis negaverit, Codicem istum longè majoris esse pretii? &c.

Denique, ut monumenta ingeniorum etiam haud incelebrium non minus antiquis quam nostris temporibus vili sæpe vendita fuisse demonstrarem, audire amicum JCtum jubebam, quæ Gellius de se ipso scribit (c) hunc in modum: Quum e Græcia in Italiam rediremus, & Brundisium iremus, egressique e navi in terram in portu spatiaremur, fascēs librorum venalium expositos vidimus. Atque ego avidè statim pergo ad libros. Erant autem isti omnes libri Græci miraculorum fabularumque pleni, res inaudite, Scriptores Veteres non parvæ auctoritatis, Aristeas & Isigonus & Ctesias & O-

1 5

na-

a. Lib. II, Cap. VII, p. m. 156. edit. Reimmanni.
b. In Epistola IV. de Legatione Constantinopolitana & Amasiana A. 1562. d. 16. Decembri Francofurti ad Moenum scripta.
c. Lib. IX, cap. 4.

mascritus & Polystrophanus & Hegesias. Ipsa autem volumina ex diuturno situ squallebant, & habitu adspectuque tetro erant. Accessi tamen, percunctatusque pretium sum: & adductus mira atque insperata vilitate, libras plurimos ære paucio emo. Nequo vero præterire tum visum est, quod Martialis (a) de se ipso itidem & Atretho bibliopola canit:

*De primo dabit alterove nido
Rasum pumice, purpuraque cultum
Denariis tibi quinque Martialem.*

Cujus quidem pretii vilitatem ut Jctus meus cognosceret, ad Disputationem Viri Clarissimi Christiani Schoettgenii de *Librariis & Bibliopolis Antiquorum* (b) cum opportunè delegabam.

XXII.

De Gladio PETRI.

SEdentes paucis abhinc annis in convivio complurisculi familiares, auditò signò, quò nuncius publicus adventum suum significare solet, famulos, qui epistolas ad nos forte datas deposcant, ad rei tabellariæ diversorium pergere jubemus. Redeunt hi non inanes, laxamus vincula, cruenta & luctuosa facinora accipimus. Nimirum alius ad amicum scrip-

a. Lib. I. Epigr. 118. b. § X.

scripserat, quos ex Hatterslebia fratres germanos, qui Jenæ studiorum causa degebant, alterum alteri pectus gladiò crudeliter hausisse: alius quispiam certior me fecerat, studiosum Hafniensem, quondam unum ex auditoribus meis Nicopiensibus, Sartori cuidam paribus armis vitam miserè eripuisse. Quæ quidem funesta nova quam graviter aures atque mentes nostras vulneraverint, quilibet, cui non *cornea*, ut Poëta (a) canit, *fibræ est*, facile divinaverit.

Erat in convivio Vir gravis, sacrarum rerum antistes, qui, his auditis, exclamat, *Quid gladii nostri volunt?* (b) ad hæc seriò optans, ut tum veteri Universitatis Hafniensis Legi, tum piissimæ glor. mem. FRIDERICI II. nostri Sanctioni, Anno 1577 promulgatæ, quæ utraque cives Academicos armatos incedere vetat, pristina observatio hodie constaret. Idem pro eo, quò Anglos, veteres hospites suos, prosequeretur amore & honore, constantiam *Universitatis Oxoniensis* omnium maximè collaudat, recitatò hoc Senatusconsultò: (c) *Statutum est, quod nullus Studiosus, aut alius, intra Universitatis ambitum sive Offensiva sive Defensiva Arma (veluti Gladios, Pugiones, Pugiunculos, Sicas, Arcus, Sagittas, Bombardas) vel tela aut instru-*

a. Pers. Sat. I, 47. b. Cicer. pro Milone cap. 4.

c. Vid. Excerpta e Corpore Statut. Universit. Oxon. Tit. XV, § XI, p. 170.

strumenta bellica, de die vel de nocte gestet, nisi cum ad loca remota proficisci, vel a remotis reverti eum contigerit; exceptis, qui honestæ recreationis causa arcus cum sagittis portaverint. Et si quis secus fecerit, (etsi nulli insultum fecerit, tanquam Pâcis perturbatæ suspectus incarceretur, donec itidem de Pace conservanda fidejusserit; & præter amissionem Armorum duobus solidis Universitati mulctetur.

Tum vero alius quispiam, artis gladiatoriae olim & peritissimus & studiosissimus homo, qui paulo liberius in Academica ætate vixerat, recordari Virum Clarissimum jubet, jam Anno 1659, quum fides & virtus civium Studiosorum quam gloriosissimè in Obfidione Hafniensi enituisset, præmium his, *Jus Gladii*, a Serenissimo FRIDERICO III. clementissimè datum fuissè. Quod cum alter ita non esse omni asseveratione affirmaret, quæstio, *Num studiosus noster potestate gladium gestandi ex æquo utatur, cooritur?* Atque horum quidem *Ille* pro tegendo Studiosi latere gladio *Petri* pugnabat, minimè, ut prædicabat, dubitans, Apostolos cum Salvatore iter armatos fecissè; quod alios quoque Galilæos ob infestas latronibus vias factitassè, ex *Josepho* (a) qui de *Essenis*, innocentissimo hominum genere, idem prodit, docebat; eoque factum, ut, cum *Christus* tempus imminere diceret, quo gladii comparandi causa vel vestis venden-

denda esset, (a) Apostoli mox duos sibi gladios in comitatu præsto esse responderent. Deinde pergit Idem, sive *gladius* sit vocabulum honoris, sive Instrumentum ad tutelam corporis, Cur studiosum magis quam sordidissimum quemque ex plebe Opificem incrimem esse oporteat?

Hic contra in *illius* caput *gladium Petri* retorquet, quippe quem tum Salvator ipse suô interdictô quasi de manibus Apostoli excutit, tum sola necessitas in via latronibus obsessâ porrigit, adhibendumque suadet. Idem porro ad alterum momentum respondet, sive *gladius* sit vocabulum honoris, sive Instrumentum ad tutelam corporis, neutiquam tamen Studiosum magis quam Presbyterum aut Episcopum, quos nulla ætas in vita quotidiana gladio accinctos vidit, decere.

Ad hæc *Ille* iterum, Dic sodes, inquit, quâ auctoritate studiosum nostrum magis quam Professore Philosophum, cum uterque iisdem litteris idem Sacramentum dixit, *gladium* ponere jubeas? Alter vero aliud nihil respondet, quam se optare, ut honestissimus multoque gravissimus majorum habitus, quem tituli civiles maximam partem mutarunt, Academiæ nostræ quandoque reddatur.

Diu ego auscultaveram, cum demum placidè invitatus, ut contentioni finem imponerem, hoc, cuicunque sit, judicium interponere.

nerem. Quod si mei, inquam, arbitrii res esset, de qua disceptatis, Viri Clarissimi, jam brevi honos artis gladiatoriae obsolesceret: jam quaestus eorum, qui arma fabricantur, insigne profecto detrimentum caperet: jam sellulario cuique. Sutori dentes, Sartori digiti, Textori pedes pro gladiis essent: jam scriba solò calamò vulnera daret: jam nobiles nostros pueros in quaestionem postulare, *Quis vos ad hunc gladium alligavit?* (a) item, *Quid — tibi, lascive puer, cum fortibus armis?* (b) subjecta demum sententiâ, *Μὴ παῖδι τὴν μάχαιραν*, ne puero gladium: (c) jam Philosophos nostros de Toga fateri docerem, quod *Delius* de pharetra apud *Ovidium*, (d) *Ista decent humeros gestamina nostros*: jam denique disciplina veterum *Romanorum* revocatâ, fieret, ut *Jus Gladii* soli patriæ magistratui (e) relinqueretur, nulli planè ordini commune, nisi Militibus, (f) atque his eâ quidem lege, ut in pace enssem ad dextrum (g) latus, veterum illorum more, gerant, sibi ipsis quam aliis molestiores.

Sequitus est præsentium tum risus, tum assensus, tum ad aliam dicendi materiam transitus.

XXIII.

a. Qui jocus Ciceronis est apud Macrobiū Sat. II, 3.

b. Ovid. Metamorph. I, 456.

c. Vid. Chilad.

d. Ovid. Metam. I, 457.

e. V. Pet. Fabri Semestr. I, 3. conf. Rom. XIII, 4.

f. V. Burmann.

ad Petron. p. 407.

g. V. Stewech. ad Veget. Libr.

I, Cap. XX, p. 64. sq. & Lips. de Mil. Rom. Lib. III, Dial. III, pag. 114. sq.

XXIII.

De Magia Aulica.

FAmiliares complures inter deambulandum otii oblectandi causa sermonem quondam agitamus de *Aula Pontificis Romani*, quibus iniuriis ad tantum fastigium creverit, quam multa *Petri Patrimonium* (quod vocant) superstitioni debeat, quam pulchrè societas Pontificia, nisi præstigiis aulicis regeretur, nisi minis atque auctoritate Sanctorum in officio contineretur, jam dudum disjecta, collapsa, extincta jacuisset.

De hac materia *millia aliquot passuum dis-*
serueramus, ut joco *Flavii Verginii* apud *Quin-*
tilianum (a) utar, cum Collega quidam meus,
homo rerum litterarumque veterum haud
quaquam indoctus, per cavillationem exclamaret: „ô deorum dearumque omnium potentissima SUPERSTITIO! Quam vere
„ de te *Curtius* (b) dixit, *Nulla res multitudinem efficacius regit* —! Tuum hoc munus est, quod tantam majestatis opinionem
„ *P. Scipio Africanus* Romæ olim habet, qui
„ in Capitolium prius, quam dilucularet,
„ ventitare solitus, *cum Jove de republica consultare* (c) credebatur: Tuum est, quod
„ bar-

a. Lib. XI, c. 3, p. m. 1026. b. IV, 10, 7.
c. Gell. VII, 1.

„ barbari Sertorio duci ad omnia tanquam di-
 „ vinitus imperata obediunt, quia Cervam al-
 „ bam, quam secum duxit, instinctam Dianæ
 „ numine colloqui secum, monereque & docere,
 „ quæ utilia factu essent, populo persuaserat:
 „ (a) Tuum est, quod Milites Syllani tan-
 „ tæ fide signa sua sequuntur, divinâ quâdam
 „ ducis sui veneratione imbuti propter τὸ
 „ χρυσοῦν Ἀπόλλωνος ἀγαλμάτιον, aureum
 „ Apollinis Sigiillum, quod ille semper in sinu
 „ inter dimicandum circumtulisse fertur. (b)
 „ O utilissimum in Republica numen, SU-
 „ PERSTITIO!”

Tum ego, Imo vero, inquam: Hæc mi-
 rifica *Magiæ Aulicæ* adjutrix semper fuit:
 Hæc principum virorum votis plus sæpe quam
 validissimus exercitus profuit: Hæc amplissi-
 ma pleraque Imperia vel fundavit, vel fir-
 mavit atque auxit. Adspice magnum illum
 in *Magia Aulica* artificem, NUMAM POM-
 PILIUM. Hic maxime animos hominum ru-
 des atque imperitos novis superstitionibus impli-
 cavit. Quod ut faceret aliqua cum auctoritate,
 simulavit cum dea Egeria nocturnos se habere con-
 gressus. Erat quædam spelunca peropaca in ne-
 more Aricino, unde rivus perenni fonte mana-
 bat. Huc remotis arbitris se inferre consueve-
 rat, ut mentiri posset, monitu deæ conjugis ea
 sacra populo se tradere, quæ acceptissima diis
 essent.

a. Frontin. *Strategem.* I, 11, 13, & Gell. XV, 22.

b. Pflutarch. in Sylla pag. 471.

essent. Videlicet astutiam Minos (regis Cretensium) voluit imitari, qui se in antrum Jovis recondebat; Et ibi diu moratus, leges, tanquam sibi a Jove traditas, adferebat, ut homines ad parendum non modò imperiò, sed etiam religione constringeret: (a) de quò quidem MINOE Homerus in hunc modum canit; (b)

Τοῖσι δ' ἐν Κνωσὸς μεγάλη πόλις, ἐνθα Μίνωος
Εννώρος βασιλεὺς, Διὸς μεγάλῃσ' ὀαρίσῃς.

*Inter illas est Gnosus urbs magna, ubi Minos
Novem annis imperavit, Jovis magni confa-
bulator.*

Adspice ALEXANDRUM MAGNUM, hic Magorum Aulicorum haud profecto minimus, ut mentes humanas religiosò quodam nominis sui cultu impleret, Jovis Hammonis filium se venditat.

Audi ipsum apud Lucianum: (c) 'Οὐδ' αὐ-
τὸς ἠγνόουν, ὡς Φιλίππῳ τῷ Ἀμύντι υἱὸς εἰμι,
ἀλλ' ἰδεξάμεν τὸ μάντευμα, ὡς χρήσιμον ἐς τὰ
πράγματα οἰόμενος εἶναι. — οἱ βάρβαροι κα-
τεπλάγησάν με, καὶ οὐδεὶς ἔτι ἀντίστατο, οἰόμε-
νοι θεῷ μάχεσθαι. Neque vero nescius eram,
Philippi Amyntæ filium me esse, sed quia ad res

PARS III.

K

geren-

a. Lactant. I, 22, 1 sq. b. Apud Damascenum de
Moribus Gentium p. m. 1025. Vid. Homer. Odyss.
Lib. XIX, p. m. 275. c. In Dialogo Philippi &
Alexandri p. m. 162.

getendas sic mihi visum erat conducere, commen-
to hoc usus sum vaticinii. — Barbaros in mei
admirationem tractos facilius hoc præceptu no-
stro subjecimus imperio, cum nemo resisteret,
hac quippe opinione ducti, adversus Deum sibi
esse præliandum. Adspice denique Z A-
MOLXIN illum in Aula Regis Getarum,
de quo Strabo: (α) Λέγεται τινα τῶν Γετῶν,
ὄνομα Ζάμολξιν, δελεῦσαι Πυθαγόρα· καὶ τινα
τῶν ἑρηνίων παρ' ἐκείνου μαθεῖν, τὰ δὲ καὶ παρ'
Ἀιγυπτίων, πλανηθέντα καὶ μέχρι δεῦρο. Ἐπα-
γελθόντα δ' εἰς τὴν οἰκίαν, ἀσπασθῆναι παρὰ τῶς
ἡγεμόσι, καὶ τῷ ἴδναι, προλέγοντα τὰς ἐπιση-
μασίας. Τελευτῶντα δὲ, πείσαι τὸν βασιλέα,
κοινωνὸν τῆς ἀρχῆς λαβεῖν αὐτὸν, ὡς τὸ παρὰ τῶν
θεῶν ἱξαγγελθεῖν ἱκανοὺς καὶ ἀρχαίς μὲν ἱερῶς
καταθεῖναι τῷ μάλιστα τιμωμένῳ παρ' αὐτοῖς θεῷ
μετὰ ταῦτα δὲ καὶ θεὸν προσαγορευομένῳ, καὶ
καταλαβόντα ἀντρώπους τί χωρίον ἄβατον τοῖς ἄλ-
λοις, ἐνταῦθα διατᾶσθαι, σπάνιοι ἐντυγχάνου-
σα τοῖς ἐκτός, πλὴν τῷ βασιλεῶς, καὶ τῶν θερα-
πόντων· συμπράττειν δὲ τὸν βασιλέα, ἐρῶντα τῆς
ἀνθρώπου προσέχοντας ἑαυτῷ πολὺ πλείον ἢ πρό-
τερον ὡς ἐκφέροντι τὰ προστάγματα συμβουλῇ θεῶν.
*Memoriae proditum est, Getam quendam, Za-
molxin nomine, Pythagoræ famulum fuisse, Et
cum ex eo quædam de rebus cælestibus cognovisset,
tum alia ex Ægyptiis, ad quos vagando deven-
nisset. Hunc Zamolxin in patriam reversum,
acceptum proceribus fuisse ac genti, quod osten-*
torum

torum cœlestium eventa præmonstraret Tandemque regi ab eo persuasum esse, ut eum, tanquam aptum ad ea, quæ diis placuissent, enuncianda, collegam regni assumeret: itaque hunc Zamolxin initio sacerdotem creatum ejus, qui præcipuè colitur apud Getas, Dei: deinde nomen Dei eum accepisse, & loco quodam antroso, qui aliis esset inaccessus, se abdidiſſe, vitamquæ ibi egisse, raro cum externis, rege & famulis exceptis, congressum: usumque ad hoc auxilio regis, qui sibi quam antè multo audientiores dicto subiectos sentiret, edicta scilicet sua consilio deorum promulganti.

Ad hæc alius quispiam addebat miracula VESPASIANI, qui cæco cuidam visum restituisse, & alium manu ægrum sana esse fertur apud Tacitum, (a) non, ut ille prædicabat, divina ope, sicuti Grotio (b) visum est, ut *Vespasianus hac re venerabilior imperium Romanum facilius adipisceretur, lectus quippe Deo judiciorum ipsius in judæos minister*; sed simulatione, sicuti de HADRIANO, itidem cæcis lumen oculorum reddente, legimus apud Spartianum, (c) qui hæc per simulationem facta bonâ fide pronunciat.

Alius iterum huc referebat commentum Gallorum de *Ampulla Rbemensis*, in qua, CLODOVÆO Francorum Rege baptismum

K 2

a. Hist. IV, 81. b. Lib. IV, de Ver. Rel. Chr. § VIII, p. m. 198. c. In Vita Hadriani Cap. XXV.

num suscipiente, olcum per columbam coelo demissum perhibent. Quam quidem fabulam meritò suspectam eruditis videri, qui absque fūco eam non esse, (a) sive, vanum commentum esse, ad auctoritatem Regibus suis conciliandam, excogitatum (b) non dubitant, monebat.

Idem porro in *Magiae Aulicae* officina hoc omni fere memoria observitari docebat, primum quidem, ut *Religio* ministra adhibeatur; ἥτις γὰρ φοβῆνται τὸ παθεῖν τι παράνομον ὑπὸ τῶν τοιούτων, ἐὰν δεσποταῖς νομιζῶσιν εἶναι τὸν ἀρχόντα, (c) minus enim populus timebit injustè tractari a principe, quem religiosum credit: deinde ut *Sacerdotes*, qui ventos populares facere & moderari possunt, blandè capientur & adjungantur. Quam in rem exemplū allegabat non *Numae* tantum, non *Zamolxis*, non *Aegyptiorum Sacerdotum*, qui *Vespasiano* apud *Tacitum* (d) adulantur: sed in primis notabile illud consilium, quod *ALEXANDER* (JOANNUS quoque dictus, qui regnum Pontificatui adjungens, *Judaeae* XXVII annis praefuit) moriens uxori dedit, ut securè vivere posset, *Phariseis* ἔξωθεν τινὰ permittendam esse: posse enim plurimum apud *Judaeos*, sive exosum aliquem cupiant

a. Vid. Morhof. Polyh. Philos. Lib. II, P. I. Cap. VIII, p. m. 307.

b. Vid. Buddæi Parerga Histor.

Theol. p. 302.

c. Aristot. de Rep. L. V, cap. XI.

d. Loc. Cit.

pianz reddere, five amicum juvare. Nam vulgus his magnam fidem habere, etiamsi per invidiam de aliquo male loquantur. (a)

X X I V.

Excerpta ex Legibus CHRISTIERNI II, Regis Daciæ, Sueciæ, Norvegiæ, &c.

AD illustrem atque Spectabilem civitatis nostræ Ripensis Præsidentem me quodam die venire memini, cum ille pro more suo lectionibus otium & animum oblectaret. Volumen, quod is eo tempore in manus ceperat, unum atque alterum antiqui Juris Patrii Librum complectebatur, in quibus erant CHRISTIERNI II, Regis Daciæ, Sueciæ, Norvegiæ, &c. *Leges Ecclesiasticæ & Civiles*, ab illustri nostro *Petro Io. Resenio* Hafniæ Anno 1684 in 4. primum editæ, Liber non ubivis obviis neque cuivis notus. Hujus vel prima inspectio, eam antique novitatis gratiam sibi apud animum meum invenit, ut potestatem ipsius domi meæ mihi fieri peterem. Qua haud difficulter a perfacili perque benigno hospite impetratâ, cum de vita Conditoris harum legum multa agitaſsemus,

K 3

do-

a. Joseph. Antiq. L. XIII, Cap. XXIII.

domum tandem proficiscor, Codicem meum cupide perlego, sanctiones, quæ vel antiquitatem vel jucunditatem aliquam habere videbantur, enoto. En *Excerpta*, Latinò sermone a me animi gratiâ reddita!

Scilicet & Capite II LEGUM ECCLESIASTICARUM, pag. 1, disco, tum qualis habitus sollemnis eorum temporum Episcopos deceat, tum quam musicè illi vixerint. Verba Legis hæc sunt: „ Quoties Episcopi „ Regni nostri ad Regem in Comitibus aut alio „ in tempore veniunt, habitum *subtilem* (*sub-* „ *til* in ipsa Lege scribitur, qui alias merca- „ toribus dicitur *sucket*) gerunto, tam cum „ equo vehuntur, quam cum pedites incedunt, ut vulgus a ceteris eos Doctoribus dignoscat. Neque vero, quod hætenus fieri consuevit, tibiæ aut tympana iis præcinunt, — ”

Cap. III. ibid. docet, quomodo Missa coram Rege in Comitibus peragitur, quâ reverentiâ & pompâ Euangelium, ubi ad summum altare recitatum fuerit, a principe quodam Præfulem, qui adsunt, Episcopo offerri oporteat, atque prius, quam Regiæ Majestati osculandum præbeatur, adorari.

Caput IV: pag. 2. numerum servorum, qui Præfulem in itinere comitentur, item venaticum jus cœnobarum ita coërcet, ut Episcopum iter facientem non plures quam XII aut XIV famuli, Archiepiscopum vero equitantem XX juvenes cum equis cataphractis in post-

posterum prosequantur: deinde ut *Antworschevienses*, *forani*, alique majores Cœnobia ad captandas feras haud quaquam plures canes quam quatuor inquisitores & cursores totidem alant: minores vero par tantum horum, par illorum.

In Capite X. pag. 4. de *Musica Sacra*, succentori, si in officio præcinendi erraverit, multa indicitur: deinde *Coralibus* (ita vocantur) pueris certum genus habitus (*Danicé Röchling*) imperatur, nec non frequens in nova *Mensura* (verbum ipsum retineo) exercitatio.

Capite XV, pag. 5. cavetur, „Nequi Præsules aut Equites, horumve filii aut pedisequi oblongo quoquam telo, præterquam consueto, in civitatibus utantur: Neve ci- ves, mercatores aliive arma in illis gestent, præterquam Satellites Regis, hujusque corporis custodes, item, quibus jus teli gestandi est, Regis armiger (*Profos*) ejusque ministri”. Conf. Leg. Civil. Cap. XVIII, pag. 50. de multa pecuniaria, si quis, adversarium habens, sive noctu sive interdum armatus deprehensus fuerit.

Ex Capite XVII, pag. 6, quantopere Legislatori nostro cælibatus Clericorum displicuerit, quos ad rem uxoriæ tacite hortatur, haud obscure apparet: „Præfule, sacerdoti, aut Clerico sive Regulari sive seculari Prædium quodquam sive Urbanum sive Oppidanum post hac coëmere licitum non esto,

„ nisi Doctrinæ *Pauli*, qui in I Epistola ad
 „ Timotheum Cap. 3. uxores ducere iis sua-
 „ det, obtemperare velint, moreque majo-
 „ rum matrimonia capebant”.

In Capite XXI, pag. 7. *Christiernus* noster,
 Ecclesiâ suâ etiam tum potestati Pontificis
 Romani parente, jurisdictionem Romanam
 frangere incipit, dum in hunc modum sanc-
 cit: „ Ne homines Ecclesiastici, qui contro-
 „ versantur, peregre, Romæ aut alibi, si-
 „ cuti hactenus factitatum est, jus suum vin-
 „ dicare cogantur, quod in patria obtineri
 „ hucusque non potuisse queruntur: insti-
 „ tuimus volumusque, ut lites cunctæ in
 „ posterum intra Regnum nostrum in Curia
 „ Camerali coram Doctores & Magistris,
 „ quibus hoc negotium damus, agitentur at-
 „ que finiantur. - -” Conf. *Leg. Civil.* Cap.
 LXXXII, pag. 65, ubi *Roschildia* civitas,
 sedes hujus Judicii denuntiatur.

Idem, quanta quamque invisa sibi Episco-
 porum suorum avaritia fuerit, Cap. XXXI,
 pag. 10. his verbis testatum relinquit: „ Ubi
 „ sacerdos intestatò moritur, ibi Episcopus
 „ relicta bona non sine summo scelere univer-
 „ sa rapit, quod in posterum fieri nolu-
 „ mus. - -” Conf. *Leg. Civil.* Cap. XCVIII,
 pag. 69, de Testamentis Sacerdotum.

Caput XLIX. pag. 17. jubet Judices prius,
 quam judicium exercere incipiant, Missam
 audire: quod in *Legibus Civilibus* Cap. VIII,
 pag. 45. his verbis repetitur: „ Volumus,

„ ut

„ ut *Scultus* noster, (ita vocatur supremus
„ disciplinæ publicæ magister) Consules at-
„ quæ Senatores in qualibet civitate imperii
„ nostri quotidie prius, quam jus dicturi pe-
„ dem in curiam inferant, *Missa* inter
„ sint. - - -”

Caput CXXIX. pag. 38. de *Conviviis*, eò
notandum duxi, quod licentiam publicè per
plateas diebus festis nec non vespera Joannea
saltandi concedit, quæ hodieque a profesta
plebe hic illic servatur.

Sequuntur *Excerpta* ex LEGIBUS
CIVILIBUS Eiusdem.

Ex Capp. XXXV. & XXXVII. pag. 54.
sq. disco, primum *Gottlandiam* antiquitus per-
fugium homicidis præbuisse: deinde morem
fuisse, ut Principe sive patriæ sive peregrino
urbem quampiam intrante, cunctis hujus cap-
tivis, non infamis criminis causa damnatis,
salus & libertas sua reddatur.

Quo in statu *res tabellaria* eorum tempo-
rum fuerit, Caput LXIII, pag. 61. indicat:
„ In qualibet civitate duo aut tres, prout
„ necessitas postulaverit, cursores publici or-
„ dinantur; quorum officium esto, episto-
„ las perferre, iis, a quibus mittuntur, pro
„ singulis milliaribus diobolare pretium tam
„ æstate quam hyeme anni reddentibus.”

Caput LXX. pag. 63. Capitem *falsis ru-
moribus* pœnam denuntiat, cujus hoc exem-
plum

plum est : „ Compertô , multos dari , qui
 „ falsos rumores serunt , & mendaciis patriam
 „ impleant , jubemus , ut , qui deprehensus
 „ fuerit , a *Scullo* custodiatur , usquequo men-
 „ dacem famam esse liquidò constet , quam
 „ tum auctor capite luito . ” Conf. *Leg. Ec-
 cles.* Cap. CXXIII. p. 37.

Caput LXXI, *ibid.* meretriculas adversus
 injurias tuetur. Audi legem : „ Impudicæ
 „ quælibet feminae , quæ in civitatibus quas-
 „ stum corpore faciunt , non quidem in pla-
 „ teis juxta honestos cives domicilium habent-
 „ to. His autem propria quædam in urbe
 „ sedes , ubi junctim universæ habitent , as-
 „ signator. Volumus porro , ut decoras ves-
 „ tes gerere non modò illis liceat , sed ut pro
 „ facultatibus suis etiam gerant ita tamen , ut
 „ palla , quæ ab honestis matronis eas distin-
 „ guat , non utantur : denique tota earum
 „ corpora ab injuriis esse volumus , quas si-
 „ quis intulerit , is capite pœnas dato . ” Quò
 accedit Cap. LXXII *ibid.* „ Quod si quis in
 „ hujusmodi meretricum ædibus pecuniam
 „ vestesve profuderit , ea res in judicium
 „ non adducitor. Harum tamen mulierum
 „ in numero minimè istæ habentor , quæ cum
 „ uno tantum amatore consuescunt ; quin op-
 „ portunum his habitaculum in qualibet ur-
 „ bis parte conceditor , nisi ubi frequentior
 „ mercatura exercetur . ”

Caput LXXXIX ; p. 67. superstitionas
 quasdam Papismi veteris consuetudines attin-
 git ,

git, quas Legislatoꝝ noster meritò in iplis
Ecclesiæ suæ tenebris exsecratur hâc sententiâ:
„ Pessimo hæctenus more receptum in civitati-
„ bus nostris fuit, ut qualibet die Dominica,
„ eò tempore, quò in ædibus civium prande-
„ tur, Ministri Sacerdotum Ostiatim Aquam
„ Lustralem circumferant, eos, qui cibum
„ capiunt, pretii causa conspergentes: quod
„ in posterum fieri nolumus. — Neque
„ vero Sacerdotes aut Ministros Sacerdotum,
„ qui Vespera Paschali cibos consecrant, fe-
„ rendos audiendosque volumus.

X X V.

De Festis quibusdam Puerorum.

Q Uò primum tempore ad Cathedram Ri-
pensẽ accesseram, mos a majoribus
traditus fuerat, ut anniversarius quidam ho-
nos Calendis Majis a juventute Scholastica per-
solennis haberetur. Is, sicuti a Clarissimo
nostro *Petro Terpager* accepi, in hunc modum
peractus fuerat. In colle quodam suburbano
(*Lögböy* dicto) convenitur: hinc in urbem de-
scenditur, unò alumnorum sextæ Classis (*Comite*
Majo dicto) duce, cujus pileus frondibus,
vestes auro gemmisque distinctæ erant, hy-
podidascalis agmen prosequentibus. Intratâ
urbe ad civium honestiorum fores gradus fi-
unt, cantantur carmina, pretium refertur.

De

De origine hujus Consuetudinis, jam ex sapientiorum consilio inter nos desitæ, quasi-
tup quondam tractatumque in Collegio no-
stro memini, cum *Polydorum Vergileum* mihi
dari juberem, ex coque, ut ethnicis primum,
deinde Pontificiis eam deberi docerem, hæc
verba prælegerem: (a) „ Est item consuetu-
„ dinis, ut juvenus promiscui sexus lætabun-
„ da Cal. Maji exeat in agros, & cantans
„ inde virides reportet arborum ramos, eos-
„ que ante domorum fores ponat & deinde
„ unusquisque eo die aliquid viridis ramusculi
„ vel herbæ ferat, quod non fecisse pœna est,
„ præsertim apud Italos, ut madefiat. Hæc
„ vel a Romanis accepta videntur, apud quos
„ sic Flora cunctorum fructuum Dea mense
„ Majo lascivè colebatur; vel ab Atheniensi-
„ bus sunt, quod ille in fama in templo Del-
„ phico *ἱεραίων*, id est, unctionem pone-
„ bant, hoc est, ramum olivæ, sive lauri
„ plenum variis fructibus.” Ubi tamen mo-
nebam, me a *Polydoro* nonnihil dissentire,
quum origo non a *Flora*, ut ille existimat,
sed a dea *Maja*, (Vulcani uxore) cui *flamen*
Vulcanalis Kalendis Majis rem divinam fecisse
perhibetur, (b) repetenda mihi videretur.

Hinc ad consimile *Festum Gregorii Magni*,
quod die XII mensis Martii in Gymnasiis
Germaniæ celebratur, sermone derivatô, Col-
lega-

a. L. V. de Rer. Inv. Cap. II, p. m. 302.

b. Macrobian. Saturnal I, 12, p. m. 245.

legarum unus Programma viri Celeberrimi
Jo. Mölleri de GREGORIO MAGNO,
editum Flensburgi A. 1722 in medium pro-
fert, nobisque hunc locum commonstrat: (a)

„ Festum Gregorii licet in Athenæo nostro
„ (*Flensburgensi*) aliisque vicinarum regionum,
„ juventuti vacationem paucarum tantum ho-
„ rarum a laboribus impetret Scholasticis, in
„ plerisque tamen Germaniæ, præsertim su-
„ periores, Lyceis Lutheranis majori pompa
„ solet celebrari. In his enim quotannis die
„ hoc D. Gregorii sacro memoriæ, cœtus
„ Scholastici, ducibus commilitonum uno,
„ Episcopo a ceteris electo, vestibusque dig-
„ nitati isti sacræ congruis indicto, & alba-
„ tis illius satellitibus, nomina sibi Angelo-
„ rum tribuentibus in publicum prodeunt, ac
„ singulas pervagantes plateas, cantilenis piis
„ divina in se celebrant beneficia, puerosque
„ alios ad Scholas invitant frequentandas.

Postea ad veteres Festorum Puerilium me-
morias perventum est, atque primum quidem
ad *Quinquatria* Romanorum, a *junctis quin-
que diebus* sic dicta, (b) quibus pueros scia-
ri solitos fuisse indicat *Horatius*: (c)

*Ac potius, puer ut festis Quinquatribus, olim
Exiguo gratoque fruaris tempore raptim.*

De

a. Pag. 4. b. Ovid. Fast. III, 810. c. L. II,
Epist. II, v. 197.

Dehinc subeunt Atheniensium Ἑρμαία, *Hermæa*, tam puerorum, ut videntur, oblectationi, quam memoriae Mercurii dicata, de quibus *Plato* in *Lyfide*, sive de *Amicitia*: (a) Καὶ ἅμα ὡς Ἑρμαῖα ἄγουσιν ἀναμειγμένοι ἐν ταυτῇ εἰσιν οἱ τε νεανίσκοι καὶ οἱ παῖδες: *Et simul ut Hermæa celebrent, permixti sunt eodem adulescentes & pueri.* Atque mox ibidem: Ἐισελθόντες δὲ καταλάβομεν ἀνὴρσι τεθνκότας, τε τῆς παιδας, καὶ τὰ περὶ ἱερῆα σχεδόντι ἤδη πεποιημένα, ἀστραγαλίζοντάς τε δὴ, καὶ κεκοσμημένους ἅπαντας. *Ingressi palæstram comperimus ibi pueros, qui sacrificarunt, sacrisque pervaclis, ornati omnes lusu astragalorum animum oblectabant.*

Neque vero omissus est *Apaturiorum* (Ἀπαυρία, *festum deceptionis*, apud Athenienses) ille dies, de quo idem *Plato*: (b) Ἡ δὲ κουρεῶτις ἡμῖν ὕστα ἐτύγχανεν Ἀπαυριῶν. Τὸ δὲ τῆς κορετῆς σύνηδες ἑκάστοτε, καὶ τότε συνέβη τοῖς παῖσιν. Ἄθλα γὰρ ἡμῖν, οἱ Πατέρες ἔθεσαν βίβωδίας: πολλῶν μὲν οὖν δὲ καὶ ἐλέχθη Ποιητῶν ποιήματα ἅτε δὲ νῆα κατ' ἐκεῖνον τὸν χρόνον ὄντα τῷ Σόλωνος πολλοὶ τῶν παίδων ἤσαν. *Erant Apaturiorum solennis dies Koureōtis: hic totius festi dies erat, sic dictus παρὰ τῆς κρεῆς, ἢ τῶν κέρων, a tonsura, aut a pueris) quod vero illis festis fieri semper solet, tunc etiam contigit. Parentes enim certaminis loco rhapsodias nobis proponebant: multorum ergo multa Poëtarum*

cat-

carmina recitata sunt; & Solonis quidem, quod tunc nova essent, plerique nostrum decantavimus.

Postremò, missis antiquitatibus exteris, cum ad sollemnes Ripensium nostrorum Kalendarum Majas e diverticulo reverteremur, quaeri coeptum est, Rectene Ludimagister ille fecerit, qui *Majum* nostrum *Comitem* de veteri sua dignitate deturbatum, ornamentisque exurum quasi ex urbe & schola ejecit? Erat, qui festi hujus agitationem non modò omni crimine absolvere haud dubitabat, sed etiam, ut ne majores vecondiæ arguere videamur, revocandam censebat, addens dictum illud vetus apud *Tertullianum*; (a) *Nihil obstrepere religioni in animo & in conscientia tanta solatia* (spectacula) *extrinsecus oculorum vel aurium: nec vero Deum offendi oblectatione hominis, qua, salvo erga Deum metu, & honore, suo in tempore & suo in loco frui scelus non sit.*

Huic vero alius quispiam sententiam ejusdem *Tertulliani* in *Libro de Idololatria* (b) opposuit. *Querendum est etiam de ludimagistris & ceteris professoribus literarum. Imo non dubitandum affines illos esse multimodæ idololatriæ. Primum quibus necesse est deos Nationum prædicare; nomina, genealogias, fabulas; ornamenta honorifica quæque eorum enuntiare; tum solennia festaque eorundem observare, ut quibus vestigalia sua suppetant. Quis ludimagister sine*

1a-

*tabula VII idolorum, (h, e, septem planeta-
rum, Lunæ, Martis, Mercurii, &c. unde
nomina dierum hebdomadis cujusque) quin-
quaginta tamen non frequentabit? — Floræ
scholæ coronandæ. Flaminicæ & Ædiles sacrifi-
cant; creatis schola honoratur feriis. Idem fit
idoli natali, omnis diaboli pompa frequen-
tur. Quis hæc competere Christiano existima-
bit —?*

Cujus quidem disceptationis arbitrum quum
uterque me eligerent, differri hoc negotium
petebam, quoad inveterata Germanorum con-
troversia de *Festo Gregoriano* (cujus mentio
facta fuerat) dijudicata esset, quorum nempe
alii hoc *Ethnicum, Abominabile, Pontificium,
superstitiosum, impium & blasphemum* cum cla-
rissimo Gymnasii Gothani quondam Rectore,
Andrea Wilkio, (a) atque hujus doctissimo
postmodum successore *Gothofredo Vockerodt (b)*
pronuntiant: alii contrà quam diligentissimè
vindican, sicuti *Wolfgangus Seberus*, Super-
intendens quondam in Ducatu Franconix
Hennebergico Schleusingensis, Theologus
perdoctus, in *Orationibus Lipsiæ A. 1605.*
sub hoc titulo editis: *Festum Scholasticum,
quod vulgo dicunt Gregorianum, in Gymnasio
Schleusingensi distinctis Orationibus tum impieta-
tis absolutum crimine, tum vanitatis.*

De-

a. Orat. XLII. b. Consultat. XXIV, §. 3. sq.
pag. 437, nec non Consult. XXV, §. 4. pag. 443.
seqq.

Deniquè quanquam ludicra hujusmodi spectacula haud magnopere mihi probantur, nihilo minus non diffitebar, me haud quam videre, quæ religio magis vetet, publico cantu amœnissimum mensem Majum, (quem *Carolus Magnus* der *Wonnemonat* dixit) excipere, quàm anserem Martini Vespertinis cantilenis, ut passim fieri solet, per plateas ornare: cum Carmina, in Kalendaras illas antiquitus composita, nihil profanum, nihil honestati contrarium, sed vel laudes providentiæ cœlestis, vel pia pro Principis & patriæ salute vota contineant. Ad hæc ingenuè præ me ferebam, si vetus ille Ripensis ritus eo, quod a Gentilibus aut Pontificiis acceptus fuerat, abrogandus foret, jam fieri oportere, ut pleraque omnia & Ecclesiæ & civitatis nostræ instituta, utpote vel ab his vel ab illis nobis relicta, abjiciantur, mutantur, aboleantur.

XXVI.

De Pænis Librariorum.

SEdebam nuper in libraria quadam inter complures amicos, quorum unus, in historia litteraria non mediocriter versatus, clarissimorum quorundam Typographorum fata nobis commemorabat, atque in his præcipuè *Stephani Doleti*, ob religionem A. 1545

P A R S III.

L

P2

Parisiis igne cremati: (a) item *Andree We-*
bbelii, A. 1573 in cruentis illis Nuptiis, quas
 vocant, Parisinis Gallia ejecti, bonis pro-
 scriptis, librisque, quos reliquerat, maxime
 Protestantium, Lutetiae publicè combustis:
 (b) nec non *Roberti Stephani*, qui a Sorbo-
 nicis diu multumque vexatus, horumque
 crebris injuriis cedere demum coactus, reli-
 ctâ patriâ Genevam se contulit, multò melio-
 re fortuna dignus: (c) & denique *Henrici*
Stephani, de quo ex *Cornelio Tollio* (d) nobis
 hæc narrabat. „ Nihil laborum pejus un-
 „ quam *H. Stephano* cessit, quam scripta pro
 „ Herodoto Apologia. Isto quippe libro cum
 „ gravissime in sacrum istum cucullatorum
 „ ordinem peccasse judicaretur, ignibus fuisset
 „ expiandus, nisi imminente periculo tem-
 „ pore se subduxisset. *Stephano* itaque fugâ
 „ sibi consulente, atque in nivosis Arvernâ
 „ montibus latitante, cremata a tortore effi-
 „ gies pro ipso pœnas luit. Unde jocabatur
 „ sæpe, ut erat ingenio cavillator, *nunquam*
 „ *se magis vixisse, quam cum Parisiis usula-*
 „ *retur*. Multis deinde peregrinationibus diu
 „ in Germania vagus, cum patriam oblivisci
 „ non posset, Lugdunum se contulit; ubi
 „ opi-

a. De hoc Morhofius, Fabricius, alij. b. V. Lo-
 meier. de Biblioth. Cap. IX, p. m. 184. c. V. Colo-
 mesii Gallia Orientalis p. m. 22. d. de Infel. Litter.
 pag. m. 482.

„ opibus atque ipso etiam ingenio destitutus,
 „ in Nosocomio vitæ finem fecit. ”

His auditis, quum iusta animos nostros tantorum tamque præclarè de orbe erudito meritorum virorum miseratio subiret, erat, qui indignabundus optabat, ut piaculares pro his victimæ ii Typographi fuissent, qui *Servetum*, qui *Vaninum*, qui *Spinofam* typis mandarunt, aut horum æquales, maledicos pestilentesque scriptores, hodieque mandant, profani gloriæ divinæ contemtores, impia sacrilegorum mancipia, publicæ tranquillitatis parricidæ. Idem addebat, se indulgentiam Principum sæpius demirari, qui nequissimos istos impietatis ministros non conquirunt, conquisitos multant, quo fit, ut bibliothecæ nostræ honesta quædam sterquilinia sæpe dici possent videantur.

Ad quæ ego: Non defuerè, inquam, jam ab omni fere memoria Leges, quæ suas Librariorum liceptiæ poenas denuntiârunt. Nihil nunc dico de crudelitate *Domitiani*, qui *Hermogenem Tarsensem*, propter quasdam in historia figuras, occidit, librariis etiam, qui eam descripserant, cruci affixis, ut *Suetonius* (a) tradit. Potissimum vero memento, quæ vel in Aulis Principum, vel in Conciliis Ecclesiasticis super hac re sancita leguntur. Agendum audis ex antiquioribus Imp. *Valentinum* & *Martianum* in Codice de Hæreticis &

L 2

Ma-

a. In Vita Domitiani Cap. X.

Manichæis: (a) Nulli contra venerabilem Chalcedonensem Synodum liceat aliquid vel dictare, vel scribere, vel edere atque emittere, aut aliorum dicta vel scripta super eadem re proferre. Nemo hujusmodi habere libros, & sacrilega scriptorum audeat monumenta servare. Quod si qui in his criminibus fuerint deprehensi, perpetuâ deportatione damnentur. Audi Theodosium & Valentinianum ibid. (b) Nec vero impios libros nefandi & sacrilegi Nestorii adversus venerabilem orthodoxorum sectam decretaque sanctissimi cœtus antislitum Ephefi habiti scriptos, habere aut legere, aut describere quisquam audeat: quos diligenti studio requiri, ac publicè comburi decernimus: — Scientibus universis, violatorem hujus legis publicatione bonorum esse coercendum. Neque vero posteriorum temporum legum latores ab his multum dissentiunt; quin, ut cetera exempla tacitus præteream, non ignotæ, opinor, tibi sunt pœnæ, quas Sanctiones Patriæ Typographis in hunc modum minantur: Nemo unus Librario quicquam typis describendum prius dato, quàm id ipsum in Regia Academia Hauniensi a Decano, ejus, ad quam argumentum scripti spectat, Facultatis, aliove, cujus recognitioni Decanus, legitimâ ratione præpeditus, scriptum submisserit, Professore perlectum fuerit & comprobatum. — Contra hanc legem si quid commissum fuerit, excusor æquè

a. Lib. I, Tit. V, leg. 8, col. m. 170 sq. b. Leg. VI, col. 168.

*æquè ac auctor non solum ob relictam ita obedientiam; sed etiam ob argumentum scripti, si non nulla in hoc sint offendicula, puniuntur. (a) Item: Si qui libri etiam, ad seditionem spectantes, aut Majestati Regiæ insidiantes, aliterve detrimentosi, in Regnis ac Regionibus Regis fuerint impressi, vel istuc, postquam alibi typis exscripti sunt, importati; non ii solum, qui istos imprimere, quique impressos importare ausi sunt, pœnas dependunt gravissimas, sed ipsi etiam libri, a Carnifice in ignem injecti, publicè cremantur. (b) Et denique; Nemo fastos prognosticos in hoc Regno conficito vel imprimito. Omnia quoque Astrologorum prædicta de bello, annonæ difficultate, pestilentia, aliisve id genus casibus ab eisdem exulanto. Proinde etiam fastos ejusmodi typis vel suis describere, vel alienis suo sumtu describendos curare, cuius excusori librario, sub multa quinquaginta argenti unciarum, interdictum esto. (c) Ad hæc accedunt Decreta Ecclesiastica, uti Synodi Dordracenæ, (d) nec non Concilii Tridentini, cui in hunc modum cavere visum est: (e) Impressoribus modum imponens sancta Synodus, statuit, ut posthac sacra Scriptura, potissimum vero vetus & vulgata editio, quam emendatissimè imprimatur. Nul-
 lique liceat imprimere vel imprimi facere quosvis*

L 3

li-

a. Leg. Danic. L. II, Cap. XXI, Artic. I. b. Ibid. Artic. IV. c. Ibid. Artic. VI. d. A. 1617, Sess. XXII. e. Decret. IVtæ Sessionis 5 Aprilis 1546. pag. m. 679.

libros de rebus sacris, sine nomine auctoris: nec vendere, nec apud se retinere, nisi primum examinati probatique fuerint ab ordinario, sub poena anathematis, & poenae statutæ in Lateranensi novissimo Concilio. &c.

Placere sibi hæc Decreta amicus fatebatur, sed & dolebat, necdum circumcisam veterem Librariorum audaciam ab ipsis etiam Principibus quibusdam tacitè comprobari, quippe qui pessimos sæpe libros *Serveti* & similium non modò ferunt, sed cupidè etiam conquirunt, magno emunt, in bibliothecis suis tanquam quantivis pretii ornamenta reponunt; nisi tamen hoc iis, qui Principum bibliothecis præsunt, magis quàm Principibus ipsis vitio dari oporteat.

XXVII.

De Injuriis quibusdam Christianorum in Gentiles.

STudiosus quispiam haud sane indoctus Libellum *de Injuriis Gentilium in Christianos* animò diu meditatus, consilium pro veteri nostra familiaritate mihi desum aperit. Hunc ego recordari blandè jubebam, jam sæpius atque iterum tum a priscis Ecclesiæ Patribus, tum a pia posteritate hanc causam eloquentissimè oratam esse, ut solum in foro relinqui cum oporteat, qui veteres istas querelas instaurare, & bellum cum defunctis gerere proponat.

ponat. Ad hoc renidens minabar, nisi suum ille consilium mutaret, brevi fore, ut libellus de *Injuriis Christianorum, in Gentiles* ipsi opponeretur. Perjucunda hæc amico vox erat, gratum hoc certamen videbatur, in quo ille se fortioribus fulgentioribusque, me contrà hebetioribus armis præliaturum non dubitabat.

Tandem ludô in seriam disceptationem conversô, ille, non nescis, inquit, quibus contumeliis *Tacitus, Porphyrius, Celsus* Philosophus, sexcenti alii ethnici scriptores religionem nostram certatim oneraverint; quos si animus esset, te patrociniū eorum suscipiente, in judicium cum diis & deabus suis vocare, accusare, urgere, ecquem dabis vel, corruptissimum sanæ mentis Judicem, qui nefando *πολυθείας* crimine eos absolvat? Ad quæ ego, Faxo, inquam, procul dubio, ut tutemet ipse eos absolvas. Agedum primum memento, hanc ipsam injuriam nobis quoque Christianis a Judæis atque Muhamedanis fieri, qui nos plurium deorum cultores confidentissimè criminantur: deinde recordare, quæso, honorem, quem Ethnici deorum suorum numinibus quondam habuere, a nobismet ipsis eorundem nominibus haberi, quando *Sol, Luna, Mars, Mercurius, Jupiter, Venus, Saturnus*, diebus nostris nomina imponunt: quando Poëtæ nostri *Neptunum, Vulcanum, Musas*, & nescio quæ non profana vocabulorum portenta inclamant, jam

olim non a nostris tantum, *Minucio*, (a) *Lactantio*, (b) aliisque sed ab ipso etiam *Cicerone* (c) proinde reprehensi, & vanitatis suæ admoniti. Denique cogita, triplicem esse gentilium veterum *Theologiam*, sicuti *Varro* (d) docet, primam *Mythicam*, qua utuntur poëtæ: secundam *Physicam*, qua *Philosophi*: tertiam *Civilem*, qua populi: hanc vero ad urbem, illam ad mundum, istam ad theatrum esse accommodatam: qua de re copiosius me in *Idea Historiæ Litterariæ Romanorum* (e) disserere memini. Atque (pergo) *Philosophi* quidem sapientiores unum æternum DEUM unô ore passim predicant, quorum testimonia apud *Pfannerum* aliosque cumulatissima legas: ne quid de profesto *Vulgo* dicam, cui unum itidem DEUM in ore fuisse ipsi scriptores veteres Ecclesiastici testantur, atque in his *Tertullianus*: (f) *Tunc & populus exclamans, DEO DEORUM QUI SOLUS POTENS EST*, — item *Lactantius*: (g) *Cum optant, & cum gratias agunt, non Jovem aut Deos multos, sed DEUM nominant.* &c. Ut receptam illam in Ecclesiis gentilium formulam precandi, ΚΥΡΙΕ ΕΛΕΗΣΟΝ, (h) tacitus præteream, item testimonium *Cypriani* (i) satis illustre:

Nam

a. In Octavio c. 22.

b. Lib. I, Cap. 9. ad finem.

c. Lib. I. de Nat. Deor. p. m. 1169.

d. apud Augustinum de Civ. Dei L. VI, c. 5, p. m. 181.

e. Lib. III, Cap. I, p. 228. fgg.

f. Lib. ad Scapulam p. m. 87.

g. II, 1, 7, fgg.

h. Vid. Sermon. nostr.

i. Vol. I, S. XVIII, p. 73.

i. Niceph. H. E. L. III,

cap. 27.

Nam & vulgus in multis DEUM naturaliter confitetur, quum mens & anima sui auctoris & principis admonetur. Dicit frequenter audimus, O DEUS; &, DEUS VIDET; &, DEO COMMENDO; &, DEUS MIHI REDDET; &, QUOD VULT DEUS; &, SI DEUS DEDERIT. Atque hæc est summa delicti, nolle agnoscere, quem ignorare non possis.

Speciosa hæc argumenta, hæc testimonia videbantur Amico, qui, cum unum quidem DEUM ex lumine naturæ cognosci non dubitaret, mirari tamen se fatebatur, quid tot tamque diligenter elaborata Patrum volumina adversus gentium Deos, tot delubra, festa & sacrificia gentilium, tot Flamines Diales, Martiales, Quirinales sibi velint, si plurium deorum opinio mentes eorum non imbuisset. Cui ego: Desine, inquam, mirari; Hi non profecto Jovem, non Martem, non Herculem & ceteros divos, quos merita in cælum evexisse credebantur, aliter coluere, quam Romano-Catholici suas imagines, suos, quos Papa in divorum numerum retulit, Sanctos, Veneti suum *Marcum*, Parisini suam *Genovefam*, Patavini *Danielem* Martyrem, Ulyssiponenses *Vincentium*, Mediolanenses *Barnabam*, Hispani *Mariam* & *Jacobum* majorem, alii alios, de quibus *Antonius Macedo* Lusitanus A. 1687 ingens volumen in fol. Ulyssipone edere non erubuit, inscriptum, quod merito in orbe Christiano

miseris, de *Diis tutelaribus Orbis Christiani*.

Qua quidem controversia non sine pudore nominis Christiani pacata, cum Studiosus meus gentilium immanitatem in nostros a nullo ne eloquentissimo quidem Demosthene dilui posse putaret, decem istorum Ecclesiae Christianae carnificum, *Neronis, Domitiani, &c.* acerrimus insectator: Ego primum ad *Sermonum* meorum Volumen I, Sermon. XXIV pag. 102--107, ubi *Trajanus* Persecutor alique Cæsares Romani, Regibus Galliae *Carolo IX & Ludovico XIV* comparati excusantur, hominem delegabam: deinde mitissima Principum quorundam gentilium Rescripta pro Christianis ex *Nicephoro* praelegebam, ut **HADRIANI** (a) & **M. AUR. ANTONINI PII**: (b) item testimonium *Melitonis* Episcopi in libello ad Antoninum: (c) *Soli reperti sunt Nero & Domitianus, qui ab invidis & male conciliatis quibusdam hominibus (non privato odio) persuasi, professionem nostram calumniae expositam esse voluerunt. — Sed enim parentes tui imperitiam illorum correxerunt, multis saepe rescriptis eos objurgantes, qui de nobis praeter leges & aequitatem quidquam statuere aut tentare fuissent ausi. —* Addebam porro ex eodem *Nicephoro* laudem illam **ALEXANDRI SEVERI** & meritum de Chri-

a. Niceph. H. E. L. III, c. 27.

b. Id. ibid. c.

28. c. Id. Lib. IV, cap. 10.

Christianis: (a) *Maximinus Cæsar maximum odio ejus, qui eum præcesserat*, ALEXANDRI Imperatoris, qui magna fuit in Christianos benevolentia, omnesque fere in aula sua nostræ professionis familiares & ministros habuit, contra nos excitavit tumultum.

Tum Amicus, sed jam iterum, inquit, Christianorum, qui tam infestis animis dissident, qui tot cruenta bella civilia gerunt, qui alia victimâ nisi cæde & sanguine suorum placari se non patiuntur, me profecto pudet. Agedum mittamus miseros Martyres; sub Nerone ferarum tergis contestos, ut laniatu canum interirent, aut crucibus affixos, aut, ubi defecisset dies, in usum nocturni luminis ustos: (b) sub Diocletiano aliisque non ad insulas, non ad carceres, non ad metalla, sed ignem, crucem, feras damnatos, ut animadversio gladii paucissimis quasi beneficium deferretur: (c) Obsecramus potius impia & nefaria spectacula Romanorum, qui fontes qui servos ad pugnam bestiarum dare solebant, merito proinde a Lactantio (d) his, si rectè memini, verbis accusati: *Hos ludos vocant, in quibus humanus sanguis effunditur. Adeo longè ab hominibus secessit humanitas, ut, cum animas hominum interficiant, ludere se opinentur.* — *Quæro nunc, an possint pii & justî homines esse, qui constitutos sub*
ictu

a. Lib. V. H. E. Cap. 19. b. Tacit. Annal. XV, 44, 7. c. Lactant. de Mort. Persecut. Cap. 22, d. VI, 20, 11 sq.

illu mortis, ac misericordiam deprecantes, non tantum patiuntur occidi, sed & flagitant, —. Ego vero, ut ipsis etiam melioribus ethnicis non minus quam Lactantio cruenta hæc spectacula displicuisse docerem, in signem illum Ciceronis (a) locum homini monstrabam: Reliquæ sunt venationes, binæ per dies quinque magnificæ: nemo negat. Sed quæ potest esse homini polito delectatio, cum aut homo imbecillus a valentissima bestia laniatur, aut præclara bestia venabulo transverberatur? Addebam & alterum illum Senecæ (b) de vitandis spectaculis, maximè cruentis: Nihil vero est tam damnosum bonis moribus, quam in aliquo spectaculo desidere. — redeo crudelior & inhumanior, quia inter homines fui. Casu in meridianum spectaculum (bestiariorum) incidi, lusus expectans, & sales, & aliquid laxamenti, quo hominum oculi ab humano cruore acquiescant. Contra est. Quicquid antè pugnatum est, miserecordia fuit. Nunc omissis nugis, mera homicidia sunt. — &c. Denique dimicationes illas, quas Hispani hodieque cum tauris subeunt, quas sponte tanquam gloriosas suscipiunt, hominem intueri jubebam.

His missis, Amicus jam ad obscenas Ethnicorum veterum Scenas conversus, abs me quærit, numquid hiscere auderem ad criminationes illas Lactantii? (c) In scenis nescio an sit corruptela vitiosior. (quàm in Spectaculis)

nam

a. L. VII. Famil. Epist. I. b. Epist. VII. c. VI.
20, 27 sq.

nam & comica fabula de stupris virginum lo-
quuntur, aut amoribus meretricum, —. Hi-
strionum quoque impudicissimi motus quid aliud
nisi libidines docent & infigant? ---- Quid de
mimis loquar, qui docent adulteria, dum fin-
gunt? Quid juvenes aut Virgines faciant, cum
hæc & fieri sine pudore, & spectari libenter ab
omnibus cernunt? ---- Adquæ ego: Collige,
inquam, quidquid libidinum in theatris, in
ludis, in festis horum ostentatur, universum
hoc, quantum quantum est, nihil ferè turpi-
tudinis habere videbitur, si cum nostris, nostris
inquam, Christianorum flagitiis conferatur.
Adspice, quæso, ut nihil nunc de Scenæ no-
stræ lascivia dicam, adspice larvatos Europæ
ludos, passim fere receptos, præterquam in
Anglia, quæ, ut ait Polydorus Vergilius, (a)
una omnium regionum personatas belluas non vi-
dit, nec quidem vult videre, quando apud An-
glos, in re hac præ aliis certè sapientiores, lex
est, ut capitale sit, si quis personas induerit.
Deinde cogita, quâ fronte ex Christianis Ro-
mano-Catholici Ethnicis impudentiam suam
vitio vertant, si oculos ad domestica specta-
cula, ad foedissimas Quadragesimæ suæ So-
lennitates (vulgo Carnival) retulerint, de
quibus Hieronymus Cardanus (b) sic scribit:
*Post opus aggressus sum Mediolani vacationibus
Quadragenariæ, seu Bacchanalium potius,
Anni*

a. de Rer. Inv. L. V, Cap. 2, p. m. 303. b. de
Libris propriis p. 49.

Anni MDLXI. Ita enim non obscurum est nostra aetate celebrari ante quadragenariam vacationes, in quibus ludunt, convivantur, personati ac larvati incedunt, denique nullum luxus & lasciviae genus omittunt. Sybaritæ & Lydi Perseque vincuntur. Nec tantum bonis operibus ac piis Quadragenaria promerentur, quantum peccant iis Lupercalibus.

His iterum pudefactus Amicus, postremò jam aliâ Ethnicos viâ aggreditur. Nimirum, ut novam his invidiam faciat, perpendere me jubet, quàm falsò infideles illi nostros quondam criminantur, teste *Theophilò*, (a) κοινὰς ἀπάντων ἔσας τὰς γυναῖκας ἡμῶν, καὶ ἀδιαφόρῳ μίξει ξυνόντας, ἔτι μὴν καὶ ταῖς ἰδίαις ἀδελφαῖς συμμύγνυσθαι, *Nostras omnium uxores esse communes, & promiscuo concubitu nos uti, ad hoc cum propriis sororibus coire.* Idem porro recordari me jubet, quantò æquius hic noster *Theophilus* (b) παιδερασίαν gentilium accuset, εἰς τὸ ἐκ παιδῶν μανθάνειν τὴν ἀδικοῦν κοινωνίαν, ut pueri statim ab ineunte aetate impias conjunctiones addiscant.

Ego vero primum monebam, solis hoc *Græcis* vernaculum vitium fuisse, uti *Athenæus*, qui τῇ παιδερασίᾳ Originem ad *Cretenses* refert, (c) item *Nepos* (d) tradit, *Laudi IN GRÆCIA duci adolescentulis quam plurimos*
ba-

a. ad Autolycom Lib. III, §. 3, p. m. 279 sq.
b. Ibid. § IV, p. 291. c. Lib. XIII, cap. 8, p. 602.
d. In Præfatione.

habere amatores, nec non Cicero (a) de Dionysio tyranno loquitur; Cum abundaret, & equalium familiaritatibus, & consuetudine propinquorum, haberet etiam, MORE GRÆCIÆ, quosdam adolescentes amore conjunctos, credebatur eorum nemini deinde hoc amoris genus haud quaquam crimen semper habuisse, docebam exemplō Alcibiadis adolescentis, tum apud Platonem, (b) tum apud Nepotem, cujus hæc verba sunt: (c) *Ineunte adolescentia amatus est Alcibiades a multis more Græcorum: in eis a Socrate, de quo mentionem facit Plato in Symposio. Namque eum induxit commemorantem, se pernoctasse cum Socrate, neque aliter ab eo surrexisse, ac filius a parente debuerit. Ubi notari jubebam, quod clarissimus Cbr. Cellarius adnotat: „ Viri in „ republica clari aut sapientia Doctrinaque „ nobiles adolescentulos bono ingenio præditos amabant, quò a turpibus studiis vitæ, „ cum perpetuò illis adessent, abducerent. „ Cui quidem molliori interpretationi Amicus haud cessavit opponere non modò contrarias sententias Mureti, (d) Conr. Rittershusii, (e) Scipionis Gentilis, (f) & aliorum, sed etiam locum illum Ciceronis: (g) *Ad Magistros vir-**

a. Tuscul. Lib. 5. b. Alcibiad. Dialog. I, p. m. 36 sq. c. in Vita Alcib. c. 2. d. Lect. Var. L. XV, cap. IV, p. m. 1137. e. ad Phæd. L. III, Fab. XX, p. m. 368. f. ad Apul. Apol. p. 80. g. Tusc. IV, p. m. 1149.

virtutis Philosophos veniamus, qui amorem negant stupri esse, & in eo litigant cum Epicuro, non multum, ut opinio mea fert, mentiente. Quis est enim amor iste amicitiae? Cur neque deformem adolescentem quisquam amat, neque formosum senem? ---- Denique seriò optabam, ut, quò melior nostra causa foret, ethnici illi non haberent, quæ haud sane leviora flagitia (pudet, piget, tædet dicere Sodomitica) Christianis vicissim opprobrent, quamplurimis omnis memoriae exemplis, quamplurimis ipsorum Ecclesiae nostræ scriptorum querelis, imo vel unâ Curiae Romanae Taxâ, si vera Scriptores (a) narrant, satis superque testata.

Dum hæc agitantur, amicus alius litterarum experts ad me visit, finemque sermoni nostro imponit.

a. Vid. Wolff. Lect. Memorab. T. II, p. 831. & Christ. Gottl. Koch de Obscenis Pontif. Decimis Cap. II, § 10 sq. p. 22—25.

XXVIII.

Iter per Lunam.

Litterator quispiam exterus Magni cujusdam Hærois filius Hafniæ quondam a studiis erat, homo non ita quidem indoctus, sed perabsurdô. ingeniô & tum maxime docili, cum ab *Anaxagora* disceret, *nivem esse atram*, (a) a *Leucippo*, *Mundos nasci*, (b) ab *Epicuro*, *neque oculos factos esse ad videndum*, *neque aures ad audiendum*, *neque linguam ad loquendum*, *neque pedes ad ambulandum*, *quoniam prius hæc nata sunt, quam esset, loqui, audire, videre, ambulare*, (c) ab aliis alia id genus deliramenta. Hujus consuetudine cum ego & complures alii Studiosi hilaritatis causâ sæpius uteremur, factum quôdam die memini, cum ex compacto de *Habitatoribus Lunæ* quæreretur, ut ille tot seculorum ignaviam, inertiamque generis nostri in Itinere ad Lunam investigando, quod a sollerti ingenio & rei nauticæ perito facile inventum iri nullus dubitabat, seriô & graviter accusaret. Teneamus cuncti risum, conticemus, vultus eam constantiam præferimus, ut *Lunaticus* noster sublimem scilicet opinionem suam non modò

PARS III. M tacitè

a. Cic. Academ. IV, 23. b. Vid. Orig. Philosophum. Cap. XII. c. Lactant. III, 17, 19.

tacitè approbati, sed admirationi etiam nobis
 esse confideret. Erat tunc inter nos homo
 lepidus & cavillator, qui locum joci dicundi
 opportunum sibi esse videns, ut aures animos-
 que nostros permulceret, ad Litteratorem
 feriò ore conversus: „ Non est, inquit, quod
 „ cum sollertia humana de ignoto hæcenus
 „ ad Lunam itinere expostules: Næ erras,
 „ næ injuriaris: Jam ab omni fere memoria
 „ eruditis circa hanc viam sudor fuit, sed
 „ nostro demum seculo tam Gloriam fortu-
 „ na reservavit, ut exoptatissima novi hujus
 „ orbis notitia habeatur. Accipe rem per
 „ profecto mirandam, quam ab ipso recenti
 „ Lunæ Speculatore, *Alexandro Seleno*, quum
 „ nuper Lutetiæ essem, accepi. Scilicet hic
 „ omnium multo clarissimus peregrinator
 „ proximò annò migrantibus ciconiis iter ad
 „ Lunam susceperat, quod hoc ipso annò
 „ iisdem revertentibus non sine summa om-
 „ nium admiratione & voluptate feliciter con-
 „ fecit. Idem Observationes suas, grandi
 „ volumine comprehensas, pro singulari sua
 „ humanitate mihi hospiti monstravit, brevi,
 „ ut spem fecit, in manus hominum perven-
 „ turas, quarum plerasque ego, datâ pote-
 „ state, partim litteris, partim memoriæ fi-
 „ deliter mandavi.
 „ Tum alter: Io! Io! ô coeleste beneficium,
 „ si oculis hoc Itinerarium usurpare quandoque
 „ mihi contingat! Te vero, amabo, qui divi-
 „ num hunc librum attentò procul dubio, uti
 „ oper-

oportebat, animô perlegisti, Te pro amicitia nostra, Te pro eâ, quâ vales, memoriâ, Te per Lunam perque omnia sidera obtestor, eorum, quæ Auctor tuus ignotus ignota narrat, nescios nos esse ne patiari.

Ad hæc Cavillator : „ Ut desiderio tuo medear, accipe ἀξιωματικόν. Nimirum „ primum *Selenus* in Libro I. rationes Itineris sui quam diligentissime exponit, Quô „ vehiculô, (volatili) Quibus ducibus (Ciconiis) usus fuerit : Ut in vastum illud „ promontorium, quod maculæ speciem oculis nostratibus præbet, primò omnium delatus fuerit, ab incolis postea, qui ad nos vos advenas videndos gregatim ex sedibus „ suis effundebantur, perbenignè perque honorificè exceptus.

Quibus auditis, Litterator ovans exclamat: ô fortunatos seculi nostri mortales! ô beatum, ô omnium, qui vixerunt, qui vivunt, qui victuri sunt, præclarissimè de orbe nostro erudito meritum *Selenum*, cujus oculata testimonia nunc neque de *certis Ciconiarum biberaculis*, nec de *umbris montium in Luna* amplius nos dubitare sinunt! Valeant in posterum, qui Ciconias sive in *Ægypto* aliisque calidis regionibus hiemare, sive in stagnis & lacubus delitescere temere hætenus sibi aliisque persuadere voluerunt! ego profecto mihi gratulor, quod verisimile mihi semper tacitè visum est, id jam verum esse, exploratum, compertum. Valeant porro, qui *Pythagor-*

ram, qui *Anaxagoram*, qui *Plutarchum* & horum posteros Astrologos, quia Lunam terræ nostræ similem esse atque habitari crediderê, derisui habuerunt! ego profecto cum tantis philosophis, ubi res in conjectura posita est, semper errare malui, quàm cum vulgo vera sentire. Valeat *Gassendus*, qui fidem *Rubenio* non habet, ad *Peirescium* scribenti, *versari apud se pictorem*, *Heynum nomine*, qui *retulerit*, *conspectum sibi fuisse penes Drebellium tubum opticum*, *cujus beneficio liceret in disco lunæ discernere campos, silvas, ædificia & munimenta locorum nostratibus non absimilia.* (a)

„ Deinde (pergit alter) *Selenus* in Libro „ *II Animalia Lunæ decies quinquies majora* „ *quàm nostra*, atque *Orbem* ejus, quem suis „ *se pedibus metatum prædicat*, *duodeviginti* „ *partibus vastiorem quàm terram nostram de-* „ *scribit.* „ *Animalia majora? Orbem Lunæ* „ *vastiorem?* inquit Litterator. Quàm rectè itaque divinavit sagacissimus ille *Xenophanes* apud *Laëtantium*! (b) quàm rectè *Pythagoræi* apud *Plutarchum*! (c) alii sapientiores. Valeant in posterum, qui *Lunam Terrâ nostrâ minorem*, imò *quadragies minorem* esse ratiocinantur cum *Gerh. Jo. Vossio* (d) aliisque, quibus ut accredam, nulla hæcenus ratio mihi im-

a. Vid. *Gassend.* in *vita Peiresc.* Lib. V. ad ann. 1635. b. III, 23, 12. c. Lib. II, de *Placitis Philos.* Cap. 30. d. Lib. II, de *Theol. Gentil.* cap. 18.

imperare potuit, multo minus in posterum imperabit.

Tandem (nam per singulas quæstiones & narrationes ire longum foret) hic abs illo percontatur, Quibus naturæ beneficiis, Qua imperii forma, Quibus legibus, Quibus disciplinis, qua religione, &c. homines isti in Luna utantur? Ad quæ callidus noster dissimulator: „ Amœnitate, inquit, omnia inibi plena sunt: fruges sponte proveniunt: metitur quidem, sed absque labore: vivitur absque fame, absque siti, absque morbo: Non aulæ, non tuguria, non ordines populares illic cernuntur: incolæ nullo Magistratu, nullis legibus reguntur, quippe qui virtutem & justitiam cæ constantiâ & fide colunt, ut Luna ipsa prius a meta sua aberratura sit, quàm hi a via innocentiae vel transversum digitum discedant: Libris & bibliothecis, ne oneri sint, ne cursum Lunæ impediunt & pondere suo aggravent, natura eos providentissimè liberavit: Disciplinis ingenia eorum non exercentur, sed solis animi contemplationibus occupantur: Sapientiæ eorum hoc specimen est, quod discrimen inter dextram & sinistram prorsus ignorant: unô verbô, in beatissimo integritatis statu illi vivunt, nunquam nisi post centesimum ætatis annum mortales, absque sensu tamen mortis aut mortalitatis. ”

Tum credulus alter opinator: Jam de-

num, inquit, deceptum me ab *Origene* video, qui me ad credendam induxerat, homines in Luna & reliquis planetarum orbibus eâdem, quâ nos, conditione nasci, vivere, mori, eoque factum, ut *Cbristus* pro his mortem successivè obierit: Jam sapientissimum *Thomam Campanellam* rectius docuisse video, Deum cum *Terræ* incolis fœdus pepigisse, ejusque solum memoriam voluisse exstare; de ceteris nos securos esse posse: fortassis & illic (in planetis) homines sanctos innocentesque & in statu incorrupto remansisse, ut satisfactione *Cbristi* non indigeant.

Jam cò progressâ erat oratio, ut teneri, quin in cachinum effunderemur, vix possemus: quapropter hominem intempestivum maturè, ne in offensionem ipsius incurramus, relinquimus, atque cum nova sapientiæ accessione valere tacitè jubemus.

X X I X.

Μὴ καλαδικάζετε — *LUC. VI. 37.*

Superbus quidam & perasper vitiorum generis humani Censor, qui nimiae pietatis opinionem habebat, cum defunctæ cujuspiam matronæ, quæ *Paulo* vinosior vixerat, mentio forte me præsentem incideret, inclementiorem de hujus salute Sententiam ferebat, acerbissimò ore, secus quàm *Antistitem* oport-

oportebat, famam ipsius lacerabat, palam professus, se, quin orci thesauro hæc anima tradita esset, minime dubitare. Quo ego fulmine attonitus.

*Non aliter stupui, quam qui Jovis ignibus
ictus:*

mirabar insolentiam confidentissimi homin-
cionis, tantum sibi arrogantis, ut insanâ sui
fiduciâ elatus, imbecillitatis propriæ inme-
mor, quasi emendatissimus & nullius culpæ
sibi conscius, personam judicis in causâ divi-
na occupare haud vereretur: Monebam pla-
cidè, boni viri non esse, defunctis morbos
animatorum exprobrare, nullius nisi inverec-
cundissimi esse, de salute æterna proximi, quæ
penes supremum vitæ & necis arbitrum est,
disputare: ad hoc, ut coram tot testibus pro-
fanis, qui aderant, tam male defunctæ dicere
quiesceret, blandè intercedebam. Quâ vo-
ce cum ille exasperatus, mutatio colore ma-
lam & convitia minari mihi videretur, jam
repente ex conspectu ejus tanquam ex incen-
dio effugi, meque domum recepi. Brevi
post, quum otium mihi quodam die esset,
ut animum hominis Antistitis a sancta feri-
tate ad Christianam mansuetudinem traduce-
rem, Epistolam ad ipsum scripsi, cujus
exemplum apponere lubet.

Vir plurimum reverende,

„ Non dubito, in memoria tibi esse tem-
 „ pus, quô te postremum vidi, quô defun-
 „ ctam marronam A.. B... quia vino paulo
 „ intemperantius dedita fuerat, e civitate bea-
 „ torum pro auctoritate tua præcipitem ex-
 „ turbasti, quô prope erat, ut, nisi maturè,
 „ altercationis evitandæ causa, quam odisse
 „ & vitare soleo, in fugam honestam me de-
 „ dissem, hostilem in me impetum fecisses.
 „ Pone supercilium, Amice: pone piam fe-
 „ rociam, pone arma, animumque ad pa-
 „ cem & indulgentiam compone: Non pro-
 „ fecto consilium est, bella pro vitiis huma-
 „ nis suscipere: (DEUS meliorem mentem
 „ mihi!) non is sum, ut cum ebriitate in gra-
 „ tiam te reducere adnitar: quin potius ego,
 „ si quis unquam *Pythagoras*, temulentiam
 „ fugio, execror, detestor, & detestandam
 „ suadeo. Inducias tantum a te peto, V. C.
 „ ut in hac vita neminem hominem prius,
 „ quàm id negotium tibi aliisque Sanctis rite
 „ datum fuerit, exhæredem æternæ beatitu-
 „ dinis præpropere pronunties. Memento,
 „ te medicum animarum esse, qui intercuti-
 „ bus ipse vitiis mades: Memento, te ho-
 „ minem de homine judicare: Memento, in
 „ hoc plerosque nostrum Christianorum ip-
 „ sis Muhamedanis imo gentilibus deteriores
 „ esse, quod, tanquam mandatô nobis ju-
 „ dicis officiô, promiscuè non modò Ponti-
 „ ficius

„ ficius Lutheranum five Reformatum &
 „ vicissim, sed & unumquemque mortua-
 „ lem, quò sanctiores nos ipsi nobis vide-
 „ mur, condemnare haud dubitamus. Li-
 „ beraliores profecto sunt *Muhamedani*, qui
 „ quemlibet five *Judaum*, five *Christianum*,
 „ dummodo sanctè vivat, in sua lege salvari
 „ posse docent: Mitiores sunt ex Gentilibus
 „ *Stoici*, qui, ut auctor est *Plutarchus* in
 „ quarto de *Placitis Philosophorum* Cap. 7,
 „ animam impuram non affligi, non crucia-
 „ ri, sed pœnæ loco una cum corpore ex-
 „ stingui crediderunt, quasi in ludo *Rabbi*
 „ *Davidis Kimchi* edocti, qui *Psalmi* I. ver-
 „ sum quintum ita (Latino *Ambrosii Januier*
 „ ore) interpretatur: *Propterea improbi, qui*
 „ *ambulant in via mala, quamdiu degunt in*
 „ *hoc seculo, non resurgent in judicio; vult di-*
 „ *cere, in die judicii: hoc est, in die mortis*
 „ *non erit eis resurrectio. Quod etiam de peccatori-*
 „ *bus dicendum est, & idem item de derisoribus*
 „ *est judicium, quibus non erit resurrectio in cœtu*
 „ *justorum; quia justis in morte erit resurrectio, at*
 „ *improbis non erit resurrectio: sed peribit illorum*
 „ *anima simul cum corpore eorum in die mortis.---*
 „ Qua quidem in sententia Patrum quoque ve-
 „ terum nonnullos fuisse non ignoras. Deinde
 „ quæso te, qui sacras litteras profiteris, quo-
 „ modonam auditoribustuis exponis illud Sal-
 „ vatoris cœleste monitum apud *Lucam* VI,
 „ 37, Μὴ κρίνετε, καὶ ἂ μὴ κριθῆτε· μὴ κατα-
 „ κρίνετε, καὶ ἂ μὴ καταδικασθῆτε. ἀπολύετε,
 „ M s „ καὶ

„ καὶ ἀπολυθήσεσθε? quomodonam illud *4-*
 „ *postoli* 1 Corinth. IV, 5, ὥς μὴ πρὸ παιγνῆ
 „ τι κρίνετε, ἕως ἂν ἔλθῃ ὁ Κύριος -----? quo-
 „ modonam illud ejusdem Roman. XIV, 4,
 „ Σὺ τίς εἶ ὁ κρίνων ἀλλότριον οἰκέτην; Τῷ ἰδίῳ
 „ κυρίῳ στήκει ἢ πίπτει? Imo vero unde tibi,
 „ fodes, tibi frontem judicis, qui ipse reus
 „ es, & in foro Justitiæ divinæ, accusatrice
 „ Conscientiâ, mutus atque clinguis? Re-
 „ deat tibi in memoriam admonitio *Pauli*,
 „ itidem ad Romanos II, 1, sq. Δὲ ἀναπο-
 „ λόγητος εἶ ὃ ἀνθρῳπε πᾶς ὁ κρίνων. ἐν ᾧ γὰρ
 „ κρίνεις τὸν ἕτερον, σεαυτὸν κατακρίνεις· τὰ γὰρ
 „ αὐτὰ πράσσεις ὁ κρίνων. Ὅιδαμεν δὲ ὅτε τὸ
 „ κρῖμα τῷ θεῷ ἔστι κατ' ἀλήθειαν ἐπὶ τὰς τὰς
 „ ταιαῦτα πράσσοντας. ----- Cogita, obsecro
 „ te, quantopere Salvator ipse argutulas ho-
 „ minis disputationes de salute alterius sibi
 „ displicere tacitè fateatur apud *Lucam* XIII,
 „ 23 sq. Ἐἶπε δὲ τις αὐτῷ, Κύριε, εἰ ὀλίγοι
 „ εἰ σωζόμενοι; Ὁ δὲ εἶπε πρὸς αὐτὸς. Ἀγωνί-
 „ ζεσθε εἰσελθεῖν διὰ τῆς στενῆς πύλης. -----
 „ Denique, si salutem generis humani op-
 „ tas, opta, quæso, mecum, ut impia il-
 „ lius, maximè Ecclesiæ Christianæ, præ-
 „ judicia quam ocysimè tollantur: quibus
 „ sublatis, non dubita, fore, ut Societas
 „ Christiana, quæ ad hunc diem musicæ
 „ testudini similis propter multiplices chor-
 „ das inscitè dissonat, simplicem concentum
 „ edat, suaviores sonos auribus DEI præ-
 „ beat, lyræ Davidicæ instar impuros spiri-
 „ tus

„ tus longius a nobis depellat. Quod re-
 „ liquum est, fac a te ipso hoc impetres, ut
 „ æquus miseriæ communis humanæ æstima-
 „ tor sic aliis ignoscas, tanquam ipse quoti-
 „ die pecces, cum ita peccatis abstinere ne-
 „ queas, ut nemini ignoscas. Vale & ignosce

Amico & monitori fidelissimo

C. F:

Ad hæc alter parum humanè, minus La-
 tinè, minimè, ut ego quidem arbitror, Chri-
 stianè in hunc modum rescripsit.

Bone Magister,

„ Valde admiratus sum ob importunitatem
 „ tuam, quod correctionem mihi dare velis,
 „ quasi directionem super me haberes. Facile
 „ est videre, te studiosum profanum esse,
 „ imo pene dixerim semi-Christianum, qui
 „ veram Theologorum nostrorum doctrinam
 „ non multum curat, quasi genera singulo-
 „ rum salvari possent, quasi perinde
 „ sit, sive homo sit Lutheranus sive
 „ Pontificius sive aliud, item sive sanctè sive
 „ malè vivat. Si quis dicat, te habere fron-
 „ tem, ille mentitur; quum tam effrons es,
 „ ut in judicia Théologica te immiscere au-
 „ deas. Ego neminem condemno *pro aucto-*
 „ *ritate mea*, ut infrontatè scribis, sed juxta
 „ S. Scripturam, quæ docet, neminem
 „ „ ebrio-

„ ebrisum, incestuosum, &c. ingredi in reg-
 „ num coelorum. Atque secundum hanc re-
 „ gulam condemno non tantum potacem il-
 „ lam matronam, de qua scribis, sed etiam
 „ *Saulum, Salomonem, Phariseos & Judeos*
 „ omnes, ad religionem nostram non con-
 „ versos, *Mubamedanos, Romano-Catholicos,*
 „ *Reformatos* & reliquos non *Lutheranos.*
 „ Moneo me, ô pater misericordiae, ut mi-
 „ seriae humanae compatiens sim, sed ego te
 „ moneo, ut magis rigorosus sis pro Justitia
 „ Vindicativa, & non tam neutralis adversus
 „ eos, qui vel in negotio Religionis cum
 „ nobis non concordant, vel scandalosam vi-
 „ tam vivunt. Ego utrosque sicuti & om-
 „ nes syncretistas execror & condemno,
 „ dum vocor,

P. H. K.

Quibus perlectis, cum ex invicta animi
 obstinatione & perpugnaci hominis ingenio
 gravissimas injurias in caput & existimationem
 meam redundare cernerem, pactionem ipse
 mecum feci, tantum abfore, ut in hujusmo-
 di certamina cum hujusmodi gladiatoribus in
 posterum descendam, ut contra, ne vel de
 Christiana mansuetudine vel tranquillitate ani-
 mi mei quidquam perdam, os prius mihi læ-
 di, aures & capillos percelli, membra vul-
 nerari patiar.

XXX.

X X X.

De Vera Animi Magnitudine.

DUO spectabiles Academiae nostrae Hafniensis Professores, quorum memoriam gratò semper animò prosequor, pro ea, quam erga me habebant, voluntate, consiliò de honoribus & stipendiis vitæ meae augendis clam A. 1719 initò, supplices a Serenissimo glor. mem. FRIDERICO IV, ut in ordinem Professorum me evehat, petierant, adjutore Illustrissimo atque Excellentissimo Universitatis Patrono D. . W. . usi. Petentibus Augustissimus patriæ Pater persacilem se præbet, petitum ornamentum clementer mihi decernit, Fautoribus duumviris, qui hoc negotium me prorsus insciente susceperant, spem gratiæ de me promerendæ facit. Quid sit, per amicum, qui felicitatem suam ex mea æstimabat, qui sedulo mea causa in sinu lætabatur, rem mature rescio: nec mora: ad Illustrissimum Heröem, dum ferrum meum adhuc in igni est, datâ Epistolâ, desponsum mihi honorem haud aliter ac malum seridò a me deprecor, tum quod in Academia Hafnienfi sola fere Theologia in pretio est, tum quod, si vel maxime reliquis artibus & disciplinis suis bonos constaret, pessimus hic mos in ordine Professorum Philosophiæ jam pridem invaluit, ut, qui in litteris Orienta-
libus

libus aliisve tanquam tabernaculum vitæ collocavit, cras aut perendie migrare, exulare, alterius auctoritati cedere, & geometriam, cujus sæpe ne primas. quidem lineas attigit, profiteri cogatur.

Exoneratus adeo hoc metu cum plumbeas fautorum iras, quasi honor ille Academicus plumâ levior mihi visus fuisset, incurrerem, cum vario sermone differrer, cum plerique abjectionem animi mihi exprobrarent: erat Patronus quidam literatus, qui re auditâ non modò acriter me quodam die objurgabat, sed etiam, quia tantò fortunæ beneficio uti nolueram, omnibus prorsus beneficiis indignum me pronuntiabat. Cujus quidem offensum animum ut honestis rationibus placarem, hac oratiuncula me usum memini.

„ Querulum est, in quo vivimus, seculum.
 „ Aliud ex alio concupiscitur, quasi
 „ non habeamus, quæ habemus, sed habitu-
 „ ri sumus. Communis hic generis humani
 „ morbus est, ut optet, atque cum optat,
 „ virtutem in consilium non adhibeat, ut cupiditates in longinquum mittat, ut, quod
 „ proprium ægri est, mutationibus tanquam
 „ remediis utatur. Plerique titulos suos cum
 „ luna accrescere optant, immemores, Lunam,
 „ quum plena est, tum vero minui atque
 „ fenscere. ô Vanas atque pusillas mortalium mentes! Ego vero, ô Patrone, fape
 „ tibi non videor ego humili animo esse
 „ videor, quia conditionem Academicam ceu

At-

„ Attalicam quandam non accepi : Næ er-
 „ ras. ego profecto arduæ & excelsæ mentis
 „ sum : ego, ut virum decet, gloriam magni
 „ facio, umbram & imaginem gloriæ pueris
 „ admirationi esse jubeo. Auram popularem
 „ capient, etiam qui in excelsa ætatem agunt;
 „ gaudeant se a plebe suspici & frequentari,
 „ vernilibus fervorum parasitorum, adula-
 „ torum officiis certatim colantur : Ego mul-
 „ tō honestiore conversatione utor : utor
 „ DEO, utor PATRIA, utor REGE,
 „ utor BONIS : nimirum DEO, „ cujus
 „ amicitiam omni honorum generi meritō an-
 „ tepono, „ cujus ad nutum voluntatemque
 „ totum me converto, „ cujus ad gloriam om-
 „ nes vitæ & studiorum rationes conféro :
 „ PATRIA, „ cujus causā enixè omnia cu-
 „ pio facioque : REGE, „ cui & utilem &
 „ fidelem civem me probare studeo : BO-
 „ NIS, „ quorum in animis bonam existima-
 „ tionem tueri summa ope nitor. His place-
 „ re vera laus & gloria est : horum amici-
 „ tiam curæ cordique habere animi verè mag-
 „ ni esse arbitror, „ ut proinde male mecum
 „ agas, „ vir nobilissime, „ si ea propter amare me
 „ definas, „ quod summum vitæ bonum hone-
 „ state atque animi tranquillitate metior, „ quod
 „ fortunæ potestatem mei non facio, „ quod
 „ rei publicæ quam privatæ ambitioni servire
 „ malo. „ Memesto, „ multo gloriosius esse,
 „ honore dignum judicari, „ quod virtutis est,
 „ quam potiri, „ quod inertissimo sæpe nebu-
 „ „ le-

„ Ioni cum præstantissimo viro est commune.
 „ Deinde si de felicitate mea sollicitus es, be-
 „ nignissime Fautor, jam abunde ego felix
 „ sum, qui neminem, cum quo me com-
 „ mutatum velim, cognosco, qui bona mea
 „ intelligo, qui omnium me fortunatissimum
 „ esse certo & constanter credo. scilicet for-
 „ tuna mea similis est togæ meæ quam ge-
 „ stare soleo, nec curta nimis, quæ me ridi-
 „ culum faciat, nec præpendens, quæ inces-
 „ sum impediat, sed apta, sed concinna, sed
 „ minime onerosa.

His auditis, Patronus pudore confusus ob-
 tituit, atque in veterem gratiam mecum re-
 diit.

X X X I.

De Κονεμπὶ Christiano,

sive

*Comparatio Pietistarum (quos vocant)
 & Cynicorum veterum.*

FAmosa illa *Biblia Berlenburgensia* jam nu-
 per in vulgus exierant turbasque dede-
 rant, cum ex Collegis meis unus, vir sanè
 & doctus & vere pius, suis plerisque hy-
 pomnematis diligenter pervolutatis *μυα* hoc
 βί-

βιβλίον μέγα κακὸν judicabat, de mala fide & poenitenda diligentia Auctorum apud me con-quereretur, fortunam S. Scripturæ seriò dolens, quæ omnium librorum infelicissima ipsi eò videbatur, quod in foro Religionis & in qua-
libet Christianorum dissidentium causa hæc in quæstionem utrinque adducitur, hæc Sophistarum argutias sustinere cogitur, hæc testi-
monium veritatis perhibere jubetur, iudice & disceptatrice Ratione Humanâ. Cui ego: rec-
tè profecto dolēs, ô Amice. sacri Codicis auc-
toritate omnes Christianorum Sectæ placita
sua promiscue tuentur & confirmant, sicuti
quondam (si profana sacrosanctis componere
fas est) ex *Homeri* ingenio & scriptis tanquam
divino quodam fonte suas veteres Philosophi
sententias derivabant: Nam, ut *Seneca* (a)
ait, *modò Stoicum illum (Homerum) faciunt,*
virtutem solam probantem, & voluptates refu-
gientem, & ab honesto ne immortalitatis quidem
pretio recedentem: modò Epicureum, laudantem
statum quietæ civitatis & inter convivium cantus-
que vitam exigentis: modò Peripateticum, bo-
norum tria genera inducentem: modò Academi-
cum, incerta omnia dicentem. Deinde quod
ad *Berlenburgense* illud, de quo meministi,
grande & παρρησιας plenum volumen at-
tinet, non diffiteor eò minus illud mihi pro-
bari, quod ego constanter eas Bibliorum edi-
tiones omnium præstantissimas diligentissime-

PARS III.

N

que

a. Epist. LXXXVIII.

que interpretatas censere soleo, quæ interpretatione carent, quæ nativum, ut ita dicam, colorem divinum habent, nullis pictorum luminibus atque umbris humanis illustratæ.

His dictis, Collega meus ad Auctores istos Berlenburgenses, quos Fanaticos & *Pietistas* appellabat, reversus, iterum dolebat, optima & emendatissima piissimorum virorum, *Speneri*, *Arndii* atque *Franckii*, exempla & præcepta a degeneribus quibusdam sectatoribus eadem κακοζηλία hodie corrumpi, quâ discipuli improbi *Sadok* & *Baithos* probam magistri *Antigoni Sochei* doctrinam depravasse feruntur, errorum Sadducæorum nequissimi conditores. Adhuc Idem mirari se fatebatur, sectam tam recentem tam brevi tantum incrementum cepisse, ut Pietismus jam per Academias, per Ecclesias, imo per Gynæcea & tuguria indies serpat, atque in mentes humanas irrepit.

Ad quæ ego : *Recentem Sectam*, inquis, *Pietismum* ? Falleris, amice falleris : Antiquissima profecto est. Nam, ut de *Phariseis* nunc nihil dicam, ipsa vetus Græcia Pietistas tibi dabit Philosophos *Cynicos*, nostris pleraque persimiles, si mores utriusque, si arrogantiam, decreta nonnulla æstimate atque contendere operæ pretium judicaveris. Scilicet primum, sicuti nostri animiæ & superstiosæ pietatis professione *Pietistæ* dicuntur, sic *Cynici* a mordaci vitiorum infectione appellationem traxisse nonnullis videntur. deinde,
 sicu-

sicuti illi litterarum humaniorum, quas quasi ad Epicuri voluntatem navigatione quàm velocissimâ fugiunt, (a) fastidiosi contemtores, solam Theologiam Mysticam & moralem colunt: sic his ex sententia Diogenis visum fuit; τὸν λογικὸν καὶ τὸν φυσικὸν τόπον, καὶ τὰ ἐγκύκλια μαθήματα περιαιρεῖν, μόνῳ δὲ προσέχειν τῷ ἠθικῷ (λόγῳ) rationalem naturalemque Philosophiam & liberales disciplinas tollere, moralique solè Philosophiæ incumbere. (b) porro innoxiam illam artem Musicam, quam sapientiores semper in honorè habuerunt, nostri odio prorsus Cynico habent; de quo audias Laërtium: (c) Οἱ κυνικοί, περιαιροῦσι μουσικὴν. — δ Διογένης πρὸς τὸν ἐπιδεικνύντα αὐτῷ μουσικὴν, ἔφη,

Γινώμεις γὰρ ἀνδρῶν ἐν μὲν οἰκῆνται πόλεις,
Ἐν δ' οἶκος, ἐν Ψαλμοῖσι καὶ τερετισμοῖσιν.

Cynici tollunt musicam. — Diogenes ad quemdam, qui musicam ostentabat, ait:

Magnæ reguntur urbes nam prudentia:
At una cantu non queat regi domus.

Divitiarum insuper, honorum & nobilitatis contemtrum Cynici, perinde atque nostri, præ se quondam ferebant: (d) Nihilo minus Eu-

N 2

bu-

a. Vid. Quintil. XII, 2. b. Laërt. Lib. VI, § 103.
c. loc. cit. § 104. d. Ibid. § 105. conf. suid. in v.
Κυσιμοῖς p. m. § 17.

bulo, Poëta comico, λάρυγγες καὶ ἀλλοτριῶν κτεάνων παραδειπνίδες, *gulosi* ἔξ *alienarum facultatum parafisti* dicti, teste *Athenæo*: (a) atque recte quidem, si vitam *Menippi* Cynici læstes, quem *Laërtius* (b) Φιλαργυρίας accusat, quemque *Hermippus* apud eundem refert, fuisse ἡμεροδανεισὴν, *diarium fœneratorem*, καὶ γὰρ ναυτικῷ τόκῳ δανείζειν καὶ ἐξενχυριάζειν, ὥςτε πᾶμπλεια χρήματα ἀθροίζειν, namque *nauticâ usurâ fœnerari solere*, ἔξ *pignori accipere*, ut *pecuniam grandem cogeret*. Quô quidem Philosophô dubites forte, an saniozem dicas nobilem alterum Cynicum *Cratetem*, quem eò religiosæ vefaniæ processisse proditum est, ut lautiozem patrimonii partem *ducenta talenta civibus suis dilargitus*, reliquam pecuniam, suasore *Diogene*, in *mare abjecerit*. (c) Quod ad *Frugalitatem* attinet, uterque in excessu, ut dici solet, peccant; quam in rem locus ille *Strabonis*, (d) subit: Ἐπεὶ καὶ οἱ φιλόσοφοι τῇ σωφροσύνῃ τὴν δικαιοσύνην ἐγγυτάτῳ τιθέντες, τὸ αὐταρχεῖν καὶ τὸ λίδον ἐν τοῖς πρώτοις ἐζήλωσαν· ἀφ' οὗ καὶ πρὸς ἐκπλώσεις τινὰς αὐτῶν παρέωσαν ἐπὶ τὸν κυνισμόν· quando Philosophi etiam temperantiæ justitiæ proximo loco apponentes, vitam ex se aptam ἔξ *frugalem* imprimis affeclaverunt: unde etiam quidam eorum cursum non tenentes rectum, in Cynicum vitæ genus exorbitaverunt. Denique quod

a. Lib. III, cap. 29, p. 113.

b. Lib. cit. §. 99.

c. Laërt. lib. cit. §. 87. sq.

d. Lib. VII, p. m. 455.

quod hodie fieri audimus, ut Pietistæ nostri superciliosum de aliis iudicium faciant, ut obvium quemque ad sanctimoniam vitæ & morum cohortentur, ut in levissimis etiam sæpe causis religionem interrogent: id vero jam a Cynicis illis factitatum iidem esse nemo humanior ignorat. Sic primum de tristi *Diogenis* supercilio apud *Laërtium* (a) legas: Δεινός τε ἦν καί αὖ σοβαρέυσασθαι τῶν ἄλλων· καὶ τὴν μὲν Ἐυκλείδου σχολήν, ἔλεγε χολήν· τὴν δὲ Πλάτωνος διατριβήν, καί αὖ τριβήν. — *Acer item erat in aliis despiciendis.* Unde ἔτι *Euclidis* Scholam, (alludens ad nomen) bilem appellabat; ἔτι *Platonis* auditorium, consumptionem. Sic deinde *libertatem*, qua Cynici promiscua usi, obviis quosque monebant, *Seneca* (b) perstringit: quo referas ridiculum factum *Menedemi* Cynici apud *Laërtium*: (c) Οὗτος (καθάρψιν ἱππόβοτος) εἰς τοσοῦτον τερατείας ἤλασεν, ὥστε ἐρινύος ἀναλαβὼν σχῆμα περιήει, λέγων ἐπίσκοπος ἀφ᾽ ἔχθαι ἐξ ἁδὲ τῶν ἀμαρτανομένων, ὅπως πάλιν κατιῶν ταῦτα ἀπαγγέλοι τοῖς ἐκεῖ δαίμοσιν. — *Hic (ut ait Hippobotus) in tantum prodigiis superstitionis venerat, ut sumto furie habitu circumiret, dicens speculatorem se ex inferno venisse iis, qui peccarent, ut descendens hæc ibi demonibus renuntiaret, quæ vidisset.* ἔτι. Sic denique lepida est religio *Metroclis* Cynici, quem idem (d).

N 3

usque

a. Lib. cit. §. 24. sq. b. Epist. XXIX. c. Lib. cit. §. 102. d. Ibid. §. 94.

usque adeo corruptum fatetur, ὥς ποτὲ με-
 λείων καὶ μεταξύ πῶς ἀποπαρδῶν, ὑπὲρ ἀθυρίας
 ἄνθρωποι κατὰ κλειστροῦ ἦν, ἀποκαρτερεῖν βυλόμενοι,
 ut, cum aliquando inter recitandum crepitum
 ventris emitteret, præ dolore animi domi se in-
 cluserit, tanquam per inediam e vita excessurus.
 Longum foret, singula Comparisonis mo-
 menta exsequi. Hoc unum satis est dixis-
 se, si superbia Κυνισμὸς dici queat, jam nul-
 lum Philosophorum veterum ordinem Cynicῶ
 illo κυνικώτερον fuisse, cujus rei ut innumera
 alia testimonia transeam, testem habe *Tertul-
 lianum* : (a) ecce lutulentis pedibus *Diogenes*
superbos Platonis tores alia superbia deculcat.
 Adde, quod *Suetonius* in vita *Vespasiani filii*
 (b) tradit : *Demetrium Cynicum in itinere ob-
 vium sibi, post dominationem, ac neque assur-
 gere, neque salutare se dignantem, oblatrantem*
*etiam nescio quid, satis habuit, Canem appel-
 lare.*

His auditis. Collega meus exclamat, se non
 aliter utrumque hoc hominum genus intueri,
 quam *medicos, quorum tituli remedia habent,*
pyxides venena, sicuti pulchrè *Senecam* locu-
 tum *Laëtantius* (c) testatur. Ego vero ora-
 tionem meam minimè de utilibus Pietatis ma-
 gistris, quos ego si quis unquam omni amo-
 ris & honoris genere ex animo prosequor,
 sed de futilibus & fanaticis, quos maximo-
 pere

a. Apologet. cap. 46, p. m. 40.
 c. III, 15, 11.

b. Cap. 13.

pere fugio, accipi oportere etiam atque etiam monebam.

X X X I I.

De Præputiis doctorum circumcidendis.

Sedentes nuper in familiari convivio ego & complures amici, sermonem de principibus in Rep. Litteraria viris agitabamus, cum unus ex nobis, litterarum percupidus homo, nihil magis mirari se fateretur, quam in tam vasto orbe erudito tam paucos verè eruditos ab omni memoria inveniri, ut longè plures passim in arte sua clari & periti artifices, pictores, sculptores, &c. quàm illustres & absolute docti bonarum artium Professores numerentur.

Ad hunc ego conversus, Memento, inquam, V. C. meliorem otii & vitæ nostræ partem in iis sæpe ingenii exercitationibus conteri, quæ juvant magis quam profunt; ut non studere, sed litteratis quibusdam quasi latrunculis, tesseris aut talis vitam pueriliter ludere videamur. *In supervacuis*, quod *Seneca* (a) ait, *subtilitas teritur*. — *Paucis opus est ad mentem bonam litteris. Quemadmodum omnium rerum, sic litterarum quoque intemperantia laboramus: non vitæ, sed scholæ*

N 4

dis-

a. Epist. CVI.

discimus. Circumcide, obsecro te, Doctorum Præputia, & jam plures viros, pauciores eunuchos studiosos ætas nostra tibi dabit.

Ad hæc ridentibus cunctis, qui aderant, ego jam serius honestæ meæ cavillationis interpres, in hunc modum pergo: Tolle, inquam, mirificas doctorum præstigias: Tolle, quicquid in disciplinis nimium est: Tolle varia pleraque juventutis tam Scholasticæ quam Academicæ impedimenta. Quibus sublatis, ego cultiora seculi nostri ingenia, & quò liberius onere, eò expeditius iter ad sinceram eruditionem præstabo. Ordire, quæso te, a THEOLOGIA, eamque infinitis quæstionum nebulis, mysticis plerisque interpretamentis, Scholasticis sophistarum argutiis libera: deinde umbratilem Christianorum λογομαχόντων lasciviam compesce, eorumque impetum in Judæorum θεομαχόντων Synagogam converte, cum exhortatione illa Poëtae (a) ad Theologum nostrum conversa:

Dirue Maurorum attegias, castella Brigantum.

denique effice, ut noctes illæ atque dies, quæ in Controversiis, quæ in systematibus, quæ in Commentariis atque Postillis vel scriptitandis vel lectitandis misere sæpe pereunt, multo utilius tum Linguae Sanctæ, tum diligentiori Rabbiorum veterum lectioni, atque

* Juvenal. Sat. XIV, v. 195.

que Philologiæ Sacræ vindicentur. Quô pactô, ut mea quidem fert opinio, res theologia multò majore & gratiâ & auctoritate & gloria florebit. Deinde in PHILOSOPHIA, quemadmodum *Menippus* apud *Lucianum* (a) prægrandem trium minarum barbam Philosophi & hirsuta supercilia, ne cymbam Charontis deprimerent, ferrâ secari suadebat: sic tu Philosophorum auctoritatem eò usque amputa, ut nemo philosophantium se aut *Aristoteli*, aut *Cartesio*, quorum dicta innumeris quæstionibus enucleanda sint, dedat, sed, quod Clarissimus Itatorum *Jac. Facciolatus* (b) sapienter monet, Historiam Philosophicam addiscere, hoc est, quid *Aristoteles*, quid *Cartesius*, quid philosophorum ceteri docuerint, scire satis habeat. Coërce Jasciva illa Philosophiæ præputia, *Logica* & *Metaphysica*: Coërce, inquam, aut, si mavis, excinde; sicuti gloriosissimus Suecorum Rex, *Gustavus Adolphus*, publicô edictô omne Metaphysicæ studium, libros omnes Metaphysicos, ex regni sui finibus exterminavit. (c) Tolle *Philosophorum Otium*, ut veteres (d) vocârunt, ex quo nihil utile ad Rempublicam redundat; quæ causâ quondam fuit, quomobrem Philosophi Roma atque Italia ejecti a

N 5

Con-

a In Dialogo *Χάριτος καὶ Ἐρμού* &c. p. m. 142.

b. In Orat. IV. ad Philosophiam pag. 65. sq. c. Vid. Lomejer. de Biblioth. cap. IX. pag. 187. d. Vid. Gell. VII, 3.

Consulibus (a) & *Domitiano* (b) fuerint. Fac *Philosophia Naturalis* atque *Moralis*, quæ & emolumentum & ornamentum Societati humanæ affert, diligentius in Scholis & Academicis colatur. Quô factô, non est quod dubites, rem Philosophicam multò melius æqualiusque se habituram. In PHILOLOGIA per varios Scriptores erratur. Hic *Muretum*, ille *Lipsum*, alius alium sequitur. Tu hos de manibus φιλολογῶντων excute, tanquam *Apocryphos*, uti me vocare in *Cogitationibus* (c) memini: commenda *Canonicos* veteres, qui non modò loquendi leges nobis tradidere, sed etiam præstantiorem doctrinarum proventum reliquerê: commenda cum primis ex Græcis *Platonem*, *Aristotelem*, *Plutarchum* & *Diogenem Laërtium*: ex Latinis *Ciceronem*, *Quintilianum*, *Gellium* & *Plinium* utrumque. Atque vero quum studiosum unumquemque in suo disciplinæ genere Philologum esse oportet, (nam Latinè loquenti aut scribenti rem non suo vocabulo demonstrare non minus turpe est, quam hominem non suo nomine appellare) commenda Theologo *Lactantium*, Jcto *Tullium* & *Ulpianum*, Medico *Celsum*, Historico *Livium* aut *Suetonium*, emendatissimos verborum, rerum & memoriarum veterum magistros. Denique hortare Philologum, ut turpe sibi ducat, quod sem-

a. Gell. XV, 11. & Ælian. IX, 12. Histor. Var.
 b. Gell. ibid. c. pag. 162.

semidocti grammatici est, anxie & superstitione de re exili grammatica quærere, bellum pro verbo, quodam tanquam pro aris & focis suscipere, bonas denique chartas convitiis & injuriis onerare. Quod reliquum est, quum salubria clarissimorum virorum *Clerici*, *Morbosi* aliorumque ad gloriosam doctrinam conducentia consilia haud defunt, tu, quantum bonas litteras diligis, tantum fac, ut harum studiosi exinde meliores fieri studeant; tum enim non deerunt doctiores: tum non erit, quod cum *Cebete* (a) quæras, ἢ *ψευδοπαίδεσιν* *πολλὰ ἰσχύ*; tum non erunt, quæ circumcidi oportebit, doctorum præputia.

X X X I I I.

De Præstantia Sapientie Popularis.

Litteratas quasdam fabulas, præsentē Mer-
catore litterarum experte, ego & sacerdotes nonnulli patriō sermone habueramus, quæsieramusque, quo factum sit, ut *dies omnium animarum* (quo Romano-Catholici defunctis iusta anniversaria faciunt) in Calendario nostro proximè Kalendas Novembres sive *Festum omnium Sanctorum* sequatur? item, quo primum tempore, quo auctore (*Petro Eremita*, circa A. C. MXC) Pontificius ille pre-

a. Tabul. Cap. X, p. m. 75.

precandi mos per calculos, quos vulgus *Paternostros* appellat, coeperit? denique, ecquisnam Pontificum Romanorum (*Innocentius IV*, qui circa A. C. MCCXLIV ad sedem Apostolicam accessit) dignitatem *Cardinalium*, qui primarii antè Presbyteri fuerant, in tantum fastigium evexerit, ut equo deinceps insidentes rubro galero uterentur? Hæc, inquam, & pleraque alia familiariter differueramus, quum Mercator noster, homo pius, probus, beneficus, digressis ceteris, jam se sui poenitere fassus, miserum, ineptum, barbarum semihominem se, quia litteras nesciebat, exclamaret, nullumque genus mortalium cum ordine litteratorum de gradu felicitatis contendere posse prædicaret. Quavoce auditâ, ego blandè & comiter: Patere, inquam, patere te ipsum, amabo: næ erras, qui nimium felicitati nostræ tribuis: næ præstantior fortunatiorque est, crede mihi, *Sapientia Popularis*, quam aurea tranquillitas animi sequitur, quam vana immortalis memoriæ cupido non infestas, quam maligna posteritas illacesitam post funus relinquit.

Displicebat mercatori hæc admonitio, cui ut fidem aliquam facerem, fabulam hanc haud profecto illepidam ex *Luciano* (a) narrabam.

„ *Menippus* quidam, Philosophus, quam diu
 „ deliberasset, quasnam potissimum vitæ & stu-
 „ diorum rationes sequeretur, inter multipli-

„ ces

a. In Dialogo Menippi & Philonides pag. m. 222 sq.

„ ces Philosophorum opiniones incertus at-
 „ que errabundus, hujusmodi consilium ca-
 „ pit. Babylonem proficiscitur, magorum
 „ aliquem ex *Zoroastri* discipulis & successo-
 „ ribus conventurus. Acceperat enim, hos
 „ carminibus quibusdam ac mysteriis portas
 „ inferni aperire, &, quem libitum cunque
 „ foret, illuc tutò deducere, atque indidem
 „ reducere. Oprime autem facturum se pu-
 „ tabat, si, pactione de descensu cum quo-
 „ quam horum factâ, *Tiresiam*, sapientissi-
 „ mum illum Bocotium apud inferos, quæ
 „ vita sit optima & sapienti eligenda, consu-
 „ leret. Quid sit? ducem nactus *Mithrobar-*
 „ *zanem* magum, ad inferorum sedes defertur,
 „ videt pœnas defunctorum, audit quæstio-
 „ nes & judicia *Rhadamanthi*, *Tiresiam* adit,
 „ orans, ut emendatissimum vitæ genus se
 „ doceat. Cui cæcus ille senex: ô *Menippe*
 „ fili, inquit, non equidem nescio, causam
 „ erroris & dubitationis tuæ esse levitatem
 „ Philosophorum, de iisdem rebus haud qua-
 „ quam idem sentientium: Tu vero sic habe,
 „ *Optimam omniumque sapientissimam esse vi-*
 „ *tam idiotarum. Quapropter ludicris subtili-*
 „ *tatibus neglectui habitis, hoc unum tota vita*
 „ *age, ut jucundam & tranquillam vitam agas,*
 „ *ridens, nulla de re sollicitus minimè curio-*
 „ *sus.* ”

Quæ fabula cum Mercatori meo mirificè
 quidem placeret, persuadere tamen, ut feli-
 citatem sapientiæ Litteratorum extollere desi-
 neret,

neret, nequaquam posset, tum ego pro sapientia Populari sic verba facere me memini. Non dubito, inquam, perelegantem *Petri* nostri *Septimii* Libellum, qui Proverbia Danica complectitur, tibi cognitum esse. In hoc Auctor sub Titulo, *Læra*, (*Doctus*) vetus illud dictum refert: *Christus leed aldrig meer, end af de Lærde*: (Latine, *Christus a nemine quoquam graviora passus est quam a doctis*) Dictum profecto verissimum! Ceterum, ut per disciplinas altiores doctorum eam, ego multò beatiorẽ THEOLOGUM Te prædico, qui in rebus divinis nihil fere supra vulgus cathecumenon sapis, qui pias precum & hymnorum formulas pro Disputationibus Academicis castâ mente lectitas, veritati cœlesti securè credulus, & de reliquo (nihil adulator) bonus Christianus: Te, inquam, multò beatiorẽ prædico, quàm ambitiosum aliquem sacrorum oraculorum Professore, qui, ut populum Academicum atque civilem opinione quadam doctrinæ suæ imbuat, novas quæstiones, controversias atque præstigijs venditat, in auditorio adversus dissentientes ad ravim usque ferociter vociferatur, mysteria divina, tanquam sibi, tanquam sibi soli, tanquam sibi soli planissimè, cognita atque explorata tractat, implacabilis, si vel levissime offensus fuerit, nunquam fere bonus, nisi in Cathedra, imo ne tum quidem quoniam sicuti vellem, sic sententiam habet, aliam domesticam, aliam Cathedrariam. Atque

que vero ut præter opinionem intelligas, quantò major vis sit in pia simplicitate ad persuadendum, quàm in doctrina atque eloquentia, audi, quæso, historiam, nemini Paulo doctiori, ignotam quam veteres Ecclesiæ Patres scriptam in hunc modum reliquerunt.

„ Confluxerat ad Concilium Nicæum, magna hominum multitudo. Inter eos erat
 „ etiam Philosophus quidam, ut sibi videbatur, argutus: hic contra religionem Christianam ex Philosophicis Principiis in cœtu multorum hominum disputabat cum
 „ nonnullis Episcopis (extra Synodum) neque compesci ab illis poterat, quia dum
 „ Philosophicè cum Philosopho disputabant, semper ille rimas, per quas elaberetur, inveniebat. Accedit igitur Confessor Christi
 „ quidam, admodum senex & simplex, qui dialecticarum argutiarum nihil prorsus
 „ sciebat, nihilo minus tamen cum Philosopho illo disputare haud dubitans. Hic novo disputandi genere Sophistam aggressus,
 „ ait, *In nomine JESU CHRISTI audi*
 „ *Philosophe, quæ vera sunt:* & mox summâ symboli Apostolici recitatâ, Philosophum percontatur, *Credis ista, Philo-*
 „ *sophe?* ad quæ Philosophus, *Credo:* atque ita victum se ab illo sene confessus, reliquos suæ professionis homines hortatus est, ut & ipsi sacra Christiana amplecterentur.
 „ Quò factò, interrogatus Philosophus, cur ab Episcopis convinci non potuisset, res-

„ pon-

„pondit, dum illi verbis mecum egerunt, verba verbis opposui: sed ex huius senis ore egressa est virtus, cui ego resistere non potui.” Sic nimirum DEUS ore innocentium effari solet, quod de Apostolo Paulo Seneca noster ad Neronem dixisse fertur. Sic placuit DEO *per stultam prædicationem servare credentes*, — ut ait idem *Apostolus* I. ad Corinthios I, 21. sq. Deinde admiraris PHILOSOPHIAM? Ego profecto multo præstantiorem Philosophum Te laudo, qui summum bonum civile in honestate ponis, qui sapientiam DEI in providentia, providentiam in sapientia colis: quàm stolidum illum naturæ speculatorem, qui hanc tanquam numen colit, qui ludicris subtilitatibus, numeris; Ideis, captionibus, delectatur, nemini utilis, sibi molestus, aliis obscurus. Cogita, quæso, quid tua inter sit scire, quando moriens moriatur? quum jam in morte sit, an tum etiam quum in vita sit? item, quando surgens surgat? quum jam stet, an tum etiam quum sedeat? Tene risum, seu potius ede. (a) Si JURIS scientiam spectes, Tu unus mihi plures es quàm centum *Protagoræ*. Scilicet hi eloquentia & arte sua tanquam ferro non tam ad tutelam, quàm ad perniciem utuntur: hi in modo, quem Grammatici *infinitivum* vocant, me *Li-li-ga-re* docent: Tu contra eò præstabiliior *Jctus* es, quò diligentius provides, ne injuriam lacessas, ne litem suscipias, ne aut Justiniani auctoritas

tas perfugium tibi præbeat, aut damnosa rabulæ lingua rem tuam abliguriat. Malo profecto indisertam prudentiam, quàm præstigiosam dicendi peritiam: malo virum pacatum aut pacificatorem, quam arbitrum aut Rhetorem, in *ludo impudentiæ*, ut veteres vocarunt, (a) edoctum. MEDICO non est quod invidas, præter successum. Medici nos universi, sicuti quondam *Ægyptii*, (b) sumus. Ad hoc veteres scriptores *Medicinam* in artium servilium, minimè liberalium numerum retulerunt. Quid multa? si Græca intelligeres, Vir honestissime, jam vilius quam pro tua existimatione pretium doctorum esse unus te doceret scriptor, qui *Sextus Empiricus* vocatur, in Libris, quos adversus *Grammaticos, Rhetores, Geometras, Astrologos, Logicos, Physicos*, aliosque id genus Professores conscripsit. Cave tamen credas, artes ipsas in exiguo apud me honore esse, quia unum alterumve artificum parvi facio. Ego profecto non extinctam cupio Philosophiam, non perditam Eloquentiam, non sublatis Rhetores, non Jureconsultos aut relegatos aut necatos, quod fatum eorum sub Imperatore quodam *Maximiano* (c) fuit: DEUS meliorem mentem mihi! Non sanè is sum, qui profani vulgi imperitiam honestæ & ingenuæ eruditioni præferam: nihil minus! Atqui quum *Præstantiam sapientiæ Popularis* commendo tum vero doctis inconstantiam suam

PARS III.

O

&

a. Vid. Tacit. de Oratore c. 35.
Platonis. L. III, § 7. pag. m. 168.
de Mort. Persecut. cap. 22.

b. Laërt. in vita
c. Laërt. de

& discordiam ambitiosam tacitè opprobrio, quos cum audio, tum dormientium instar capite modò annuo, modò renuo, mente circa inanes quasdam aut deformes rerum verborumve imagines otiose occupatâ. Ad hæc doctis plerisque nequitiam, quæ ipsis cum profesta & infima plebe communis est, oblique tum vitio verto, quibus omnibus, si in unum conferantur, te unum, Amice, te, recti exempli hominem, te, verè utilem patriæ civem, multo cum honore præpono. Malo enim rude æs aut infectum, sed purum putum argentum, quam aurum adulterinum, affabre cælatum, litterisque quàm maxime nitidis exornatum. Odi hominem, qui studet, nisi hunc fructum ex studiis capere studeat, ut, quantum artes liberales sordidis & seculariis antistant, tantum, modestia, verecundiâ, honestate, remigi, militi, coquo, rhedario antistat. Hæc anima est doctrinæ, hoc verè magnificum insigne hominis docti, non titulus, non pileus aut annulus Academicus, non toga. Tu interea maecte esto virtute tua, quam & natura & sapientia suadent, approbant, collaudant: Tu perge te ipsum imitari, mihi que id crede, aliis tibi præceptis Philosophorum ad vitam beatam neutiquam opus esse: Tu veterem constantiam in honesta liberalitate erga pauperes, in amabili fide erga amicos, - in suavissimo DEI atque Proximi amore serva: & jam vivus quidam Commentarius mihi eris, jam Bibliotheca mihi eris, cunctis suppellectilis meæ librariæ voluminibus carior mihi atque antiquior.

CHRI-

CHRISTIANI FALSTERI
ADMONITIONES

A D

INTERPRETES A. GELLII.

C U M

E P I S T O L A


A D

VIRUM CLARISSIMUM,
JOANNEM GOTTLIEB KRAUSE,

Celeberrimum in Academia Wittembergensi

Histor. Professore, Amicum bene-

volentissimum.



CLARISSIMO SUO

JOANNI GOTTLIEB KRAUSE

S. P. D.

CHRISTIANUS FALSTERUS.



Uum lucubrationibus
 meis GELLIANIS
 cum honorem iterum
 ac sæpius in *Novis*
Tuis Litterariis ha-
 buisti, VIR CELE-
 BERRIME, ut aliàs orbem Philo-
 logicum bona de iis spe impleveris,
 aliàs diem, quò in manus hominum
 veniant, perbenignè exoptaveris: æ-
 quum esse puto, aliquem hujus hono-
 ris fructum ad Te redundare, Tuò-
 que Clarissimo nomini perexiguum
 hunc libellum cum summa Tuorum
 de me meritorum testificatione dari.
 Quem equidem ut emittam, non Tu-
 te modò tacitus suasor mihi fuisti,

O 3

sed

sed præcipuus auctor exactorque Amplissimus noster & *spectabilis* J. O. GRAMMIUS; qui, cum spissas & prædensas meas *Noctes Ripenses* quasi communi bibliopolarum suffragiò ad æternas tenebras esse damnatas audiret, desperaretque, affore unquam tempus, quò dies illis illucescat, perammanter pro amicitia nostra abs me contendit, ut maturè, ne nocturni grassatores furtum mihi quandoque faciant, providerem. Auctoritati adeò & consiliis tanti viri non parere indecorum ratus, partem quandam hypomnematum meorum in A. GELLII *Noctes Atticas* ex poenitendis Voluminibus meis in hanc, quam Tibi offero, V. C. tabulam transcripsi, non profecto pro immortalitate operis mei sollicitus, (quasi absque hoc mundus foret mortalior) non furti timidus, (quid enim? abstulerint mihi posterì laboris pretium, duo tantum lintea, aut si quid vilius, abstulerint: nihilo minus securus dormio) sed partim GELLII cupidus, partim Viri Nobilissimi DAN. WILH. TRILLERI memoriæ,

ut

ut par est, studiosus. Scilicet Clarissimus hic Merseburgensium Hippocrates, pro eo, quo me & Gellium meum complectitur, amore, jam anno *MDCCXXII*, d. *XII Jun. Observationes* suas & *Emendationes* in *NOC- TES ATTICAS* mihi misit, quas meo naufragio perire nefas duco. Has, ceu pecuniam apud me depositam, eâ fide, quâ ab amico traditæ sunt, reddo: has, quum Auctori suo honori esse videantur, in honore apud TE, Clarissime KRAUSE, aliosque eruditos futuras non dubito. Quod ad meas attinet, aut fallor, aut majorem profecto gratiam apud TE quam apud me ipsum habituræ sunt. Novi indulgentiam Tuam, Humanissime Fautor: expertus te jam diu sum perbenevolum ingenii mei & operæ æstimatorum. Quod equidem fortunæ munus gratô semper animo recordor, atque eò quidem magis, quod TU & TUI quondam *Lipsienses* judicia nunquam nisi exoptatissima de me publice faciendo, eam in animo meo studiorum cupiditatem, quam Natura accenderat, quam Invidia domestica

extinguere sæpius conata fuerat,
 quàm diligentissimè (utinam Reip.
 litterariæ bono!) aluistis. Ale porro
 & Vale. Dabam Ripis Cimbrorum
 Anno c i o i o c c x x i postrid. Non.
 Jun.



ADMONITIONES

A D

INTERPRETES A. GELLII.

LIB. I. CAP. I.

Pag. 29. (edit. Jac. Gronov.)



LUTARCHUS in libro, quem
de Herculis quali inter homines fue-
rit animi corporisque ingenio & vir-
tutibus conscripsit,] Quum Latine hæc in textum ex glossemate

irrepsisse nemo non facile videt, Græca ipsa
Plutarchi verba, quæ ab ipso Gellio relicta,
ab *H. Stephano* & præstantioribus plerisque
editionibus antiquis tradita sunt, retineri sua-
deo.

CAP. II, p. 32.

Lavacris nitidis & abundis & collucentibus.]
Gronovius ad hunc locum inspicere *spicilegia Jacobi Melleri Palmerii* Cap. 2. jubet. Inspexi,
(Tom. IV. Thesaur. Crit. Gruter. pag. 855.)
& re paululum deliberata, mentem mutavi.
Scilicet jam Anno 1721. in Novis Latinis
Celeberrimi *Jo. Gottl. Krausii* palam suspicio-
nem professus fueram, quam novum illud

O 5

voca-

vocabulum, *abundus*, mihi moverat, ut proinde aliam quandam Lectionem excuderem, quæ meritò Viris Clarissimis, *Dan. Wilh. Trillero* (in suis ad me litteris) & *Adamo Henr. Lackmanno* (in Programmate Emendationibus meis Gellianis opposito) imo mihi ipsi postea prorsus displicuit. Quapropter facio, quod *Hippocratem*, quod *M. Tullium* fecisse *Quintilianus* III, 6. testatur, errorem confiteor, neque a recepta lectione discedo, tum quod Codices & editiones omnes hanc constanter servant, tum quod adverbium, *abunde*, nomen, *abundus*, tacitè confirmare videtur. Nihilo minus fidei meæ esse duco, referre, quæ laudatus *Trillerus* meus super loco *Gellii* cit. ad me scribit: „Minori negotio & majore probabilitate ita legendum arbitror:
 „*lavacris nitidis & ab undis collucentibus*,
 „deletà nempe posteriore copula ante *collucentibus*. Nunc sensus clarus & facilis.
 „Lavacra illa nitida erant ratione aut marmorum aut aliorum lævigatorem lapidum,
 „ex quibus lavacra apud Romanos æquè ac
 „Græcos construi solebant, ut ex *Vitruvio*,
 „*Seneca*, *Suetonio*, *Plinio* aliisque docuerunt
 „*Lipsius*, *Fabricius*, *Giaconius* aliique. *Ab*
 „*undis* vero influentibus colluentia erant,
 „& splendorem in superficie de se spangebant, ut quotidie observatur.

Ibid.

Ibid.

Totiusque villæ venustate aquis undique canoris atque avibus personante.] Lipsius Lib. II. Elect. c. 19. ita distinguit, — aquis undique, canoris atque —. Gronovius mavult, auris undique c. a. a. p. quia, inquit, satis prædicavit Gellius lavacra. Ego nihil mutandum censeo, memor, quod de eadem villa Noster repetit L. XVIII; c. 10. In Herodis V. C. villam — aquis & lucis & nemonibus frequentem, æstu anni medio concesseram.

CAP. III, p. 41.

Ἄλλα μέχρι θεῶν.] Trillero meo certius, si quid modo mutandum, legendum videtur, μέχρι θυνῶν s. θύων, h. e. usque ad sacrificia aut victimas, sensu cum τῷ βωμῶν (quod aliis placet) eodem recidente.

Ibid. p. 44.

Quoniam profecto causas scientiæ, corporum varietates, disceptationumque differentiam ignorantes, —] Alii aliter obscurum hunc locum legunt, nemo ante Gronovium interpretandum suscepit. Ego sic emendo: quoniam profecto circumstantiæ, temporum varietates, disceptationem atque differentiam importantes, - - - vide, quæ loc. cit. mox præcedunt.

Ibid.

Ibid. p. 45.

Καὶ συνεπάγεσθαι φιλίας καὶ ἀπεχθείας.] Ad quæ Trillerus meus: Variè, inquit, hæc verba leguntur in Codd. M. SS. Vett. *Jacobus Gronovius* in uno offendit CYNENΠΛΕΚΕΣΤΑΙ, unde bene legit idem συνέμπλεκεσθαι, sensu perspicuo. At *Salmasius* in Reg. Cod. Gall. scriptum vidit, CΥΝΕΠΑΣΚΕΣΤΑΙ, unde ego pronò in emendationem litterarum ductu, legerim, συνεπάσκεσθαι, ita ut sensus sit, amicitias inimicitias excipere & mutuo inter se agitari & exerceri. Posset & pro recepto, συνεπάγεσθαι, admodum concinnè legi συνεμπήγνυσθαι, h. e. combinari, conjungi, uniri. Quod autem Gronov. pater συνεπάγεσθαι φιλίαις ἀπεχθείας legit, frustra fecit & sine ulla necessitate.

CAP. V. p. 48.

Quin parum vir, & ore quoque polluto diceretur Demosthenes.] Intactum hunc locum interpretes reliquerunt, pudori & honestati procul dubio obsecuti. Castum interim auctorem ad *Rigaltii* notas in Phædri Fab. L. IV, Fab. 13. p. 450. delegamus, item ad *Lampridium* in vita Commodi Cap. 5. Ipsas concubinas suas sub oculis suis stuprari jubebat. Nec irruentium in se juvenum carebat infamia, omni parte corporis, atque ore in sexum utrumque pollutus: nec non ad *Suetonium* de Ill. Gr. c. 23, Maximè flagrabat *Remmius Palemon* libidinibus in mulieres, usque ad infamiam oris. Quem

Quem locum *Achilles Staius* non intellexisse videtur, quum legere jubet, *usque ad infamiam orationis.*

CAP. VI, p. 52.

Si quid in mala causa destitutum atque impugnatum relinquat rhetor.] Malim *impropugnatum*, sicuti parili sensu *improsectum*. Noster dixit VII. 3. *Sed enim Cato non nudam neque solitariam nec improsectam hanc epagogen facit*, - - - Taceo de *Jacobo Frid. Reimanno*, qui in *Historia Vocabulorum L. Latinae* pag. 60. *impugnatum* l. c. pro *impugnabili* accipit, sive pro eo, quod oppugnari possit. Taceo de *Gronovio*, qui ex Regio Codice legi jubet, *destitutum atque inpurgatum*. Audiat per me utrumque qui volet.

Ibid. p. 53.

Di immortales virtutem approbare, non adhibere debent. Miror horum verborum, quæ mihi profecto perobscura videntur, emendationem nemini interpretum in mentem venisse. Jam olim per *Krausium* meum publice professus sum, pro *adhibere* legendum videri *abolere*: quandoquidem virtus, solutis poenæ & præmii divinis legibus aboletur. Sed eruditus magis forte placebit *Trilleri* mei hæc conjectura: „Elegans est sub finem Cap. VI. „*Metelli* locus, sed mendis inquinatus, unde

„ de. difficilis admodum intellectu: quid e-
 „ nim hæc: *dii immortales virtutem approba-*
 „ *re, non adhibere debent?* Putavi quidem,
 „ ita intelligendum esse, quod, quum dii es-
 „ sent *ἀνθρώποις*, & absoluto in homines
 „ imperio uterentur, a nobis quidem virtu-
 „ tem exigere possent, etiamsi ipsi eam non
 „ adhiberent. Sed re melius perspectâ nec
 „ hoc mihi placere potuit. Legendum ergo
 „ hunc in modum: *His demum Deos propi-*
 „ *tios esse æquum est. Qui sibi adversarii non*
 „ *sunt, ii mortales virtutem approbare, non*
 „ *odio habere debent.* Sensus nunc perspicuus.
 „ Punctum primò posui post, *æquum est;*
 „ ita ut hic nova sententia inchoet; secundo
 „ ex *dii immortales* facili mutatione, *ii mor-*
 „ *tales*, feci; ingrata enim mihi videtur to-
 „ ties repetita vox, *dii immortales*, & de-
 „ mum pro *adhibere*; quod nihili valet,
 „ *odio habere* substitui, quod verbum rã
 „ antecedenti *approbare*, justè opponitur.”
 Hactenus cruditissimus Trillerus. Taceo de
 Lackmanno, qui aut Gellium pro *adhibere*
 scripsisse *cobibere*, aut nulla textum manu me-
 dica indigere putat, conjectura meâ non mo-
 dò non contentus, sed etiam, uti videtur,
 valde offensus.

CAP. VII, p. 58.

- - - *sonus clauderet.*] Alii malunt vulga-
 tum *clauderetur*. Hi vero meminerint, *clau-*
dere

dere pro claudicare sæpius Nostro in usu esse. ex. gr. Lib. IV, c. 7. *In quo versu, nisi tertia syllaba de Hannibalis nomine circumflexa ponatur, numerus clausurus est.* item XIII, 20. *Ut si aliter dixeris mutaverisque, & aliquid tamen auris babeas, sentias suavitatem sonitus claudere.* Quæ loca Auctoris si Clarissimo Castalioni cognita fuissent, jam procul dubio *Lipsum* laceßere desiisset.

CAP. XIII, p. 80.

Si rationes dumtaxat hujusmodi non adessent.] Ita omnes libri habent. Quis vero non videt, legendum esse, *abessent*, ut sensus constet?

CAP. XV, p. 85.

Verbis humidis & lapsantibus diffuunt,] alii leg. *avidis*. Mihi quondam in mentem venire memini, *tumidis*, i. e. vanis; sicuti *tumidum & vanum* conjungit *Tacitus* Histor. II, 30, 4. sed nihil muto, propter Græcum illud *Theophrasti* Charact. Cap. VIII. de homine loquaci, *ὡς ἐν ὑγρῷ ἔστιν ἡ γλῶττα*, *lingua est tanquam in udo.*

CAP. XVII, p. 95.

Has ejus intemperies in maritum - -] Jam in *Novis Litterariis* *Celeb. Krausii* mei levem hanc

hanc mutationem, *intemperias*, in medium attuleram, cum Clarissimus Uthinensium *Lackmannus* paulo inclementius eam exciperet, usque adeo, ut jurare non dubitaret, Gellium voce *intemperies* utentem eundem in animo habuisse significatum, quem quidem lectio *intemperias* involvit. Sed desine jurare, Vir Clarissime. Certissima est, quam proposui, lectio. audi, quæso, *Nonium Marcellum* Cap. VIII, num. 78. „ *Intemperia* pro *Intemperantia* apud veterem auctoritatis obscuræ: *Has ejus intemperias in maritum.*” Vides ipsum, quem agitamus, Gellii locum, ipsa verba. Neque enim, ut opinor, dubitas, per *veterem auctoritatis obscuræ* passim a *Nonio* indicari Gellium, quod nemo humanus ignorat.

CAP. XXII, p. 113.

Sed nescio quid aliud inditum inscitumque dicit:] Gellius scripsisse mihi videtur indotum inscitumque, sicuti idem adverbia indoctè & inscitè conjungit Lib. XIX, Cap. 8. Clar. Lackmannus, conjecturæ meæ æmulus, inditum, si per non dictum explicatur, bene sibi constare asseverat: quam interpretationem, menti Auctoris manifestè repugnantem, quò pacto tucatur; ipse viderit. Trillerus meus inditum accipit de re nullius pretii, quod Græcis dicitur λόγος ἐκ ἀξίων; quâ auctoritate, me nescire ingenuè fateor.

CAP.

CAP. XXVI, p. 124.

Neque omnino trepido ira & gestio.] Ubi Gronovius verbum gestio exponit, gestu iracundiam ostento, rectius, meâ quidem sententiâ, lætitiâ; more plagosi istius Rutili apud Juvenalem Sat. XIV, vs. 18. sqq.

*- - - qui gaudet acerbo
Plazarum strepitum, & nullam sirena flagellis
Comparat, - - -*

Conf. L. V. Noct. Att. Cap. I.

* * *

LIB. II. CAP. III.

p. 131.

F*idum Optatum] alii fidum opinatumque. Sed repetere h. l. nolo, quod jam ante de hoc Grammatico disserui in Memoriis Obscuris Part II, pag. 147.*

CAP. VI, p. 136.

Nemo quisquam tam efflictiis est moribus,] Antiquissima editio Veneta A. 1472. atque huic proximæ habent, efferis, quod interpretes dissimulare non oportuit. Trillerus meus non dubitat legi posse, efferatis, sed demum
 PARS III. P non

non dubitat legere *afflictis*; quicum & ego sentio, adductus auctoritate *Macrobii* Lib. VI, Sat. Cap. 7. cujus præstantiores Codices antiqui habent, *nemo tam afflictis est moribus.*

Ibid. p. 139.

Quicquid igitur nimis inculcatum oblitumque aliqua re erat,] Suspectum mihi quondam visum est illud *inculcatum*, uti jam per *Kraussium* meum monui. *Trillerus* super hoc vocabulo in hunc modum ad me scribit. „Ab-
 „ surdissima est *Gronovii* explicatio: *inculca-*
 „ *tum*, inquit, *quasi calcando impressum.*
 „ Mendum hic subesse nemo paulo emunctio-
 „ ris naris non subolet. Legi igitur acutis-
 „ simè posset tuum, *incruiatum*, sensu qui-
 „ dem optimo, nisi paullo longius deflecte-
 „ ret a prisca scriptione. Certius igitur me-
 „ cum in posterum legatur, *incalcatum*, aut
 „ *incalcatum*, h. e. calce & opere parietario
 „ aut albario obductum, quò nihil ad hunc
 „ locum fingi potest aut aptius aut verius.--”
 Sed fallimur uterque, mi *Trillere*, fallimur.
 retinendum est receptum *Gellii*, *inculcatum*,
 uti postmodo me docuit *Servius*, qui ex-
 scriptum Auctoris locum, quanquam dissi-
 mulatò hujus nomine, sic pariter refert ad
Virgiii *Æneid.* X, 314. p. m. 1036. edit.
Masvic. *Quidquid igitur inculcatum oblitumque*
aliqua re erat, - - -

CAP.

CAP. VII, p. 139.

Omnia, quæ pater imperat, parendum.] Id est, ad omnia, sicuti Frontinam loqui Lib. I. Strateg. Cap. XI, exempl. 13. observavi: Ut barbari ad omnia tanquam divinitus imperata obedirent.

CAP. XII, p. 149.

Non alterutra parte sese adjunxerit,] lege alterutræ parti, quod prorsus Gellianum est, & alibi a me vindicatum.

CAP. XVII, p. 158.

Fœnoribus coopertus,] lege Facinoribus, quod jam alio in loco monui.

CAP. XXIII, p. 177.

Nihil dicam ego, quantum differat versus utriusque eximi jussi, & aliis ad judicium faciendum exponi.] Sic edidit Gronovius uterque. Ego juxta cum Clarissimo H. Stephano & antiquioribus quibusdam melioris notæ editionibus vulgatam hanc lectionem retineo: Nib. dic. eg. qu. diff. vers. utr. eximius: sit satis aliis ad jud. fac. exp. nisi forte suspicaris, a Gellio pro, eximius, - - - relictum fuisse, ecce mihi sit satis - - - sicuti Auctor L. X, Cap. 24, p. 507. venit ecce, inquit, illius versus - - -

Ibid. p. 178.

Quis vestrarum fuit - -] Sic Gronovius in versu Cæcili Codd. Reg. & Rot. secutus legit, pro veteri, *Quæ vestrum - - -* nec repugno; memor, Latinos veteres τὸ *Quis* etiam feminino genere dixisse, sicuti Græci τὸ *quod Pareus* in *Lexico Critico* p. 1045. aliique complures monuerunt; quò accedit illud *Ulpiani Digest. L. L., Tit. XVI, leg. 1. p. m. 775, Verbum hoc, si quis, tam masculos quam feminas complectitur.*

Ibid. p. 179.

SE. *Sed tua morosane uxor quæso est?* MA. *Quam? rogas?*] Pro *Quam? rogas?* suspicor *Cæcilium* scripisse, *Quin morosa est*; video enim, codicum MSS. veterum alios habere, *Quam erogas*, alios, *Quam me rogas*, nullò ferè sensu.

Ibid. p. 181.

Ἀλλ' ἐν ἀκαλόπῳ - - -] Quam lectionem in versu Menandri Trillerus meus ex *Stobæo* & *Dione Chrysostomo* Orat. XXXII, p. 365. confirmat, ratamque arbitratur.

CAP. XXIV, p. 183.

Qui ludis Megalensibus antiquo ritu mutitarent, id est, mutua inter sese dominia agitant,]

rent,] Alii legunt *convivia*, pro, *dominia*. Ego vero hanc lectionem retineo, neque Lexico Fabro-Cellariano observatam, nec ab interpretibus Gellii rectè vindicatam. Nam sicut *convivii exhibitor* appellatur *dominus*, sic & *convivia* antiquitus *dominia* dicta sunt, teste Nonio Cap. IV, n. 125. qui testimonium insuper Lucillii affert ex Libro Satyrarum XIII, *Primum dominia atque sodalitia omnia tolluntur*. De verbo, *mutitare*, non est quod Critici disputent, immemores forte, idem a Nostro repeti Lib. XVIII, Cap. 2. *Quam ob causam patricii Megalensibus mutitare soliti sint, plebs Cerealibus?* Græci dicunt *συνάγειν*. sic *Atbenæus* Dipnosoph. Lib. VIII, Cap. XVII, p. m. 365. *ἔλεγον δὲ συνάγειν, καὶ τὸ μετ' ἀλλήλων πίνειν, καὶ συναγωγίον τὸ συμπόσιον*; quod Clar. Jac. Dalechampius Latinè ita vertit: *Συνάγειν* verbum in usu olim fuit, pro eo quod est vicissim compotare ac mutitare, & pro convivio *συναγωγίον*. Taceo errorem Viri non neminis Clarissimi, qui in Compendio suo *Antiquitatum Rom.* p. m. 242. (edit. Budiss. 1715, 8.) verbum *mutitare* exponit, *munera invicem mittere*, forte ab alio quopiam deceptus.

CAP. XXVII, p. 195.

Multaque tum ductu ejus (sertorii) curata -- per invidiam scriptorum celata sunt: quæ eminus facie sua ostentabat, aliquot adversis cicatricibus & effosso oculo.] Verba sunt fallustii,

quæ, cum ad Librum I. Histor. pertinent, (v. Gell. X, 26.) perperam ad Libr. VI. ab enarratoribus Historici referuntur. Taceo de Jac. Gronovio, qui pro iis, sunt: *quæ eminus facie sua ostentabat*, legendum suspicatur, *sicut quibus, faciem suam ostentabat*. Sed enim non intellexisse videtur Vir Clarissimus mentem fallustii, quæ ita est: *quæ sc. facinora, celaverant scriptores, ea ipsemet fertorius facie ostentabat*.

Ibid. p. 196.

Qui (Philippus) singulos artus suos fortuna producendos daret,] alii Codices habent *prodigendos*, alii *prodicendos*, unde malim *præcendos*.

CAP. XXVIII, p. 198.

Quotiens annona cara,] nimirum in difficili rei frumentariæ tempore sacra annonaria diis fieri solebant nomine deæ *Annonæ*: quod pertinet gemina illa Inscriptio apud Gruterum pag. LXXXI, n. 10. ANNONÆ. SANCTÆ. ÆLIUS. VITALIO. MENSOR. PERPETVVS. DIGNISSIMI. CORPORIS. PISTORVM. SILIGINIARIO-RVM. D. D. item p. MLXV, n. 10. ANNONA. AVGVSTI. CERES.

CAP. XXX. p. 203.

Fluctus - - - sternuntur & conflagrescunt,] i. e.

i. e. languescunt. Sic *flucti* (antiquitus pro *fluctus*) *flacceſcunt*; dixit *Pacuvius* apud *Nonium* Cap. VIII, n. 37. ut proinde frustra *Jac. Moſantus Briſofius* phraſin *Gellii* tanquam ſingularem notet.

* * *

LIB. III. CAP. I.

p. 205.

A *Pud balneas Sittias.*] Legi oportere, *Tittias*, jam docti viri monuerunt. Addo teſtimonium *Caffiodori* in *Chronico* de *Domitiano* p. m. 690. *His COSS. (Domitiano & Clemente) inſigniffima Romæ facta ſunt, Forum Trajani, Therme Trajane & Titiane.* Sic corruptè *ſittium* oppidum legitur apud *Frontinum* *Strateg.* 1, 8, 3. ubi vide *Tennulium*.

CAP. II; p. 209.

Eo die videri natum,] lege, *eo die videatur natus*, præeunte *Macrobio*, qui hoc *Gellii* caput in *Saturnal. Libr. I, Cap. 3.* tranſcripſit.

CAP. VII, p. 222.

Oſtendit exitium de loci importunitate, & hoſtium circumſtantia. Maturum cenſeo, in-
P 4 quit,

gult, - - -] lege & distingue sic: *ostendit exitum* (ita est in antiquissima editione Veneta) *de loci importunitate & hostium circumstantia maturum. Censeo, inquit, - - -* Certè nisi separandæ essent voces *Maturum & Censeo*, jam *Nonius*, qui Gellium sive Catonem h. l. exscripsit Cap. II, n. 909. in v. *Verruca*, nequaquam hoc primordio usus fuisset, *Censeo, inquit, - - -*

Ibid. p. 223.

Ufus venit,] Antiquissima editio Veneta habet, *usu venit*, quod minimè dissimulandum puto.

CAP. VIII, p. 226.

Non Timocharem sed Niciam, - - -] Non multum forte erraverim, si medicum illum Pyrrhi *Timocharem Niciam* dictum fuisse credam. Emenda *Ælianum*, cui *Nicias* noster corruptè *Kivias* vocatur Lib. XII, Var. Hist. Cap. 33. De hoc *Nicia* aliisque ejusdem nominis vide *Fabricii* mei Biblioth. Græc. Lib. III, Cap. XVII, pag. 432. sq.

CAP. IX, p. 227.

Comanti juba,] Nota illud *Servii* ad Libr. III. *Æneid.* vs. 468, p. m. 549. *Est participium comantes notum: non enim est verbum como.* Quam traditionem grammaticam ut incertus

certus Auctor in *Lexico Fabro-Cellariano* refellat, duo advocat testimonia, alterum *Tertulliani*, alterum *Taciti*, in quibus verbum *Comare* invenisse sibi videtur. Sed nã errat; nam utroque in loco est *Comere*, pro ornare.

Ibid. p. 229.

Colore exuberantissimo,] *Trillerus* in suis.ad me litteris substituit *rubrantissimo*. Mihi placet, quod in optimis & antiquissimis Codicibus traditur, *exsuperantissimo*.

CAP. X, p. 233.

Quasi jam mundo senescente, verum atque hominum decrementa sunt;] Primum pro *sunt*, lego *sunt*: deinde, quod ab interpretibus omissum video, monere haud alienum puto, nimirum in vetustissima editione Veneta A. 1472 pro *decrementa* legi *detrimenta*; sicuti *solinus* in *Polyhist.* Cap. I. p. m. 9. *nascentium detrimenta* dixit, pro quo *Salmasius* in *Exercitat.* pag. 42. mavult *decrementa*: ut proinde parum firmã fide *Clarissimus Iac. Frid. Reimmannus* in *Historia Vocab.* p. 58, vocabulum, *Decrementum* inter Singularia Gelliana numoret, quod & alii factitarunt.

CAP. XVI, p. 245.

Ἐστὶ δὲ καὶ ἐν ἑσὶν ὁλόκληρος γένεσις.] Verba
P 5 Hip-

Hippocratis sunt, quæ in isto (scribit *Trillerus* meus) libello *περί τῶν φη*, non existare, frustra clamat *Gronovius*. Vide autem de hoc loco *Mercurial. Var. Lect. L. IV, c. 10. & Mureti* ad eum Epistolam, quæ ibidem inserta legitur. adde & in primis ejusdem *Var. Lect. L. XV, Cap. 12.*

Ibid.

Monstruosas varitates,] Lege (verba sunt *Trilleri* mei) *menstruosas varitates*: nam de *mensibus* in hoc capite sermo; unde Varro partus illos *octavo, undecimo* aut alio mense non legirimo aut consuetò in lucem editos, elegantissimè vocat hic *menstruosas varitates*. Patem hoc verum esse & merito recipiendum. Hæc *Trillerus*, satis lepidè, si aut *necessitas* suaderet, aut sermo *Latinus* ferret.

Ibid. p. 247.

Idem Accii quod Titii.] Supposita hæc nomina sunt, & ex medio usu desumpta, sicuti *Cajus & Caja, Sejus, Lucius*, aliaque, quæ exemplis in Jure Romano serviunt, ut *Plutarchus* docet in *Papainois Quæst. XXX. pag. 271. Conf. Gell. Lib. V, c. 19. ex Rogatione veteri.*

* * *

LIB.

LIB. I. V. CAP. I.

p. 255.

Quispiam *Grammatica rei scitior*,] Inscitum profecto hoc *scitior* videtur, quod *Gronovius* ex ingenio in textum intulit, quia in tribus codicibus obvium fuit *ditior*. Aliæ editiones habent, *doctior*, quas Clarissimus *Perizonius* ad Sanct. Minerv. Lib. II, Cap. X. n. 6. p. m. 223. sequitur, addens hanc interpretationem, *non ita prorsus & absolute doctus, sed tamen aliquantum doctior vulgo*. Mihi placet vulgatum & a *Stephano* atque antiquissimis melioris notæ editionibus receptum, *doctior*. Conf. Gell. XI, 13, XIII, 21, al. 20, XVII, 5, XVIII, 2, 9.

Ibid. p. 257.

Sed si item mihi præmandere, quod ajunt, postulas,] Mirè hic variant & Codices & Interpretes, quibus ut morem aliquem geram, sic lego, uti jam quondam in *Novis Krausii* mei professus sum, *sed si istam tibi præmandarem*, q. a. p.

CAP. II. p. 262.

TITULUS SCRIPTORUM - -] ita primus edidit *Iac. Gronovius*. Ego receptum illud,

illud, **SERVORUM**, retineo. Conf. *Sueton. de Ill. Gr. Cap. 4.* in vita Orbilii.

Ibid. p. 263.

Balbus & atypus] Mihi (inquit *Trillerus* meus) rejectis aliis divinationibus commodissime legi posse videtur *Oedipus*, h, e, qui *vitio pedum laborat*; sequitur enim mox *equus calcitro*, quod antecedentia respicere possunt.

CAP. VI. p. 274.

Tib. Coruncanio pontifici] Scribe aut *Pontifice*, aut cum antiquissimis **PONT.** — Hic *Coruncanius primus ex plebe Pontifex maximus creatus est*, ut memoriae prodit Auctor *Epitom. Liv. Lib. XVIII.* p. 479. Conf. *Plutarch. Problem. Cap. 113.*

CAP. XI. p. 283.

— *ἔχεν ἀνιόντων ἰδεοθαι*] *Trillerus*, cunctis doctorum emendationibus neglectis, legit *ἀνεμούντων*, aut *ἀνεμύντων*, sc. *χυάμων*; h, e, *fabe ventosae*, seu *instantes*: qua emendatione nihil putat ad hunc locum aptius.

CAP. XII. p. 288.

Si quis agrum suum passus fuerat sordescere —] *Hæc agrorum cura a rege Numa primum tra-*

tradita ac sancita mihi videtur. Is nimirum agris magistros præposuit, qui tam bonorum quàm ignavorum colonorum nomina notata ad se deferrent; quò factò, Rex industrios collaudabat, segnes multà aut objurgatione castigavit. V. *Dionys. Halicarn. Lib: II, p. m. 172.* Denique Gelliano loco nostro geminus est *Plinianus* ille Lib: XVIII: *Hist. Nat. Cap, 3, Agrum male colere, Consorium probrum judicabatur.* —

Ibid.

Impolitie notabatur,] Addo *Festi* illud: *Impolitias Censores facere dicebantur, cum equitis obnegabant ob equum male curatum, sive minus politum.* Taceo de *lac. Mos. Briosio*, qui vocabulum, *Impolitia*, perperam inter singularia Gelliana notat.

CAP. XIV, p. 290.

Quo cum (ædilem) venire cum coronario non decuisset.] forte cum corona viatorum decuisset; ad coercendas libidines, ministris viatoribus, qui magistratui serviebant. Sed nihil muto, Codicibus adeo constanter consentientibus.

CAP. XVII, p. 296.

Ita hos fert ventus ad priorem Pyreneum ~]
Verba sunt ex *Oratione Catonis*, quam de
Con-

Consulatu suo habuit. Ego non dubito Gelium sive Catonem pro *ita* hos, scripsisse *Italos*.

Ibid.

Humidus unde oritur imber -] ex *Ennio*. Sic editiones veteres; at *Festus* & Codices antiqui constanter retinent *humidas*, unde *Iac. Gronovius* offert *humigans*: pro quo ego malim *humidans*, quod probum verbum est, & jam quondam ex *Celso* mihi observatum, ut in *Supplemento* meo *L. Latine* p. 146 significavi.

* * *

LIB. V. CAP. III.

p. 306.

Protagoram ---. Quod genus *Græci* ἀρθοφώρας vocant,] Apud *Laërtium* Lib. IX, § 53, p. m. 517 *Protagoras* dicitur φορμοφώρας. conf. præcedd. ibid. & *Menag.* p. 421, nec non Lib. X, §. 8. p. 607 de *Epicuro*, qui *Protagoram* φορμοφώραν itidem appellabat, sicuti & *Athenæus* L. VIII, Cap. 13, p. 354, Πρωταγόραν φησι ἐκ φορμοφώρας καὶ ξυλοφώρας πρῶτον μὲν γενέσθαι γραφία Δημοκρίτου.

CAP. VI. p. 314.

Impulverea, ut dici solet. - *victoria*] Ex
co,

eo, quod interjicitur, *ut dici solet*; constat, vocabulum, *Impulverea*, in communi & medio Latine loquentium usu fuisse, ut proinde perperam a *Reimanno* in Hist. Vocab. L. Lat. p. 61, inter Singularia Gelliana noetur; quanquam hic corruptè cum quibusdam *impulvere* legit.

Ibid. p. 315.

Coronis donaverat milites, quia vallum curaverant.] Hinc CORONA VALLARIS, apud *Gruterum* Inscript. pag. 375, num. I, & p. 403, n. I. ut de *Livio* aliisque taceam.

CAP. IX, p. 318.

Historia de Cræsi filio --] Consimilem de *Uffone*, Regis *Wermundi* filio, refert *Saxo* Noster Lib. IV. Histor. Dan. pag. 63; atque aliam *Pausanias* Lib. X, p. m. 637, de *Barto*, qui leonis improvise aspectu territus, immani clamore sublatò; officium linguæ recuperavit.

Ibid.

Nomen illi fuit Αἰγλῆς] Qui *Egles* scribunt; jam commonefacti sunt a *Paulo Leopardo* Emendat. Lib. XIV, Cap. XII, p. m. 298.

Ibid.

Ibid.

Inter ipsos & adversarios,] Forſan, inter ipſosmet adversarios.

CAP. X. p. 320.

Conſiſtendæ cauſæ gratia] Si quid mutandum, ſuſpicio, genuinum eſſe, Conſiſtendæ cauſæ gr. Sic conſtituere litem dixit Quintilianus Lib. VII, Cap. 4; & Petronius p. m. 52, Facio inducias vobiſcum & a conſtituta lite dimitto.

Ibid. p. 321.

Captionis verſutè excogitatæ fruſtratus fuit.] Sic veteres libri. Stephanus & quidam alii excogitatu. Mihi prior lectio probatur, quæ Græcæ linguæ ingenio affine quidpiam habere videtur. Sic enim Iſocrates: τῆς μὲν ἐν ἰδίᾳς ἐλπίδος ἀπαντες ἐψεύσθησαν, ſpei omnes fruſtrati ſunt. V. Veachet. Hellenolex. Lib. I, Cap. XXIV, p. 159. Non eſt itaque quod Lexicon Fabro-Cellarianum nobis ſubſtantivum, Excogitatus, pro genuino nomine Gelliano vendidit.

CAP. XI. p. 322.

Forma-Stata] Hippocrati in Aphoriſmīs & alibi eſt κατὰ τὴν φύσιν: Græco ſiracidiſ interpreti

τι ἡλικία σαδῖμῃ, Cap. XXVI, 17. Vid. ibi Grot. p. 665. Verba sunt Trilleri.

CAP. XIII. p. 327.

Adversus cognatos pro cliente testatur:] Testatur procul dubio hic Cato impersonaliter passivè dixit pro more suæ ætatis. Atque ego quidem in *supplemento* meo L. Lat. pag. 344, jam ex *Prisciano* (Lib. VIII, p. m. 291) olim monui, veteres & *testo* & *testor* dixisse. Quo accedit illud ex XII *Tabulis* apud *Nostrum* XV, 13, QUI. SE. SIERIT. TESTARIER, h, c, testem adhiberi. uti rectè Jcti interpretantur. V. *Sigon.* de *Judiciis* L. II, Cap. XV, p. m. 572.

Ibid.

Pupillarique tutelæ muliebris prælata.] Ego profecto non dubito, a Gellio relictum esse, quod Vett. Editt. suadent, *pupillarisque tutela muliebri prælata*, nam, ut jam ante docti viri observârunt, pupilli ob teneram ætatem mulieribus in officio tutelæ præferebantur. Mulieres autem Romanæ in perpetua tutela erant, *propter infirmitatem consilii*, ut *Cicero* ait pro *Muræna* Cap. 12.

Ibid. p. 328.

A propinquis nostris] Gronovio Gellius ex
 PARS III. Q. CA.

Cæsare scripsisse videtur, ante propinquos nostros. Retine a propinquis n. i, e, proximè post propinquos nostros.

CAP. XIV, p. 329.

Comisque cervicum fluctuantibus,] Ad quæ Trillerus meus: „ Est qui legere voluit, *fluitantibus*, quasi vero *fluctuantibus* non idem. „ Ceterum locus ita legendus: *Comisque cervicem circumfluctuantibus*, aut *cervicem fluctuantibus*. ” Retine vulgatum.

Ibid. p. 330.

Sole medio, rapido & flagrante] Priscianus, ut jam alii monucrê, Lib! VI, p. m. 200, apud Gellium l. c. legit, *sole medio, & arido & flagranti*: ut proinde neque audiendus sit Fulvii Codex, qui habet *meridiano*, neque Clarissimus Gronovius, qui auctorem scripsisse *sole meridie*, suspicatur. Certè jam ante Gellium pariter *sole medio* dixerunt Phædrus L. III. Fab. XIX, vs. 8, Valerius Flaccus L. II, vs. 444, & L. III, vs. 482, alii.

Ibid.

In eam me penetra,] Novè Gellius sic locutus videtur Gronovio, ut & Jacobo Mosanto Brissio: sed enim auctores Noster antiquos sequutus est, uti Vechnerus in Libro I, Hellenolox. Cap. VII, p. 39. docuit.

Ibid.

Ibid. p. 331.

Revelli,] Vett. Editt. habent *revulsi*; quam præteriti formam Lexicon Fabro-Cellarianum quoque profitetur, sed omni auctoritate destitutam, imo minus probam, adeoque a *Servio* ad Virgil. *Æn.* IV, 427, p. m. 623 repudiatam. Conf. *Supplementum* meum L. Lat. p. 116.

CAP. XV. p. 333.

— — *Nam omnino haud placet*] *Trillerus* meus certo certius legendum contendit, *nam nimium haud placet*, ex formula parcemiæ Græcorum, *Μηδὲν ἄγαν*. Quam in lectionem quò minus concedam, obstat consensus tum omnium Codicum, tum ipsius quoque *Ciceronis* Lib: II. *Tusc.* Cap. I, princ. ut omittam, primum nulla emendatione opus esse, deinde inter interpretes dicti illius *Enniani* de vero sensu non convenire. Vid. *Scip. Gentil.* in *Apuleji Apol.* pag. 82. sq. & *Philipp. Frid.* *Hanc* de *Ingeniis Gent. Boreal. Philosophicis* § VI, p. 26.

CAP. XVI. p. 334.

Epicurus autem affluere semper ex omnibus corporibus] Ut ne dubites legere, *effluere*, atque, quæso, illustrem locum *Quintiliani* Lib: X, Cap. II. p. m. 926. Sufficiat imaginem virtutis effingere, & solam, ut sic dixerim, cutem,

Q 2

vcl

vel potius illas Epicuri figuras, quas e summis corporibus dicit effluere.

CAP. XVII. p. 335.

Tanquam ominalem diem] Macrobius Lib. I. Saturn. 16, scribit *inominalem*, pro quo *Meursius* mavult *innominalem*, id est, nefastum. Cui *Trillerus* meus adstipulatur in hunc modum: „Infausti ejusmodi dies inter „alia vocabantur Græcis ἀνομώδεις, h, e, „*indicti*, quibus nullum nomen, quique „nominari interdicti, μὴ ὀνομασθῆναι τε ἔσται φράσις, „*ζεῖσθαι*, ut Grammatici rectè exponunt, „quod hic Gellius per *innominales* scitissimè „expressit. „Mihi placet, *inominalem*, quod Codices & Gellii & Macrobi, quod antiquissimæ editiones constanter fere tradunt, h, e, *mali ominis*; quamquam non diffiteor, acutius esse *Meursii* illud, *innominalem*.

Ibid.

Ante diem quartum nonas sextilis.] quod Interpretes rectè exponunt, *die quarto ante nonas Sextilis sive Augusti*. Conf. *Vorsii* Lat. Select. P. I, Cap. 8, p. 245, & quæ Clarissimus *Heineccius* in Commentario ad Leg. Jul. L. II, Cap. IX, p. 220, acutè disserit super illo apud *Paulum* Jurum: *Ante diem decimum Kal.*

CAP.

CAP. XVIII, p. 337.

Commovere quicquam - -] *Trillerus* mavult, *commovere*.

CAP. XIX, p. 340.

Inter præmia patrum,] intelligo *jus trium liberorum*, & similia. Sic *Seneca* Lib. II. de Benef. c. 34. *In quo spectavit legem patriam, præmia patrum, &c.*

CAP. XXI, p. 341.

Inauditiunculas,] *Briofius* interpretatur Græcè ἀποαυρία, *Lexicon* Fabro-Cellarium *auditiunculas*, sive *doctrinulas* in occulto acceptas, alii *regulas vulgares*, quas audiendo acceperat. Ego *inauditiunculas* accipio, quæ Græci παρασκευαῖα vocant, sicuti *Porphyrius* in vita *Plotini* cap. 7. vid. *Fabricii* sive *Fabricii Bibliothecam Græcam* Lib. IV, cap. XXVI, p. 104. in *Notis* litt. r.

Ibid.

Adortus quemque,] malo, *quemquam*. Sed nihil tamen muto citra necessitatem.

Ibid. p. 344.

Inter sese multi - -] Eadem verba *Catonis* refert

refert *Nonius* Cap. II, n. 143, ubi *Mercerus* pro *multi* edidit, *inulti*. vide hujus notas pag. 116.

* * *

LIB. VI. CAP. I.

P. 345.

S*ustuleris, unum, abstuleris utrumque.*] *Tril-*
lerus meus mavult, quod ex Codice *Re-*
gio Gronovius annotavit, *si tuleris unum*, -
mihi placet omnino receptum *sustuleris*: quis
enim nescit, ἁλλεψιν particulæ, *si*, iis, qui
integrè & purè locuti sunt in veteri civitate
Romana, per esse familiarem?

Ibid.

*Chrysippus in eodem libro tractat, - - - ἐπὶ
αἰ τῶν ἀνθρώπων νόσοι κατὰ φύσιν γίνονται, &c.*] *Chry-*
sippo. pulchrè & doctè respondet *La-*
etantius, quem vide sis Lib. de *Opificio Dei*
cap. IV. Taceo de *Seneca*, qui in libro de
Providentia cap. 4, ad hanc quæstionem,
Quare Deus optimum quemque mala valetudine
afficit? pro more suo Stoicè respondet, quia
dignus visus est Deo, in quo experiretur, quan-
tum humana natura posset pati, &c.

CAP. II, p. 350.

Perfugimus ad fati necessitatem - -] *siculi*
ser-

servus *Zenonis* Stoici, qui in furto deprehensus cum vapularet, vociferatus fertur, *Εἰμαρτο μοι κλέψαι, fatale mihi erat furari*: ad quæ Zeno - *καὶ δαρῆναι, Et cædi. v. Laërt. Lib. VII, §, 23, p. m. 379.*

CAP. III, p. 351.

Apud Bagradam flumen,] Editionum veterum aliæ habent, *Bragadam*. Priorem verò lectionem mihi confirmant *Cæsar* Lib. II. de B. Civ. cap. 5. & 7. *Livius* XXX 25, *Valerius* I, 8, 19. *Florus* IV, 2, 70. *Mela* I, 7, 9. *Procopius* Hist. Vandal. Lib. II, p. m. 104, alii. Emenda itaque, si lubet, *Strabonem*; cui *Βαγράδακας* flumen nostrum dicitur Lib. XVII, p. m. 1189. Mitto errorem Geographorum, qui *Bagradam* confundunt cum *Magrada*, hodie vulgo *Megrada* seu *Magrida*; nam diversum hoc flumen est, de quo vide sis *Melam* Lib. III, Cap. I, p. m. 241.

CAP. V. p. 354.

Ennii tragædia, quæ inscribitur Alexander,] facta procul dubio ex Græca illa *Euripidis*, cujus titulus, *Ἀλέξανδρος*, apud *Ælianum*, Lib. II, v. Hist. cap. 8. aliosque scriptores veteres superest; quanquam & *Sophocles* *Ἀλέξανδρον* scripsit, uti *Hesychius*, *Eustathius* atque alii testantur. Hos Poëtas adde scriptoribus istis de *Alexandro M.* quorum Catalo-

gum *Celeb. Fabricius* Lib. III, Bibl. Gr. c. VIII, p. 207 - sqq scriptum reliquit.

Ibid.

Argenti puri puti.] Unum instar omnium vide *Borricbium* Cogitat. pag. m. 281. De foedere facto inter Carthaginenses & Romanos vide præcipuè *Polybium* Lib. I, p. m. 88. sq.

CAP. VI. p. 356.

Erucio Claro,] vide quæ de Clarissimo hoc Viro ejusque filio in *Memoriis Obscuris* P. II. p. 144. sq. disserui. Conf. *Gruter. Inscript.* Pag. CCIX, I, vs. 5. nec non *Variorum* *Corrigenda* ibid. Pag. CCCXXIV.

CAP. VII, p. 358.

Sacrificium ei (Accæ Larentiæ menetrici) publice fit,] quod iniquissimè ferunt *Lactantius* I, 20, 4. & *Minucius* in *Octav.* XXV, n. 9. Hujus festa *Accalia* dicta fuisse tradit *Varro* de L. Lat. Lib. V, cap. 3. item *Laralia*; vid. *Gruter. Inscript.* p. CXXXIII. & Not. ibid. Fuit & altera *Larentia*, de qua *Plutarchus* meminit in vita *Romuli* pag. 19. Utamque repræsentat numus antiquissimus aureus, Romæ anno, ut videtur, post. U. C. 547. cusus, de quo videas Auctorem *Libri Gallici*, (edit. Paris. 1720, Quarto) cui titu-

titulus: *Reflexions sur les deux plus anciennes Medailles d'or Romaines, qui se trouvent dans le Cabinet de S. A. R. Madame.*

Ibid.

Cujus sacerdotii insigne est spicea corona - -] De hoc insigni ita Plinius Lib. XVIII, Cap. 2, princ. *Arvorum sacerdotes Romulus in primis instituit, seque duodecimum fratrem appellavit. Inter illos ab Acca Larentia nutrice sua, spicea corona, quæ vittâ albâ colligaretur, in sacerdotio ei pro religiosissimo insigni data, quæ prima apud Romanos fuit corona: bonosque is non nisi vittâ finitur, & exules etiam captosque comitatur. Hujusmodi forte corona fuit, quam C. Cornelius, sacerdos Patavinus, capiti detractam juravit se non prius depositurum, quàm arti res ipsa fidem fecisset; uti Plutarchus in vita Cæsaris narrat pag. 730.*

CAP. VIII, p. 359.

Publiumne Africanum superiorem,] Quæ de Continentia Scipionis Africani Superioris Noster commemorat, ea ad Scipionem Minorem, sive Æmilianum, qui Numantiam & Carthaginem bello Punico tertio evertit, refert Plutarchus in Apophthegm. p. 196. Conf. Valer. Max. IV, 3, 1, & Liv. XXVI, 50.

Q 5

CAP.

CAP. X. p. 362.

Euclides - - Megaris Athenas ad Socratem commeabat,] quasi ex monitq *Iſocratis* Orat. I. ad *Demonicum* § 41, *Μὴ κατόικει μακρὰν ὁδὸν πορεύεσθαι πρὸς τὸς διδάσκειν τὴν χρῆσιν ἐπαγγελλομένους.* Ceterum quod *Noſter* de *Euclide*: idem ferè *Laërtius* de *Aniſtbench* refert Lib: VI, § 2, p. m. 318, *Οἰκῶν ἐν Πειραιεῖ, παρ' ἐκάστην ἡμέραν, τὸς τετταράκοντα σταδίους ἀνιὼν, ἤκουε Σωκράτους: habitans in Piræeo, quotidie quadraginta ſtadia emenſus in urbem pergebat, ut Socratem audiret.*

Ibid.

Nunc videre eſt philoſophos ultro currere, ut doceant, ad fores juvenum divitum,] Conf. *Laërt.* de *Philophis*, fores divitum obſidentibus, Lib. II, § 70, p. m. 121, & *Petron.* Satyr. p. 12, nec non *Lucian.* Dialog. *Κάτωνος καὶ Ἑρμῆς*, p. m. 144 ſq.

CAP. XII. p. 363.

- - - In libro de ſacris deteſtandis ſecundo] ſunt qui aliter legunt, ſed corruptè. Nam apud Noſtrum itidem legas Lib: XV. c. 27, *Iſdem comitiis, quæ calata appellari diximus, ſacrorum deteſtatio & teſtamenta fieri ſolebant.* Quid autem ſit *deteſtatio Sacrorum*, jam diu ab eruditis quæſitum eſt. *Nic. Gruchius* Lib. III.

III de Comitibus, *Detestationes Sacrorum* interpretatur, *Consecrationes*, quas publice in concione populi fieri oportebat. Alii, ut Scaliger, Grævius & G. H. Nieupoort exponunt, *Denuntiationes*, quæ heredi absenti fiebant, sacra, quæ hereditatem sequebantur, esse suscipienda. Illustris Cornelius van Bynckershoek Librum Servii Sulpicii, quem Gellius allegat de *Sacris detestandis*, accipere videtur de *sacris peregrinis*, uti conjicio ex *Actis Erud.* A. 1720, p. 474. Ego *Detestationem Sacrorum*, non dubito dici *denunciationem* ceremoniarum, sive rituum sacrorum in certum quoddam tempus, quum *Detestatio*, definiente Ulpiano Lib: L Digest. Tit. XVI, leg. 40, p. m. 777, sit *denunciatio facta cum testatione*.

CAP. XIV: extr. p. 368.

Ego in medium relinquo] Lexicon Fabricii Cellarianum approbare tantum videtur, in medio. Sed enim, qui probe locuti sunt, approbant, in medium. Vide nostrum XVII, 2, ex Cl. Quadrigario, ubi ille ex hoc vindicat ignotum vulgo, in medium relinquere. Adde Taciti illud in Germania Cap. XLVI, n. 9. extr. Quod ego ut incertum, in medium relinquam. Consimiliter Lactantius de Vita Beata I, 4, si hoc, inquit, cujus causa illa suscepta sunt, in incertum relinquamus.

CAP.

CAP. XVII. p. 372.

Seleucus rex, qui Nicanor appellatus est] Lego *Nicator*, cui cognomento originem dedit multitudo victoriarum, teste *Appiano* de Bell. Syr. p. m. 200. γενομένων δὲ αὐτῷ τὰ ἐς πολέμους ἐπιτυχασάτω, Νικάτωρ ἐπ' ὅνυμον γίνεται. τῷ δὲ γὰρ ἀρίστος μᾶλλον τῷ Νικάτωρα κλεῖναι; Quia victoriosus fuit, *Nicator* vocatus est. Hoc enim credere malim, quàm cognomen ex *Nicatore* cæso retulisse. Cui suffragatur *Ammianus* Lib. XXIII, c. 16, *Nicatori Seleuco* victoriarum crebritas hoc indiderat cognomen: item *Ampelius* in Libro Memoriali p. m. 37, *Seleucus* finitimos sub se redegit, unde *Nicator* est appellatus. Constanter porro Noster Νικάτωρ vocatur *Straboni*, quem vide sis Lib. XII, p. m. 866, L. XIII, p. 925, L. XIV, p. 985, L. XV, p. 1006 & 1054, L. XVI, p. 1073, atque alibi sæpius. Conf. *Paus.* Lib. VIII, p. m. 537.

Ibid.

Ingens postea numerus librorum in Ægypto a Ptolemæis regibus vel conquistis vel confectus est] ubi *confectus* ab *Gronovio* exponitur *comparatus*, sed parum consideratè, tum quod proximè præcedit *conquistis*, i, e, *comparatus*, tum quod *confectus* hanc significationem non capit. Meminisse oportet, ab ipsis etiam *Ptolemæis Ægypti* regibus libros confect-

fectos fuisse. Sic *Ptolemaeus Evergetes*, Aristarchi auditor, *ισογιών* Libros XXIV; sic *Ptolemaeus Lagi* res Alexandri scripsit, alii alia. Vide *Plutarchum* de *Isidè & Osir.* pag. 354.

* * *

LIB. VII. CAP. I.

P. 374.

N*Equè latrarent eum*] quidam malunt, *in eum*. Sed enim & *Plautus* ita locutus est in *Pœnulo* V, 4, 64, *Etiam me meâ latrant canes?* Conf. *Vechner. Hellenòlex. L. I, Cap. VII, p. 37.*

CAP. III, p. 386.

Aliis argumentis convelat] *Legs* (inquit *Trillerus* meus) sine controversia, *Convallat*: præcessit enim verbum militare *præfulcis*; pergit igitur jam, ut solet, in allegoria. Utitur & infr. L. XII, c. 13, eleganter hoc vocabulo.

CAP. IV, p. 390.

Mancipia insignia esse] malim, *insignita*; i, c, signo notata, sicuti pileo, de quo *Auctor* ibid., & *Anselmus Solerius*, sive, qui sub hoc nomine latet, *Theophilus Raynaudus* S. J. in *Libro de Pileo, Sect. X, p. m. 221.*
Ibid,

Ibid.

Circumstatio militum corona] Apud Athenienses locus, in quo mancipia vendebantur, dicebatur κήλος; quod a re proposita haud alienum videtur. Vid. *Meursii Lect. Attic.* Lib. I, Cap. 2.

CAP. VI. p. 391.

Inora] Lege *inodora* cum *Nonio* Cap. II, num. 463, quod *Mercerus* in notis ad hunc p. 125, quod *Trillerus* aliique præferunt; quanquam non ignoro, etiam *inoros*, sive ore carentes, quos ἀσίμους vocat *Strabo* L. II, p. m. 121, a priscis historiarum scriptoribus memorari. Pariter apud nostrum pro *inaurita*, lege *inaudita*, i, e, auditu carentia.

* CAP. XXII. p. 420.

Cato in Oratione, quam de Sacrificio commissio scripsit] Ego profecto non dubito respondere, *sacrilegio commissio*, fide & auctoritate *Festi* pag. 382, edit. Dacer.

* * *

LIB. VIII.

NOlo hic repetere, quæ in *Vigilia Prima Notium Responsum*, sive in *Commentario*

rio

rio ad VIII. hunc A. Gellii Librum deperditum
(edito Hafn. 1727, 8°.) copiosius differui.

* * *

LIB. IX.

Admonere hic in primordio juvat, de quo
jam antè in *Memoriis* meis *Obscuris*
Part. III, p. 195 me admonere memini, Frag-
mentum ex hoc libro Gellii Nono citari apud
Priscianum Lib. VI, p. m. 191. A Gellius
noctium Atticarum nono: *Historia ex libris*
Heracleide Pontici jucunda memoratu & mira-
da. Quod non eorum modò, qui Gellium
ediderè, diligentiam subterfugit, sed & cla-
rissimi *Vossii*, qui de *Heracleide Pontico* dili-
gentissimè differit in Libro I. de Hist. Gr.
Cap. IX, p. 44 sq.

CAP. II, p. 428.

Demus huic aliquòd æris, cuicunque est,
tanquam homines, non tanquam homini.]
Verba sunt *Herodis Attici*, efficta, ut
mihi videntur, ad formulam dicti *Aristote-*
lis, qui objurgatus, quod homini impro-
bo pariter stipem dederat, respondisse fer-
tur apud *Laërtium* L. V, §. 21, p. m. 280;
Ὁν τῷ ἀνδρὶ πῶ ἰδὼκα, ἀλλὰ τῷ ἀνθρώπῳ,
Non homini dedi, sed humanitati; Quod ite-
dem præ oculis habuisse videtur *Seneca* in illo
Lib.

Lib. IV. de Benef. Cap. 29, extr. *Non homini damus, sed humanitati.*

Ibid. p. 429.

Ἀξίος ἢ ἐν ἰσὶ ἀγυγία] Alii aliter interpretantur hoc *Mufonii* dictum. Mea quidem sententiâ nebulo ἀγυγία ἄξιος a philosopho judicatus est, quod virtute, quæ ipsa sibi præmium est, carebat. Quò referri forte poterit illud *Senecæ* Epist. LXXXVII. *Pecunia sic in quosdam homines, quomodo denarius in cloacam cadit: Virtus super ista consistit, suo ore censetur.*

Ibid.

Nomina — ne unquam servis indere liceret] sicuti *Domitianus Metium Pomposianum* occidit, quod servis nomina *Magonis* & *Annibalis* ducum fortissimorum indidisset, ut auctor est *Suetonius* c. 10.

CAP. V. p. 439.

Hierocli Stoici] *Hyllarimensis*, quem eruditorum nonnulli perperam cum *Hierocle* Platonico *Alexandrino* confundunt. Vid. *Fabric. Biblioth. Græc. Lib. II, Cap. XII, p. 470, & Mölleri Homonymose. Cap. III, § 30, p. 312 sq.*

CAP.

CAP. VII. p. 441.

Nervias in fidibus brumali die alias digitis pelli, alias sonare.] h, c, ut ego opinor, alias, quæ digitis non tanguntur, sonare, cum aliæ pulsantur. Locus profecto perobscurus, res non ita comperta, nisi de pluribus & diversis fidibus sive instrumentis accipias, aut chordis in uno organo supra chordas positus.

CAP. X, p. 449.

Non prætextatis sed puris honestisque verbis] prætextatis, id est, obscenis. Sic Suetonius in Vespasiano Cap. 22, *Erat dicacitatis plurimæ, & sic scurrilis ac sordidæ, ut ne prætextatis quidem verbis abstineret.* Conf. Budæi Annotat. in Pandect. p. m. 222.

CAP. XI. p. 450.

Agrum Pomptinum] Alii *Pontinum*; quod & editiones *Flori* habent I, 13, 20, *iterum Pontino agro*: ubi ex emendationibus Codicibus *Jacobus Nicol. Loënsis* Miscell. Epiphill. Lib. I, Cap. XX, p. m. 289, rescribi jubet, *item in Pomptino agro*; quod nec *Flori* neque *Gellii* interpretibus animadversum esse video. De *Agro Pomptino* vid. Cluver. Geogr. L. III, Cap. XXVII, p. m. 270 sq.

CAP. XII. p. 453.

Fabulosus & suspiciosus] Corrige Gellium ex Nonio, qui Lib. II, n. 763, *famosus* legit. Conf. Mercer. ibid. p. 135.

Ibid. p. 454.

Ignarus — qui ignoratur,] Sic Noster, veteres sequutus. Lib. XIV, 1, *sidera*, aliis *omnino ignarissima*, dixit, pro quo nonnulli male legunt *ignotissima*. Sic porro Hyginus Fab. 273, p. m. 199, *Paris Alexander pastor Priami ignarus filius*, i, e, ignotus, ignoratus. Conf. Isidor. Orig. Lib. X, litt. I, p. 1078. Alia testimonia alii præbent.

CAP. XIII. p. 455.

Gladios duos] sine dubio *Quadrigarius* scripsit *duo*, more veterum.

Ibid.

Utrunque quiescerent pugnae. Facta pausa est.] Ubi *pugnae* nomen aliis genitivus, qui a verbo *quiesco* regitur, videtur, uti Bangio nostro Lib. II. Observ. Philol. p. 1051; aliis dativus, uti Perizonio, qui huc trahit illud *Terentii* Andr. IV, 2, 8, *Quibus quidem nuptiis quam facile potuerat quiesci* — Mihi placet lectio quam Vett. editt. tradunt: *utrinque quies-*

quiescerent pugnare. Pugnae facta pausa est. Quamquam phrasi, *quiesceret pugna*, confimilem me observare memini apud *Hirtium* de *B. Africano* Cap. 75, *postquam adversarios susperfedere pugnae animadvertit, reducit copias.*

Ibid. p. 456.

Gallus ---- cantabundus] Alii *cantabundus. Valens Acidalius* Divinat. in *Mostell.* Cap. VII, p. m. 242, pro *cantabundus*, quam vocem ineptam vocat, certum sibi esse ait reporni oportere, *captabundus*. Ita enim (verba sunt *Acidalii*) ex disciplina se composuerat *Gallus*, ut adversarium captaret. Sed falleris, *Acidali*; neque enim inepta vox est *cantabundus*, quâ *Petronium* quoque usum fuisse jam olim monui in *supplemento* meo *L. Lat.* p. 48. Ad hoc audi, quæ *Gebhardus* in *Libro II. Ant. Lect.* Cap. V. p. m. 599. appositè differit. „Hoc habuerunt moris Galli, „ut, cum viderent sibi comparere provocatos hostes, in ipso certamine inceperint decantare majorum suorum virtutem, suamque ipsi extollere fortitudinem, adversarium verò extenuare. Narrat hoc luculentis verbis *Diodorus siculus*, — „Locus *Diodori* existat *Lib. V. de Celtis* Cap. XXIX, p. m. 291. Atque paria de *Batavis & Germanis* narrat *Tacitus* *Histor.* IV, 18. & *German.* Cap. II, extr. nec non III, princ. Denique ut ad *Gallum nostrum* redeamus, hu-

jus tantum etiam *Livius* memorat Lib. VII, Cap. 10, p. m. 542.

CAP. XIV. p. 459.

Qui scripserunt, idiographum librum Virgilii sese inspexisse] Noster procul dubio intelligit *Valerium Probum* grammaticum, qui *Librum I. Georgicon ipsius Virgilii manu correctum se legisse* testatur apud Nostrum Lib. XIII, Cap. 20. Sed & *Quintilianus* manum Virgilii vidit, ut fatetur Lib. I. Inst. Orat. Cap. 7. Vidit itidem *Plinius*. v. Lib. XIII. Hist. Nat. Cap. 12, extr.

Ibid.

Munera letitiamque dii] pro diei. Quam lectionem vindicare supersedeo post Clarissimum *Jo. Clericum* Art. Crit. P. III. S. I. C. XIV, §. 7, p. m. 200.

CAP. XV, p. 462.

De reo septem judices cognoscant] Legi in hanc rem meretur *Quintiliani* Declamatio CCCLXV, p. m. 755, cui titulus est, DE VI SEPTEM JUDICES. Conf. *Pufend.* de J. N. & G. Lib. VII, c. 2, p. m. 984, & *Grot.* Isagog. ad Praxin Fori Batavi p. 60 & 310.

CAP.

CAP. XVI, p. 463.

Vir fortis præmio, quod optaverit, donetur.
Qui fortiter fecerat, petit alterius uxorem - -]
 Verba sunt *Plinii*, quæ *Martianus Capella*,
 dissimulatô Auctoris nomine, paululum mu-
 tata adducit Lib. V, pag. m. 148. Huc per-
 tinere videtur, quod Noster de *Platone* refert
 L. XVIII, Cap. 2, *Plato præmia viris for-*
tibus posuit saviationes puerorum & puellarum.
 Apud *Tyrios* ὁ ἀνδρείοτατος κρείσσει γαμῶν, ἢ
 βέλτεται, qui fortissimus habetur, is quam vult,
 uxorem ducit; ut auctor est *Strabo* Lib. XI,
 p. m. 791. Conf. Lib. XV, p. 1044, de
Virginibus, præmiis τῶν πυγμῆν νικησάντων.
 Vid. infr. Annotat. ad Gell. L. XVIII, c. 2.

* * *

LIB. X. CAP. I.

p. 465.

Verba *M. Varronis* ex libro *Disciplinarum*
 IV] pro IV, lege, quinto, uti non mo-
 dò veteres *Gellii* Codices tradunt, sed & *No-*
nnius, qui eundem *Varronis* locum allegat
 Cap. V, n. 50.

Ibid.

Quartum fit Consul] in *Gruteri* Inscriptio-
 R 3 nibus

nibus neque *quartum* COS. neque *quartid* re-
perio, sed IIII, sicuti pag. MLX, n. 6, at-
que alibi.

Ibid. p. 466.

*Græci quoque in significandis hujusmodi re-
rum numeris τεῖτον καὶ τέταρτον dicunt,]* In In-
scriptionibus Græci pariter ac Latini nume-
ros compendiis litterarum significant, hoc
modò: ΑΔΡΙΑΝΟΣ. ΥΠΑΤΟΣ. ΤΟ. Γ. V. *Gru-*
ter. p. CCCXV, n. 9. conf. p. CDVI, n.
10, ubi Φάβιος Χεῖλων dicitur Ὑπάτος το Β.

CAP. II. p. 466.

*Aristoteles memoriae tradidit, mulierem in
Ægypto uno partu quinque pueros enixam - - -]*
Locus Aristotelis, quem interpretibus Gellii
animadversum non esse video, exstat Lib. VII,
de Histor. Animal. Cap. 4, pag. m. 548.
Conf. Tertullian. de Anima C. VI, pag. m.
309.

Ibid.

*Eumque (partum quinque puerorum) esse
finem dixit Aristoteles multijugæ hominum par-
tionis, neque plures unquam simul genitos com-
pertum.]* Mirari ad eò subit, quod de *Aristo-*
telo tradit *Strabo* Lib. XV, p. m. 1018, Τὰς
τε γυναῖκας ἴσθ' ὅτε καὶ τετραδύμα τίλειν τὰς
Ἀιγυπτίας. Ἀριστοτέλης δὲ, καὶ ἐπιδύμα τινα
ἴσχει τελέειναι. Certè apud *Aristotelem* nihil
hu.

hujusmodi hodie legas. Vide *Casaubonum*, qui ad *Strab.* l. cit. suspicatur, *Strabonem* non *ἑπτάδυνα* sed *πεντάδυνα* scripsisse. Memini tamen me de septem pueris uno partu editis legere apud *Paulum Warnefridum* Lib. I. de Gest. Langobard. Cap. 15. His temporibus quædam meretrix, uno partu septem puerulos enixa, in piscinam projecit necandos. Hoc si cui impossibile videtur, relegat historias veterum, & inveniet non solum septem infantulos, sed etiam novem unam mulierem simul peperisse. Et hoc certum est maxime apud *Ægyptios* fieri. Alia hujuscemodi quære apud alios, ut *Fabrotum* in Disquisitione de Numero Puerperii, pag. 97, *Majolum* D. Canic. p. 40 & 58, *Stephanium* ad *Saxonem* p. 107, *Camerarium* *Hor. Succ.* Centur. II, p. 273, *Cornelium van Bykersboek* Lib. III, *Observat. Jur. Rom.* Cap. VIII, p. 250 sq. &c.

CAP. III. p. 472.

Bruttiani verberaverê.] Præter scervilia alia *Bruttianorum* ministeria, quæ *Gellius* in hoc Capite memorat, eorum quoque erat *ἡμεροδραμῆν καὶ γραμματοφоруῖν*, *cursores* & *tabellarios* esse; ut ait *Strabo* L. V, p. m. 385, qui locus facit, ut jam intelligere mihi videar illud *Fulgentii* de *Prisco* Sermone, num. 51, *Congerones* (ita legendum pro eo quod vulgo editum est, *Congerrones*) qui aliena ad se congregant. Unde apud Romanos *Gerones* *Bruttiani* dicti sunt.

CAP. VIII.

in lemmate, p. 476.

Hujuscemodi Castigationis] Frustra adeo est *Baldus*, frustra *Alciatus*, frustra alii, qui *Castigationem* locum habere contendunt in levibus delictis, quæ corpus non tangant. Adde insuper testimonium *Modestini* in l. desertorem ff. de re militari: *Pænæ militum hujusmodi sunt, Castigatio* —. Conf. *Frontin. Strateg.* IV, 1, 9, & *Justin.* XII, 11, 7.

CAP. X, p. 478.

Veteres Græcos annulum -] Rationem, quam Noster addit, cur veteres & Græci & Romani annulum in eo digito gestaverint, qui est in manu sinistra minimo proximus, *Gronovius* ineptam pronuntiat, sequutus, ut videtur, *Hermannum Conringium*, qui Lib. I. de Hermet. Medic. Cap. 10, *Risum*, inquit, *eam doctrinam potius mereri quam consutationem, vel tironibus rei anatomicae est notum.* Sed audiat uterque virum, qui profecto supra vulgus Anatomicum sapere existimatus est, *de la' Cambre*, Regis Christianissimi Medicum; qui in *Discurs. de Principiis Chiromant.* variis argumentis ostendit, majorem huic, de quo diximus, digito sympathiam cum corde intercedere quam reliquis, atque *hunc unum in Chiragricis ultimò affligi.* Conf. *Celeb. nostri Olai*

Olai Borrichii Hermetis Sapientiam ab H. Conringii animadversionibus vindicatam, in Præfatione, & Cap. V, §. IV, p. 142. Ali-
ter quàm *Gellius* noster sive *Apion* apud *Gel-*
lium, item *Macrobius* L. VII. Sat. c. 13, &
Isidorus Lib. XIX. Orig. Cap. 32, aliter,
inquam, de causa, cur quartus ille a pollice
sinistro digitus honore annuli decoretur, exi-
stimat Auctor Libri, editi Paris. 1655, 12
de la Chyromantie, Part. I, pag. 28, Artic.
XIV, quia nimirum *doigt du Soleil*, *digitus*
Solis est

CAP. XV, p. 484.

[*Equo Dialem Flaminem vehi religio est,*]
Quæ *Gronovius* ad hunc locum affert, desum-
ta videntur ex *Fruterii* Libro III. Verif. Cap.
XI, p. m. 370. Adde *Festo* firmamentum ex
Servio, qui *Flamini Diali in provinciam ire,*
aut abesse a finibus Italiae non licuisse tradit,
(ad *Virgil. Æn. VIII*, vs. 552, p. m. 920)
at, si in provinciam ire concessum fuisset,
utique equo sine religione vehi licuisse. Ne-
quid dicam de testimonio illo *Livii* V, 52,
Flamini diali noctem unam manere extra urbem
nefas est. Pariter neque *Pontifici* equo vehi
licebat, sed curru, ut idem *Servius* l. c. per-
hibet, neque *Dictatori*, injussu populi, ut
Livius docet Lib. XXIII, Cap. 14, & post
cum *Plutarchus* in *Fabio* pag. 175.

Ibid.

Jurare Dialem fas nunquam est,] Quæ causa est, quamobrem C. *Valerius Flaccus* jurare in leges non poterat, ---- *datus*, qui juraret pro fratre L. *Valerius*, ut tradit *Livius* Lib. XXXI, Cap. 50.

Ibid. p. 485.

----- *Eo die verberari piaculum est*] Pariter si reo, qui ad supplicium ducebatur, obvia fieret virgo vestalis, jam supplicio is eximebatur. v. *Plutarch.* in *Numa* p. 66.

Ibid.

Capillum Dialis ----- *detonses*] Tondebatur autem flamen dialis cultris æreis, ut auctor est *Servius* ad *Æncid.* I, vs. 452, p. m. 376. Conf. *Alexand. D. Gen.* VI, 12.

Ibid.

Unguium Dialis & *capilli segmina subter arborem felicem terrâ operiuntur*, sicuti contra Vestalium capilli suspendebantur, uti ex *Festo* discimus: *Capillatam vel Capillarem arborem dicebant*, in qua capillum tonsum suspendebant Virgines Vestales. Hanc autem arborem *Loton* fuisse, atque *Capillatam* dictam, quoniam *Vestalium Virginum Capillus ad eam deferetur*,

tur, docet Plinius L. XVI H. Nat. Cap. 44, p. m. 197. De cetero arbores felices dictas esse, quæ in Superiorum tutela erant, quercum, æsculum, ilicem, fagum, corylum, sorbum, ficum albam, pirum, malum, vitim, prunum, cornum, lotum, constat ex Macrobio, cujus locum interpretes Gellii jam indicârunt.

Ibid. p. 486.

Dialis cotidie festatus est.] Locus extra omnem fere emendationis alcæam positus. Veteres lectiones Codicum sunt, Gronovio teste, fertatus, fertatus aut fertantus, ex quibus si qua vera est, verisimiliorem mihi videri, fertatus, non diffiteor.

Ibid.

Farinam fermento imbutam attingere flammæ fas non est] quam religionem ex azymis festi Paschalis judæici ad sacra Romanorum pervenisse ut credam, facile ab Huetio (Demonstrat. p. m. 272) me adduci patior. nam quæ Plutarchus & cum eo enarratores Gellii ad h. l. disserunt, quæsitæ magis quam vera videntur.

Ibid.

Super flaminem Dialem in convivio, nisi rex sacrificulus, haud quisquam alius accumbit.]
In-

Insignis in hanc rem est locus *Festi* in v. Ordo: Ordo sacerdotum aestimatur Deorum maiestate, ut maximus quisque. Maximus videtur Rex, deinde *Dialis*, post hunc *Martialis*, quarto loco *Quirinalis*, quinto *Pontifex Maximus*. Itaque in conviviis solus Rex supra omnes accubabat, sed *Dialis* supra *Martialem* & *Quirinalem*, *Martialis* supra proximum, omnes dein supra *Pontificem*: — Fallitur itaque Gronovius, qui ad loc. Gellii cit. Regem sacrificulum *Pontifici* cedere nimio confidenter affirmat.

Ibid.

Uxorem si amisit *Flamen dialis*, *flaminio* *dedecit*.] Emenda hinc *Priscianum*, qui hoc fragmentum ex *Trogo* affert Lib. V, p. m. 124, *Papicio* propter mortem *Flaminiae*, *flaminio* obiit. lege, *Papirius* propter mortem *Flaminiae* *flaminio* abiit. Conf. Liv. XXVI, 23 & Val. Max. I, 1, 4. Ceterum *Flamines* & *Flaminiae* non nisi semel nubebant, uti *Tertullianus* docet de *Monogamia* Cap. XVII, p. m. 688. Conf. Lib. I. ad *Uxorem*, Cap. VII, p. 186 de *Pontifice Maximo*, itidem monogamo.

Ibid. p. 488.

Scalas ---- ascendere ei (*Flaminiae*) *plus tribus gradibus religiosum est*.] subit hic, quod DEUS per *Mosē* vetat Exod. XX, 26,
Non

Non ascendes per gradus ad altare meum, ne reveletur turpitudine tua.

Ibid.

Quum it ad Argeos,] Gronovius ad hunc locum varia sed perplexa auctorum testimonia affert, adeoque lectorem incertum dimittit. Omnium diligentissime super *Argeis*, five *Argeis* differit *Philippus Beroaldus*, quem vide sis Annotat. Syllog. II, p. 231, Tom. I. Thesaur. Gruter.

Ibid.

Album habet galerum] Emenda *Isidorum* Lib. XIX Orig. Cap. 30, GALERIUM, pileum ex pelle caesæ hostiæ factum. Item paulo superius ibid. *Gentilium vates insula*, apice, pileo five galerio utebantur. Lege *Galerum*, & *galero*; nam veteres ἡδερύς *galerum* dixisse notum est.

CAP. XVIII, p. 493.

Artemisia Mausolum - -] Fallitur *Oliverius* in Notis ad *Valerium Max.* p. m. 395, (cujus errorem *Lexicon Fabro-Cellarianum* sequitur) qui *Artemisiam* nostram, *Hecatomni* filiam, cum incluta illa *Halicarnassi* regina, *Lydamidis* filia, confundit, de qua sæpiuscule meminit *Herodotus* (Lib: VIII, pag. m. 561.

561-571-575) item *Pausanias* (in *Laconicis* L. III, p. m. 179) nec non *Suidas* p. 142. Alia porro est *Artemisia*, Philosopha, *Diodori Croni* filia, de qua *Menagius* in *Historia* Mulier. Philosoph. §. LX, p. m. 496.

Ibid. p. 494.

Mausoli - sepulcrum illud memoratissimum] Cujus figuram nuper spectandam exhibuit vir Nobilissimus *Jo. Bernhardus Fischerus ab Erlachen* in specimine *Architecturæ Historicæ*, edito *Viennæ* A. 1721, Tab. VI. *Vitruvii*, *Plinii*, *Strabonis* & *Herodoti* lineas sequutus:

CAP. XXIII, p. 504.

M. Cato non solum existimatas, sed multatas quoque a judice -] existimatas, h. e., reprehensas, sc. convitiò aut sermone. Conf. *Vorstii* Lat. select. P. I. Cap. 6, p. m. 219. Adde *Suetonium*, qui *existimationem*, pro sinistro judicio sive reprehensione dixit in *Tiberio* Cap. 58. *Paulatim hoc genus calumniæ ed processit, ut capitale esset, dictum ullum factumve ejus existimatione aliquà læsisse*. Quò accedit illud *Nazarii* in *Panegyri*. *Constant.* Cap. V, princ. *Existimare quidem de Principibus nemini fas est*. Perperam adeo *Briofius Gellii nostri* sive potius *Catonis existimatas*, (quas Gallicè vertit *notées, deshonorées*) ad singularia *Gelliana* refert.

Ibid.

Ibid. p. 505.

Imperium, quod videtur, habet,] Hæc verba *Catonis* me non assequi fateor. Legendum suspicor, *imperium, quoad vivitur* (in matrimonio) *habet* Vir.

Ibid.

Ille te, si adulterares,] Expunge illud, *si adulterares*; quod ex margine glossatoris librariorum culpâ in textum irrepsisse rectè *Thysus* conjecit. Fidem faciunt vetustissimæ editiones, quæ sic includunt: *illa te (si adulterares)*

CAP. XXIV, p. 507.

Ex Origine M. Catonis] forte *ex Origine IV Catonis*. Vid. Gell. II, 19, extr.

Ibid. p. 508.

Sacerdotes - quum condicunt in diem tertium, diem perendini dicunt.] Atque hoc significat nota illa apud *Valerium Probum* pag. m. 1476, I. D. T. S. P. *in diem tertium, sive perendini*. De verbo *Condicere*, pro *denunciare*, vide *Festum* & *Serv.* ad *Æneid.* III, vs. 117, p. m. 510.

CAP. XXV, p. 509.

Clunacula,] ita habet editio *Jac. Gronovii*,
forte

forte vitiô librarii. lege *Clunacula*, uti probè monet *Turnebus* L. XIX. Advers. C. 32. Emenda porro *Isidorum* Lib: XVIII. Orig. Cap. 6. *Clunaculum* (vulgo male *Clunabulum*) dictum, quod religetur ad clunem.

CAP. XXVII, p. 513.

Duas tesserulas, in quarum altera caduceum, in altera bastæ simulacra fuerunt incisa.] Apponere hic lubet, quod *Pignorius* in Libro de Servis p. 155 sq. scriptum reliquit: *Tesserae* cujus figuræ essent, satis indicat nomen. Materia earum ligustrum fuit, ut asserit *Plinius* Lib: XVI, Cap. 18. Ego eburneas vidi non paucas: & ejusmodi unica apud me est, cujus hic exemplum apposui,



ut usum *Tesserarum* aliquem constituere possimus. — Et nunc demum intelligemus, quod est apud *Gellium* de Q. Fabii epistola ad *Carthaginienses* missa, —

* *

LIB.

LIB. XI. CAP. II.

p. 518.

C*upidus, elegans, vitiosus,*] Qui alias hic lectiones comminiscuntur, meminerint, non aliter legi apud *Nonium* Cap. VI, n. 98.

Ibid. p. 519.

Vestiri in foro honestè mos erat,] Unde *Cicero* de *Fin.* II, p. m. 64, *Ut vestitum, sic sententiam habeas aliam domesticam, forenssem aliam.* Contrà quam de *Hunnis* tradit *Ammianus* Lib: XXXI, p. m. 548, *Nec alia illis domestica vestis est, alia forensis.* Adde quod de *Al. Severo* narrat *Lampridius* Cap. 42, *judices cum promoveret, exemplò veterum & argento & necessariis instruebat, ita ut praefides provinciarum acciperent ----- vestes forenses binas, domesticas singulas.*

Ibid.

Equos carius quam coquos emebant veteres Romani.] Quam in rem illustris est locus *Livii* Lib. XXXIX, c. 6. *Luxuriæ peregrinæ origo ab exercitu Asiatico inuenta in urbem est. --- tum coquus, vilissimum antiquis mancipium, & æstimatione & usu, in pretio esse: & quod ministerium fuerat, ars haberi cæpta.*

PARS III.

S

Si-

Sicuti apud Græcos, (præterquam *Lacedæmonios*, de quibus vide sis *Ælianum* H. V. XIV, 7) quibus ars coquinaria censebatur disciplina liberalis, uti pluribus locis testatur *Athenæus*, Libro nempe XIV, Cap. XXII, p. 658, 659, & Cap. XXIII, p. 660 sq. Atque coquorum quidem apud Romanos pretium & copiam jam false perstrinxit *Seneca* Epist. CXIV, sub fin. item ex Græcis *Theopompus* apud laudatum *Athenæum* Lib. VI, extr. p. m. 275. Quod quidem pretium primus imminuisse mihi videtur *Alexander Severus*, qui *coquos non nisi servos suos habuit*, ut auctor est *Lampridius* Cap. 42.

Ibid.

[*Poëtice artis bonos non erat*] Vide sis *Ideam* meam *Historiæ Litter. vet. Rom. Lib. III*, Cap. III, Quæst. III, p. 272 sq.

Ibid.

[*Si qui in ea re studebat*,] Verba sunt *Catonis*, non, ut *Lexicon Fabro-Cellarianum* tradit, *Gellii*. Affine huic est illud *Petronii* Sat. p. m. 193, *In argento planè studiosus sum*, i, e, studeo argento, uti *Schefferus* exponit. Pariter Græci φιλοπονεῖν ἐν τινα dicunt. Vide *Goldastum* ad Hadriani Rescripta, num. 140, p. m. 549, Vol. XII. Biblioth. Græc. Fabric.

Tbid.

Ibid.

Rubigo interficit ferrum] sic inanimata interfici & occidi veteres non raro dixerunt. Testimonia ex *Plauto*, *Lucilio*, *Virgilio*, *Salustio* & *Cicerone* habes apud *Nonium* VI, 9. quod in gratiam *Lexici Fabro-Cellariani* monere visum est.

Ibid.

Torpedo plus detrimenti facit, quam exercitio] Antiquissima editio Veneta A. 1472, 2^a liaeque habent *exercitatio*. Retine vulgatum, *exercitio*, quod vocabulum & probum est, & ab *exercitatione* diversum, ut *Festus* docet: *Exercitionem exerciti* (sc. in laboribus) dicebant antiqui: *Exercitationem exercitati*, sc. in studiis.

CAP. IV. p. 521.

Versus Enniani hi sunt: - -] Egregiè pro more suo super his versibus differit *H. Stephanus* in *Comicorum Græcorum Sententiis*, (quas edidit Anno 1569) pag. 347 sq. ubi interpretationem Gallicam a se factam memorat, quæ est hujusmodi.

*Si du pource & du riche un mesme mot tu ois,
En ton endroit pourtant il n'est de mesme poids.*

S. 2

CAP.

CAP. VII, p. 526.

Idque apud Cæcilium in Polumenis legerat,]
 Locus Cæcilii exstat apud *Noniam* Cap. II,
 num. 354,

*Ego neque florem neque flores volo mihi, vi-
 num volo.*

Emenda autem *Nonium*, in quo editur *Cæci-
 lius Adpol.* sive *ad Pol.* retine vulgatum titu-
 lum comœdiæ Cæcilii, in *Polumenis*; quam
 nimirum poëta e *Menandro* convertit, cujus
 Comœdiam Πωλύμενος inscriptam, citari me-
 mini ab *Athenæo* Lib: VI, Cap. 12, p. 248,
 atque aliis; ut proinde frustra Critici de hoc
 titulo disceptent. Adde quod versus Cæci-
 lianus, quem ex *Nonio* adduxi, titulum, *Polu-
 meni*, tacitè approbare videtur, quasi in ta-
 bernam, ubi vinum venditur, factus.

CAP. VIII, p. 526.

A. Albinum] Hunc *Albinum* ne, exemplô
Gesneri, confundas vel cum Juniore illo *Al-
 bino*, cujus tres versus ex Libro I. *Rer. Rom.*
 citat *Priscianus* Lib: VII, p. 741, vel cum
 aliis *Albinis*, inspice, quæso, *Celeb. Fabricii*
Biblioth. Græc. Lib: III, Cap. 2, p. 43, &
Jo. Mölleri *Homonymosc.* Cap. IV, §. 3.
 353 sq.

CAP.

CAP. IX, p. 527. sq.

Demosthenem lanā multā collum cervicesque circumvolutum] More poëtæ apud *Martialem* L. VI. Epigr. 41, qui recitat lanā fauces & colla revinctus: aut *Stephani*, qui cædem *Domitiani* moliebatur, *sinisteriore brachio velut ægro lanis fasciisque per aliquot dies ad avertendam suspicionem obvoluto*, ut *Suetonius* tradit in *Domit.* c. 17, ubi vide sis *Casaubonum* p. m. 691.

p. 528.

Tum e populo unum exclamasse,] Quis ille unus e populo fuerit, indicat *Jul. Pollux* *Onomast.* L. VII, Cap. 24. Ἀργυράγχη, ὡς Δημάδης σκώπῳν Δημοσθένη, συνάγχῃ λέγοντα ἐπὶ λῆφθαι, i, e, interprete *Rod. Gualthero*, p. m. 335, *Argentangina*, ut *Demades* *Demosthenem scommate elusit, anginā se teneri dicentem*.

CAP. XV. p. 534.

Laberius in lacu Averno] Fragmentum aliud ex hac comœdia affert *Nonius* Cap. II, n. 171, ubi notandus est error editionis *Mercerianæ*, in qua est, *Laberius Lacubalerna*, pro, *lacu Averno*.

Ibid. p. 535.

Populabundus agros ad oppidum pervenit.] Hunc *Sisennæ* locum paulo aliter refert *Nonius*
S 3

nus Cap. VII, n. 26. *Protinus agros populabundus ad Numeriam convertit.*

CAP. XVI. p. 537.

Rerum cujuscemodi plurimarum] ita Stephanus, ita Gronovius, aliique complures. Mihi aut retinendum videtur, quod veteres editiones tradunt, *ejuscemodi*, aut certè legendum, *cujusquemodi*.

CAP. XVIII. p. 541.

Qui de moribus legibusque eorum (Lacædæmoniorum) *memorias condiderunt,*] Hi sunt ex antiquioribus *Terpander, Dioscorides, Sphaerus, Aristocrates, Heraclides, Hippasus, Helanicus, Sæus, Critias, Molpis, Aristocles, Perseus, Broxenus*, quorum monumenta ætatem non tulerunt: ex recentioribus *Nicolaus noster Cragius, Joannes Meursius, & Guilleterius.*

Ibid.

Apud Lacedæmonios - - jus atque usum fuisse furandi dicunt,] sed eâ lege, ut, qui furto prensus esset, verberibus cæderetur, quod minus solers videbatur, ut *Plutarchus* docet in *Lycurgo* p. 50. Conf. *Sext. Empiric. L. III, Cap. 24, § 215, p. m. 181, Heraclid. Polit. p. m. 979, & Crag. de Rep. Laced. p. 181 sq.*

Ibid.

Ibid.

Fures privatorum furtorum —] Quod ita reddit *Seneca* Epist. 87. *Sacrilegia minuta puniuntur, magna in triumphis feruntur.* Atque huc referri potest dictum *Diogenis*, qui, cum videret quemdam ex *æratio* phialam furatum a magistratu ad supplicium duci, Οἱ μεγάλοι, ἔφη, κλέπτει τὸν μικρὸν ἄγχι. v. *Laërt.* Lib. VI, §. 45, P. m. 337.

Ibid. p. 542.

Solâ mente atque animo, ut furtum fiat, an-nitente.] Quam in rem legi mcrentur, quæ doctissimus *Bynkershoekius* scitè differt Lib. III. Observat. Jur. Rom. Cap. 10, *Solus animus quemadmodum æstimetur in criminibus*; ubi locus *Gellii* quoque perpenditur, p. m. 257.

* * *

LIB. XII. CAP. I.

P. 543.

Nihil dubito, quin mater filium lacte suo nutritura sit,] Quod hic *Favorinus* philosophus suadet, id vero in antiquis *Inscriptionibus* prædicari & laudi duci video. Sic legas apud *Gruterum* Pag. DCXVII, n. 6.

S 4

GRA-

280 CHRISTIANI FALSTERI
 GRATIÆ. ALEXANDRIÆ. COIVGI.
 DVLCISS.
 INSIGNIS. PVDICITIÆ. ET. RARI.
 EXEMPLI.
 QVÆ. FIL. SVOS. PROPRIIS. UBERIB.
 EDVCAVIT.

Conf. n. 8, ibid.

Ibid. p. 545.

— *Laetis quoque ingenia & proprietates valere.*] quo factum puto, ut apud veteres Romanos suus cuique filius non in cella emæ nutritis sed gremio ac sinu matris educaretur, ut ait auctor Dialogi de Orat. XXVIII, 5. Ceterum, si audiendus est Joannes Matth. Quæst. Med. XVI, Ratio illa, mores nutricum cum lacte ingenerari, nulla est: falsa illa sollicitudo est: alimentum enim ingenium non mutat. Conf. Pufendorf Lib. VI. de J. N. & G. Cap. II, §. V, p. m. 910.

Ibid. p. 546.

Externæ atque barbaræ nationis nutritrix] Romani nimirum nutrices ex Græcia plerumque vel certè Græcis moribus institutas accire solebant: quam ob causam Auctor Dialogi de Orat. Cap. XXIX, princ. indignabundus, *At nunc, inquit, natus infans delegatur Græculæ*

cule alicui ancilla. Sicuti & *Plutarchus* τοῖς ἡθελὶ ἑλληνίδας commendat in libro πρὸς Παιδων ἀγωγῆς, Cap. IV.

Ibid. p. 547.

Amandati ad nutricem aliam filii] amandati, eleganter, si ratio habenda est distinctionis *Servii* ad *Æneid.* III, 50, p. m. 499. *Mandarat est amoris: Amandaret vero odii est:* &c. *Amandare, est, sub specie legationis aliquem relegare.*

CAP. II, p. 548.

Flos delibatus populi - -] Ego non dubito, poetam *Ennium* scripsisse, *flos delibatus* - - - quod propius ad rem accedere videtur, quam vel *delibatus*, vel, quod nuper *Isaacus Verburgius* ad *Ciceronis Brutum* Cap. XV, reponendum coniecit, *delibratus*.

Ibid. p. 550.

Dignus Seneca videatur lectione ac studio adolescentium,] Quod *Gellius* h, 1, de *Seneca* existimat, idem fere de eodem legas apud *Quintilianum* Lib: X, Cap. 1. Tum solus fere *Seneca* in manibus adolescentium fuit. Quem non equidem omnino conabar excutere, sed potioribus præferri non sinebam, - - - &c. Tacco de *Caligula*, qui *Senecam*

arenam suæ calce pronuntiat apud Suetonium Cap. LIII. Taceo de recentiorum Criticorum dissidiis circa Senecam, quorum conspectum Celeb. noster *Lintrupius* in Præfat. ad *Sueningii* Theologiam Senecæ Naturalem reliquit.

CAP. III, p. 550.

Valgius Rufus in secundo librorum, quos inscripsit, de rebus per epistolam quæsitis,] De hoc *Valgio* vide sis, quæ dixi in *Memoriis Obscuris* Part. I, p. 117 sq. Inscriptionem, de *Rebus per Epistolam quæsitis*, imitatus est *Aldus Manutius*, Aldi filius, in *Libris III. de Quæsitis per Epistolam*, uti ipsemet fatetur Lib: I, p. m. 227; & novissimè *Christoph. Aug. Heumannus*, qui Epistolas suas *Miscellaneas* sive *Pœcilem* ad exemplum *Valgii Ruffi* composuit, quod ipsemet in Præfatione Tomi I. Lib: I. testatur. Sed, & Clarissimum *Jo. Drusium*, Academix *Frapekeranzæ* quondam lumen, edidisse Epistolarum librum, cui nomen *de Quæsitis per Epistolam*, video ex Celeb. *Jo. Buxtorfii* Epistolar. Institut. Hebr. Cap. VII, p. 67.

CAP. V. p. 559.

Quum vulnera ejus a medicis exscabantur, videre solitus fuit gladiator Cæsaris] *Medici* dicuntur h. l. Chirurghi, ut rectè monuerunt Interpretes. Hos *Plinius* itidem *Medicos vul-*
ne-

verum vocat L. XXIX, 1; atque in Inscriptionibus sæpius legas, *MEDICUS CHIRURGUS*. V. Gruter. Pag. CCCXXXV, n. 1, & CCCC, n. 7, nec non *Manutii* Orthogr. pag. 243. Deinde pro *exsecabantur*, alii legunt, *exsiccabantur*. Mihi vero certior est prior lectio, tum quod codicum antiquissimorum auctoritate nititur, tum quod locò illò *Senecæ* Epist. LXXVIII. mihi confirmatur: Ille, qui dum varices exsecandas præberet, legere librum perseveravit. Denique nota satis est gladiatorum veterum in doloribus contemnendis constantia, vel ex testimonio illo *Ciceronis* L. II. Tusc. Qv. p. m. 142. Gladiatores quas plagas perferunt? — Quis mediocris gladiator ingemuit? Quis vultum mutavit unquam? &c. Confer *Senec.* de Tr. An. Cap. XI, & *Diogenem*, qui rogatus, cur ἀθληταὶ ἀναισθητοὶ εἶεν; respondit, ὅτι κτάσιν ὑλοῖς καὶ βοσίοις ἀνὰ πόδῳ μὲνται, quia suillis ac bubulis carnibus exstructi sunt, ut est apud *Laërtium* Lib: VI, §. 49, p. m. 339.

CAP. IX. p. 564.

Injuriam — alteri tradunt,] Sic molestiam tradere, dixit *Cornelia*, mater *Gracchorum*, in Epistola apud *Nepotem*, p. m. 397.

CAP. XI. p. 567.

Veritatem Temporis filiam] sicuti ἡ χρόνος

σοφώτατον ἀπάντων dicitur *Thaleti* apud *Laërtium* I, 35, ἀνευρίσκει γὰρ πάντα.

CAP. XII, p. 568.

Ἀκροινόνητοι] *Trillerus* meus significat, se malle ἄγαν ἀνόνητοι, valde imprudentes. ἐκ ἀνόνητος. Sed ut nihil amico blandiar, fateor, mihi placere receptum ἀκροινόνητοι, quod tum vetustissimæ editiones constanter fere servant, tum *Cicero* alio quoque in loco dicat, nempe Lib. VI. ad *Atticum*, Epist. 3. *Nullas unquam ad me litteras misit Brutus, in quibus non inesset arrogans, ἀκροινόνητον aliquid.*

CAP. XV. p. 573.

Vellicatim] ita *Nonius* quoque legit Cap. II, n. 911.

Ibid.

Continentia] i, e, continuo ordine.

* * *

LIB. XIII. CAP. II.

P. 577.

T*Ragædiani*, cui *Atreus* nomen est] de quo titulo jam dixi in *Memoriis Obscuris* Part. I, p. 72, 73.

CAP.

CAP. III, p. 578.

In quo de P. Africano Pauli filio ita scriptum est: - -] Quò pertinet, quod de eodem *P. Africano* refert *Frontinus Strategem. IV, 7, 4, eum, cum quidam parum pugnacem dicerent, dixisse; Imperatorem me mater, non bellatorem genuit.*

Ibid.

Nimis bonum imperatorem signis collatis non decertare, nisi - -] Præter varias lectiones, quas *Gronovius* aliique commonstrarunt, vetusta quædam editio Veneta habet, *pro non nimis b. i. f. c. d. n.* Quod monere visum est, quanquam nihil extricare queo. De cetero, memoratum *L. Æmilii* dictum respicere videtur *Vegetius Lib: III. de Re Mil. Cap. XXVI. de Regulis bellorum generalibus: Boni duces publico certamine nunquam nisi en occasione aut nimia necessitate configunt.*

CAP. IV. p. 579.

Olympias ei, Alexandro, rescripsit ad hanc sententiam: - -] Quæ sequuntur ab *Olympiade* rescripta, ea a Græculo quodam conficta suspicatur *Phil. Carolus p. 478.* sed ignoravit, ut puto, vir Clarissimus, eadem ferè tradi apud *Plutarchum* in vita *Alexandri p. 665.* Aliam *Olympiadis* ad *Alexandrum* epi-

epistolam memorat *Athénæus*, quem vide Lib: XIV ; Cap. XXII, p. 659, 1q.

CAP. VI, p. 582.

Rusticus sit sermo, si adspires perperam] Dolendum, periisse commentarios *Fortunatiani*, quos *rusticò sermone* conscriptos testatur *Hieronymus* de Viris Ill. Cap. XCVII, p. m. 185. Quod si vitam & vires DEUS concesserit, de *Rustica Lingua Latina* singularum libellum conscribere proposui.

Ibid.

Id vocabulum, quod dicitur vulgo Barbarismus, qui ante divi Augusti ætatem purè atque integrè loquuti sunt, an dixerint, nondum equidem inveni.] Objici hic a Criticis solet testimonium *Auctoris ad Herennium* Lib: IV, c. 12, *Barbarismus est, quum verbum aliquod vitiosè effertur.* Ego vero ex verbis Gellii haud obscurè auguror, Libros Rhetoricorum ad Herennium ante ætatem Augusti scriptos non fuisse, neque *Ciceronis*, *Cornificii* aut æqualium esse, sed recentioris cujuscipiam scriptoris, ut nonnulli autumant. Quinimo si vel maxime *Cicero* auctor fuerit, culpa tamen *Gellius* omnino vacat, qui auctoritatem se nondum invenisse modestè atque ingenuè fatetur.

CAP.

CAP. VIII, p. 584.

Afranius sapientiam filiam esse Usus & Memoriae dixit.] Sic *Plutarchus* περί Παιδ. αγωγή. Cap. XII. καὶ διὰ τὸτο μητέρα τῶν Μουσῶν ἔμνηθ' ἀδολόγησαν εἶναι τὴν Μνημοσύνην - - - Conf. *Athenaeus* Lib. XI. Cap. XV, p. m. 503 de Phiala, quā *Plutarchus* ταῖς Μουσαῖς καὶ τῇ τῶτων Μνημοσύνῃ μητρὶ libavit.

Ibid. p. 585.

Quem versum Macedo scribi debere censebat pro foribus omnium templorum.] Cujusmodi ornamentis fores templorum decorari mos fuit, ut *Cicero* quoque docet pro Archia Cap. XI, *Brutus Attii amicissimi sui carminibus templorum ac monumentorum aditus exornavit suorum.* Neque vero versibus tantum, sed & Historiis, uti ex *Servio* discitur ad *Virgil. Aeneid.* I, 509, *Magno studio & labore templorum fores fiebant, quas quibusdam insignibant historiis, ut - - -*

Ibid.

Indignius neque intolerantius] pro intolerabilius. Atque ita non *Laevius* modò locutus est, teste *Nostrò* XIX, 7, sed & *Tacitus* Annal. III, 45, 4, *Quantò intolerantior servitus iterum viciis.* Item XI, 10, 5, *Ingens gloria atque eo ferocior, & subjeclis intolerantior.*

tior. Quæ loca jam quondam in gratiam Lexici Fabro-Cellariani in *Supplemento* meo *L. Latine* p. 189 indicavi. Superaddo testimonium *Flori* IV, 12, 36, ubi quidam pro *intolerantius*, malè legunt *intolerabilius*. Taceo de *Iac. Mos. Brioso*, qui apud Gellium loc. cit. corruptè legit *intoleratius*, si vitium *Briosi* est, non librarii.

Ibid.

Intercutibus ipsi philosophi vitiis madentes.] Sic Cato apud *Priscianum* Lib: VI, p. m. 207, *intercutibus stupris obstinatus*, dixit, pro *intestinis*, quem Noster procul dubio imitatur; ut proinde Gellianismum frustra observare sibi visus sit *Briosus*.

CAP. XI, p. 588.

NECIS. QUID. VESPER. SERUS. VEHAT.] Antiquissimus hujus Proverbii auctor jam ante *Varronem* est *Salomon* Proverb. XXVII, 1. Μη ναυχῶ τὰ ἐκ ἀνδρῶν, ὅτι γὰρ γινώσκεις, τί τέξεται ἡ ἐπισσα, sive, ut *Aquila*, *Symmachus* & *Theodotio* reddunt, ἡπίστα.

CAP. XII. p. 591.

Agitabat hominem, Labeonem, libertas quædam nimia atque vecors.] Hinc factum in gratiam Augusti, uti rectè *Torrentius* divinavit, pro-

proverbium ab *Horatio* I, Sat. III, 82, *La-beone infanior*. Conf. *Sueton.* in *Augusto* Cap. 54, & *Heinecc.* Ant. Jurispr. Rom. L. I, Tit. II, § 39.

CAP. XIII. p. 594.

*Quum ex angulis - -] Anguli hic signific-
cant Scholas umbratiles, uti & apud Ciceronem* Lib: I. de Orat. Cap. 13, *Ut de his re-
bus omnibus in angulis, consumendi otii causa,
differant.*

CAP. XIV, p. 595.

*Qui libros de auspiciis scripserunt,] Vide de
his, quæ diximus in Memoriis Obscuris Part.
III, p. 179.*

Ibid. p. 596.

In Elidis grammatici veteris commentario]
Obscurum in *Historia Romana* nomen, *Elis*,
quod frustra, ut opinor, alibi quæras, præ-
terquam apud *Gruterum* *Inscript.* Pag.
DCXXXVI, n. 3, de femina:

C. CORNELIUS.

MELIBOEUS. SIBI.

ET. SENTIÆ. ELIDI. - -

PARS III.

T

CAP.

28 CAP. XV, p. 597.

[*De Cælo servasse*] est, Cœlum observasse. Phrasis auguria. Sic *Cicero* Lib: II. de *Divinat.* p. m. 289, *jam vero de cælo servare non ipsos censes solitos, qui auspicabantur?* Conf. *Stat.* *Theb.* VI, 932 & VIII, 194, atque *Scholiast.* ibid. item *Lucan.* V, 395, & *Strab.*, qui *δοσσημεῖα* vocat Lib: XVII, p. m. 1168.

30 CAP. XVII, p. 600.

[*Erucius Clarus*] de quo vide sis *Memorias nostras Obscuras* Part. II, p. 144. Conf. *Grut.* *Inscript.* Pag. CCIX, 1, vs. 5, & *Variorum Corrigenda* ib. p. CCCXXIV.

CAP. XVIII, p. 602.

[*Φυλετίδης*, tragœdia *Sophoclis*,] Retine inter varias lectiones antiquissimam, *Φιλοκτήτης*, quam fabulam *Sophoclis* deperditam *Priestianus* Lib: XVIII, p. m. 1169 & *Hesychius* *Ζηλό* memorant.

CAP. XIX, lemm.

[*De genere atque nominibus familiæ Porciæ.*] Ne quis diu cum ipsis etiam veteribus Romanis inter *Catones*, quos *Gellius* memorat, erret, brevi hac tabulâ propaginem *Catonianam* complecti visum est.

M.

M. PORCIUS CATO CENSORIUS.

M. CATO.

CATO SALONIANUS.

Filius Catonis Major.

Filius Catonis minor,
de quo lege cumprimis *Plutarchum* in
Catone p. 350 sq.

M. CATO NEPOS.

L. CATO.

M. CATO.

CATO UTICENSIS.

Filius M. Catonis Saloniani,
Pronepos Catonis Censorii.

CAP. XX, p. 607.

Rectosque cupressos] Fallitur itaque *Priscianus*, qui femininum, *hec Cupressus*, tantum agnoscit Lib: VI, p. m. 205.

T 2

CAP.

CAP. XXI, p. 609.

In mores atque litteras spectatus a divo Hadriano Castricius] Id est, ut opinor, *morum atque litterarum magister electus* : sicuti apud *Plinium Jun.* me legere memini IV, 13, 11. *Rogo, ut ex copia studiosorum - - circumspicias praeceptores, &c.* De Castricio jam dixi in *Memoriis Obscuris* Part. II, p. 138.

Ibid.

Discipulos quosdam suos senatores] Quam equidem constructionem, *discipulos senatores*, non in *sensu diviso*, ut loquuntur philosophi, sed in *composito* accipio. Nimirum etiam Praetores, senatores, equites alique hujusmodi *Patricii aequales* Rhetorum obire solebant, ut in multis nos *Suetonius* docet Cap. VII. de Ill. Gr. *Scholam ejus* (Gniphonis) *claros quoque viros frequentasse ajunt* : in his *M. Ciceronem*, etiam cum praetura fungeretur. Conf. *Macrob.* Lib. III. Sat. Cap. 12, & iterum *Sueton.* Lib. de Rhetor. Cap. 1, de Consulibus *Hirtio & Pansa*, quos *Cicero discipulos & grandes praetextatos* vocare solebat. Taceo de ipso *Gellio nostro*, quem etiam centumvirali dignitate praeditum, Rhetorum auditionibus operam dedisse, nemo diligens *Noctium Atticarum* lector ignorat.

Ibid,

Ibid. p. 670.

Cui hoc *M. Tullius* pro turpi crimine obje-
cit.] Ubi Gronovius *M. Antonium* esse,
quem *Tullius* criminatur, docet. Ego vero
nihil hujusmodi, nullum habitum *soleatum*
Antonio opprobriari memini, sed *Verri*, in
quem verba *Ciceronis* sunt V, 33, *Stetit so-*
leatus prætor Romanus, cum pallio purpureo -
Atque hujusmodi quidem insolentis cultus
exempla Clarissimi Romanorum *L. Sylla* &
P. Scipio præbent apud *Valerium Max.* Lib.
III, Cap. 6.

CAP. XXII. p. 612.

Ted' Anna Perenna - -] *Lepidam* hic re-
ferre lubet opinionem Celebrissimi *Huetii*, qui
in *Demonstrat. Ev. Proposit. IV*, Cap. X,
p. m. 252 singulas hic a *Varrone* nominatas
deas unam esse, *Sephoram* *Mosis* uxorem,
sibi persuadet, mihi non item.

Ibid. p. 614.

Servii Claudii] de quo dixi in *Memoriis*
Obscuris P. I, p. 105.

CAP. XXIII, p. 615.

M. Cato - -] Contrarium exemplum *Ca-*
toni opponi potest *Archelaus* edificator apud

Ælianum H. Var XIV, 17, ubi vide *Kühnium*.

Ibid.

Pretiosus servus] ut puto, *Coquus*, luxuriae minister. Conf. Lib: XI, 2, itidem ex *Catone*.

Ibid.

Siquid est, quod utar, utor —] ita locuti sunt veteres. Adde *Scævola* illud apud *Nonstrum* VII, 15. *Quod cui servandum datum est, si id usus est*, — Conf. *Nonium* Cap. VII, n. 112 ex *Titinnio*, *Novio* & *Lucilio*; quos etiam suo tempore imitatum video *Isidorum* Lib. XIX. Orig. Cap I, *Quales scaphas utuntur Germanorum piratæ*.

CAP. XXVI. p. 624.

Quasi ferrumine immisso] *Trillerus* meus aptius legi judicat, *immisso*.

CAP. XXVII, p. 625.

Qui pancratia vocantur,] Malim *pancratæ*, quod sermo Græcus suadere videtur; aut, quod veterum editionum quædam tradunt, *pancratiastæ*; quem titulum Comœdiæ suæ, Πάγκρατίαςῃ, fecit Poëta *Alexis*, ut docet *Atheneus* Lib: VI, Cap. IX, p. m. 242.

CAP.

CAP. XXVIII, p. 625.

Nobis ei (M. Frontoni) — assidentibus,]
Malim assidentibus, sicuti Lib. II, Cap. 2.
Taurus sedebat pro cubiculi sui foribus; Et cum
assidentibus nobis sermocinabatur. Item Lib.
VIII, lemm. 3. Quam severè increpuerit Pere-
grinus philosophus adolescentem Romanum ex
equestris familia stantem segnem apud se, —
Conf. Vigilia nostra Prima Noctium Ripen-
sium pag. 21, sq. Sed nihil muto.

Ibid. p. 626.

Longè longèque;] Editiones quædam vetu-
 stissimæ habent *longè lateque*, quod dissimula-
 re nolumus. Atque hanc scripturam appro-
 bare videntur ii Codices, qui, ut Gronovius
 monet, habent, *longè atque*. Ego tamen
 præfero receptum *longè longeque*, quò Gellius
 noster iterum unitur Lib. XIV, Cap. I. *Lon-*
gè atque longè per infinitum. Conf. Bentleyus
ad Horat. I, Sat. VI, 18.

CAP. XXIX, p. 627.

Tragœdia, quæ NIPTRA inscribitur, fa-
cta ex deperdita Sophoclis Νίπτρα. Vid. Suid.
in v. Παρυσία, & Cicero. L. II, Tusc. Qv.
p. m. 144.

CAP. XXX.

Caninum prandium.] Quid sit *caninum prandium*, variè disputari video. Ego, quum hæc verba desumpta esse constat ex *Varronis* quadam satura *Cynica*, quæ ΤΑΡΟΚΤΩΝ (ita enim profecto legendum est) inscripta est; nullus sanè dubito, *Caninum prandium*, esse prandium Cynicorum philosophorum, qui aqua pro vino utebantur; ut *Laërtius* tradit in vita *Cratetis* Cynici Lib: VI, §. 90, p. m. 358, ὕδαρ ἔπινεν; planius autem in vita *Menedemi* §. 105, p. 365, de philosophis Cynicis, eorumque cultu & victu: ἰνίοι τε γοῦν καὶ βολάναις, καὶ παντάπασιν ὕδασι χρῶνται Ψυχρῇ, plerique etiam herbis & aqua tantum frigida utuntur.

* * *

LIB. XIV. CAP. I.

p. 633.

Disciplinam istam *Chaldeorum* - - Illustris in hanc rem mihi videtur locus *Strabonis* Lib. XVI, p. m. 1074, quem proinde apponere lubet. Ἀφώριστο ἐν τῇ Βαβυλωνίᾳ καλοῖσιν τοῖς ἐπιχωρίοις φιλοσόφοις, τοῖς Χαλδαίοις προσαγορευομένοις, οἱ περὶ ἀστρονομίαν ἴσιν τὸ πλεόν. προσποιεῖσθαι δέ τινες καὶ γενεθλιαλογεῖν, ὅς ἂν καταδέχονται, οἱ ἕτεροι. - - Ἐστὶ δὲ

Ἡ καὶ τῶν Χαλδαίων τῶν ἀστρονομικῶν γένη πλείω.
Καὶ γὰρ Ὀρχηνοὶ τινες προσαγορεύονται, καὶ
Βορσιππιοὶ, καὶ ἄλλοι πλείους, ὡς ἂν κατ' αἰρέ-
σεις, ἄλλα καὶ ἄλλα λέγοντες περὶ τῶν ἀνίων
δύγμια, &c. i. e. *Constituta est habitatio
peculiaris in Babylonia philosophis indigenis,
plurimum astronomiam tractantibus, qui Chal-
dæi appellantur. Sunt ex iis, qui e natalibus
hominum eventura iis vaticinari se profitentur,
sed a ceteris non probantur. - - - Chaldaeorum
autem astronomicorum genera sunt aliquot. Nam
quidam Orcheni dicuntur, quidam Borsippeni
&c. alii complures, qui, ut in sectarum fieri so-
let diversitate, eisdem de rebus aliter atque ali-
ter statuunt. - - - uti venit Xylander.*

Ibid. p. 636.

*Ad eundem locum, quum eodem habitu simul
omnes. (stellæ erraticæ) profectæ sunt, regredi;*
ad quæ Trillerus: „ Legendus ita est locus:
„ Quo (sc. loco) eodem abitu simul omnes pro-
„ fectæ sunt, regredi. Habitu enim hic otio-
„ sum est. Quod ad rem ipsam, constat
„ veteres Astrologos Ægyptios æquæ ac Græ-
„ cos credidisse; post revolutionem annorum
„ 1461 (ut plurimi putant; alii tamen nu-
„ merum in immensum extendunt) maximi
„ conversionem fieri, qua omnes planetæ ce-
„ terique cœlestes orbes ad eundem regrede-
„ rentur locum, a quo ante id tempus fuif-
„ sent egressi: Atque huc spectat Gellius.

T 5

„ Ideo

„ Ideo rē *regredi* expungendum nequāquam
 „ est, ut voluit Gronovius, pro *habitu* au-
 „ tem necessario legendum est *abitu*? - -

CAP. II. p. 641.

Arhetorum epilosis] Ego pro, *epilogis*, non dubito Gellium scripsisse, *apologis*, quibus rhetores in scholis suis utebantur, uti *Suetonius* docet Cap. I, de *Claris Rhet.* Nam & dicta præclare, per omnes figuras, *per causas* & *apologos*, aliter atque aliter exponere consueverant rhetores. Item *Quintilianus* Lib: VI, Cap. 3, p. m. 541, *Similis in apologis quoque - - gratia consequi solet.* Hujusmodi *Apologus* est ille *Demosthenis* adversus *Philippum*: *Lupos* aliquorum *pastoribus*, quorum diligentiam decipere voluissent, suasse, ut in amicitiam convenirent: eā tamen conditione, ut *canes*, in quibus erat *causa* *jurgiorum*, illis traderentur: - - &c. Vid. *Isidor.* Lib: I, Orig. Cap. 39.

Ibid. p. 643.

Constabat virum esse ferme bonum,] *Gellius* procul dubio scripsit, *firmè bonum*, i. e., certissime; quum addit, *notæque* & *expertæ fidei*.

Ibid. p. 644.

Defamatissimæ vitæ] uti rectè *Gronovius* edi-

edidit, veteres codices sequutus. Sic Noster porro XVIII, 3. *Homo turpitudine vitæ defamatus.*

Ibid. p. 646.

Præcepta Ælii Tuberonis super officio judicis
Vide sis *Memorias nostras Obscuras* Part. III, p. 201.

GAP. III. p. m. 648.

Quod Παιδείας Κόρυς inscriptum est,] Sed jam ante Xenophontem *Antisibenes* quoque librum scripsit, cui titulum fecerat, *Κόρυς, ἢ Περὶ Βασιλείας*, ut *Laërtius* tradit L. VI, §. 16, p. 324, de quo *Cicero* insuper meminit ad *Atticum* XII, 37. quapropter in eorum sententiam facile me adduci poterat, qui *Κόρυς παιδείας* a Xenophonte non ad historię fidem, sed ad effigiem justı imperii scriptam esse opinantur cum *Cicerone* Lib: I, *Epist.* I, ad Q. Fratrem.

Ibid. p. 649.

Retrahandi levandique ejus operis gratiā,
Hærentur alii: ego vulgatum, retractandi,
retineo, quò consimilem fere in modum Ju-
venum Lib: II, *Hist. Evang.* vs. 85. uti video:

Sed pectora talia cernens,
Hoc, inquit, verbum scribarum dicta retractant.

Ibid.

Ibid.

Παιδείας δ' ἐνὸς θῶς - -] Quæ verba *Platonis* exstant in tertio de Legibus pag. m. 592.

Ibid.

Negat Socratem de cæli - -] Adde illud *Minucii* in *Octavio* XIII, 1. Si philosophandi libido est, *Socratem sapientiæ principem*, quis vestrum tantus est, si potuerit, imitetur. *Ejus viri*, quoties de cælestibus rogabatur, nota responsio est, Quod supra nos, nihil ad nos. *Conf. Lactant. III, 20, 10 & Cicer. Lib: I, Acad. Qv. Cap. 4.* Quod quidem sapientissimi philosophi dictum nonnulli ita interpretantur, quasi *Socrates scientiam rerum Cælestium dissimulando callidè simulare voluerit.*

Ibid.

Non pergerent,] Ubi *Trillerus* meus legit, *pertingerent*, quum in Vett. Codd. est, *perzinerent.*

CAP. IV. p. 651.

Imaginem Justitiæ] Paulo aliam *Justitiæ* imaginem a pictoribus factam se vidisse refert *Pausanias* in *Eliacis* Lib: V, p. m. 321, formosam nempe mulierem, quæ alteram (*Injustitiam*) fæda facie, sinistram obstricto collo trahit, dextrâ fuisse cædit & malo multat.

CAP.

CAP. VI, p. 656.

Ægyptus Aëria antè dicta] *h, e, ἡψια*, edita, sublimis, uti *Strabo* docet Lib: IV, p. m. 283. Adde, quod *Ægyptios* itidem *Aërios* dictos fuisse testatur *Isidorus* Lib: IX, Orig. Cap. 2, p. m. 1039.

Ibid.

Corinthus Ephyre dicta] Rationem reddit *Pausanias* L. II, p. m. 85. Ceterum non uni Corintho proprium hoc nomen, *Ephyre*, sed pluribus civitatibus commune fuisse, docet *Strabo* L. VIII, p. m. 520.

* * *

LIB. XV. CAP. I.

p. 663.

S*I* quid autem posset remedii - -] Confer sis *Amœnitates nostras Philologicas* Vol. I; Serm. LIII. de *Remediis Incendiariis Veterum*; pag. 236 sqq.

CAP. II. p. 664.

Tanquam Plato - - laudes ebrietatis - - scrip-
fisset] Vide *Platonem* ipsum de Legibus Lib:
II, p. m. 583 & Lib: VI, p. 623, nem *Laër-*
tium,

tium, qui de Platone Lib: III, §. 39, perhibet, πίνειν εἰς μέθην ἑδάμῃ πρέπον ἔλεγε, πλην ἐν τῷδε ἔρχεται τὸ καὶ τὸν ὄνον δόντος θεῷ. Quò procul dubio spectat illud *Apuleji* in *Apolog.* p. m.: 309, *Platonica familia nihil novimus nisi festum & letum & sollemne* - ubi vide *Scipionem Gentil.* pag. 313.

Ibid. p. 666.

Deluamus.] Veteres editiones habent, *di-
luamus*, quod monere visum est. *Trillerus*
meus mavult *deleamus*, aut *eluamus*, sed pro-
bè addit, *si necesse*.

CAP. IV. p. 668.

*Nilil adeo de quoquam tantæ admirationi
fuit,*] Sic Noster porro Lib: V, Cap. 14,
*Præter alia omnia leonum immanitas admi-
rationi fuit.* Item VII, 14, *Tum admirationi
fuisse ajunt* — & L. XV, Cap. 8. *Ea Cor-
nelii bariolatio magnæ mox admirationi fuit.*
Quæ quidem Gellii mei loca testimonio sunt,
frustra esse Franciscum Vavassorem, qui in
Antibarbaro p. m. 522, vix ac ne vix quidem
reperiri contendit, *admirationi esse.*

Ibid. p. 669.

Nam mulos qui fricabat,] *Fentidius Bassus;*
quem tacite procul dubio designat Seneca *Epist.*
XLVII. Erras, si enissimas ne quoddam quasi sor-
di-

didioris operæ rejecturum, ut puta illum mulionem, & illum bubulcum: non ministeriis illos æstimabo, sed moribus.

CAP. V. p. 670.

Barvasculo cuidam.] lege cum Veteribus nonnullis, barbatulo. Atque barbatulum advocatum cum puta, qui, ut ait Petronius Sat. p. m. 14, cruda adhuc studia in forum propellit, qui juvenis in foro videtur.

Ibid.

Qui Latine loquuti sunt, non profligatum, sed adfectum dixerunt.] Interpretum nonnulli insignem hic errorum in Gellio deprehendere sibi videntur: objectant auctoritates Ciceronis, Livii, Taciti, Flori, & aliorum, qui profligatum pro adfecto dixerunt: quibus & ego addere habeo testimonia Valerii Maximi VII, 5, 4, & Senecæ de Otio Sap. Cap. 29. Verumenimvero: ecquis diligens Noctium Atticarum lector nescit, eos, qui Latine loquuti sunt, non alios censi a Gellio, quam qui ante vel ad Ciceronis usque ætatem floruerunt, Scipionem, Catonem, Quadrigarium, Metellum, Pisonem, Gracchos, &c? Ecquis nescit porro, jam tum temporibus Ciceronis, peregrinitatem in Urbem Romanam fuisse infusam, uti ipsemet Lib: IX, ad Famil. Epist. XV, scribit? ut Gellio temere proinde error in hoc loco exprobetur.

CAP.

CAP. VIII, p. 674.

Orationem Veterem Favorini] de quo diximus in *Memoriis Obscuris* Part. I, pag. 54.

Ibid. p. 675.

Ut delibari sibi cœnas jubeant,] Lexicon Fabro — Cellarianum, nescio quô duce, quâ auctoritate, Gellio tribuit verbum, *delibrari*, in hoc loco. v. *Delibro*, col. 1341, edit. noviss. Gesner.

CAP. IX, p. 676.

Nam hi sunt inimici pessimi, - - -] Quòd refero illud *Taciti* in vita *Agricolæ*, *XLl, 1. Crebro per eos dies apud Domitianum absens accusatus, absens absolutus est. Causa periculi non crimen, aut querela læsi cujusquam, sed insensus virtutibus princeps, Et gloria viri, ac pessimum inimicorum genus, laudantes.*

CAP. X, p. 678.

Nudæ cum eodem laqueo - - efferrentur,] Pariter apud Romanos insepulti abjiciebantur, qui vitam laqueo finierant; quod voluntariæ mortis genus, *informe letum* vocat *Virgilius* *Æneid. XII, 603*, ubi *Servius* p. m. 1206, *Cantum*, inquit, fuerat in Pontificalibus libris, ut, qui laqueo vitam finisset, in-

se-

sepultus abjiceretur. — Conf. seqq. *ibid.*
ex *Cassio Hemina* & *Varrone*.

CAP. XI, p. 679.

Senatus consultum de Philosophis -] ut ego
quidem opinor, *Epicureis*. Quò refero ver-
ba *Æliani* Hist. Var. IX, 12, ὅτι Ῥωμαῖοι
Ἀλκαῖον καὶ Φιλίσκον, τὸς Ἐπικυρεῖς ἐξέβαλον
τῆς πόλεως, ὅτι πολλῶν καὶ αἰτόπων ἡδονῶν εἰσὴ-
χetai τοῖς νέοις ἐγένοντο. Conf. *Athenæus* L.
XII, Cap. 12, p. m. 547, & *Quæstiones* no-
stras *Romanas* Lib. III, Cap. II, Qv. II, p.
254 seq.

Ibid.

De Rhetoribus Latinis] Vide *Quæstiones*
nostras *Romanas* p. 165 sq. Adde quod *Julia-*
nus itidem *Rhetoras* docere vetuit, ut auctot
est *Ammianus* Lib: XXII. p. m. 480, item,
quod sub *Maximiano* eloquentia extincta,
causidici sublatis sunt, teste *Lactantiô* de Mort.
Persecut. Cap. XXII. Taceo de Clarissimo
Cellario, qui Edictum Censorium, quod
Gellius refert, bellè excusat in Dissertatione
XV. de *Studiis Romanorum litterariis in Urbe*
& *Provinciis*, §. VIII, p. m. 348 sq. cui
suam accusationem opponit postea *Joh. Nic.*
Funccius in Libro de *Adolescentia Linguae La-*
tinae Cap. IV, §. VII, p. 172 sq.

PARS III.

V

Ibid.

Ibid. p. 680.

Quâ tempestate Epictetus - -] Suidas p. m. 313. Epictetum usque ad tempora M. Antonini vixisse tradit, quod minus verisimile mihi videtur, si penitus inspexero ipsum Antoninum Lib: I, §. 7, & Lib: VII, §. 19. Adde quod Gellius noster, qui sub Antoninis floruit, recentiorem memoriam de Epicteto esse fatetur Lib: II, Cap. 18, ut proinde jam tum e vita pridem excefferit. Taceo multitudinem annorum, qui a Neronis imperio, sub quo jam inclaruerat philosophus, ad tempora M. Antonini fere centum intercefferunt.

Ibid.

Nicopolin] Vide sis quæ diximus in Memoriis Obscure Part. IV, p. 238, sq.

CAP. XII. p. 680.

Nulla apud me fuit popina,] luxuriæ officina; cujus nomen infame erat apud Romanos veteres, unde Lucillius Lib: I, apud Nonium, Cap. II, n. 705,

Infamem, inbonestam, turpemque odisse popinam.

Taceo de voce, Popina, quam corruptam esse docet Isidorus Orig. Lib. XV, Cap. 2, p. m. 1194, legendamque Propina.

Ibid.

Ibid. p. 681.

Propter me sollicitus est,] *lege sollicitatus*, quam veterum editionum scripturam cur Gronovius spreverit, imo ne indicârit quidem, nihil video.

Ibid.

Quas plenas tulerunt,] *Lege* (inquit *Trillerus* meus) *attulerunt*: Syllaba *as* absorpta videtur a præcedenti *as*.

CAP. XIII, p. 681.

Afranius in Consobrinis] Comœdia facta, ut opinor, ex Græca *Menandri*, quæ *Avespion* inscribitur apud *Athenæum* Lib: XV, Cap. 18 & 20, p. m. 700. Hujus alia fragmenta præbent *Festus* & *Charisius*.

Ibid. p. 682.

Hem isto parentum - -] Ne quem particula, *isto*, offendat, faciet, ut puto, *Plautus* *Rud.* IV, 7, 8,

Isto tu pauper es, cum nimis sanctè pius.

i, e, ea propter. In antiquissimo quodam *Gellii* libro legi video, *Hem hisco parentum* — quod clam esse nolo.

V 2

Ibid.

Ibid.

Vereri se ab suis.] Quæ de passiva forma verbi, *Vereor*, monere habeo, ea jam quondam monui in *Supplemento* meo L. Lat. p. 359, unde postea in *Lexicon* Fabro-Cellarianum sunt transcripta.

Ibid.

Pransum, paratum, cobortatum] Vide sis quæ de verbis *Coborto* & *Cobortatus* quondam monui in *Supplemento* meo L. Lat. p. 60. Ceterum quum *Gronovius* l. c. submonet, pro *Cobortatum*, legi simplex, *bortatum*, in Codice Regio Parisiensi, redit in memoriam; quod hoc itidem observare mihi contigit apud *Hirtium* de B. Hisp. Cap. 1, *Ita paucis commodis hoste bortato, majores augebantur copie*. Ubi nimis quam confidenter *Cl. Montanus* pronuntiat, *barbarismum esse* — Meminerit hic, antiquum esse, *bortor abs te*, ut *Gellius* l. c. docet; quod cum *Noster* improptum relinquit, testimonia præbet *Supplementum* meum, de quo dixi, pag. 145.

Ibid. p. 683.

Dilargitis proscriptorum bonis] *Sallustium* imitatur *Lactantius* VII, 1, 13, *Venditis aut dilargitis, quæ amant*, — Sed jam ante *Sallustium* *C. Gracchus* dixit, *Ærarium dilargitur*,

tur , παθητικῶς , uti *Priscianus* docet Lib. VIII, p. m. 287.

Ibid.

Aristippi Cyrenaicorumque omnium --] Philosophia Cyrenaica gemina censetur *Epicureæ*, atque Cyrenaici ἐν μιᾷς ἐνοχῆς ἑπικύρω πεπωκότες, ex eodem cum *Epicuro* poti poculo dicuntur *Plutarcho* T. II, Opp. pag. 1089; quanquam de *Voluptate* aliter sentire *Epicurum*, aliter *Cyrenaicos* monet *Laërtius*. L. X, §. 136 sq. p. m. 660; quorum ille summum bonum in voluptate animi esse censet: hi, sive horum princeps *Aristippus* in voluptate corporis, ut ait *Laëtantius* III, 7, 7.

Ibid. p. 685.

NI. TESTIMONIUM. FARIATUR.]

Mirè hic discrepant & Codices & Criticorum conjecturæ. Mihi verisimile videtur, Decemviros dixisse, FACIATUR; sic enim locutos esse Romanorum vetustissimos, nemo paulo humanior ignorat.

CAP. XIV. p. 686

Ego illud minus nihilo exigor portorium.] Ita legitur quoque hic versus apud *Nonium* II, 294. Quæ *Gronovius* in *Carrione* ad hunc locum reprehendit, falsa sunt. Vide ipsum

Carrionem Lect. Ant. Commentar. III, Cap. XVII, p. 85, Tom. III. Thesaur. Gruter. P. II. Denique ut ad versum nostrum redeam, *Nonius* auctorem & titulum Comœdiæ, ex qua desumptus est, sic citat, *Cæcilius Æschino*, quod sibi notent interpretes Gelliani.

CAP. XV, p. 687.

Cæcius in Synaristosis] Titulus *Synaristose*, sive *simul prandentes*, *Menandri* est apud *Plinium* Lib. XXIII, Cap. 9. sub init. ex quo procul dubio *Cæcilius* desumpsit. Sed & *Crates* Comicus fabulam scripsit, cujus titulum, *Συναριστῶσαι*, cum fragmento citat *Athenæus* Lib. VI, Cap. XII, p. m. 248.

CAP. XVI. p. 687.

In Chronicis] Vide sis *Memorias* nostras *Obscuras* P. III, p. 181.

CAP. XVIII. p. 690.

Ea Cornelii sacerdotis haviolatio] edita per *Ἰνδρασιμὸν*, ut putat *Plutarchus* in vita *Cæsar*is p. 730. quam ego tamen, si vera est fabula, ad spiritus aëreos refero. Vide sis *Amœnitates* nostras *Philologicas* Vol. I, Serm. VIII, p. 31.

Ibid.

Ibid.

Exercituum duorum conflictatio] Ne unum *Gellium* auctorem vocabuli, *Conflictatio*, credat *Lexicon Fabro-Cellarianum*, monstrare lubet antiquiorem *Quintilianum* Lib. VII, Cap. I, p. m. 584, *Juris autem quaestiones solent esse nonnunquam ex aliis atque aliis conflictationibus.*

CAP. XIX, p. 690.

Ut tuns pistor bonum faceret panem,] *Præstantissimi pistorum veterum erant e. Lydia, Phœnice aut Cappadocia. Vide Athenæum* Lib. III, Cap. XXIX, p. 112.

CAP. XX. p. 692.

Mulieres fere omnes in majorem modum exosus fuisse dicitur Euripides] Hoc odium *Euripidis* in sexum muliebrem paucis exponit *Sophocles* apud *Athenæum* Lib. XIII, Cap. I, p. 557, ἐν ταῖς τραγωδίαις μισογύνῃς. ἐν τῇ κλῆνῃ φιλογύνῃς, in *tragædiis mulierum osor, in cubili amator.* Conf. Cap. VIII. *ibid.* p. 603.

Ibid. p. 693.

Canibus a quodam æmulo immixtis dilaceratus est Euripides] De mortis genere, quo *Euripides* periit, non convenit inter *Scriptores*, quorum alii eum in *Macedonia* defunctum

tantum memorant, ut *Plutarchus* in *Lycurgo* p. 59, & de *Exilio* p. 604: Alii non a canibus, sed a mulieribus dilaceratum tradunt, noctu euntem ad Craterum, Archelai delicias. Vide *Suidam* p. 345. Unde *Pausanias*, incertus, quos auctores fugiat, quosve sequatur, Lib: I, in Atticis p. m. 3, τέθαιπται Ἐυριπίδης ἐν Μακεδονίᾳ παρὰ τὸν βασιλέα ἐλθὼν Ἀρχέλαον. ὁ δὲ οἱ τῷ θανάτῳ τρόπον, πολλοῖς γὰρ ἔστιν ἐνυημένος, ἐχέτω καθὰ λέγουσι. *Euripides cum in Macedoniam ad Archelaum profectus esset, illic sepultus est. Mortis vero genus, quale a multis vulgatum est, tale per me fuerit.* Ceterum Gellio nostro assentitur *Valerius Maximus*, quem vide Lib: IX, Cap. XII, ex. 4.

Ibid. p. 694.

Ut ossa Euripidis Athenas - .] Quæ cum Athenienses recuperare non possent, statuatam poetæ in theatro posuerunt, de qua meminit *Pausanias* in Atticis p. m. 36. Ceterum de sepulchro Euripidis prope *Aretbusam* vide *Plutarchum* in *Lycurgo* p. 59, & *Ammianum* Lib: XXVII, p. m. 517.

CAP. XXII. p. 695.

Cerva Alba] Unum hoc *Cervæ Candidæ* exemplum commemorat *Plinius* Lib: VIII. H. N. Cap. 32, plura, credo, ignorans.
Pau.

Pausanias tamen , σε ιλάφας ἐν 'Ρώμῃ λευκάς ,
Cervas albas Romæ multa cum admiratione
 spectasse refert in *Arcadicis Lib: VIII, p. m.*
 483.

CAP. XXIV. p. 697.

Certare hanc rem] Sic *Noster XVIII, 9,*
Hæc illi inter se certabant.

Ibid.

Dein Nævius - -] *Trillerus* meus mavult,
Nævio.

CAP. XXV. p. 699.

Recentatur,] Vide *Gatakerum* ad *Antoni-*
num Lib: III, §. 3, p. 123, de græco Tral-
liani πεκυντάτον, pro quo mavult πεκυντάτον.

CAP. XXVI. ibid.

Aristoteles quid Syllogismus esset - -] *Locus*
Aristotelis extat *Lib: I. Analyt. Prior. Cap.*
I, p. m. 30.

CAP. XXVII. p. 700.

In libro Lælii Felicis - -] Alius est *Lælius*
 ille in *Pandectis*, quem *Pancirolus* cum no-
 stro confundit. V. *Cornel. van Bynkershoek*
Lib: III, Observat. Jur. Rom. Cap. VIII, p.
m. 250 sq.

V 5

Ibid.

Ibid.

Per cornicinem] Nimirum *Cornicines*, æque ac *lictores*, ministri publici civitatis erant, per quos plebs antiquitus convocari solebat; ut docet *Dionysius Halic.* Lib: II, τὰς δημοτικὰς ὑπηρεταί τινες κέρπειβοεῖσις ἐμβρυκάνοντες ἐπὶ τὰς ἐκκλησίας συνῆγον, *Plebem ministri quidam cornibus bovillis insonantes ad concionem cogebant.* Adde versum *Lucilii* apud *Nonium* IV, 79,

Rauco concionem sonitu & curvis cogant cornibus.

item *Propertii* Lib: IV, p. m. 764,

Buccina cogebat priscos ad verba Quirites.

Vide *Lipsum* de Militia *Röm.* Lib: IV, Dial, X, p. 195, & *Wormium* nostrum de *Cornu Aureo* p. 25.

* * *

LIB. XVI. CAP. II.

p. 710.

D*Esierisne facere adulterium, an non?*] Similis est *Elenchus*, ut vocant, πολὺ ἐξηγήσεως, *Alexini* ad *Menedemum*; εἰ πέπαυται τὸν πατέρα τύπτειν? de quo*vide *Laërtium* Lib: II, §. 135, p. m. 158.

Ibid.

Ibid.

Quicquid non perdidisti, - -] Conf. XVIII, 2. Elenchus est *Chryssippi* apud *Laërtium* Lib: VII, §. 187, p. m. 480, quem *Suidas* quoque memorat p. m. 316 & 1028, & *Seneca* Epist. XLIX. iisdem verbis refert, atque in *exemplis acutæ delirationis* numerat. Idem forte aut certe par Syllogismus fuit, quo non nemo collegit adversus *Diogenem*, ὅτι κέραια ἔχει, de quo *Laërtius* meminit Lib: VI, §. 38, p. m. 334.

CAP. III, p. 711.

Quasi ex lingua prorsum ejus capti] *Trillerus* meus cum *Stephano* aliisque mavult, *apti*. Nam (inquit) alludit *Gellius* manifestè ad *Herculem Gallicum*, ex cujus lingua tenues catenulæ ex auro atque electro concinnatæ propendebant, quibus ille ingentem hominum multitudinem trahebat, omnes ab auribus revinctos, ad demonstrandam nimirum orationis vim in auribus hominum.

Ibid. p. 712.

βέλιμον - -] *Τίς αἰτία βέλιμος*, omnium diligentissimè disputat *Plutarchus* L. VI, Sympos. Qv. 8, p. 693 sqq. Ubi Auctor *προυλιμον* Æolicâ dialecto dici docet, quem reliqui Græci *βέλιμον* appellant.

CAP.

CAP. IV. p. 713.

POPULUS HERMUNDULUS] *Gronovius* pater *ridiculum* hic vocat *errorem* *Viri Clarissimi Ludovici Aurelii* ad *Tacitum* II, *Annal.* 63, opinantis, *Hermundulos* esse, quos *Tacitus* vocat *Hermunduros*. Ego veso, usquequo meliora edoctus fuero, cum *Ludovico* sentio, & *Hermundulos* pro antiquissimis *Misnæ* incolis habeo, de quibus vide sis *Antiquitatum Misnico-Saxonicarum Singularia* duobus libris exposita a *Clarissimo Gymnasii Altenburgensis Directore, M. Christiano Henrico Weisso*, A°. 1727, 8°, ut alios taceam.

Ibid. p. 716.

Infrequens dabatur.] Alius legit, *dicebatur*, alius *notabatur*. Mihi verisimilius videtur, *damnabatur*; nam *infrequentem* militem poena sequebatur, stipendii privatio, teste *Frontinô* Lib: IV. *Strateg.* Cap. I, extr. Cum a *Liguribus* in prælio Q. *Petilius* COS. interfectus esset, decrevit senatus, uti ea legio, in cujus acie COS. erat occisus, tota *infrequens* referretur, stipendium et annuum non daretur, æraque rescinderentur.

CAP. V. p. 717.

C. *Ælius Gallus*] Ita legendum. Alius est *Ælius Gallus*, dux Romani exercitus, atque
Ægyp-

Ægypti præfectus, qui cum Strabone Nilum totamque ferme Ægyptum perlustravit, de quo hic p. m. 118, item 780, 806. 816 & 819.

CAP. V, p. 718.

Aræ vacanti intersitâ] Hinc Noster aream Palatinam vocat Lib: XX, Cap. I. quam Vestibulum Palatii, sive, ædiam Palatarum dixerat IV, 1, & XIX, 13.

CAP. VI, p. 719.

Redeuntes Græcia, Brundistum navem advertimus.] Huc nimirum deferuntur, quibus ex Græcia sive Asia iter ad Romam est. Vide Strabonem Lib: VI, p. m. 433.

Ibid. p. 720.

Bidenti verre] Hinc dicti SACERDOTES BIDENTALES. V. Gruter. Insér. pag. XCVI, n. 6.

CAP. VII. p. 722.

Calabbariunculos dicit, quos vulgus calabarriones] Silent hic interpretes velut ex compacto. Veterum editionum aliæ habent Calabirriunculos & Calaburriones, aliæ talaburriones. Sed Laberius forte tabellariunculos dixit, quos vulgus tabelliones.

Ibid.

Ibid. p. 723.

Gubernium pro Gubernatore,] *Laberius* (minimè *Nævius*, quem *Lexicon Fabro-Cellarianum* auctorem profitetur in v. *Gubernium*) *Gubernionem* forte dixit pro *gubernatore*: nisi malis apud *Nostrum*, *guberniam* pro *gubernatione*.

Ibid.

In Necijomantia] Idem mimi *Laberiani* titulus citatur a *Nostro* XX, 6. Sed vetustissima editio *Veneta* atque huic proximæ utrobique habent *Necromantia*, quod non dissimulandum.

Ibid. p. 724.

Quid est iusjurandum? emplastrum æris alieni.] Versus *Laberii*, non, ut *Salmasius* scribit de *Foen. Trapez.* L. I, p. 81 & 269, *Lucilii*. Sensus est; *Perjuriô* hominem ære alieno liberari.

CAP. VIII, p. 724.

Quum in disciplinas dialecticas induci atque imbui vellemus,] Hinc *Lexicon Fabro-Cellarianum* phrasin confingit; *imbui in disciplinas*. Vid. v. *Imbuo*. Sed enim alia est, *in disciplinas induci*, alia. *imbui*, id est, tingi, lanæ aut similium rerum instar. Quod interpreta-
men-

mentum suadet confimilis locus *Ciceronis* in *Hortensio* apud *Nonium* XII, 13, *Ut hi, qui combibi purpuram volunt, sufficiunt prius lanam medicamentis quibusdam: sic litteris talibusque doctrinis antè excoli animos, & ad sapientiam concipiendam imbui & præparari decet.*

Ibid.

In primo περί ἀξιωμαίων] Falluntur, qui ἀξιώματα hic accipiunt pro regulis communibus. Vide *Muretum* Var. Lect. Lib. VI, Cap. 2, p. m. 978. 'Αξιώματα hic sunt, quas in Scholis hodie *Propositiones* vocant, *Cicero* Lib: de *Fato* Cap. I. *enuntiationes*. Ceterum primus in Græcia περί ἀξιωμαίων scripsit *Clinomachus Thurius*, teste *Laërtio* Lib: II, §. 112; quem postea sequutus est *Chrysippus*, apud eundem Lib. VII, §. 190, p. 482, atque ex Latinis *L. Ælius Stilo*, cujus *commentarium de Proloquiis* noster l. c. allegat. *Taceo* de *Arcefilao*, qui ἀξιωματικώτατος (nova gradu exsuperante, cui in *H. Stephani Theauro* L. Gr. locus datur) dicitur apud laudatum *Laërtium* L. IV, §. 33, p. 247.

Ibid. p. 727.

In illis dialecticæ gyris - -] Simile est monitum *Senecæ* *Epist. CXI. Hoc habent Sophismata in se pessimum; dulcedinem quamdam sui faciunt, & animum specie sublimitatis in ductum tenent ac remorantur.*

Ibid.

Ibid.

[*Apud Sirenios scopulos*] Gellius procul dubio scripsit *Sirenæos*, a Græco Σειρηναίος. Sic *Ammianus Marc. L. XXIX*, p. m. 420 *scopulos Sirenæos* dicit, uti jam olim monere me memini in *Supplemento L. Lat.* pag. 321.

CAP. X. p. 733.

[*Quod ab eo genere celebratus auctusque erat,*] *auctus*, sc. honoribus. Locus *Sallustii* exstat in *B. Jug. Cap. LXXXVI*, n. 3, ubi vide *Cortium* pag. 812 suæ editionis, sane præstantissimæ. Alius forte *auctum* interpretetur *procreatum*; nec repugno. Sed enim quum Codicum nonnulli *Sallustiani* habent *auctus*, suspicatus aliquando fui, auctorem scripsisse, *altusque*; sicuti apud *S. Aurelium Victorem* in vita *Constantini de Licinio* me legere memini, pag. m. 633, *Rusticantibus*, quia ab eo genere ortus *altusque erat*, satis utilis. Sed nihil muto.

CAP. XII. p. 734.

[*Cloatius Verus*] Vide sis quæ de hoc Grammatico diximus in *Memoriis Obscuris Part. I*, p. 41 sq.

CAP. XIII, p. 738.

[*Per innotitiam*] Sive, quod alii volunt,
ig-

ignotitiam; quam lectionem mihi confirmat antiquissimus Codex *Vitravii*, in quo sic legitur Lib: III. in Præfatione: *Nec tamen est admirandum, si propter ignotitiam artis virtutes obscurantur.* Ubi alii pessimè hætenus ediderunt, *ignorantiam*.

CAP. XIV, p. 739.

Isti ignaviores] *Lipsius* novum hic vocabulum nobis fingit, *ignaviones*; quod cum *Gellio* tanquam vero auctori in *Lexico Fabro-Celsariano* tribui video, commonefaciendum lectorem esse putavi.

CAP. XV. p. 739.

Perdices bina corda - -] Idem *Athenæus* item ex *Theophrasto* tradit Lib: IX, Cap. X, p. m. 390. Atque ex hoc procul dubio *Plinius* Lib: XI, Cap. 37, p. m. 565 pariter refert, in *Papblagonia* bina perdicebus corda esse.

CAP. XVI. *ibid.*

Pedes primi exstiterant,] *Trillerus* meus legendum putat, *exierant*. Ita enim (inquit) Latini est Græci loquuntur. Vid. *Hippocrati* de Nat. Pueri IV & XLI, it. de Exsect. Foet. & alibi, ubi verbo *ἐξέρχεται* utitur. Sed & *Hebræi*, ubi de Partu sermo, verbum *ex*, *exiit*, usurpant. V. Grot. ad Mich. PARS III. X V.

V, 2, p. 527 T. I. Opp. Theol. Idem mox legit; *ab ægritudine ex pedibus*, pro vulgato, *et pedibus*.

Ibid. p. 740.

Duabus Carmentibus] Hinc *ara Carmentalis* apud *Servium* ad VIII. *Æncid.* vs. 337, & *Carmentalia* apud *Varronem* L. V, c. 3, atque alios.

CAP. XVII, p. 741.

Ajus deus] *Lexicon Fabro-Cellarianum* pravè hunc *Ajum* exponit *deum Romanorum*, *penes quem statuebant humane vocis initia*. Sed auctor hujus erroris non *Gellium*, non *Ciceronem* Lib: II. de *Divinat.* Cap. 32, non *Livium* V, 50 & 52, nec denique *Plutarchum* in *vita Camilli* p. 144, inspexisse videtur. Atque vero quod *Ajus* hodie apud *Gellium* legitur, id *Clarissimo Phil. Beroaldo* debemus, qui primus sic restituit, cum antea legeretur *Arius*. Vid. *Gruteri Thesaur. Crit.* T. I. p. 226.

Ibid.

Vaticanus deus] Quam lectionem nuper mutandam censuit vir *Clar. Paul. Cbrist. Hilscherus* in *Miscellaneis* Lipsf. T. VII, Observat. CXLVI. p. 34, atque revocandam veterem, quam *Lud. Vives* ex *Augustino* sustulit, *Vagitanus*; aliter profecto sensurus, si vel *levi-*
ter

ter perpendisset initium capitis Gelliani, quod hujusmodi est, *Et agrum Vaticanum, & ejusdem agri deum praesidem* — De hoc *agrum Vaticano* Noster porro meminit XIX, 7. Confer *Festum*, & ex recentioribus *Barthol. Marliani* in Topogr. U. R. Lib: V, Cap, XXI, p. m. 153 sq.

CAP. XVIII. p. 743.

Quae in aqua conspiciuntur, - -] Rationem reddit *Seneca* Qv. Nat. Lib: I, Cap. 6, *quia acies nostra in humido labitur, nec apprehendere quod vult, fideliter potest.* Adde exempla, quae Idem ib. petit ex litteris minutis, quae per vitream pilam aqua plenam majores clarioresque cernuntur: item ex pomis, quae formosiora, quam sint, videntur, si innatant vitro: nec non ex sideribus, quae ampliora per nubem aspicienti videntur.

CAP. XIX. p. 744.

Cobibili oratione] i, e, *pressa*; Incertus quispiam auctor in *Lexico Fabro-Cellariano* legere suadet, *Coibili*, in V. *Cobibilis*, imo sub *Coëo* hoc idem vocabulum, *Coibilis*, uti & *Incoibilis*, ibidem pro Gellianis venditari video. Sed caveant sibi creduli, cum nihil hujusmodi in Gelliano quoquam codice reperitur. Adde quod *Cobibilis* interpretationem multò commodiorem, quam *Coibilis*, capit.

Ibid.

Amicum amatumque habuit] Sic *Ælianus* Lib: I. Hist. Var. Cap. 30, princ. Πτολεμαῖος ἐρώμενον ἔειχε Γαλέτην. Sensu minus itidem pudico.

Ibid.

Arione - -] De hoc *Arione* Vid. *Suid.* p. m. 132, *Hygin:* Fab. 194, *Clem. Alexandrin.* pag. 2. edit. Potter. *Solin.* Polyh. c. 7, *Ælian.* de Animal. II, 6, VI, 15, & XII, 45. Omnium vero jucundissimus lectu est *Celeb.* *Huetius*, qui in *Demonstratione Evang.* Proposit. IV, p. m. 497, *Arionis* fabulam, ut vocat, ex historia *Jonæ* detortam esse sibi persuadet, quia in nomine *Arionis* vestigia extant nominis *Jonæ*: quod, sicuti hic in mari Deum oravit & Psalmum dixit, sic ille cantu delphinem delinisse fertur. — &c. De aliis *Arionibus*, uti *Pythagoreo* illo apud *Valerium Max.* VIII, 7, ext. 3, & *Rhetore* altero apud *Theonem*, Vid. *Fabrii* Biblioth. Græc. Lib: II, Cap. XV, p. 574.

Ibid. p. 745.

Carmen, quod *Ortbium* dicitur,] *Carmen Ortbium* alii aliter interpretantur. Vide *Hartungum* T. II. Thef. Crit. Gruter. p. 735. Conf. *Plutarch.* de Musica p. m. 1140. Mihi *Carmen* hoc *Ortbium* dictum videtur a *Diana Or-*

Ortbia, cujus numen in Taurica regione humano sanguine placabatur, (V. *Serv.* ad Libr. II. *Æneid.* vs. 116 & *Pausan.* L. III, p. m. 192 sq.) id est, lugubre. Ceterum de *Diana*, cur *Ortbia* cognominata sit, docebunt Clarissimi mei *Jo. Grammii* Antiquitates Xenophontæ p. 24 sq. Conf. *Dacerii* *Remarques sur les vies de Plutarque*, p. 89.

Ibid. p. 746.

Simulacra duo aenea] de quibus post *Herodotum* meminerunt *Pausanias* Lib. III, p. 212, & præcipuè *Ælianus* L. XIII. de Animal. Cap. 45.

* * *

LIB. XVII. CAP. I.

p. 746.

Monstra hominum, qui de diis -] Auctor forte intelligit ex Græcis *Prodicum*, *Protagoram*, *Diagoram*, *Theodorum Cyrenaicum*, aut *Eubemerum*, qui ad eos cognominatus fuit, & γέρον ἀλαζών, ἀδίκᾳ βιβλία ψύχων, *Senex superbus, impios vomens libros*, dicitur *Callimacho* apud *Plutarchum* de Plac. Philos. I, 7, nec non *S. Empiricum* Lib. IX, §. 57, p. m. 561, aut denique *Epicureos*, qui providentiam divinam impugnarunt.

X 3.

Ibid.

Ibid.

Ciceromastix] Sunt & alii *Ciceromastiges*, *Cestius Rhetor*, *Didymus* & *Dio Cassius*, de quibus Vid. *Fabricii Biblioth.* Lat. Vol. II, p. 165 sq. De *Gallo Asinio* & *Largio Licinio* jam diximus In *Memoriis nostris Obscuris* P. I, p. 22 sq. & p. 73.

CAP. II. p. 752.

Veteres complusculè] Retineo; *complusculi*, quod antiquissimæ editiones mihi tradunt. Attendat *Lexicon Fabro-Cellarianum*.

Ibid.

Optimum quemquam] *Nonius* Cap. II, n. 243, ubi hæc postrema adfert, legit, *optimum quemque*.

CAP. V. p. 759.

Apodixin] Pariter hanc vocem Latinè effert *Quintilianus* Lib: V, Cap. 10. p. m. 397, edit. *Burm.*

CAP. VI. p. 760.

Servus receptitius] Quem *servum dotalem* vocat *Plautus Asinar.* I, 1, 72. Talis fuit *Remmius Palemon*, mulieris verna, apud *Suet-*
ta-

tonium de Ill. Gr. Cap. 23, & *Telephus* apud eundem in Augusto Cap. 19.

CAP. VII, p. 762.

Æterna Auctoritas] Confimile est illud ex XII *Tabulis* apud *Ciceronem* Lib: I, de Offic. Cap. XIII, ADVERSUS HOSTEM ÆTERNA AUCTORITAS, i, e, *peregrinum*.

CAP. IX, p. 768.

In Vetere historia rerum Pœnicarum] Repetere hic superfedemus, quæ jam antè diximus in *Memoriis Obscuris* P. III, p. 197, 198.

Ibid.

Sive ille Hasdrubal - -] Sed neque *Æneas*, qui ejusdem artificii meminit in *Poliorcetico* Cap. XXXI, p. m. 473, auctorem nominat.

Ibid. p. 769.

Oculos egros habenti capillum - -] De inveterato hoc remedio adversus inflammationem oculorum & φθαισιν, quam Græci vocant, *Cornelius Celsus* scribit Lib: VI, Cap. 6, §. 8. & 15, qui *caput ad cutem tonderi* præcipit, —

CAP. X, p. 771.

Petivit oravitque a suis - -] in testamento, ut opinor. Audi *Plinium* L. VII. H. Nat. Cap. 30, *Divus Augustus carmina Virgilii cremari contra testamenti ejus vorecundiam vetuit*, — audi porro *Servium* ad principium *Æneidos* p. m. 304, *Æneida moriens Virgilius præcepit incendi. Augustus vero, ne tantum opus periret, Tuccam & Varum hac lege jussit emendare, ut superflua demerent, nihil adderent tamen* — Conf. *Macrob.* Lib: I, Sat. Cap. 24.

CAP. XI. p. 778.

Pulmoni quoque fovendo] Lege melius (inquit *Trillerus* meus) movendo; ad motum enim humiditas aptior, quam ad fotum, & res ipsa docet.

CAP. XII, p. 779.

Thersitæ laudes quæsit Favorinus] Post *Favorinum* *Ἐνχώμιον Thersitæ* scripsit *Libanius* Sophista. Atque illas quidem *Thersitæ* laudes tacite reprehendere mihi videtur *Junius Tiberianus* apud *Vopiscum* in *Aureliano* Cap. I. Ergo *Thersiten*, *Sinonem*, ceteraque illa prodigia vetustatis, & nos bene scimus, & posterius frequentabunt? *Divum Aurelianum*, clarissimum Principem, — posterius nescient? *Deus avertat hanc amentiam!*

Ibid.

Ibid.

Febrim quartis diebus recurrentem laudavit Favorimus,] Nam *Quartana* neminem jugulat, ut ait *Celsus* L. III, Cap. 15 sub fin. imo valetudinem corroborat, unde *Juvenalis* Sat. IV, vs. 57.

— *Jam quartanam sperantibus aegris:*

Ubi interpretes errare mihi videntur, qui *καταχρησιν* affingunt verbo *sperantibus*, idque exponunt, *timentibus*.

CAP. XIV, p. 781.

Feras, non culpes, quod vitari non potest.] Quam sententiam *Seneca* sic imitatur Epist. CVII, p. m. 475, *Quaecunque fiunt, debuisse fieri putet animus noster: nec velit objurgare naturam. Optimum est pati, quod emendare non possis.*

Ibid.

Frugalitas inserta est rumoris boni] Mirè hic variant & Codices & Critici. Ego vero retineo scripturam *Macrobii*, quæ in antiquissimis editionibus servatur, Lib: II. Saturn. Cap. 7. *Frugalitas miseria est rumoris boni:* hoc est, Frugalitatem bonus quidem rumor, sive, fama secunda sequitur, sed miseria, sive, vita miseriis plena; sicuti *probitas* laudatur & alget.

X 5

Ibid.

Ibid.

Nunquam periculum sine periculo vincitur.]
 Cui sententiæ accedit *Silius* apud *Tacitum*
Annal. XI, 26, 1, imminentium periculorum
remedium ipsa pericula ratus.

CAP. XV, p. 783.

In insula Anticyra] Pausanias Phoc. Cap.
36, hoc tribuit Anticyræ Phocensium, ad
Crissæum finum positæ: Strabo Lib: IX, p.
288, Maliacæ, ad finum sitæ Maliacum jux-
ta montem Oetam. Plinius Lib: XXV, Cap.
5, juxta cum Gellio insulam dicit Anticyram,
quod verius de peninsula videtur explican-
dum. Vid. Cellarii, Viri Clarissimi, Dissert.
Academ. XII, Cap. V, extr. p. 263.

CAP. XVII. p. 784.

Loqui Græcè, & Oscè - -] Oſca lingua est
vetustissima Campana, cujus hæc vocabula ex
antiquis lectionibus notavi. Casnar, (senex;
apud Varronem de L. Lat. VI. 3) Dalivus,
(insanus) Famel, (famulus) Mæsius, (Majus
mensis) Mamercus, (prænomen Oscum) Ma-
mers, (Mars) Meddix, (nomen Magistratus,
quo Ennius utitur, linguæ scilicet Oscæ gna-
rus, summus ibi capitur meddix, occiditur al-
ter.) Pipatio, (clamor plorantis) Pitpit,
(quidquid) Sollo, (quod Romani totum di-
cunt)

cunt) *Veja*, (Plaustrum) *Ungulus*, (Annulus)
de quibus singulis vide *Festum*.

Ibid. p. 785.

Viris haud unquam per interpretem colloquutus est]. Vetusissimæ. quas ego vidi, editiones habent, *loquutus est*, quod clam esse nolo. Atque ita loquuti sunt veteres cum dandi casu. Vid. *Plaut. Mil. Glor. II, 5, 66, Trin. II, 2, 77, & Menæchm. V, 9, 7*.

CAP. XVIII, p. 785.

C. Sallustium - - in adulterio deprehensum,] Scilicet turpissimæ corporis parti nimium quantum deditus erat *Sallustius*: unde *Lactantius II, 12, 12, — Quod quidem non fugit hominem nequam Sallustium, qui ait*: sed omnis nostra vis in animo & corpore sita est. Animi imperio, corporis servitio magis utimur. *Rectè, si ita vixisset, ut locutus est. Servivit enim fœdissimis voluptatibus, - - Adde quod Lenaus hunc lascivum & luronem & nebulonem appellat apud Suetonium de Illustr. Gr. Cap. XV.*

* * *

LIB.

LIB. XVIII. CAP. I.

p. 802.

Æstate anni novi] Lego cum Salmasio;
Æstate anni nova. Addo rationem ex
Isidoro Lib: V. Orig. Cap. 35, *Æstas in suis*
tribus mensibus dicitur *Nova, Adulta & Præ-*
ceps: item Hiems nova, Adulta & Præceps,
sive extrema. Quæ verba *Isidorus* descripsisse
 mihi videtur ex *Servio* ad *Virgilii Georg. I,*
 vs. 43, p. m. 110, quò lectorem delego.

CAP. II. p. 807.

Quod ego sum, id tu non es] Conf. Cap.
 XIII. Hanc captiunculam in Scholis vocant
Elenchum accidentis, cum quid in quale mutatur.

Ibid.

Postea questio ista hæc fuit] lego *isthæc,*
 consentientibus editionibus nonnullis anti-
 quissimis.

Ibid. p. 808.

Hesiodus - - - dimidium plus esse toto dicit.]
 Locus *Hesiodi* exstat *Egy. καὶ Ημῖς.* vs. 37
 sq. Ubi poëta cum quadam indignatione *Re-*
ges deridet, qui, cum *justitiæ vim* ignorent,
 de causa tamen fratris & sua volunt *judicare.*
 Qui

Qui enim nescit, dimidium quo pacto plus totò sit, is Justitiam nescit, quæ in eo versatur, ut omnibus det κατὰ ἀξίαν. Hesiodum imitari videtur *Pittacus* apud *Laërtium* Lib: I, §. 75, p. m. 47, qui agri a Mitylenæis sibi traditi partem abscidisse dicitur, atque dixisse, Τὸ ἡμῖν τὴ παντὸς πλεῖον εἶναι; quod & *Plutarchus* refert de Aud. Poët. p. m. 36. Atque hinc, ut opinor, natus est jocus *M. Tullii Ciceronis*, qui, cum in ea provincia, quamque Cicero frater rexerat, vidisset clypeatam imaginem ejus ingentibus lineamentis usque ad pectus ex more pictam, (erat autem *Quintus* staturæ exiguæ) dixit, *Frater meus dimidius major est quam totus*, Vide *Macrobium* Sat. II, 3.

CAP. IV. p. 810.

— *Diffimulationis, qua Socrates ad Sophistas utebatur.*] Sic sermo *Favorini* cum grammatico jactantiore in Socraticum modum factus dicitur IV, 1, lemm. Nimirum Socrates ignorantiam quandam præ se ferebat, atque ita illusas dimittere solebat Sophistarum argutias: unde *Cicero* Lib: I. de Offic. c. 38, *De Græcis*, inquit, duleem & facetum, festivique sermonis, atque in omni oratione diffimatorem, quem ἱστωρ Græci nominaverunt, Socratem accepimus. Ubi Jac: *Facciolatus* (pag. 80 editionis suæ Patavinæ A. MDCCXX.) aliique legunt *simulatorem*; contra quam *Gellius* loc.

PARS III.

Y

cit

cit. suadet, aut ipse etiam Cicero de eodem Socrate Lib. IV. Acad. Quæst. Cap. 5. *Socrates de se ipse detrahens in disputatione, plus tribuebat iis, quos volebat refellere; ita cum aliud diceret atque sentiret, libenter uti solitus est ea dissimulatione, quam Græci *ιαυλας* vocant.* Huc referri potest lepida illa dissimulatio, quâ Socrates factum Alcibiadis eludit apud *Ælianum* Lib. III. H. Var. Cap. 28.

CAP. VI, p. 815.

Summi quidem, loci inter Grammaticos & temporis,] lego, id temporis. Sic enim Noster itidem loquitur Lib: I, c. 23 & II, 29, VII, 1, XII, 1, XIII, 11 & 17.

CAP. VII. p. 816.

*Domitio - -] de hoc Grammatico jam dixi in *Memoriis Obscuris* Part. II, p, 143.*

Ibid. p. 818.

*Quæ *μυαγχολία* dicitur, non parvis nec abjectis ingeniis - - -] Didicisse hoc Favorinus videtur ex *Aristotele*, quem vide sis Problem. sect XXX, Cap. 13.*

Ibid. p. 819.

Concionem esse dictam pro verbis & oratione]

ne] Differunt *Orationes* & *Conciones*, quas Noster conjungendo disjungit Lib: IX, c. 3. Nimirum, hæ angustiores sunt, ut *Alexandri* & aliorum apud *Curtium*, *Catiline* apud *Sallustium*, - - - illæ augustiores, & ad forum vel senatum compositæ. Cujus discriminis auctor mihi est *Plinius Junior* I, 16, 4. In concionibus eadem, quæ in Orationibus, vis est: pressior tamen, & circumscriptior & adductior.

CAP. VIII. p. 819.

Qui se *Isocratio* videri volunt,] i, e, imitatores, sectatores *Isocratis*, cujusmodi fuerunt *Hyperides*, *Isæus*, *Xenophon*, *Theopompus*, *Naucratus*, *Ephorus*, *Theodectes*, *Astydamas*, alii. *Isocrates* autem schemata λέξεις nimis anxie quæsit, ut *Demosthenes* διαποιέας. Vide *Quintilianum* Lib: XI, Cap. 4, & *Ciceronem* in *Oratore* Cap. 52, 61.

CAP. IX, p. 821.

Velio Longo] Hunc *Grammaticum* Jo. Bapt. Pius Annot. Poster. Cap. IV, p. m. 396. perperam vocat *Verrium Longum*.

CAP. X. p. 824.

Ἀπρὸς ἄνθρωπον,] Mihi (verba sunt *Trilleri* mei) magis placet vulgare, ἀδιαιρέτος; pul-
Y 2 sus

sus enim revera est indissolubilis expansio & contractio arteriæ & cordis; quia sanguis ille floridus & spirituosus indefinenter ex corde in arteriam magnam propellitur, ut notum. Nec *Galenus*, nec *Auctor Definit. Medicar.* nec *Nemesius*, nec alii pulsum secus definierunt.

CAP. XI, p. 825.

Purpurat - -] Hinc (inquit *Trillerus* meus) κύμα πορφύρεον sæpe apud *Homerum*, h, c, *fluctus nitidus, splendidus*, Vox enim *purpura* & *purpureum*, non semper pro illo eximie rubente colore, sed etiam quandoque pro nitore illo, qui in optimis coloribus efflorescit, sumitur. Vid. *Tan. Fabri* Epist. Crit. I, Lib: I, in primis *Barth. Advers.* Lib: XX, c. 2, p. 1018, & Lib: XXXVI, Cap. 23, pag. 1673, & *Bochart.* in *Hierozoic.* P. II. L. V. c. 7, p. 694. Nos quoque alio tempore ad doctum quemdam amicum integram Epistolam de hac phrasi conscripsimus.

CAP. XIII, p. 829.

Nummo singulo multabatur,] Aliam multam quæstionis non solutiæ apud Græcos refert *Athenæus* Lib: X, Cap. XII, p. m. 458. Οἱ μὴ λύσαντες τὸν προτεθέντα, γέρον ἐπὶ τὸν ἄλμην παραμισγομένην τῷ αὐτῶν, ποτῶ καὶ ἴδει προτείνεσθαι τὸ ποτήριον ἀπνευσί - - - *Propositum*

tum griphum non dissolventes, muriam bibebant, admixtam suæ potioni, ea lege, ut absque respiratione calicem ebiberent; imo, ut auctor est Antiphanes ibidem, *reductis in tergum manibus*.

* * *

LIB. XIX. CAP. I.

p. 831.

C*Assiopa*] ita omnino legendum esse suadet *Strabo* Lib: VII, p. m. 499, de *Κασσίωπῃ*, αἴφ' ἑ ἐπὶ βρεντίσιον χίλιοι ἑκτακόσιοι σάδιοι. Conf. *Cicer.* ad Famil. XVI, 9.

Ibid. p. 833.

Brundisium adventaremus] Suspiciatus quondam fueram, *Gellium* scripsisse, *adverteremus*; sicuti XVI, 6, princ. *Redeuntēs Græcia Brundisium navem advertimus*. Postea nihil mutandum censui. Nam *Donatus* pariter in vita *Virgilii*, *tandem*, inquit, *Brundisium adventarit*.

CAP. II, p. 836.

Τὴν συνίσταν εἶναι μικρὰν ἐπιληψίαν.] Haud dissimiliter *M. Antoninus Philosophus* Lib: VI, §. 13, p. m. 48, τὴν συνίσταν definit, ἐν τερσὶ παράτριψιν καὶ μετὰ τινος σπασμῶ μυχαρῶ
Y 3

ἰσχυρίαν, intestini frictionem, & cum convulsione quadam muci excretionem. Ubi vide Gatakerum p. 225. Nimirum Veneris usu spiritus & nervi corporis conturbantur & concutiuntur.

CAP. VII. p. 840.

Julius Paulus] de quo vide sis *Memorias nostras Obscuras* P. I, p. 71.

Ibid. p. 841.

Julius Celsinus] de quo dixi in *Memoriis Obscuris* P. II, p. 138.

Ibid.

Levii Alcestin] minimè *Nævii*, quem auctorem credit *Scaliger* ad *Varronem* p. 114, & cum eo *Fabricius* *Biblioth. Græc. Lib: II, Cap. XVIII, p. 644*, nec non *Reimannus* in *Historia Vocab. L. Lat. p. 12. Alcestis* Tragedia facta est ad exemplum *Euripidæ*, quæ inscribitur *Ἀλκήσις*. Eamdemque & fabulam & inscriptionem imitati sunt, præter *Levium*, *L. Accius* & *Q. Ennius*.

Ibid.

Quis tam filiceo?] i, e, filiceus, ferreus? Quam vocem sibi notet *Lexicon Fabro-Cellarianum*.
CAP.

CAP. VIII. p. 844.

Amicitiam atque inimicitiam in fronte promtam gero.] Quem poëtae Ennii versum spectare mihi videtur *Apulejus* Apolog. p. m. 196, *Ego nihil clanculo, sed omnia in propatulo ago, ac quivis vel extrarius arbiter assistat, more hoc & instituto magistrorum majorum, qui ajunt, hominem liberum & magnificum debere in primori fronte animum gestare.*

CAP. IX. p. 846.

Antonius Julianus] de quo dixi in *Memo-riis Obscuris* P. II, p. 132 sq.

CAP. X. p. 851.

Speciemque Veris] Mirè hic variant Codices, nimium hic se torquent Critici. Lege, *Veteres*, sc. *balnei*; tum quod Codex minor Lugdunensis habere fertur *Veneris*, tum quod credibile est, fabros ædium Cornelio & *Veteres* & *Novas* balnearum species ostendisse, uti alibi me monere memini.

Ibid. p. 853.

Præter propter vita vivitur.] Nescio an huc trahi possit *Ἰπὸς ἰσχυροῦς* *Diogenis* apud *Ælium* Lib: III. H. V. Cap. 29.

CAP.

CAP. XI, p. 854.


Dulcemque florem - -] Lege mecum (suadet *Trillerus* meus) *rorem*; quod melius. Ita enim *Ovidius* & *Tibullus* loquuntur. Ibid. pro, *itineri*, *Meursius* ad *Macrob.* Sat. II, 2, p. 227 mavult, *itiner*, ἀρχαῖος.

CAP. XII. p. 856.

Vino Constitutum] Malim equidem, *Constitutum*, quod antiquiores editiones tradunt. Ita enim rei rusticæ scriptores passim loqui video.

Ibid.

Falcem - -] Cujus figura describitur apud *Columellam* Lib: IV, Cap. 5, atque ab editione *Gryphiana* sic repræsentatur p. 165.



a Capulus. c Sinus. e Rostrum.
b Culter. d Scalprum. f Securis.

CAP. XIII, p. 858.

Festus Postumius] de quo dixi in *Memoriis Obscuris* P. II, p. 146.

* * *

LIB.

LIB. XX. CAP. I.

p. 860.

I *Illos decem libros Platonis de Legibus]* Lege, duodecim, totidem enim sunt.

Ibid. p. 863.

SI. MEMBRUM. RUPIT.] *Festus* in v. *Talionis* legit, **RAPSERIT.** Sed *Cato*, qui eandem XII Tabularum legem designare videtur, in Quarto Originum, *Rupit*, juxta cum *Gellio* scribit apud *Priscianum* Lib: VI, p. m. 196. *Si quis membrum rupit, aut os fregit, talione proximus cognatus ulciscitur.*

Ibid. p. 864.

Brevissimo Laniatu] *Salmasius* mavult *ferissimo*; alii *sevissimo*, uti *Cornelius van Bynkershoek* Lib: I, Obs. Jur. Rom. Cap. I. pag. m. 7. & post cum *Heumannus* Tom. I, Lib: I. Pœcil. Epist. X. p. 83. Retine vulgatum, *brevissimo*; nam sectio corporis debitoris in brevissimas sive exiguas partes, earumque inter plures creditores divisio significatur.

Ibid. p. 869.

Ad tantæ amplitudinis instar] Quem locum sane opportunum nemo eorum animadvertit,
PARS III. **Z** **qui**

qui *Servium*, negantem *τὸ ἰνσῆρ* cum præpositione componi, reprehenderunt, *Freinsheimius*, *Vossius*, alii. Significat autem *ἰνσῆρ* inibi *formam*. Vid. *Bangii* Observat. Philol. p. 806 sq.

Ibid. p. 873.

Qui falsum testimonium dixisse convictus esset -] Posterioribus quoque seculis capitalis fuit apud Romanos *ψευδομαρτυρία*. Vide *Julium Paulum* Recept. Sent. Lib: V, Tit. XXV, §. 2. Neque vero in castris impunitum fuit hoc flagitium, teste *Polybius* Hist. L. VI, Cap. 35, p. m. 670, *Ἐυσελοκομίσῃται ὁ μαρτυρήσας ψευδῆ*, *Fusse percutitur, qui falsum testimonium dixit*.

CAP. II. p. 874.

Siticines] Errat *Lexicon Fabro-Cellarianum*, quum docet, *Gellium Sicinnistas* ex *Accio* eosdem facere, quos antiqui *Siticines* dixerant. Non ita profecto rudis est *Noctium Atticarum* scriptor.

CAP. III, p. 875.

Sicinnistas] De his jam affatim disseruisse audio *Reinesium*, *Vossium*, *Scaligerum*, alios; quorum nescio an quisquam observarit locum *Isidori* Lib. VI, Orig. Cap. XIX, p. m. 970, *Chorus est multitudo in sacris collectus*, — Cum autem unus canit, *Græcè* Monodia, *Latine* *fici-*
nium

nium dicitur: cum vero duo canunt, bicinium appellatur. Ex quo discas, a profanis gentilium factis ad ecclesiam Veterem Latinam tractum esse vocabulum *Sicini*, quod in Musica hodie Solo vocatur.

CAP. V, p. 877.

Τὸς ἀπροατινὲς - .] *Plutarchus*, qui hanc ipsam Alexandri epistolam refert in vita ipsius p. 668, ἀπροαματινὲς legit.

Ibid. p. 878.

Cognobillorem] Fallitur *Jac. Mosantus Briosius*, qui hoc vocabulum inter singularia Gelliana notat, quum *Catonis* istud esse nemo non videt. Fallitur itidem *Lexicon Fabro-Cellarianum*, in quo *Cognobile* exponitur, quod bene cognosci potest, pro eo, quod a pluribus scitur, uti Græcum ἔγνωτοῖς ibid. indicat.

CAP. VIII, p. 881.

Ælurorum quoque oculi] ita primus emendavit *Phil. Beroaldus*, (vid. *Gruter. Thes. Crit. T. I.*, p. 227) cum antea legeretur, *Elivorum oculi*; quod interpretes indicare superfederunt. Quod autem *Annianus* tradidit de oculis *Alurorum*, qui ad vices lune aut ampliores fiunt, aut minores, id procul dubio hausit ex *Plutarchi* Commentario de *Iside* & *Osiride* p. m. 376.

Z 2

Ibid.

Ibid.

Pelusiota: capre non edunt.] Conf. *Sext. Empiric.* L. III, Cap. 24, §. 224. p. m. 184. *Minuc. Felix* in Octavio XXVIII, 10, p. m. 109. & *Juvenal.* Sat. XV, 9.

Ibid.

Luce aucta atque damna] Sic constanter veteres, præter Codicem Regium, in quo legi traditur, *augmenta*. Goldastus suspicatus fuit *lucra*, *Gronovius* in judicatam lectionem relinquit. Ego receptam retineo, fretus testimonio quodam *Festii*: Auctum vocabatur spatium circi, quod supra definitum modum victoriæ adjungitur.

CAP. X. p. 885.

Vim illam civilem & festucariam] *Lexicon Fabro-Cellarianum* vim festucariam exponit, quæ fit de festuca & re parvi momenti; Sed inscitè, quam festucaria a festuca, virgula prætoria, dicitur. Vide *Jac. Revardum* de Prisco Jure Vindic. Cap. 6, cum primis vero *Heineccium* Ant. Rom. Jurispr. L. IV, Tit. VI, §. 24, p. m. 229.

CAP. XI, p. 886.

P. Lavinii - -] De quo dixi in *Memoriis Obscuris* Part. I, p. 74.

F I N I S.

~~124-2644~~

116

H

56.



